



5.9.586

5.9.586

XXXX

7-11-11
ex LIPSIO



FACIS HISTORICÆ
COMPENDIUM

Ex Justi Lipsii Operibus summo
studio concinnatum

P E R

JOANNEM THUILIUM

MARIÆMONTANUM TIROLENSEM

*Humaniorum litterarum olim in gymnasio
Patauino Professore.*




V E N E T I I S

APUD SIMONEM OCCHI

Superior. Permissu ac Privileg.

M D C C X L I.



LECTORI
TYPOGRAPHUS VENETUS.

QUod opusculum nova meorum
typorum foetura in lucem emit-
to, hoc, si audacissimus homo
essem, qui vellem emptoribus
fucum facere, tibi pro novo jactare fa-
cile poteram. Neque enim verendum
fuisset, ne quis dolum deprehenderet,
cum libellus, plusquam centum abhinc
annis in Italia vulgatus; in oblivionem
abierit, ac situ, ac tineis absumendus
in paucorum scriniis lateret. Verum non
is ego sum, qui emptores libris meis con-
ciliare mendacio velim. Idem hoc illud
est, quod anno MDCXXIX. Patavii
prodiit ex typographia Joannis Thui-
lii ita inscriptum: *Facis historica Com-
pendium ex Justii Lipsii Operibus summo
studio concinnatum. Opusculum ad Hi-
storicorum, Politicorum, & veterum Scri-
ptorum intellectum mira brevitatem, & de-
steritate conducens. Olim in Germania
impressum per Anastasium a Valle Quie-
tis. Nunc vero meliori ordini restitutum,
emendatum, maxima parte auctum, &
primum in Italia editum a Constantio a
Monte Laboris. Hoc ideo non novitas,
sed tibi longa ætas commendet. At in-
quies, quid bonæ frugis ab opere speran-
dum, cujus memoria obliterari, quod
ita ab eruditis negligi potuit, ut deper-*
di,

di, & deperire necesse fuerit? Compendium hoc magnorum Operum Iusti Lipsii in adolescentum gratiam, eorumque, qui philologiam e limine primo salutant, ex ipso Compendii nomine facile intelligis. Qui enim jam Musarum penetralia ingrediuntur, ii non compendiis, sed iustis clarorum authorum operibus oblectantur. Quot autem id genus libelli adolescentibus Romanæ eruditionis candidatis propositi sunt, nostra, patrumque, atque avorum nostrorum memoria? Hinc factum est, ut dum nova veteribus succedunt, excuti hæc ex eorum manibus necesse sit. Verum recentiora omnia excutiet e manibus vetus hoc opusculum, quod nunc opera mea ex oblivionis tenebris vindicatur, quandoquidem libellus iste, absit invidia verbo, tantum cæteris deducendæ ad philologiam juventuri conscriptis libellis præstat, quantum ingentia Lipsii volumina illos mole excedunt, atque ipse Lipsius majorum sane gentium philologus minutulos quosdam philologos antecellit. Sed de hujus Compendii præstantia, ac utilitate plura præfari non vacat, cum ex ipsius auctoris epistola nuncupatoria, ac præfatione ad Lectorem, Patavinæ editioni præfixis, quibus fraudari te nolui, satis doceri possis. Aliqua potius de varia auctoris, atque ipsius opusculi fortuna juvat delibare.

Ana-

Anastafius a Valle Quietis, & *Constantius a Monte Laboris* unus, atque idem est *Joannes Thuilius*, humaniorum literarum in Patavino gymnasio professor. Quamquam enim in hoc opusculo videtur latere sub iis nominibus voluisse ob eam causam, quam epistola dedicatoria suis Germanis significat; ipse tamen se prodit in prima ejusdem epistolæ salutatione. Hic in comitatu Tirolensi, humili pago, cui ab insigni monasterio Sanctæ Mariæ dicato, ac in altissimi montis cacumine sito, nomen est, pastore patre genitus, pueritiam agendo gregi ad decimumquartum usque ætatis suæ annum duxit. Tum litterarum addiscendarum desiderio e paterna casa aufugiens, cum Oenipontum se contulisset, misere, & ex amicorum misericordia victitans, totum se litteris dedit, ac a primis grammaticæ rudimentis exorsus, rhetoricis, & philosophiæ curriculum brevi septennio est emensus, vixque animum ad medicinæ studium applicuerat, cum Humanitatis cathedram in Friburgentium Academia sponte ipsi oblatam consecutus est. Sed temporum calamitatibus alio abreptus, & scholam dimittere coactus, per annum, ac tres menses in castris militem gessit. Ad Musas, cum primum potuit, revertens, peregrinationibus per varias provincias susceptis, Patavii

tandem substitit, sorte sua ob instaurata illic studia contentus, nisi continuo triennio lectulo affixus ex morbo jacuisset. Hæc ipsius Thuilii verbis ex ea, quam habuit, cum primum ad tradendas publice politiores litteras aggressus est, oratione, fusius refert Tomasinus in Elogiis, qui deinde addit, eum, cum parum res ipsi Patavii procederent, Venetias commigrasse, ubi emendandis operarum erroribus apud typographos nostros aliquandiu sibi victum paravit. Verum cum ingenii sui excellentiam, poeticis præcipue deliciis, Venetis aliquot Proceribus, atque eruditissimo cuique probasset, meliori fortuna uti cœpit, ac deinde humaniorum litterarum in Patavino lyceo professor renunciatus est, anno MDCXXIII. Hominem tamen tot casibus, atque ærumnis jactatum, quæ sero nimis arriserat, cito fortuna deseruit: quippe post septem duntaxat annos ab suscepta tam honesta in eo scientiarum emporio docendi provincia, ex pestilentia, quæ per Vene-
tæ ditionis fines grassabatur, e latus est anno ætatis suæ XL. abrupte immaturo fato præclarum opus, quod in lucem edendum moliebatur, *Anatomia Janitores* inscribendum.

Porro opusculum hoc nostrum, quod unum egregii, & ærumnosi viri famam adhuc sustinet, primum confecto nomine

ne *Anastafii a Valle Quietis* lucem vidit
Argentorati in 12. impensis heredum
Lazari Lezneri, quæ editio, teste Plac-
cio deScriptoribus Pseudonimis, nitidior,
& correctior est Patavina, prefatiuncu-
lam habens eandem fere, sed quæ in Pa-
tavina sit alicubi mutata. Idem secundo
recusum Patavii anno MDCXXXIX.
meliori ordini restitutum, emendatum, ma-
xima parte auctum, ut in ipsa libri fronte
lgimus, a *Constantio a Monte Laboris*.
Prodiit autem ex typographia, quâ ipse
auctor domi suæ instituerat, optimis li-
bris, quos ex Germania convehendos cu-
raverat, in publicam utilitatem edendis.
Tertio, eodem Placcio teste, edidit
Amstelodami anno MDCVLII. *Romæ*
Illustrata titulo inscriptum, suoque per
manifestum plagium adscripto nomine,
Antonius Thysius, Ictus, & Lugduni
Batavorum Professor, quod hominis
audaciam declarat quidem, rerum et-
iam operis præstantiam, quod multi-
plici doctrina vir, & vere suis tot ope-
ribus clarus tanti fecit, ut sibi illud vin-
dicare, & legitimo parenti invidere non
dubitaverit. Quarta igitur nostra hæc
erit editio, quam summa fide ex Patavi-
na exscripsimus. Hæc sunt, quæ te nescire
nolui, amice Lector, ne quid tibi ab in-
dustria mea unquam desideres. Vale.

*Incluta Nationis Germanica, quæ Patenti est, Theologorum
Philosophorum, & Medicorum, membris, Cibibus & Amicis
Joannes Thuillius, D. S.*

O F-

OFFERO Vobis, Generosa pectora,
exiguum Libellum, grati mei in
Vos & devinctissimi animi magnum ar-
gumentum. Lipsius est, in COMPEN-
DIUM contractus, quem vel hoc nomi-
ne gratum futuram spero. Sed magis
ob Commoditatem & Utilitatem. Quis
enim vestrum, qui jam in peregrinatio-
ne estis, ingentia Lipsii Volumina un-
dique secum circumferat? Ecce vobis
hic facundum, nec pondere molestum
viæ comitem. Hic MILITIAM &
TORMENTA bellica legetis jucun-
dus, quam si in patria, tot annis armis
agitata, præsentem spectaretis. Laudan-
do ardore (pro more patrio) longa iti-
nera suscipitis, superatis montium a-
speritates, devoratis viæ molestias, ut
Italia amœnitatem, & Romanæ ma-
gnitudinis oculis usurpetis vestigia: Ec-
ce hic Index & dux, qui sine defatiga-
tione ADMIRANDA Romana osten-
dit: in AMPHITHEATRUM intro-
ducit: GLADIATORES spectandos
dat: vosque, castissimos animos, ad
VESTÆ ET VESTALIIUM penetra-
lia, profana quidem sacra; & Regias
BIBLIOTHECAS, vestras delicias, ad-
mittit, ubi tamen prius CRUCEM li-
baveritis. Paravit hoc Vobis Opuscu-
lum olim Anastasius a Valle Quietis,
reparavit nunc Constantius a Monte
Labo-

Laboris, eo fine, ut sit in quiete labor, in labore quies. Uterque Vobis notus, & e vestro complexu: qui ideo non se sistunt, quod Compilatorum nolint audire nomen, absterriti nasutorum morsibus (nam & nasuti, quos senectus aut morbus edentulos fecit, mordent) qui semper illud ogganniunt, Germanum esse laborem. Ego vero, qui ad hæc scommata jam dudum occallui, nihil dubitavi, Libellum hunc obstetricante Typo in lucem edere, & in vestrum sinum, Candidi Cives, Germana fide deponere. Si pro vestra, qua soletis, humanitate, & in me benevolentia, tenerum hunc Typographi mei sætum in manus, tæc vero ipsum in pectora admiseritis, vota possideo; mihiq; addetis animum majora in vestrum honorem & utilitatem molienti. Interea meos Janitores Anatomicos, qui jam pridem præ foribus stant, propediem expectate, me amate, & quam optime Valete, o lectissima Germanorum pectora. Patavii 5. Kal. Jun. Anno salutifero MDCXXIX.

L E C T O R I
(A M I C O

*Anastafius a Valle Quietis, & Con-
stantius a Monte Laboris S.*

Benevole Lector : Iusti Lipsii libros, quos ille ad lucem priscæ Historiæ & Antiquitatis propitia Minervas scripsit, & *Facem Historicam* inscripsit, jam tibi contractos in parvum Volumen congestosque offerimus. Quod ille sparsim, ample, lateque majoribus voluminibus, & multarum septimanarum opere complexus est, nos hic in COMPENDIUM, & opusculum paucarum horarum redeimus : ita tamen, ut omnia, quæ ad Mercurium & Bacchum (ut ajunt) facerent, huc seligeremus, & disponderemus, præteritis aut recisis superfluis. Auctorum tot varias laudationes, & concumulatas citationes, quibus Lipsius suas opiniones, uti primus, astringere opus habuit, omisimus : icones, rem multi precii, exprimere erat animus. Sed cui bono ? si res ipsa & materies ἐν τῇ προσημῇ cognoscitur & creditur. non opus est flexuoso gyro & probatione. In parva tabula tam bene Colossi prægrandis figura visitur, quam in magna. Genium tibi nostrum juramus, Lector,

Etor, si opusculum hoc pellegere dignaris, simul ea omnia disces, quæ Lipsius suis amplissimis Tomis pertractavit. Gratum esse debet iter, quod brevibus milliaribus ducit eo, quo aspiramus: & placere scientia, quæ statim se ingerit sine ambage, & jactura *Temporis* & *Sumptus*. Vtroque exiguo hic opus. Illa quidem Lipsii Opera, quia non parva sunt, temporis aliquid & æris flagitant; utrumque magni facimus, & omni cura lucrari satagimus: hic vero cum ære tempus compendifeceris. Habes enim annum [liceat sic dicere] in mensem contractum, & mensem in diem; Coronatum in obolum. Extra chorum, quod dicitur, numquam saltavimus, nec aliena intrusimus, simplici & nuda narratione, & uno velut textu ex ipsis Lipsii verbis concinnato contenti, quo continua quadam & amabili serie tibi propinarem, quidquid rarum & eximium in bello & pace habuit Romana Antiquitas. Lipsius interdum quædam miscuit, quæ, ut dialogis fieri solens est, superflua sunt, vel occasione interlocutis abductus, vel quia sic voluit, pausam aliquam facturum, aut interposita varietate delectaturum: Nihil hic tale, uniforme filum est, & quasi tela ex uno æquabili subtegmine texta. Iam de utilitate si quid vellem differere, an non esset τὸ φῶς ἡλίου δαειζέειν, & aquam
Occ-

Oceano? Si utiles judicas Iusti Lipsii libros, Lector, sicut tu omnino eos non tantum utiles, sed & necessarios omnibus reris, tuoque calculo & iudicio super omne scribentium vulgus extollis: idem quoque hic erit. Non etenim e manibus excutimus Opera ipsa Lipsii illi, cui otium & opes: immo eo dirigimus. Citius enim pervenies hoc ductore libello, quo tendis, ducendus scilicet per rectiorem & brevior semitam. Eadem in hoc Opusculo docentur & proponuntur, quæ diffuse in magnis illis Lipsii Voluminibus, &, quod æstimabis, breviter. Si Lipsium libenter legis, & hæc libenter leges, quia Lipsii sunt: idem enim hic tibi scribit & eadem; olim pluribus & prolixis, at nunc paucis & brevibus. Vale.

DE MILITIA ROMANA.

LIBER PRIMUS.

Militiam Romanam cognoscere duplicis est fructus :
(a) Certi , & Incerti .
Certi quidem , quod vera
ea fax ad Historias , quarum vix alia
materies , quam bella & pugnae . *In-*
certi , quod & Duces hodierni aliquid
ex iis fortasse haurient ad suum , &
praesentem usum .

(b) *Militia est multitudo apta &
composita & armis , ad vim faciendam
aut arcendam , sub certa lege .* Partes
ejus sunt *Quinque* : (c)

I. DILECTVS.

II. ORDO.

III. ARMA.

IV. ACIES.

V. DISCIPLINA.

Quas singulas ordine , & totidem li-
bris comprehendemus , perspicua bre-
vitate .

A

DE

-
- (a) *Utilitas ex Militia Romana ,*
(b) *Militia quid .* (c) *Partes .*

DE DILECTU.

(a) Dilectus Græcis est *στρατολογία*, *κατάλογος* & *καταγραφὴ*. Unde *κατάλογον ποιεῖσθαι*, *καταγραφὴν ποιεῖσθαι*. *legere militem*, *scribere militem*: quia sic lecti in tabulas & codices referebantur, ut memoria nominum & stipendiorum publice exstaret. Vox etiam alia huic rei ævo sequenti, *Adnumium*, vel *Adnumius*: quod non tam in dilectu, quam in recensu & adnumeratione militum, sub tempus stipendii, aut largitionis locum habet. Ad hanc ipsam rem, *Pittacia*, *Breves*, *Laterculum*, *Matriculam*, reperies. Sicut autem scribebantur jam milites: ita debebantur non milites & rejecti. Solebant & mortuos ibi notare, & Theta suum adfigere.

In Dilectu tria spectanda. (b) 1. qui elegerint. 2. quos. 3. quomodo.

1. *Qui elegerint.*

Designatis Consulibus, quod fiebat principio cujusque anni, Tribuni militum constituebantur, quorum duo genera: (c) Juniores, & Seniores. Juniores sunt Equites, quibus hoc datum, ut prius citiusque Tribuni fierent, quam plebeji; post quina scilicet stipen-

(a) *Dilectus quid sit.* (b) *Quæ spectanda in Dilectu.* (c) *Tribuni duplices.*

pendia. *Seniores*, plebeji, qui post dena stipendia Tribuni facti. Oportebat enim equitem dena stipendia implere, peditem vicena. Vicesimo militiæ anno dimissi, (a) *Veterani* dicebantur; nam post vicena stipendia, honestam, vel causariam missionem consecuti, ita vocabantur. Erant autem Tribuni juniores, sive ex equite 14. ex plebe 10. quia plures habere voluerunt honestiores.

2. Quos legerint.

Dilectus duplex: (b) civium & sociorum. Cives vel *Pedites*, vel *Equites*. De Peditibus primo dicemus.

Prima nota peditum legendorum ex Civibus erat (c) *Ætas*: ab anno 17. initium militiæ, finis 50. erat. Militabant ergo ab anno 17. usque ad 46. Et quisque his 30. annis necessario implere cogebatur vicena stipendia. Ab honoribus & magistratu urbano exclusi, qui sua stipendia non fecissent. Hinc qui continuo militabat, implebat ea 37. anno; sed poterat, non debebat. Si quis vero morbo, vel casu impeditus non impleisset 46. anno stipendia, non liber erat a militiâ, sed adhuc cogi poterat usque ad annum 50. qui ple-

AN. 2. dist. ne.

(a) *Veterani* qui. (b) *Dilectus duplex*.
(c) *Dilectus Peditum ex Ætate*.

ne liberabat, sive facta, sive infecta stipendia.

Altera nota legendorum erat (a) *Census*: non enim viliores quosdam in militiam legebant, nec erat hoc inopiæ asylum; sed divites, honestos, & quos res privata rei quoque publicæ alligaret. Pauperes non nisi in necessitate aut tumultu lecti: sicut & Servi; sed fere per civilia bella, cum Virtus & Honos jus suum ægre servant. Paulatim tamen eo ventum, ut Proletarii, & Capitecensi in militiam vulgo scriberentur: item Libertini, & Liberti. Quin etiam pastores ferociores in equites adsumptos legimus. In militia navali viliores legebantur, & fere libertini; quia talis militia semper habita vilior. An quia periculorum ibi plus, & metus etiam ignavæ mortis? An quia parum loci virtuti & robori militari? ars & nautæ pleraque administrant. An quia paulatim animos quoque dehonestat & corrumpit?

3. *Quomodo elegerint.*

Modus Dilectus talis. (b) Consules positis sellis curulibus, specie magistratus sedebant, præcipua dilectuum ipsi obeuntes, & summæ rei præsidentes: Tribuni administrabant, & exseque-

(a) *Ex Censu.* (b) *Modus Dilectus.*

Liber Primus.

quebantur per partes: Diem publice prodicebant Consules, vel præconis voce, cum aliquid subitum, & scriptum videbatur tardum; vel scripto, cum res fuit ordinaria. Livius *Edictum* vocat. Sub ipsum vero conventus diem, signum ex arce tollebant, servabantque donec is solutus.

Ipse dilectus fiebat in (a) Capitolio, sive in ejus area, ut & alia, quæ ad bellum, illic agitata; in loco certe angusto & sacro, ut ante oculos religio & Jupiter obnoxios magis, fractioresque redderet ad parendum: sæpe enim hic controversiæ & turbæ. In campo dilectum habitum, tamquam novum notat Dionysius; sed eo factum, quo tribunitiæ intercessionibus vitarentur, quibus ibi non erat locus.

Eligebantur ex tribubus & classibus, ducta sorte: (b) vel ut æmulatio tolleretur, ne hæc illi posthabita videretur: vel querela, ne ista, aut alia onerari, si forte dilectus non iret per omnes. Præsentibus Consulibus, sedentibus Tribunis, militibus sejunctis & compositis, tribus vocata in centurias suasivit, omissis tamen senioribus, quos advocari in supervacuum nihil opus.

A 3

Ex

(a) *Locus Dilectus.* (b) *Qua ratione lecti.*

Ex singulis tum centuriis, & pro censu, ac classe milites citati nominatim. Itaque tabulæ ad manum, in quibus nomina, ætates, & opes scripta. Aliquando etiam sorte capti, raro tamen, nec nisi in re tumultus. In hac autem citatione servatum per religionem, ut primus miles boni nominis esset: captabant enim ex eo omen; ut Valerius, Salvius, Statorius, & similia. Dilectus hic etsi commodus & ingeniosus, non tamen semper, & in omni bello observatus: Nam hoste vicino, aut repentino aliquo periculo imminente, omittebant tribus, centurias, sortes, & militem confuse ac raptim, capiebant & educebant. Id genus (a) *Subitarios* vocabant. Atque istos solebant scribere in tumultu, ita ut sine discrimine aut excusatione sæpe cogerentur juvenes senesque: ideoque fors adhibita, non electio, quia res festina.

Qui nominatim citabantur, interdum fuerunt (b) *Volentes*, proni, & spontanei; interdum *Refractarii*. *Proni* in militiam fuerunt, cum aut Dux graciosus, aut bellum aliquod in spe lucri. *Refractarii*, qui detrectabant, & se sub-

(a) *Subitarii qui.* (b) *Citati qui Volentes, qui Refractarii.*

subtrahebant: Illi respondere ad nomen, & accedere ad dilectum; Hi non respondere dicebantur: Illi non solum voce & responso, sed corpore & progressu se sistebant Tribunis; Hi silebant, & se subtrahebant.

Refractariorum pœna varia: (a) primo *Vincula*; itaque Consules prehendi eos jubebant, & in carcerem duci. Interdum *Virga* adhibitæ in contumaces, sed non nisi a Consulibus immodice severis. Nonnumquam damno affecti, & eorum *Bona direpta* & vendita. Immo vero interdum extrema pœna affecti, & morte civili, id est, *Venundati in servitutem. Infamia notati* etiam, & ignominiosi facti Refractarii. Has autem pœnas sæpe Tribuni tardabant, aut tollebant: illi enim intercedebant, & de causis etiam cognoscebant, quamquam hæc cognitio erat proprie consularis. Itaque hac arte sæpe impediabant dilectus, cum aliquid a Patribus vellent expressum. Hæc tamen Tribunorum licentia coercita interdum, præeunte Patrum decreto.

Causæ justæ ad detrectandam militiam tres. (b) Prima *Vacatio*; atque

A 4 ea

(a) *Refractariorum pœnx*. (b) *Causæ detrectandi tres*.

ea triplex: *ab Ætate*, cum supra 50. annum aliquis erat, is, sive implevit sua stipendia, sive non implevit, vocabatur: Vel *ab Honore*, ut si quis in magistratu, vel sacerdos; nec enim aut illi a rep. aut isti abducti a sacris: Vel *a Beneficio*, ut si cui Senatus, Populusque indulgisset. Factum id sæpe pro meritis, alias in annos, alias in ævum. Secunda causa *Emeritum*: qui enim 20. stipendia complevit, tuto nomen non dare poterat. Tertia *Morbis aut Vitium*; nam & manci, & debiles, non habiles judicati ad militiam, & nominatim ii, quibus pollices aut digiti non essent, etiam in sinistra manu; quia ea manus inepta tunc ad scutum tenendum, sicut dextra ad gladium. Quia vero nonnumquam fraudes interveniebant, ideo non statim accepta quæcumque causa, (a) sed discussa; sæpe, & plurimum ante bellum, interdum post illud. Interdum non solum dilata, sed & sublatæ causæ: hoc in magno tumultu, & cum publicum discrimen: atque etiam alias in metu id factum, & causæ pro non causis. Sicque etiam ex *Causariis*, id est, (b) quibus morbus, aut talis causa; & ex se-

(a) *Causæ discussæ*. (b) *Causarii* qui.

senioribus lecti milites. Hinc *Causaria missio* dicitur.

DILECTUS EQUITUM.

(a) Dilectus Equitum facilis fuit, quia ex uno corpore. Nam Censores jam ante equites a reliquis separarant, & in tabulis habebant hoc genus. Separabant ab opibus; quicumque enim quadraginta habebant, & vita non improbabatur, in equites referebant.

Equitum corpus duplex: (b) alii equo publico, alii sine eo. Illi vetustissimi, ac proprie, ac soli olim Equites dicti, ab ipsa re, quia iis militares sive publici equi: hinc *Equitare*, equo publico merere; quibus vero publicus equus non esset, poterant etiam inter pedites merere. Illi vero accipiebant e publico pecuniam ad emendum equum, & ad alendum: Illam semel, hanc annuam. Ad emendum, dena millia, id est, Philippicos circiter 100. Ad alendum, bina millia, id est, Philippicos 20. Satis grandis utraque summa; sed cogitandum, quod huic militiæ onera plura adjuncta, calones, alii equi aut muli ad sarcinas, tentoria, & cibatum ferendum.

A 5 Non

(a) *Equitum dilectus*. (b) *Equites duobus generis*.

Non tamen temere, aut omnes ad equum publicum rescripti, sed cum dilectu & examine morum. (a) Itaque non Consul aut Imperator, sed Censor olim equum publicum iis assignabat, iudex scilicet morum. Atque ille ipse, cum jam haberent, recognoscerebat, & si quid vitii in iis, adimebat. Postea id muneris Principes usurparunt. Ad hoc examen faciebat ipsa *Transvectio*, (b) propria istorum Equitum pompa; quæ & *Probatio*, dicta a Valerio Max. quia in ea examen & discussio vitæ. Ii per centurias & turmas divisi, ordine equis insidentes vehuntur omnes, quasi e pugna venientes, ramis oleæ coronati, & purpureas palmatas togas induti, quas *Trabeas* dicunt. Incipiunt autem ab æde Martis sita extra Urbem (Plinius ab æde Honoris deducit, quæ & ipsa extra portam Collinam) transeuntisque tum alia loca Urbis, tum forum, & Castorum ædem prætereunt, interdum ad 5000. virorum, gerentes præmia & dona militaria quæcumque a Ducibus in bello acceperint. Egregium sane, dignumque magnitudine Imperii spectaculum. Ovidius verbo *Præterire*, utitur ad hanc rem.

-
- (a) *Equus publicus quo modo datus.*
 (b) *Transvectio quid.*

rem. In hac ipsa Transvectione sæpe accusati, citati, immo ignominiose tracti; quod tamen Augustus fieri ultra interdixit. Quod si sine culpa erant, abibant, & equum traducebant: si aliter, sistebant, & jubebantur vendere equum. Solemne in utraque re utrumque verbum, *Traducere*, & *Vendere equum*. Confectis stipendiis restituebant, & ad Censorem reducebant equum.

Sacramentum Militiæ.

Finita jam conscriptione, Tribuni suæ cujusque legionis milites congregantes, & unum ex omnibus maxime idoneum eligentes, sacramento adigunt: (a) is singula juramenti verba concepit & præivit, alii deinde secuti hoc saltem dicebant, *Jurare se idem*. Et hoc appellabant *Præjurationes facere*, cum ille præiret, & conceptis verbis ante alios juraret, alii secuti, in eadem verba jurantes, dicebant tantum: *Idem in me*. Jurabant autem viritim ut plurimum; an semper, dubium. Et jurabant, se Consules, ad quæcumque bella vocaverint, secuturos, neque signa deserturos, neque adversum Populum aliquid facturos; item conventuros se jussu Consulium, neque

A 6 in-

(a) *Militare Sacramentum.*

injussu abituros . Atque hoc juramentum erat statim a conscriptione ; aliud autem præstabant jam milites & educendi , immo in ipsis jam castris : illud ad ipsam militiam , istud ad disciplinam pertinuit .

DILECTUS SOCIORUM .

Sociorum Dilectus fiebat in Italia , cum sub hoc ipsum novorum Consulum tempus magistratibus sociarum civitatum denunciabant Consules , ut milites darent , & significabant iis numerum , diem , locum , in quem convenire deberent quos legerent .

Socii (a) appellabantur, quasi confœderati & consortes armorum . Erat autem discrimen inter Socios , & Auxilia . Socii , semper Italici : Auxiliares , externi . Illi semper gratis militarunt , id est , sine impendio Romanorum , si frumentum excipias : Hi mercenarii , & quamquam sæpe a Regibus missi suoapte sumptu , tamen & pecunia etiam scripti . Socii autem proprie dicti post Italiam civitate donatam defecerunt , & eorum vice Auxilia fuerunt , quæ ex variis gentibus lecta . Isti autem omnes è provincialibus ; nam certis quibusdam bellicosisque populis non aliud loco tributi , quam mili-

(a) *Socii qui .*

litiam & viros imperabant : alii diffusiores & ditiores, utrumque sæpe dabant, & pecuniam, & militem, adeoque robur in his & numerus. Etsi autem miles è subditis, non tamen dilectus eorum aut arbitrio capiendus : Romani Centuriones aut peritos aliquos legendi mittebant, qui sæpe usui suo & compendio magis, quam publico serviebant. Sed & cum hæc aberant, dilectus ille per se gravis : trahebantur enim in diversas terras, ut magnitudo Imperii erat, atque illic longa militia fere consumeabantur.

(a) Indicebant autem militem pro numero & opibus, quas propemodum sciebant ; numerum quidem ex tabulis censoriis, quas probabile est Romæ quoque fuisse. Immo tandem ipsi Romani Censores censum illic egerunt : itaque pro imperio rem hic gerebant, & tot aut tot milites imperabant. Jurabant autem Socii non in suos Præfectos tantum, sed & in Consules, & rem Romanam : opus enim fuit vinculo hoc & alio, ut cum pares viribus essent, ne quid novarent aut moverent in Romanos : denique oportuit subjectos omnes pariter esse uni Duci, ergo & in eum probabile jurasse : Auxilia tamen non

ju-

(c) *Socii quomodo electi.*

jurabant. Singula oppida Sociorum Praefectos, sive Praetores constituebant, qui jus aliquod in suos haberent, eosque observarent. Habuerunt etiam suos proprios Quæstores, seu Tribunos ærarios, & mercedis exhibitores; nam sua pecunia & omni sumptu militarunt Socii, præter frumentum, quod habuere a Romanis. Magna res hæc, & grande Imperii instrumentum, fidas volentesque tot habere manus, nec suam aperire ad largiendum. Prædæ dumtaxat participes fuere, & si quid donorum aut adventitii lucelli.

De Evocatis.

Evocati, sæpe exercituum robur, ex civibus, ex sociis; ex equite, ex pedite sumebantur, sed rogatione & precibus, atque ideo *Evocati* dicti. (a) Erant enim veterani, gnari, prudentesque militiæ, qui expletis stipendiis sæpe in Consulum & Ducum gratiam militiam sumebant. Et quia sæpe litteris aut punciis nominatim evocabantur, inde habuere nomen. Græcis ἀνακληταί, quasi Revocati, quod defuncti militia iterum ad eam revocentur. Plerique Evocatorum e Beneficiariis esse solebant, qui nimirum beneficio Imperatoris ad gradus aut commoda promo-

(a) *Evocati* qui.

moti, item agris & immunitate donati, ideoque magis obstricti. Horum propria quædam & seorsim manus fuit, per cohortes quidem aut centurias disposita, sed tamen sub uno vexillo. Immunes erant Evocati operum, ut ab excubiis, operibus valli, & castrorum, quasi Centuriones & principales milites. Sæpe etiam ordines ducebant, ideoque singuli velut Centuriones fuerunt, & hoc honore ac insignibus affecti. Hinc etiam vites gestabant, proprium Centurionum gestamen. Et quia Centurionibus comparati, interdum etiam miscebantur, & cum iis confundebantur: quin & cum Legatis, quasi honestissimi, jungebantur. Honestum itaque omnino genus Evocatorum; plerique pedites, sed & equites.

De Conquisitoribus.

Ad Dilectum adhibiti Conquisitores, crebrum munus post bellum sociale: (a) Ii fuerunt, qui in agros & extra urbem missi ad indagandam & conquirendam juventutem, atque ab ea rediit. Multi enim sæpe aut suo metu, aut parentum timido amore latitabant; ad eruentes eos & conducendos, isti.

In-

(a) *Conquisitores qui.*

Interdum huic rei creati Triumviri .
Usurparunt & exteri .

Alia quadam de Dilectu .

Erat alia quoque ratio Dilectus; (a) cum enim ex tota Italia scriberentur legiones, nec omnes illi tam diffitui no tempore Romam venire possent, in regionibus militem scribebant, & per honestiores quosdam, ut Senatores, & Legatos, Dilectus habebatur.

(b) Sub Principibus jam nec Dilectus erat, sed indictio militum, pro opibus cujusque & agris. Res improba, & ad perniciem militiæ germanæ inventa: Partim enim ignavos, aut ineptos tirones dabant: partim pro iis aurum inferebant, & mille hic prædandi sinus & artes. Itaque eo ventum, ut etiam servitia & vilia capita darentur, etsi leges reprimere conarentur. Olim istis fraudibus nullus locus, cum ex ingenuis milites scripti, atque iis non crimine, non infamia aspersis; nam hi tales aut urbe, aut tribu movebantur: e tribubus autem, atque iis honestioribus fere miles lectus. At sub Principibus etiam ergastula intrudere cœperunt. Et quid mirum?

(a) *Dilectus externus:*

(b) *Dilectus sub Principibus.*

rum? ipsi eos habuere quasi servos. Nam tirones jam captos compungebant, & in cute signabant. (a) Vera hæc stigmata erant; & quidem manibus impressa militum. Inscribebatur autem nomen Imperatoris: unde D. Augustinus *Regium Characterem* appellat. Chrysostomus *σφραγίδα*: Duplex autem iste ritus: & de servis, qui compungi solebant dominico nomine, ut agnoscerentur: & de militibus, qui præferre Imperatorem. Petiit hoc videtur vel ab eo, quod olim nomen Imperatoris in scutis, hastis, vexillis solitum inscribi, atque eo exemplo tunc in cute: Vel a sacris; quos enim Deo alicui consecrabant & initiabant, hos stigmatibus inurebant. Potuit igitur exemplo quodam parvæ religionis primo hoc induci, ut talis quasi consecratus militiæ ostenderetur; tum etiam ab hac causa, ut agnosci posset, nec latitaret.

LI-

(a) *Stigmata impressa militibus.*

LIBER II.

DE ORDINE.

ORdo militiæ varius, (a) & in *Militibus*, atque in *Ducibus*. In *Militibus* dupliciter considerandus. secundum *Genera*, & per *Partes*. *Genera* sunt discrimina illa militum diffusa per plerasque partes. At *Partes*, ipsæ divisiones, ac sub certis signis ac *Ducibus* distributiones.

ORDINES PEDITUM PER

Genera,
Genera igitur *Peditum* sunt *quatuor*: *Velites*, *Hastati*, *Principes*, *Triarii*.

Velites (b) erant vilissimi; quique & ætate, & opibus exigui, in isto minimo genere militabant; alterutro tantum, non item. Nam pauper, sed ævo & usu vetus, in *Triarios* translatus videtur: dives, sed annis modicus, in *Hastatos* transcriptus. Nisi igitur valde pauperes & infimarum classium inter *Velites* non militarunt: quia non solum parum hono-
 ra-

(a) *Ordinis divisio*.

(b) *Velites qui*.

rata hæc militia (quippe leves, & minus fere pugnabant) sed etiam quia parum tuta, nam pene inermes in fronte plurimum exponebantur hosti.

Hastati dicti, (a) quod primo hastis pugnarent. Id olim; postea mutatum, manente nomine, atque pilis & gladiis pugnabant; hastæ jaculatoriæ apud Velites solos remanserunt. Sunt & alii *Hastati*, qui stabilibus hastis & contis pugnabant, quod ævo sequenti factum. *Hastati* juvenes erant & adolescentes; ut *Principes* viri, aut viris proximi; & *Triarii* grandes & maturi.

Principes, (b) qui a principio gladiis pugnabant, unde & nomen. Postea alii minus illustres sumpti in eum locum, nempe *Hastati*.

Triarii, (c) sic dicti ab ordine, quod in acie tertio ordine extremis subsidio deponuntur. Est in Glossis *Tertiarius*, ὑποπόρ, quasi *subseffor*, & in vicem locumque paratus. Subsistebant enim ipsi *Triarii* presso altero genu. Dicti etiam *Pilani*, quod pilis pugnarent; & totus ille ordo *Pilus* vocatus. Immo etiam dicti *Armites*, ἀρμίται, ὁπλιταὶ τῶν ἰσχυρῶν τάξεων.

Ter-

- (a) *Hastati* qui. (b) *Principes* qui.
(c) *Triarii* qui.

20. *De Militia Romana*

Triarii in legione (a) 600. erant ; idque semper, & legionibus etiam augmentis, ipsi non augent. Causæ plures ; quod robor hæc & flos ipse virorum, ideo si non numero, tamen virtute æquarent ; quod raro aut numquam hæc pars sola pugnabat, sed in extremo demum integrabat aciem aliis admixta ; quod ob adjunctas etiam alias copias fuit iusta acies. *Principes* erant 1200. *Hastati* totidem : reliqui, & ætate minimi *Velites*, qui singuli cum legione augebantur proportionem.

ORDINES PEDITUM PER

Partes.

Singulæ hæ ætates sive genera, exceptis *Velitibus*, a *Tribunis* & *Centurionibus* dividebantur (in (b) 10. partes. Hæ partes *Manipuli* dicti, ex iis *Cohortes*, ex his *Legio* tota. Sunt enim in *Legione* *Centuriæ* 60. *Manipuli* 30. *Cohortes* 10. *Velitum* nec *manipuli* proprie, nec signa fuere : itaque *Subsignanus* miles diversus ab hoc levi. *Velites* autem sparsi per *manipulos*. Hinc ipsis *Centuriones* aliorum *manipulorum* ; etsi raro in agmine aut acie sic incessere, & fere solebant præmitti, ad incerta & oc-

cul-

(a) Numerus horum Generum.

(b) Partes Generum.

culta viarum exploranda: In acie quoque aliter locari, & abjungi a gravioribus.

De Manipulo.

ORDO (a) est dimidiata pars Manipuli: nam duo Centuriones erant in manipulo, & unicuique sua pars assignata, quam duceret; quæ vocata *Centuria*, sive *Ordo*. Is in veteri Legione fuit 60. militum. Hinc *Ordines petere*, & *impetrare*: ita *Ordinis ductor*, pro Centurione. Prima divisio fuit in *Manipulos*, Græcis *σπῆρας* (b) quæ diutissime in militia mansit. Sed labente Imperio mutavit, & Centurias pro Manipulis habere cœperunt; Manipulos pro Contuberniis aut Decuriis ipsis. Manipulorum vetustas statim ab Urbe condita, immo ante ipsam fuit.

De Cohorte.

Ex Manipulis conficitur *Cohors* (c). Ea vox Græcanica est, quod clausum vel septum in anteriore domo vel villa *χῶρος* illi dixerunt. Latini *Cohortem*, vel *Chortem*, nam & sic scribebant. Martial. *Rauca chortis aves*. Cohors habuit 3. Manipulos, Hastatos, Principes, Triarios; adde & Vel-

li-

(a) *Ordo quid.* (b) *Manipulus.*

(c) *Cohors quid.*

lites, qui manipulos solebant comitari. Fuit igitur iusta & plena Cohors legionaria, homines 420. Si pleniores Manipuli & Legiones, plenior & ipsa; & inde Cohortes quingenarias, & sexcenarias legimus. Græci Cohortem vulgo vocant *ταγμα*, ut & Ennius usurpavit. Suidas *Spiras* interpretatur Numeros. Cohortes omnes in legionibus erant numero æquales, quia & manipuli tales. (a) Sed quia primæ dignitas aliqua attribuitur, id non a numero, sed a splendore & primatu fuit, quod primi in ea Centuriones generis cuiusque, & forsitan flos aliquis & electio virorum, credat aliquam. Erat & quædam Cohors Prætoria (b) velut extra ordinem, edecumata & grandis, quæ a Prætoribus non discederet; a Scipione Africano instituta. In hoc genus fere adoptati & adscripti amici & voluntarii: ceteri alii fortibus potius viris implebant. Hi dicti Prætoriani; eorum arma thoraces squamei, & scuta imbricata. Veteres unam solum habebant Cohortem Prætoriam, postea per bella civilia auctæ. Augustus Romæ circa se habuit 9. Prætorias Cohortes, firmamentum imperii, &

po-

(a) Prima Cohors dignior. *ταγμα* (a)

(b) Cohors Prætoria quæ. *ταγμα* (b)

postea pestem. Talis fuit apud Macedones Cohors Regia.

De Legione.

Ex 10. Cohortibus fit *Legio*, sic dicta, (a) quod leguntur milites in dilectu. Instituta a Romulo hominum 3000. Regibus ejectis fuit 4000. Bello Annibalis ad 5000. ventum. A Scipione denique in Africam trajecturo 6000. facta. *Legio* varie dicta. (b) Græci veteres *στρατοπέδον*, *πράσιον*, & creberrime *τάγμα* dixerunt; novelli etiam *σείμα*; iidem & *τέλος* & *τῆχος*. Sic & Latini. *Murum* dixerunt apud Vegetium. *Numeri* pro Legionibus Tacito; *Ordines* Hegesippo; *Virtutes* Paulo Diacono, quod tamen communius pro copiis & robore militari.

Communis agnominatio Legionum a numero fuit, idque discretionis causa, ut diceretur *Prima*, *Secunda*, *Tertia*, &c. Id autem ab ordine temporis & dilectus, quo conscriptæ. Sed fuerunt & alia passim Legionum cognomina. Ab Imperatoribus *Augusta*, *Claudia*, *Flavia*. A locis hibernorum, ut *Gallica*, *Cyrenaica*, *Scythica*, *Macedonica*, *Aegyptiaca*, *Germanica*, *Itali-*

(a) *Legio unde dicta.*

(b) *Varie nominata.*

ca. &c. A Diis cultis *Apollinaris*, *Minervia*. Ab armorum præstantia, *Ferrata*, quæ tota e ferro. A loco, *Frentensis*, freto afflita. Ab insigni forte scutorum, *Fulminatrix*. Item, *Vitrix*, *Gemina*, *Valens*, *Adjutrix*, *Pia*, *Fidelis*, *Felix* &c.

ORDINES EQUITUM.

Equitum divisio fuit in (a) 10. Turmas. *Turma* dicta quasi *Terma*, quia ter denos habuit equites. Erant autem in Legione Turmæ tricenariæ 10. seu equites 300. Sunt ergo Turmæ in Ala, quot Cohortes in Legione; & Decuriæ, quot Manipuli, ternæ enim in Turma.

DIVISIO SOCIORUM.

Socii dicebantur (b) *Ala*, seu *Cornua*, quia plurimum ut alæ in avibus, corpus illud Legionum tegebant Socii: hinc *Ala dextra*, & *sinistra*: *Cornu dextrum*, & *sinistrum*. Habebat Ala Equites & Pedites.

Equites numero (c) duplo; quia late Socii per oppida & agros sparfi, eo-que facilius habere iis equos & tolerare; at Romani, nec censu multi nimis equites tunc erant, & in una urbe haud tam commode habebant. E-

rant

(a) *Divisi Equitum*. (b) *Alæ Sociorum*. (c) *Socii Equites quot*.

rant ergo 600. Detracta autem tertia parte Extraordinariorum, erant non nisi 400. Hic quoque numerus *Ala* dictus, & illi ipsi Equites *Alares*. Erant autem duplices: *Extraordinarii*, qui sunt 200. ex his una turma, id est 40. *Ablecti*, qui sunt electi & excerpti: *Alares*, qui sunt 400. dividuntur in 10. Turmas, singulas hominum 40. Nam Turmæ Sociales decuria una excedebant civiles. Ita in Consulari exercitu duas Turmas habebit Consul: reliquæ erunt Turmæ Extraordinariorum 4. & iterum 4. ex utraque *Ala*.

Pedites vero ut plurimum (a) 4200. *Ala* habebat. Horum pars quinta *Extraordinarii*, numero 840. & hi electi & excerpti; sicut *Ordinarii*, qui sunt in vulgo. Sunt Cohortes 2. hominum 336. & una dimidiata hominum 168. in *Ablectos*, qui semper juxta Consulem, in via, in castris, in pugna, velut satellites quidam aut custodes. Reliqui *Alares*, numero 3360. divisi vel in Manipulos & genera, ritu civium; vel dumtaxat in Centurias & Cohortes. Cohortes singulæ 336. minores quam civiles.

B

DE -

(a) *Pedites ex Sociis quot.*

DE DUCIBUS.

Duces sunt duorum generum : (a) *Proprii*, qui certæ alicui & uni parti præfunt; *Communes*, qui communiter omnibus. In illo genere sunt *Centuriones*, & *Tribuni*: In isto *Legati*, & *Imperator*.

DE CENTURIONIBUS.

Centuriones (b) Consulium jussu aut permissu a Tribunis electi, ex suo quisque genere; sæpe tamen virtutis causas e genere in genus ad honestiores ordines transferebantur. His assignabantur ordines per eosdem Tribunos. Promovebantur ad id munus virtutis causa, tam animi, quam corporis, sed maxime militaris. Hinc (c) *Promotus*, in hac re velut propria vox, & *Promotio*. *Pomotus*, προκείμενος παρά ῥωμαίοις, qui provehitur & ascendit apud Romanos. A fortibus ergo factis promotio: Et hoc milites reddebat fortes. Paulatim ipsi Principes cœperunt ordines inter beneficia dare, & ab iis petebantur. Quin & census habita ratio, & quidam ditiores statim ab initio *Centuriones* facti, sine aliis militiæ rudimentis. Quid, quod etiam aliter

(a) *Ducum divisio.*

(b) *Centuriones ut creati:*

(c) *Promotus & Promotio.*

liter facti per opes? emebant: sed hoc apud turpes.

Electio Centurionum duplex: (a) Prima electione eligebantur 30. Totidem altera; nempe ex quoque numero, genere, situ seu manipulo decem, Qui primo electus, nempe *Primopilus*, (b) pluribus eminebat; etiam eo, quod more & jure ad consilium militare venit, in quod primo omnium Legati veniendi jus habebant, & Tribuni; igitur parte quadam istis æquabantur. Interdum plerique omnes Centuriones advocati in consilium, sed pro tempore, ac arbitrio Ducis magis, quam more. Interdum & Equites admixti, digniores scilicet militum, & Centurionibus æquandi. Insigne Centurionum erat vitis.

Centuriones jam electi, rursus sibi eligunt Uragos, qui sunt vel agminis coactores, qui a fine & a tergo curant; vel verius (c) Optiones: erant enim hi subsidia, & velut Vicarii Centurionum. Olim cum a Tribuno darentur, *Accensi* sunt dicti; sed postquam Centurioni optandi eligendique jus fuit, *Optiones*; ex facto nomine sumpto: Dicti etiam *Sucenturiones*.

B 2

Fue-

(a) *Electio Centurionum*. (b) *Primopili dignitas*. (c) *Optionum electio*.

Fuerunt ergo Centuriones 60. & totidem Succenturiones, seu Optiones.

(a) Idem eligebant etiam duos vigore animi & corporis præstantes Signiferos. Et quamvis unum tantum videtur fuisse vexillum in manipulo, duo tamen erant Vexillarii aut Signiferi, ut alter alterius vicem obiret in defatigatione (gravia enim hæc signa) aut etiam in morbo.

Ordo autem Centurionum [b] triplex: A numero, A genere, A situ. *A numero* est, qui in ipsis manipulis aut cohortibus; & ut illi atque istæ non nisi decimæ, sic Centuriones; a primo ad hunc numerum descenditur, nec itur infra. *A genere*, qui in ipsa cohorte una spectatur, & honestior Centurionum ille, qui in eo honestiores. *A situ* denique, quod eos, qui ejusdem numeri, generis, immo manipuli sunt, spectet, ut dignior sit, qui primus electus in electione priorre. Dææ enim sunt electiones (uti dixi) priorre eligebant Centuriones 30. nempe in quoque genere 10. tum iterum 30. eadem divisione. Ergo omnes, qui primi, secundi, tertii, in tali genere, in tali manipulo, priorre electione

ne

(a) *Electio signiferosum.*

(b) *Triplex ordo Centurionum.*

ne dicti, ii præerant dextræ centuriæ, & hoc aspectu in eodem numero, genere, manipulo digniores. Sic Hastatus primus, pro Centurione in primo ordine seu manipulo Hastati. Sic primus Princeps, prioris centuriæ.

Promovebantur Centuriones (a) non saltu, sed gradu, & ab infimis ordinibus perveniebant lento pede ad primos. Et hæc promotio per cohortes & manipulos fiebat, hoc modo: Erant 10. cohortes, infima decima, & in ea 3. manipuli, in quoque horum duo Centuriones. Isti omnes numero pares, genere impares: ideoque prima promotio in eodem numero & cohorte, a manipulo ad manipulum, sive a genere ad genus fuit; puta, a decimo hastato ad decimum principem, ab isto ad decimum pilum. Tum expleta ea cohorte, numero ascendebant, fiebantque noni, mox octavi, & denique primi. Cum jam illic, a primo hastato ad primum principem, a primo principe ad primum pilum ibant. Virtutis tamen hic sæpe respectus, & ea eximia ad primos etiam locos saltu traducebat. Arcanum, & utile militiæ firmamentum. Sic etiam de legione in legionem tra-

B 3 du-

(a) *Promotionis Centurionum ratio.*

duci soliti aliquando . Primi ergo ordines sunt illi Centuriones in prima cohorte ; Primus hastatus uterque ; Primus princeps ; Primus pilus . Nec aliter intelligendum , si legitur , *Centuriones primorum ordinum* ; vel compendio quodam *Primi ordines* , pro ipsis Centurionibus talium ordinum .

De Primopilo .

Primopilus varie appellabatur : (a) *Centurio primipili* , & *Primipilus* , *Primopilus* simpliciter , vocibus junctis , Item absolute *Primus Centurio* , ἡγούμενος τῆ τάγματος , Dux aut Princeps legionis . στρατοπεδάρχης τῆ τάγματος , Præfectus legionis . (b) Erat enim ipse caput & ductor omnium Centurionum . Etiam in Collegam suum , sinistrum Primopilum , jus aliquod habebat ; nam hæc de dextro accipienda , & summo , nisi tamen imperium hoc inhibuere per vices . Imperabat quidem suæ dumtaxat centuriæ , sed quia mandata Imperatoris aut Tribunorum sæpe per illum edebantur in vulgus , etiam in acie , in agmine illum aspestabant , & ad ejus nutum sistebant , aut procedebant , ideo quia Aquilam regebat , primum signum . Et ita præerat Aquilæ , ut etiam sub iter ipse evel-

(a) *Primipili nomina* . (b) *Officium* .

evelleret refixam, & Signifero suo in manum daret: quin etiam in ipsa acie assistebat, & tuebatur. Quia igitur Aquila in Primipili tutela, & ei velut assignata, inde manavit, ut Aquila, pro ipso illo munere & Primopilatu usuparetur.

(a) Huic muneri non modo dignitas, sed & opes adjunctæ. Etenim præmia Primopili in pecunia primum, quam certam iis definivit Augustus, signate tetigit Papinianus, 300. aureos: fortasse pro censu equestri: Certe adjunctus is honos, & pro Equitibus erant, qui Primopilatu functi, dicebanturque *Primopilares*, vel *Primopilarii*. In Codice Justiniani & Theodosii, Primipili munus ministerium magis fuit, quam honos; sic enim dicti, qui ad pascendos milites solemniter ad limitem destinantur. Quia tamen olim Primopilatus quiddam eximium, petitus ambitiose & repetitus; atque adeo Tribuni ipsi, postquam defuncti, capiebant.

DE TRIBUNIS.

Sequuntur *Tribuni*, qui ut Centuriones manipulis, sic isti toti legioni præfuerunt. Græci a similitudine quadam, non a veritate, vocant *Χιλιάρχας*,

B 4 Mil-

(a) Præmium, & dignitas.

Millenarios duces; quales erant in exercitibus Macedonum, unde ad Romanam militiam traducti.

(a) Tribuni seni in quaque legione erant. Creavit eos primo Romulus, ejusque exemplo Reges & Consules, donec & Populus in hunc honorem jus & suffragium sibi sumpsit; quod factum primo circa annum U. C. 393. Cum vere minus idonei crearentur per ambitum & gratiam, Populus exclusus. Id autem non diuturnum; Populus jus repetiit, ita ut parem numerum Tribunorum Consules & Populus crearent. Qui a Populo creabantur, digniores habiti, & dicti *Comitiati*, quia Romæ in Comitibus designabantur: qui a Consulibus in exercitu creabantur, dicti *Rutili*, postea *Rufuli*. Prætores, aut Consules, aut qui pro iis, sæpe in provinciis creabant Tribunos; & isti in annos mutabantur.

Tribunorum (b) duplex genus: Equites, & Plebeji. Plures ex Equitibus, etiam non raro ex Senatoribus, præsertim graviore bello; alioquin contra gradus hic ad senatorium ordinem erat. Atque hinc discrimen Tribunorum, ut quidam *Laticlavii*, quidam

An-

(a) *Tribunorum numerus & origo.*

(b) *Duplex genus.*

Liber Secundus. 33

Angusticlavii: illi, qui ex Senatu; isti, qui ex Equite nati. Laticlaviorum præstantior ordo. Utrumque genus ambitiose petatum, & datum; & quo pluribus gratificari possent, factum semestre. Hinc *Semestre aurum*, dixit Juvenalis, quia etiam annulo aureo utebantur Tribuni. Vox deinde Tribuni laxa notatione usurpari cœpta, & in variam administrationem aut præfecturam ut *Tribunus stabuli, fabricæ, voluptatum*, &c.

Munia Tribunorum erant, (a) jus dicere, & de capite cognoscere: signum excubiis dare, vigiliis curare, munitiones, exercitia, & alia.

Tribunorum ornamenta, (b) aureus annulus, quo cæteros milites non fas uti, sed ferreis tantum. Equites quoque gestabant annulos aureos, quia pari pene loco & dignitate cum Tribunis erant. Hoc tamen discrimen diu post sustulit Severus Imperator, qui inter alia militibus indulsit aureis annulis uti. Alterum insigne in veste fuit, quam paulo splendidiorē gessisse Tribunos vero est simile, sicut & ipsos Centuriones. Sub Augusto, & deinceps, tunica lati clavi fuit Tribunis, qui senatorii gradus aut stirpis essent.

B 5

sent.

(a) *Officium.* (b) *Ornamenta.*

sent. Fuerunt etiam postea iisdem Apparitores, sed ab Alexandro Principe sublati.

DE DUCIBUS EQUITUM,

& Sociorum.

Equites Civium in 10. Turmas dividerunt, ex unaquaque 3. sumunt futuros Duces seu Decuriones: sunt igitur 30. Duces in 10. turmis. Tot autem sunt Turmæ, quot Cohortes; (a) tot Decuriæ, quot Manipuli. Duces igitur etiam totidem, nisi hoc discrimine, quod Turma unum, non geminos, ut Manipulus, haberet. Hi sibi assumebant 3. Uragos, seu Optiones: nam optio etiam in Equitibus, & Optionatus ipsum munus.

(b) Turma 3. Decuriæ sunt; & quæ Decuriæ præest, *Decurio* dicitur. Mutatum tamen in numero, nec 3. sed unus tantum, nomine prisco retento: ut enim illa ætas manipulos in peditibus sustulit, sic etiam in equite Decuriones neglexit. Sic quæque Turma (c) unum signum habuit, non quæque Decuria aut Dux, ut in peditibus factum. Erat tamen ordo in Turmis & Decurionibus talis, qualem de peditibus di-

xi

(a) *Decurionum numerus.* (b) *Turma Decuria tres.* (c) *Signum unum.*

ximus. Cum primus non adest, secundus vices ejus supplet.

Socios ordinabant *Præfecti*, sicut Cives Tribuni; & ipsi *Præfecti* a Consulibus constituti: quod valde ad rem Romanam & securitatem pertinuit, & contra omnem motum & rebellionem è re fuit, ut *Sociis* (a) *Duces* præcipuos darent Romani, non altos scilicet, aut animorum plenos, suspectos, aut parum fideliter Romanos. *Præfecti* hi ut numero, sic jure & potestate Tribunis pares, & qui eadem omnia in *Socios* usurpabant, quæ isti in Cives.

DE LEGATIS.

Legati Imperatoribus adjuncti; (b) primo non tam ad imperandum, quam ad consulendum instituti ac missi. Missi, dico; quia hinc videtur ipsum nomen *Legati*, quod *Senatus* quosdam è primoribus in castra ad *Ducem* legabat militiæ gnaros, quorum opera & consilio uteretur. Magna erat *Legatorum* dignitas; habebant enim potestatem Imperatoris, venerationem vero Sacerdotis. Iam olim in re Romana fuerunt, & quidem supra *Tribunos*, electi ab ipsis Consulibus; ita tamen, ut con-

B: 6 si-

(a) *Duces Sociorum*. *Legati* cur instituti.

filium consensusque Patrum interven-
rit.

Munus eorum (a) consulere, admi-
nistrare, præesse, & uno verbo, vica-
riam operam Imperatori dare. Cicero
appellat Nuncios pacis ac belli, Cu-
ratores, Interpretes, bellici consilii
Auctores, Ministros muneris provin-
cialis.

(b) Larga eorundem potestas, sed
tamen Imperatori devincta, eique ob-
noxia. Interdum etiam imperant, &
Imperii insignia sumunt, cum obtinent
fiduciariam operam Imperatoris, eam
scilicet, quæ revocatur cum vult is,
qui dedit; propriam enim & a se non
habent. Cum absens Consul aut Pro-
consul, & Legatus ejus vicem sustine-
ret, etiam lictores & secures habuisse
legimus.

Numerus Legatorum incertus. (c)
Plures paucioresque fuerunt in legioni-
bus, ut Senatui visum, & ut bellum,
aut res poscebat. Plerumque tamen
pro numero legionum attributi; singu-
lis singuli.

Sub Principibus duo genera Legato-
rum facta, (d) Consulares, & Præto-
rii: quorum illi toti exercitui præef-
sent;

(a) *Munus eorum.* (b) *Potestas.*

(c) *Numerus.* (b) *Genus duplex.*

fent ; isti legionibus singulis , idque Augusti invento. Quasi enim unus ille jam Imperator esset , rem administrabat per Legatos ; nec aliter dicebatur : eoque nec triumphi jus habebant , cum omnia gererent auspiciis alienis. Legati Consulares etiam simpliciter *Consulares* dicti. Prætorii etiam *Legati legionum*. Legati ipsi , postea *Duces* Latinis dicti .

DE IMPERATORE.

Supremus ac communissimus Ducum ipse *Imperator* , a quo Cives , Socii , Equites , Pedites , denique omnes & omnia pendent. (a) Ille est , qui non solum ductum , sed auspicia etiam habuit (distincta enim ista :) Ductum , cum ipse interfuit : (b) Auspicia , cum alius rem gessit illo mandante , & Fortunam ac Deos suos commodante . Nam sic loquebantur , *Suos Divos præbere* , *Suos Deos dare* , id est , dirigere & jubere . Sumptum autem a more veteri , quo omnia gesta auspicato , præsertim in bellis . Nec alio fine in castris ipsum Augurale , & juxta Prætorium situm . Hæc olim ita , & serio servata ; postea non nisi imago & nomen mansit , cum pleraque jam a Proconsulibus aut Proprætoribus administrarentur ,
qui-

(a) *Imperator quis . Auspicia illius.*

quibus auspicia nulla . Nam soli magistratus ea habebant , eaque domo , Latinis feriis actis , sacrificio in monte perfecto , votis rite nuncupatis secum ferebant , nec privatum auspiciâ sequebantur . Atque adeo *Auspicium* simpliciter pro Imperio Tacitus posuit .

Imperatoris (a) insignia fuere lictores cum fascibus , atque ii paludati . Ita enim ad bellum egredi solebant : quin & ipse Dux paludatus . Etiam tubæ tunc incinuerunt , & ad eas facta profectio . (b) *Paludamentum* Varro dixit insignia & ornamenta militaria . Dictum etiam *Sagum* , & *Sagulum* ; in ipso Imperatore etiam *Chlamys* . Nec solum Imperatorum erat Paludamentum , sed etiam tribuitur aliis militibus : hinc apud Lucillum *Rorarius paludatus* legitur . (c) Forma paludamenti erat , ut extrema longitudinis essent utrimque angusta , imis latioribus . Color ejus eximius , & quidem e cocco . Ab hoc colore , *Puniceum* dixerunt , sive *Punicum* , pro paludamento . Erat etiam album , quo interdum usi , sed crebrius cocceo . Imperatores inter vota & immolationes exhibant , & tunc vestem hanc capiebant , quæ profectio etiam

(a) *Insignia* . (b) *Paludamentum quid* .

(c) *ejus Forma & Color* .

celebris esse solebat frequentia deducen-
tium prosequentiumque .

(a) In equis Imperatoriis etiam tale
aliquid usurpatum , iique , unus vel
plures , ornati insignibus militaribus ,
phaleris & auro , fortassis & coccineo
strato . Simile quid apud Græcos , &
in Regibus erat , qui sic ornatos equos
habebant .



L I B E R I I I .

D E A R M I S .

A Rma duplicia : Ad petendum , Ad
tegendum . Illa proprie *Tela* , &
hæc *Arma* . Nos cum Polybio milites
secundum genera armabimus , ut primo
sua arma habeant Velites , sive levis
armatura ; tum reliqui : & utraque illa
mixtim .

DE LEVI ARMATURA .

Commune nomen *Levis Armaturæ*
est , *Ferentariæ* , a ferendis armis dicta .
Horum autem *Levium militum* plura
genera sive partes , (b) *Rorarii* , *Ac-*
censi , & quos hic *Velites* dicimus . Il-
li pri-

(a) *Equi Imperatoriis* . (b) *Levium mi-*
litum genera .

li priores duo in veteri Levi armatura fuerunt; isti postremi in nova (a). Et notandum est, novum totum istud de Velitibus fuisse, & antea Funditores, Jaculatores, Sagittarii, & id genus in usu, quos duobus illis nominibus, Rorariorum, & Accensorum dicebant. Manseruntque illi ad bellum Punicum 2. quo Velites instituti, A. U. C. 542. ante perraro id nomen in Romana re legitur; (b) sed Velitibus usi sunt ante Romanos Galli & Germani. Et hæc Velitum origo, qui post Cæsaris ævum desierunt, & vox deinde usurpata pro levi milite.

Rorarii & Accensi erant, (c) qui e levi armatura primi prælium committebant: Illi quidem sic dicti, quod, ut ante imbrem fere rorare solet, sic illi ante gravem armaturam prodibant: Hi vero, quod ad censum legionum adjicerentur. Stabant autem Rorarii (uti etiam Accensi) in fine, & a tergo agminis post Triarios, donec pugna cœpta, tum procurrebant, & eminus inter ordines pugnabant. Utrumque autem hoc genus, natis Velitibus, desivit; postea tamen iterum in Funditoribus & Sagittariis quasi resurrexit.

(a) *Nota.* (b) *Velitum origo.* (c) *Rorarii & Accensi qui.*





xit. Nam Romani, promoti jam Imperio, Sociis in civitatem acceptis, provinciis variis subjectis, Velites e suis scribere omiserunt, eorum loco usi Funditoribus, Sagittariis, Jaculatoribus, quos Baleares, Cretenses, Numidæ, & id genus nationes subministrabant: qui tamen inermes fuere plurimum, ut illi prisce. Sagula habebant & cingula super femora. Talem pictum utcumque damus, qui sagulo aut chlamyda reducta, lapides sinu præfert. Sed & alium etiam diligentius paulo armatum, cui galea, scutum lunatum, & ocrea una. Hi tales autem rari.

* * * *

ARMA VELITUM.

Velitum arma 1. Gladius 2. Hasta.
3. Parma. 4. Galea, sive tegmen capitis.

1. *Gladius* (a) Hispaniensis, qui aliis quoque militibus, & infra mox describetur.

2. *De Hasta.*

Hastæ, (b) vel Hastulæ numero 7. ex tenui ligno, ut hodiernæ sagittæ; septena enim illa manum implebant. Istæ hastæ, quia sua quadam forma, & minores, discretim ab aliis dictæ: *Hastæ velitares*. Græcis γρόψς, telum
ip

(a) *Gladius*. (b) *Hasta*.

ipsum; & ὑποσφύμαλοι, Velites dicuntur, quorum primum & præcipuum munus, jaculari. Hastæ hæ erant longitudine tripedum, digitali crassitie, ferro molli 12. digitorum, unde primo jactu statim inflectebantur, ut hostes retorquere non possent.

3. *De Parma.*

(a) Parma e ligno, corio superinducto, erat rotunda: hinc nomen, quod a medio in omnes partes par; tripedalem habuit dimensionem.

4. *De Galea Velitum.*

(b) Galea, aut Galerus, e pelle aut lana tegmen capitis erat Veliti, non ex ære aut ferro. Sic enim distinguitur Galea a Casside, quia illa de corio est, hæc de lamina: & vox ipsa præfert, nam ἀπὸ τῆς γαλέης, a fele, aut mustela. Sane prisce tegmina fere capiebant a feris; unde in Homero κτιδίην, κυνίην, ταυρίην, ἀγρίην. *mustelina, canina, taurina, caprina*. Et in Suida ἀλώπεκία, ἡ περικεφαλαία. *Vulpina, ipsa galea*. Sic dictæ, quia a talibus animalibus captæ. Ipsas etiam leoninas exuvias sumebant, & sic aptabant, ut caput capite velarent, cæteris humeros, & dorsum: & Romani
in

(a) *Forma Parmæ.* (b) *Galea ex quo facta.*

in sua militia vulgo usurparunt. Nam in columna Trajani omnes signiferi in hoc habitu, cum pelle leonis, quæ caput, humeros, dorsum tegat, & cauda pedes flagellet. Non sic tamen in nostro Velite, cui galea tantum extalli aliquo tegmine; & sæpe lupo, Romana fera, & Romuli nutrice; alias ex urso, aut tali fera. Afri e serpente. Hæc talia tegmina appellant *Galeros*, *Galericulos*; *Cudones*. Galeis e corio etiam usi Græci aut finitimi, ut *Paphlagones*, *Macedones*. Legitur etiam *Galea venatoria*, pro hoc sensu.

A Velitibus haud longe absunt Græcorum (a) *Pelastæ*, sive *Cetrati*. Hac occasione videndum quid *Cetra*, quid *Pelta*.

De Cetra, & Pelta.

(b) *Cetras*, sive *Citras* Afri sua scuta dicebant, atque eas varie pingere aut cælare solebant. Tales hodie Mauri gestant, sed majusculas, & formatas fere in cor humanum. Britannis etiam hæc scuta tribuit Tacitus. Hujusmodi quoque fuerunt Hispanorum, qui vel maxime *Cetris* usi, iisque pulsatis rhythmicè & cantu saltuque hostem invaserunt, pene *Laconum* ritu, qui ad tibiam

(a) *Pelastæ*. (b) *Cetra* quid..

biam & numeros ingressi & congressi. Galli, Germanique etiam cantum ac saltationem adhibuerunt. Cetram passim pro Pelta etiam sumunt, & pro ea Latini reddunt.

Pelta autem inventum Iphicratis, (a) cujus forma non longe a Romana & velitari Parma, etsi fortasse haud usquequaque sic rotunda. *Pelta* exponitur Thracia armatura, Latini fere Parmam reddunt: & in Glossis, Parma, *ῥακινὸν ὁ πλοῦ*. A tali parmularum figura gladiatores Romæ erant, *Thraces* dicti, quia iis armabantur. *Peltæ* (b) forma ad ancilia accessit, etsi lateribus minus incurvis aut reductis; sed leviter sinuata, & introrsum curva. *Pelta* vero Amazonica distincta fuit a prioribus leviter sinuata, in modum fere Lunæ: inde *Pelta lunata*, apud Virgilium. In priscis monumentis & lapidibus visitur bilunis, id est, duplici semiluna insignis. *Peltam* e marmore hic expressam vides. Item alteram supra pariformem, sed paulo magis diffusam, in Funditore, quem dedimus pag. 41. * * * *


Peltæ pendebant e collo loris, & cum sese aptarent pugnæ, detrahebant.

ARMA HASTATORUM.

Hastatorum arma 1. Scutum. 2. Gladius. 3. Pilum. 4. Galea. 5. Lorica. 6. Ocrea. Ea-

(a) *Pelta* quid. (b) *Forma* ejus.

Pag: 44 .





Eadem pariter arma fuerunt *Principibus & Triariis*, nisi quod Triarii pro pilis hastas ferrent. (a) *Causa aperta* : quoniam in extremo depositi, longius ab hoste erant, quam ut pila eorum pertingerent, aut vim perferrent missa. Altera etiam causa, quod fortasse contra equitum irruptionem, & totam ordinum confusionem muniverunt istos hastis, quibus acies velut vallo septa inhorrebat. Ista igitur hastas ad *statariam & manuariam pugnam* habebant, & ut Livius loquitur, *ad ora fodienda*. Non tamen istæ hastæ nimis longæ, nec ut Macedonum *sarrissæ*. Nec potuissent: nam cum scutum majus sinistra gererent Triarii, una manu commode videntur tractasse istas hastas.

1. *De Scuto.*

Scutum, (b) cui nomen *παρά το σκῦρον* a loro, e quo factum; non a secando, aut excutiendo, quod Varro & Isidorus putant; differt à *Clypeo* forma; quæ enim rotunda, & in orbem justum relata, *Clypeos*, dixere: quæ in longum exhibant, *Scuta*. *Clypeus* Græcis *ἀσπίς* *Scutum* *θυρεός*. Dio tamen, & inferior ætas confundunt.

Du-

(a) *Cur Triariis hastæ pro pilis.*

(b) *Scutum unde dictum.*

Duplex Scutorum genus: Unum *Ovatum*, (a) inæquali longitudine, ac patet magis, produciturque circa umbilicum, extremis angustioribus: Alterum genus rarius, *Imbricatum*, (b) quod undique æquali latitudine, & velut januæ formam habet, sed incurvæ: & sectum canalem aut imbricem refert. Forma & facies utrorumque in sculpturis, ut hic depingimus.


* * *

Latitudo (c) Scuti in gibba superficie duorum pedum & semis; longitudo pedum 4. Prolinuerunt ergo, & oblonga magis quam lata fuerunt: nam totum hominem tegebant leviter se inclinantem. Majus etiam palmo excedit; & videtur id Triarii, & digniores Principum gestasse.

E pluribus minutisque tabellis hoc corpus junctum, (d) nam pluribus lignis & assiculis constitit; atque hæc ex certis arboribus. In quo genere sunt ficus, salix, tilia, betulla, sambucus, populus utraque. Levissimæ autem ex his ficus & salix, ideoque utilissimæ, adeo ut Græci Poetæ *τρίαν* sive *Salicem*, pro Scuto dixerint. Erant & e vimine texta Scuta: talibus enim Siculi

(a) *Ovatum*. [b] *Imbricatum*. [c] *Scuti magnitudo*. [d] *Materia ex qua*.

Pag: 46





culi & Syracusii vulgo usi, & ῥέπρας vocabant. Persis etiam attributa, quia creberrime & recentissime ii habuerunt, sed Rhombi specie. Habuerunt & Germani, & Galli scuta vimine texta, quæ fucabant colore, & inducebant pelles aut tabulas, sed ea non optima aut firma, & assumpta in egestate aliorum. Macedones etiam olim usi, sed quæ in ærea & argentea Alexander mutavit. Etiam Itali, & ipsi Romani: Scuta tamen rotunda & equestria, levitatis fortasse causa, talia fuerunt. In Scuto grandiore plerumque duæ ansæ (a) fuere; Græci ὄχλον dicunt, a *tenuendo*, & id inventum Caribus assignet Herodotus. Ex ferro istas facit Suidas, vel e loro.

(b) Fuit taurino glutino cum linteo compactum, quod & linteum tabellis junxit, & tabellas ipsas inter sese, & corium firmavit. Videntur & nervo aut ferro vinxisse. Exterior superficies corio vituli, aut potius bovis tegebatur; immo sæpe illa coria multiplicata. Sed inde etiam detracta legimus, & urgente fame pro cibo mollita: ut in obsidione Hierosolymæ, Sagunti, Cafilini.

Ex-

(a) *Scuti ansæ*. (b) *Compages*.

Extrema curvatura, seu margo (a) in scuto ferreus erat, instar tenuis bractæ aut lamellæ; Græci σιᾶλωμα & λισιδεῖα dicunt. Inventum Camilli, qui laminam ferream scutis in orbem adaptavit, contra immanes Gallorum gladios, ligno solo parum ictus sustinente: tum etiam ad scuti tutelam & servamen: Inclinabant enim sæpe in terram, & fere sic ante tentoria, aut in excubiis habebant, pilis etiam acclinatiss. Ne ergo putisceret lignum, munimen a ferro.

(c) Umbo in scuto ut plurimum, & vulgo e ferro: Poetæ etiam aureum faciunt; & satis indicat Sidonius, ditiores argentum in ambitu, & aurum in umbone gestasse. Non is luxus olim. Est autem Umbo media illa pars scuti, quæ protuberat & exseritur cum rotundo tumore. Ideo *Umbo*, quod Græcis est ἄμβων. Montes & eminentias hac voce Statius sæpe vocat. Sed & Latini vestis positum, qui ad pectus exhibat in tumorem, sic dixerunt. [b] *Ufus*, ad avertendos vehementiores ictus lapidum & sarissarum, & cujuscumque violenti teli. Eo etiam hostes avertabant: nam in conflictu & pugna cominus

[a] *Umbo*. (b) *Ufus Umbonis*.

(c) *Margo*.

nus utebantur eo ad impulsum, ubi etiam pars humeri brachiique projecta & incurvans adjutrix in hoc nisu.

Origo Scutorum (a) a Regibus, imo a primo ipso Rege Romulo: Exemplum a Sabinis; item Liguribus, quorum tamen scuta a Romanis differunt; teguntur enim Ligures scuto longo, ad Gallicum modum facto.

Solebant Græci, Romani, Barbari, varias picturas, (b) formas aut colores scutis addere, sive ad insigne, ut cognobiles essent; sive ad decorem. Vetus ritus, qui etiam heroicis temporibus obtinuit; Cares auctores facit Herodotus. Ulysses delphina habuit in scuto, Lycurgus tridentem; qui Lysandrum interfecit, draconem: Spartanus quidam muscam viva nihilo majorem; cumque irrideretur ab aliis, quasi ab ignavia & metu ita faceret, ne hosti conspicuus esset: Imo, inquit, ut agnoscar. Usque eo enim accedo, ut cernere cominus possint signi mei modum. Alcibiades in scuto ex ebore & auro confecto habuit Cupidinem brachiis fulmen complectentem. Poetæ Deos, homines, animantes, & pene quidquid in rerum Natura, scutis intexunt.

C

Apud

(a) Scutorum origo. (b) Pictura in Scutis varia.

Apud Romanos pyropo ornata colligimus, sive lapide ipso, sive colore rutilo & flammante; talis enim in fulmine, quod crebrum valde, & quasi promore in scutis Romanis. In iis etiam majorum facta expressa, aut imagines; ut Romulus & Remus de lupa pendent. Sed & proprias fortasse laudes & facta cælabant. Et in columna Trajani videre est scuta quædam variis coronis ornata; donaticas fuisse censendum est, & eo indicio latas. Solebant etiam Romani quædam nomina (a) iis inscribere: primo Imperatorum, sub quibus merebant: deinde Centurionum; atque adeo & sua, ne forte, repositis in uno loco armis (quod Tacitus fieri solitum scribit in Prætorio castro) fraus aut error contingeret in recipiendis, Cum igitur talia insignia & indicia in scutis, non mirum, quod tam curiose & caute habita, & contra nimbos, pulverem, talesque injurias tecta (b) thecis & repositoriis quibusdam coriaceis: sed ante aciem, sive in via, sive in castris detegebant.

Hæc autem insignia in scutis depicta etiam aliis gentibus nota, Saguntinis, Gallis, aliis. (c) Et ab illis pecu-

(a) *Nomina in scutis.* (b) *Scuti theca.* (c) *Origo insignium.*

culiaribus nata insignia & argumenta familiarum, quæ hodie in usu; an abusu? Ignavissimi usurpant.

2. De Gladio.

Gladius Hastatis unus; sequenti ævo alium minorem gestabant, quem *Pugionem*, voce Latina Tacitus, alii Græcànica *Paramerium*, aut *Parazonium* vocant, quia ad femur aut zonam penderet. Gladium hunc, *Hispaniensem* dictum, (a) ad dextrum latus alligatum ferebant, novum nostris moribus; sed forsitan spectarunt scuti usum, præcipui inter arma: id impediri videbatur, ejusque frequens motio, si gladius aut vagina sub brachio sinistro: quamquam etiam ad lævum gestatum, & in ea re variatum. Et forsangladii sinistri introducti, cum gladioli aut *Parameria* introducta.

Pendebat autem iste gladius (b) ab humero, non e medio cingulo, veteri & heroico ritu, ut commodioreductio. Et hinc *Arma* dicta, quod ex armis, hoc est, humeris penderent. Prisca monumenta id passim ostendunt, & procaciores milites hodie usurpant. Latioribus autem loris dependebant, & id *Baltei*, vel *Baltea*; quod tamen

C 2 etiam

(a) *Gladius a dextris*. (b) *Baltea alligatus*.

etiam cingulum commune, quo in orbem ambimur, significat. Hunc autem milites singulariter ornabant, eoque velut militiæ præcipuo insigni superbiebant. Bullis honestari plerumque solet, ex argento, auro, interdum & gemmis. Parthi maxime sic luxuriati.

Dictus hic Gladius *Hispaniensis*: [a] videtur enim cum Annibale illatus, 2. bello Punico; tunc scilicet, cum Romani vires & constantiam experti militiæ Hispanicæ, adsumpsere hunc enssem. Illo feriebant non cæsim, sed punctum, unde mucronem habebat eximium: [b] Nam cæsim pugnautes non solum facile vicere, sed etiam derisere Romani. Cæsa enim quovis impetu veniat, non frequenter interficit, cum & armis vitalia defendantur, & ossibus: at contra puncta duas uncias adaucta, mortalis est. Deinde, cum cæsa infertur, brachium dextrum latusque nudatur: puncta autem tecto corpore infertur, & adversarium sauciat antequam videat. Et quia lamina ejus erat firma & stabilis, & ictum utrimque habebat, ideo etiam utilis erat ad cæsam. Hoc igitur Romani ambifariam usi.

[a] Bre-

(a) Cur *Hispaniensis*. (b) *Punctæ utilitas*.

[a] Brevis fuit, & duos pedes in lamina non explevit : vi tamen & firmitate maxima ; nam galeas divisas, corpora detruncata brachiis abscissis, aut tota cervice defecta legimus. Erat ergo forma & facies Romani gladii, qualis fere est hodie noster equester : apparet ita in monumentis priscis : etsi in iisdem etiam acie simplici, & superne leviter pandus, ad Orientalem & Turcicam formam.

3. De Pilo.

Pilum, Græcis *ύσσος*, erat proprium missile legionarii militis ; Unde *Pilata* legiones veterum. Duo autem notat hæc vox, *Pistillum* ; & *Telum* : & *Pilum* [b] pro telo usurpari cceptum ab illo vult Varro. Dictum enim ab omine, quod hostes feriret ut pilum. Sicut enim instrumento illo rustico aut cibario teri frangique frumenta solent, sic isto hostes. Alii tamen rescribunt : quod hostis periret, ut *Perilum*.

[c] Duo pila militi erant : Unum *majus*, idque rotundum, diametri palmaris ; vel etiam quadrangulum, magis crebrum & vulgarius : Alterum *minus*, simile venatoriis hastis. *Sibyna*, vel *Sibyna* huic minori similis.

C 3 Fuit

(a) Longitudo & forma. (b) *Pilum* quid. (c) *Pila militum* duo.

Fuit autem *Sibuna* venabulum, sive jaeculum venatorium, *καπροβόλιον* explicat Hesychius, id est, telum figendis apris.

(a) Pilorum istorum longitudo in ligno fere tres cubiti, totidem in ferro, quod habebant hamatum, sive uncinatum retro mucronem hamo satis lato; ne telum semel impactum facile esset evulsu. Erat pilum ponderosum & lentum, quia ferri pondus & gravitas tale faciebant, praesertim nullis adjutum pennis. Inerat & vis telo tanta, ut obvia quæque perfringeret, & arte directum scutatos pedites, & loricated equites saepe transverberaret. Sed notandum, ferrum (b) in pilo non existisse seorsim, aut totum prominuisse, sed partem ejus circiter dimidiam fuisse infixam, vel affixam ligno. Eminuit ergo in mucronem, & mansit cubitus & semis, alter ille modus periit in ligno. Itaque justa magnitudo pili totius fuit 4. cubitorum & semis, id est, pedum 7. paulo minus: superavit ergo mensuram hominis; ideoque Silius niti in ea milites facit. Sed hoc pilum forma & magnitudine decrevit in ferro ævo inferiori: ferrum enim trigonum,

(a) *Forma & magnitudo Pili.*

(b) *Ferrum Pili.*

num, non tetragonum fuit, idemque non nisi pedale. Et vox ipsa alio ivit, & videntur hastæ sic dictæ. Apud Belgas tamen hodie adhuc vox perseverat, qui Sagittam vocant *Pil.* (a) Ferrum autem ligno adstringebatur crebris fibulis, non enim tubum vel auliscum tam grandem habuit ferrum, in quem lignum immitteretur; sed potius duas utrimque alas ferreas, quas fibulæ istæ comprehenderent & affir-
marent.

4. De Galea arca.

Galearum forma hæc: (b) Antrorum apertæ, & ferri aliqua eminentia, sed repandi; unde & *Sila* dictæ Festo. Ad latus & malas utrasque *Buccula*, (c) sic dictæ, quod buccas tegan-
t. Unde *Buccularii*, qui has parant, conficiuntque. Sidonius *Flexiles lamina*s vocat, sic aptas, ut penderent a casside & flecterentur. Ab imis bucculis lora, quibus stringerentur ad guttur & firmarentur: Suidas *ὀχέαις* vocat, *Vincula* Sidonius. Veteres clausas, & vultui appressas undique galeas (more nostrorum Equitum) vix habuerunt. Hinc illa vox Cæsaris in acie Pharsalica: *Miles, faciem feri*, quæ

C 4 sci-

- (a) *Fibula*. (b) *Forma Galea*.
(c) *Buccula*.

scilicet , nisi a scuti objectu , nuda .

In galeis habebant (a) Cristas , in quibus mira & propria quædam superbia ; an lascivia Romanorum ? & valde sibi in iis placebant . Crista etiam *Apex* Latinis dicitur . Pyrrhus Rex cornua hirci pro crista habuit . Reges , & digniores militum , insignes maxime & superbas faciebant has partes ; contra plebeji . Sed & Centuriones Romano more transversas cristas hoc fine , ut internoscerentur , gerebant ; Vegetii quidem ævo , non olim , qui etiam argenti aliquid mixti in cristis agnoscit , fortasse & auri in nobiliorum . Φάλος proprie discretus erat ἀπὸ τοῦ λόγου ille conus est , hic *crista* . (b) Græce φάλος , κυμφαλον καὶ ἄκρον τῆς περικεφαλίας . *suprema pars galeæ* . λύφος , *juba aut crista* .

Pennas has non nisi rectas ferebant olim , sine alio paratu aut diffusione ; qui mos fere hodie Turcarum . In monumentis tamen aliter conspiciamus , & fere ad hodiernum exemplum . Erant colore duplici : (c) *Punico* , qui videtur honestiorum fuisse , & aptus fane sanguineo huic Marti : & *Nigro* ,

tri-

(a) *Cristæ* . (b) φάλος, & λῶψ .

(c) *Color pennarum* :

tristi illo & Diti sacro, ad quem multi in hoc ferali certamine ibant; & videtur hic fuisse viliorum. Fuit etiam *Candidus*, qui color festus & dignior, datque Annibali Silius. Lascivia postea in hac re, & assumpserunt etiam Pavonum pennas; at regia & Junonia hæc avis non nisi in Regum & Principum usu fuit. Nec dubium, quin tulerint Aquilæ, & talium avium, quæ pugnaces aut rapaces, vel ominis scilicet causa. Fuit triplex hæc Crista, sive *τρικέφαλα*, & *τριτάληα*, tres pennæ rectæ. (a) Juba etiam creberrime galeis impositæ; nec Græcorum tantum, apud quos pene perpetuum, sed etiam Latinorum.

[b] Cristæ bonæ duplici causa, & in tenui re momentum ad pugnam & victoriam: *Sive* quod vir major, & animo quoque crescit: *sive* quod hosti terrorem magis præbet. Hinc nescio quo Naturæ ductu ubique terrarum ferre bellatores hoc affectant. Orientales passim, atque etiam rudes isti in novo Orbe. Majores nostri studiose, imo ambitiose affectarunt: & hinc insignia ista familiarum tam varia, queis superbimus. Inventores primi Ca-

C 5

res.

(a) *Juba in galeis.* (b) *Usus cristarum.*

res. (a) Nam galeæ istæ, quæ scutis imponuntur, familiarum antiqua digmata, originem habent a multifariis istis cristis. Alius cornua sumebat, quasi ad impetendum & terrendum, ut de Pyrrho dixi: alii alia. At in hodiernis galeis quam crebra cornua? alia animalium partes? sæpe capita? Quæ omnia olim in Gallorum & Germanorum quotidiano ritu: qui etiam soliti erant detractas ita exuvias ferinas, ipsosque hiantes rictus capiti imponere; id quod & Parthi fecisse leguntur.

5. *De Lorica.*

Plerique militum non habebant Loricæ hamatas, sed partem æris aut ferri procusam, quæ summum pectus tegeret: nam ima ventris satis scutum muniebat. (b) Fuit adsimile quiddam hodierno pectorali, sed minus longum, & æquabiliter quadrum. Et vocabant *Pectorale*, a re & usu, quod pectori tegendo. De corio etiam crudo *Pectoralia* faciebant, & e ferro. Hoc genus appellat Polyænus ἡμιθώρακια, *Semiloricæ*. Pausanias veterum, & Homericas loricæ describens: (c) *Duæ*, inquit, erant *eræ partes*, illa quidem pecto-

(a) *Origo galearum in insignibus.*

(b) *Pectorale quid.* (c) *Loricæ duplex.*

pectori, & iis, quæ circa ventrem, apta, hæc ut dorso tegmen esset. Vocabant Gyala, sive Cava & incurva, a forma. Illam antrosum, hanc retrorsum inducebant; deinde fibulæ utramque jungebant. Ecce adsimiles, aut ipsas nostras loricas hodiernas. Fibulæ item in latere utroque loricas istas jungebant.

Habebant ergo Hastati (a) Loricam vel e lamina ærea seu ferrea, digitorum undique 12. (b) hæc autem erat viliorum. Ditiores vero, & qui super 10000. drachmas censû, eximie & præter cæteros debebant armari. His enim necessitas ferendi non Pectoralia, sed totas Loricas, easque hamatas, ex catenis & squamulis confectas. Dicebantur enim *Hamatæ*, vel quia circuli & catenæ nexæ hamuli speciem dimidiatæ referebant: vel quia & hami catenulas jungebant. Græcis θώραξ ἀλυσίδας τὸς *Lorica catenata*. Et nihil aliud fuit, quam circuli sive annuli ferrei inter se nexi, more, quem hodie Galli & Germani servamus, etsi exolescens. Origo a Gallis.

Alterum genus (c) Loricarum hamatarum erat, quod non annulis soli,

C 6 sed

(a) *Lorica viliorum*. (b) *Lorica hamata*. (c) *Lorica squamea*.

sed & squamis & laminis constabat .
 Græci *φολιδωτὲς* vocant, vel *λεπιδωτὲς*,
 a squamis piscium vel serpentum .
Squamea lorica dicta Latinis ; fuitque
 honestiorum . Ipsas ergo squamas cate-
 næ jungebant . Has ipsas squamas etiam
Plumas dicebant, a specie pari . Hinc
Lorica plumata . Et Parthorum assiduum
 hoc tegmen, etiam in equis . Sic enim
 describitur eques Parthus apud Suidam :
Prior lorica pars pectus & femora &
manus extremas, & crura tegit ; poste-
rior tergum & cervicem & caput to-
tum . Fibulae vero sunt ad latera, qui-
bis utramque partem jungunt, atque ita
totum equitem ferreum dant videri .
Prohibet vero nihil aut impedit ferrum
membrorum extensiones, aut contraction-
es, adeo curiose factum sectumque est
ad naturam membrorum . Armant au-
tem & equum similiter ferro, totum
quidem & usque ad ungulas : hoc ideo,
quia nihil iis arma prosint propria, si
equus interficiatur . Isti igitur sunt Par-
thorum Cataphracti sive Clibanarii .
 Nec solum illi, sed & Sarmatæ in hac
 armatura .

Nec vero ferro solum nectebant has
 loricas, [a] sed & cornu . Imo istas
 Sarmatarum proprias facit Pausanias ,
 eas-

(a) *Lorica cornea* .

earque ita describit : Colligunt ungulas equorum , eas purgantes & dissecantes conficiunt ex iis quiddam draconum squamis simile ; aut si quis draconem non viderit , vidit autem nucis pineæ fructum viridem , iis e nuce segmentis aut lacunatis torulis si opus assimilarit , haud erravit . Has igitur squamulas perforantes , & nervis equinis aut bubulis consuentes , loricas ad usum habent , neque decore Græcanicis inferiores , neque infirmiores : nam & cominus percussæ , & jactu petitæ , resistunt & sustinent .

Erant & *trilices lorica* , [*a*] id est , catenæ & laminæ ter sic geminatæ : & *bilices* , nempe squamis geminis .

Erat & aliud genus , Statii & Sillii ævo crebrum , [*b*] cum segmenta ferrea tamquam fasciæ aliæ aliis superpositæ corpus ambiunt . In columna Trajani assiduum , & pene unicum in milite Romano hoc genus . Depictum dedit Lipsius ; etsi se nusquam legisse fateatur .

Sunt & *linei thoraces* [*c*] seu loricae , quibus varii populi usi . Græci primum , & quidem vetustissimi , etiam apud Homerum . Gestarunt & Macedones ,

(*a*) *Lorica triplices* . (*b*) *Lorica segmentata* . (*c*) *Lorica lineæ* .

nes, ipse Alexander, Thraces, Hispani, Chalybes, Itali. In usu ergo plurifariam, etsi Pausanias tamen deprimit, & venantibus magis, quam pugnantibus commendat. (a) Prisca conficiendi ratio erat, ut e filis pluribus funiculos struerent, eosque deinde necerent, & inter se aptarent. A multitudine filorum, an funiculorum? *bilices*, *trilices* dixerunt. Amasis Rex Ægypti, Plinio auctore, thoracem habuit, ejus singula fila 365. filis constabant. Conficiebant etiam hoc modo: (b) Ex lino factum textum quoddam vino austero affatim salito macebant, deinde cogeant, ut crassitiem lintei osties, decies, aut sæpius in se complicati haberet. Et vero e lana etiam ejusmodi coactiles thoraces seu lorice. Cæsar *Subcoacta* vocat, Ulpianus *Coactilia*, Plinius *Lanas coactas*; & sunt hodie nostra *Feltra*. Livio videtur *Spongia* dici.

Labente ævo tunicæ integræ ex his coactis factæ, quas vulgo milites gestabant, & *Thoracomachos* dicebant; ab Antonio Caracalla repertas. Erat enim ista *Lorica tunicata*, sive *Thoracomachus*, (c) vestimenti genus, quod de
coa-

(a) Conficiendi ratio. (b) *Alia*.

(c) *Thoracomachus* quid.

coactili ad mensuram & tutelam humani corporis conficitur, de mollibus lanis timoris sollicitudo sollertia magistra composuit, ut hoc inducto primum, lorica aut clibanus, aut his similia fragilitatem corporis ponderis asperitate non læderent, membra quoque vestientis inter armorum hyemisque discrimen tali solatio adjuncta labori sufficerent. Et ne lana pluvias paulatim combiberet, & ingravescente pondere afficiat vestientem, Libycis bene confectis pellibus tegebatur. Has loricas illa ætas *Zabas* vocabat, & *Zabarium* ejus tegmen.

Pondus [a] loricarum ferrearum exiguum fuit, sed robur eximium, ita ut catapultarium telum violenter immisum ferrum non frangeret, sed vix strituram levem & cæcam, quasi a scriptorio stylo, faceret. Et nostri hodie æmulantur, quibus sunt loricae quædam solidæ, quæ respuunt aut subsistunt sclopetorum glandes, valido haud dubie & penetrabili ictu venientes.

6. De Ocreis.

Utrumque crus tegebant Ocreis: quamquam alii populi sinistrum modo crus armant ocrea, qui scilicet jaculis pugnabant. Et ex mente Vegetii,
Fun-

(a) *Pondus & robur loricarum.*

Funditores sinistrum crus ferro tectum habent, legionarii contra dextrum. (a) Causam reddit: quia in pugna comminus dextros pedes inante milites habere debeant; at cum missilibus certatur, sinistros.

ARMATURA EQUITUM.

Equitum Romanorum duplex armatura; (b) vetus: & quæ deinde a Græcis sumpta. Olim enim non habebant loricas, sed veste saltem tecti, & quo magis expediti essent, super eam cincti. Hinc *Cinctuti*, viri militares olim dicti. Ideo autem leviter induti erant, ut ad descensum & ascensum facilem in equos magis essent expediti: quod utrumque merito spectabant, cum auxilio nullo aut fulcro uterentur ad allevandum. Interdum hasta innixos fuisse legimus. Videntur & equos quidam insuevisse ad flectenda crura, & sese demittendum. Aliis dignioribus aut mollioribus (nec enim vulgo) fuit qui manu tolleretur, & adjutaret. (c) *Ii Stratores* Latinis dicti, quia & sternerent equum, & in eum sublevarent. *Ἀναβλεῖς* Græcis, ab attollendo. Nam veteres (d) *Subiices* pedaneos ex ephip-
pio

-
- (a) *Ocrea* cur una. (b) *Armatura Equitum vetus*. (c) *Stratores qui*.
(d) *Veteres sine Stapedis*.

pio utrimque pendentes, quibus hodie utimur ad scandendum & innitendum, non habuerunt, nusquam enim in statuis & imaginibus forma aut vestigium, & pedes semper penduli, sine alio fulcro. Atque adeo res nova, ut nec sit ei Latinum nomen, nisi quod patrum ætate Franciscus Philelphus, ne res quotidiana careret vocabulo, *Stapedam* appellavit, quod pes in eo staret. Budæus melius puriusque putavit circumscribi, & *Subiicem pedaneum* dici.

Prisci [a] etiam equis insiliebant: & hæc salitio inter assidua exercitia retenta, nec tantum a tironibus, sed etiam a stipendiariis militibus districte exacta. Equi lignei hyeme sub testis, æstate ponebantur in campo: super hos juniores primo inermes, dum consuetudine proficerent, demum armati cogebantur ascendere. Tantaque cura erat, ut non solum a dextris, sed etiam a sinistris & insilire, & desilire discerent, evaginos etiam gladios & contos tenentes. Usus hæc & plura potuit. Et nonne Pompejus jam senex equo incitato & currente educebat & reponebat, sine difficultate gladium?

Sed & facilius erat hæc salitio priscis

(a) *Prisci equis insiliebant.*

scis quam nobis, quod sellas istas equestres altiusculas, e ferro lignoque compaginatas, non haberent. [a] Earum vice stragula quædam e panno, corio, pelle, quibus equos insternebant, eoque & *Strata* dicebant, fere ut hodie nostri agasones. Græci *σπαρατα* pariter dixerunt; itemque *ἐφ' ἡπια*, qua voce vulgo & Latini usi. Et quidam durius habiti etiam ephippiis carebant: inter quos Germani, qui olim nudis equorum dorsis insidebant. Hinc apud Cæsarem Romanos ob ephippiorum usum, ut molles contemnunt. Verum nunc ita mutarunt, ut sellæ istæ altiores & fabræ factæ eorum quasi peculiæ sint. Sed Germanis fortasse causa sellarum, firmitas, quia securius sic concurrunt & configunt: certe in sola & passa illa stragula ut facilius ascendere, ita & dejici & delabi. Itaque prisca Romani pelles equis insternebant, ex nobilioribus quidem rariores quasdam, ut e lynce, tigride. Alii centunculos insternebant, aut viliores pannos: honestiores vestem preciosam magis, aut tapetem. Magistratibus, & qui cum imperio erant, jus fuit purpura aut cocco insternere: atque hi Consulares, & Imperato-

rii

(a) *Strata equorum apud prisca.*

rii equi. Sellæ (a) nostræ non quidem perveteres, sed nec novitiæ, & fortasse jam in usu Sidonii ævo, qui vocat *Sellas*, & *Resupinata fulcra*. Quid? quod in columna Trajani forma quædam nostræ huic consimilis. Sed fortasse verius, structum factumque aliquid e pannis ibi esse, ad mollius insidendum, sine ligno tamen, aut ferro.

Hastas (b) habebant Equites olim graciles & tremulas: ideoque inutiles duplici de causa; cum nec figerent fortiter (erant enim sine cuspidē ima factæ) nec collinearent recte. Imam cuspidem Græci *σάουρα ἦρα* dicunt, si-ve etiam *σύρακα*, & *ὑπὸ αἰὶ ον*. Hanc autem hastæ equitum non habebant olim, sed tantum cuspidem supremam. Alias ejus usus erat, tum ut priore parte fracta, ima cuspis percutiat: tum ut recta statuatur defixa terre, cum ea feriata.

Scutum, (c) sive *Parmam* habebant ex bovillo corio, arte leviter durato; coque mero, nulla materie subjecta, aut ligno. Fuit igitur cujusmodi Afro- rum olim scuta, proprie *Citram*, vel *Cetram* iis dictam. Simillimum hoc scu-

(a) Sellarum usus. (b) Hastæ equitum veterum. (c) Scutum eorundem.

scutum umbilicatis placentis , quę *Po-pane* dicebantur , placentę latę , tenues , rotundę . Ex his formam scuti equestris collige .

Cum postea improba esset armorum talium usio , Romani assumpserunt Gręcanicam armorum paraturam : prompti enim Romani , si qua gens alia , assumere mores , & ęmulari si quid alibi bonum . Qualis autem Gręca illa armatura fuerit ; nemo melius Josepho dixerit : (a) *Equitibus gladius est ad dextrum oblongus* ; etsi pedites cum jam haberent ad sinistrum : oblongus vero , aliter quam in nostris equitibus , qui breviorē pedestri gerunt ; olim contra , & valde olim . Nec solum gladium habebant longum , sed & *contum item longum in manu* , vel hastam grandiorē concursoriam , ad hostem cominus feriendum , aut dejiciendum . Nec dubium est , quin olim hastę huic usui , non tamen femore aut genu obnixę , ob ferrum in imo , quod dixi . Alii tamen sic ferebant , cum cuspis ima , *καὶ ποτὶς* scilicet , aberat . Sed Romani an sub brachium inclinaverint , & ad latus applicaverint , dubium ; ratio illa & aspectus acutioris ferri sic poscit . Erat pręterea Equi-
bus

(a) *Armatura equitum Gręcanica .*


bus illis scutum ad latus equi transversum , & in pharetra tria aut plura jacula , cuspide lata , & hastis magnitudine non cedentia . Postrema arma Equitum , galea , & lorica , sicut in peditibus .

Leves Equites (a) Romani non habuerunt , sed in eos tamen , & cum iis postea pugnarunt , & nominatim Numidas describit Livius , Equites nudos , inermes , præter jacula ; & levia pro clypeo vestem prætendisse , sed arte jaculatoria celebres . Equos ipsos sine frenis , virga tantum regebant . Nec frenâ tantum adimunt , sed etiam strata . Deformis ipse cursus , rigida cervice , & extento capite currentium . Hi ergo Numidæ viles aut ridiculi in speciem , re sæpe validi & feroces . Scivit Annibal & Romani , quorum ille victorias suas in parte , isti clades huic generi assignant .

Sed & aliud est Numidarum equitum genus , qui graviores , armati & frenati . (b) Isti sane desultores miri , ex uno in alium equum stupenda dexteritate transiliebant . Hos Ælianus vocat ἀμειννους , qui duobus equis non stratis , & colligatis inter se , vehuntur ;

(a) *Numidæ equites leves* . (b) *Numidæ desultores* .

tur; qui etiam de alio in alium transfiliunt, cum usus poscit. Homerus agnovit & descripsit, sed in 4. etiam equis alternantes. Theutobocchus Rex Theutonum quaternos fenosque transfilire solitus est.



L I B E R I V.

D E A C I E.

IN Acie quatuor considerata, 1. *Ordo & Divisio*. 2. *Locatio Signorum & Ducum*. 3. *Forma Instructionis*. 4. *Adjuncta Aciei*.

I. *Ordo Aciei*.

Ordo (a) in pugna unus & simplex per genera militum & classes. Hastati pugnam inibant primi omnium, ex stataria quidem & gravi acie; alioquin Velites ante eos, aut leves milites pugnare soliti: & sic per gradus virium pugna procedebat; ab infirmioribus paulatim ad magis firmos firmosque ventum. Si enim Hastati profligare hostem non possent, succedebant Principes; post hos Triarii. Hinc proverbium: *Res ad Triarios rediit*. Perperuus

(a) *Ordo pugnae*.

tuus & inviolabilis fere hic ordo, veteri quidem & bona re Romana; quem etiam in navali certamine servabant.

Ratio pugnae: Si Hastati pellerentur, aut non pellerent hostem, retrocedebant in intervalla ordinum, & Principes excipiebant. In hac ars omnis & arcanum militiae Romanae, habere vias inter manipulos, claudere & aperire eas, prout visum. Huic invento pene omnes eorum victorias liceat adscribere. Appellantur autem *Intervalla ordinum*, item *Via*, item *Spatia*. Graeci *διακόψεις* vocant. Haec intervalla duplicia: [a] inter Genera, & inter Manipulos. *Inter Genera*, transversa erant, post singulum quodque militum corpus: ut post Hastatos, spatio relicto, Principes sequebantur; iterum spatio post istos, Triarii. Ergo transversa illa intervalla dumtaxat bina: Alia *inter Manipulos*, directa spatia aut viae, & quae in uno ipso genere manipulum a manipulo discernebant. Haec in denis manipulis necessario 9. erant. Modus & quantitas singulorum pro locis, pro copiis, pro Ducis arbitrio variavit; tamen illa transversa grandiuscula fuisse videntur: & probabile est, Principes ab Hastatis 50. circiter pedes fuisse remotos, Triarios

(a) *Via duplices in Acie.*

rios ab illis 100. Nam hic erat Prætor, & signa, & principiorum ipsa forma. Opus etiam profecto tali aliquo intervallo ad procedendum aut recedendum, & ne agmina miscerentur. Jam in directis viis aliter atque aliter fuit pro usu. Si Velites interjecti, latiusculas fuisse oportuit, pedum 20. aut 30. Si non, fuerint sane pedum 10. Id quoque pro numero legionum aliter, & ubi hæ multæ, ac quod sequitur, manipuli, spatia non potuere esse magna.

Usus [a] istarum Viarum magnus. In pugna enim, etsi divisi ordinibus, tamen unum omnes corpus statim fiebant, cum opus; & per vias istas jungebant se, & disjungebant. Hoc ita, exempli causa, factum: Hastati premuntur, volo Principes succedere, & istos recipere; statim id fiebat beneficio viarum: recedebant enim manipuli Hastatorum singuli, & aversi leviter vias Principum ingrediebantur, quas ii laxabant, & ipsi quoque leviter procedebant. Tum aut retinebant apud se Hastatos, duplicato agmine; aut plane fessos retro se locabant in grandiore intervallo, ordinibus semper servatis. Idem in Triariis, si Principes

(a) *Usus viarum.*

pesimprospere pugnantes receptarent. Nec manipuli manipulos impellebant in hoc recessu : Nam singula genera vias suas dimensas habuere , sed non per alia genera penetrantes. [a] Manipuli Principum claudebant a tergo viam Hastatorum & liberum per eam aspectum aut excursum habebant ; idemque Triarii per istorum . In quincuncem igitur dispositio ista manipulorum fuit . Inter singulos vero milites spatium fuit 3. pedes , idque utrimque a latere , a tergo , ob gladii scutique usum commodum .

Triarii [b] sub vexillis confidebant , sinistro crure porrecto (ab ea sessione *ἐπεδποι* Tertiarum explicantur in Glossis : & Varro inquit , *quod Triarii subsideant , ab eo Subsidium dictum* ,) scuta innixa humeris , hastas subrecta cuspide in terra fixas , haud secus , quam vallo septa inhorreret acies , tenentes .

Vetus levis armatura , quæ constitit Rorariis & Accensis , non in prima acie , aut viarum intervallis , [c] sed post Triarios in extrema acie disposita erat . Itaque tunc non mittebant pugnam , quod postea factum ; pu-

D

gna-

(a) *Situs Manipulorum* . (b) *Subsessio Triariorum* . (c) *Situs militum levium* .

gnabant enim fundis , jaculis , & telis , quæ eminus mitterentur . Postera ætas Velites a Triariis removit , & ad principia locavit . Et triplex (a) fere eorum locatio : Interdum ante omnia signa , & in fronte : Interdum mixta primis manipulis , aut potius insita in jam dictis viis : Denique interdum non in viis sparsi , sed in cornibus positi junctim ; eaque crebra dispositio , & Vegetio solennis . Sed ubicumque positi , prodire ante alios soliti , & pugnam committere , cum datum signum . Cedentes autem inter legiones recipi solebant , & a tergo poni , aut iterum alia procurrare .

Eques fere dupliciter locatus : (b) Primo in cornibus , ita ut legiones sociosque medios haberet ; quæ fere ordinaria positio . Altera , ut a tergo interdum ponerent , spatiis relictis inter manipulos aut legiones , qua possent cum impetu emitti . Id fiebat fallendo hosti , & ut improvisa res esset .

Socii (c) plerumque steterunt in cornibus , & ad latera legionum , ipsi divisi in cohortes & manipulos . Hinc est , quod ipsæ Alæ , sive agmina Sociorum , *Cornua* dicta . Si vero nulla me-

(a) *Velitum, triplex.* (b) *Equitum. locatio.* (c) *Sociorum situs.*

media acies, & duo Cornua tantum, rum exteriores cujusque Cornu partes Socii tenebant. Ita ut plurimum: nam & in fronte, aut aliter Socios positos legas, pro loco, aut usu.

2. *Signorum Locatio.*

Cuique manipulo sua (a) signa, tum & Legioni communis Aquila fuit. Et manipulorum signa in suo quæque manipulo fuisse, ratio & exempla docent. Sparsa igitur & disposita per manipulos: sed an in fronte, aut medio manipuli, ambiguum; credo utrumque. At vallum aliquod virorum objectum erat, ne sic nuda ostensa & oblata hosti. Atque ii sunt, quos (b) *Antesignanos* appellarunt: quæ vox tamen communiter de toto primo agmine invaluit, & ipsi Hastati videntur sic dicti; non quia ante omnia signa (sua enim habebant) sed quia ante præcipua essent, Aquilam & Triariorum, quæ legionis & cohortium prima erant. Hos Græci προμάχες τὸν σημεῖον vertunt, *Propugnatores signorum*: sive & προταίχτες, *Præpositos*, a loco. (c) *Postsignani*, qui erant in extrema acie.

Signa duplicia in Romana militia: *Peditum*, *Equitumque*. Peditum item

D 2 du-

(a) *Signa quot.* (b) *Antesignani.*
(c) *Postsignani.*

76 *De Militia Romana*
duplicia : *Legionis totius, & Manipu-*
lorum.

De Aquila, Legionis signo.

Signum Legionis (a) *Aquila*, nec nisi unius una; nec Socii quidem, cum in aliis pares, eam habuerunt. Et quia hæc præcipui imperii signum, subiungi sub eam Socios voluerunt, & Auxilia, non seorsum habere. Itaque per ipsas Aquilas numerabant Legiones.

Aquilæ origo varie petitur. (b) A Jove alii, qui hanc insigne militiæ habuerit. Quidam a Trojanis. Forte Romani reppererunt a se, aut vicinorum exemplo. Sane rapacium aliquot animalium effigies assumi & præferri bello convenit; & varie olim fecerunt Romani. Nec enim solam Aquilam præfuerunt illi, sed plura ejusmodi animalia prætulerunt, nata in pugnas aut raptus: ut Lupos, Minotauros, Equos, Apras, Porcos. Etiam præfuerunt Germani ferarum imagines inter signa habuerunt. Aquilæ vero hæc dignitas etiam apud alias gentes fuit. Persis regale hoc signum.

Forma (c) Romanæ Aquilæ: pinna extendens summæ hastæ insisteret, ex auro vel argento, & fulmen sæpe un-
gui-

(a) *Aquila una in Legione.* (b) *Origo.* (c) *Forma.*

guibus tenebat, quasi jaculatura. Sed nec corpus ipsum Aquilæ magnum. Cum in hibernis esset Aquila, (a) in sacello seu ædícula reposita, atque inde mota cum educenda. Enimvero & olim Romæ signa in templo. Et sane reposita ea in ærario, templo Saturni, religionis causa, & custodiæ, quia pecunia ibi publica & argentum. (b) Defigi etiam in terram solebat, etiam in ipsa pugna, cum ea in loco staret, nec impelleretur hostis. Sed & in castris defixæ stabant Aquilæ, ac inter prodigia erat, cum in hostem eundem esset, non potuisse evelli. Olim quidem ipsa hasta ita solo infixæ: at postea (ad custodiam, an ad delicias?) non ipsa hasta, ne macularetur aut absumeretur; sed loculi aut thecæ ferreæ in terram defixæ, & in eas immissa ima hastæ cuspis. Isti loculi ferrei quadrati, in acutum deficientes, introrsum vacui efformabantur.

De signis Manipulorum.

Signa Manipulorum quæ fuerint, ipsa vox indicio est. Nam cum perticis (c) manipulos fœni seu straminis suspensos ferrent, illa ipsa manus, quæ

D 3 ea

(a) *Aquila custodia.* (b) *In terram defixa.* (c) *Manipuli fœni pro signo.*

ea sequeretur, dicti *Manipuli*. Ovid.
Pertica suspensos portabat longa mani-
plos,

Unde manipularis nomina miles habet.

Sed hæc rustica non mansere: posterior forma fuit, hasta, in cuius summo transversum ligneolum, in modum crucis; & sæpe cum manu supra eminente; nonne allusione ad *Manipuli* vocem? (a) Sed & orbiculi quidam, vel clypeoli infra crucem hastæ adnexi, nempe ex argento vel auro imagines, Deorum primo, ut Martis, Romuli, & talium, qui scilicet militares Dii; & ab hoc exemplo ipsorum deinde Imperatorum. Sic Drusi imago inter signa: sed & Sejani, per adulationem. Et hæc imagines in signis. Signa ipsa ex auro, etsi hastæ argentatæ erant: olim tamen & signa ex argento, quoniam color is longius fulget. (b) Qui has Imperatorum imagines portabant, *Imaginarii*, vel *Imaginiferi* dicti.

Vetus, sed paucis notum fuit, *Pila*, vel *Globus* in summa hasta. (c) Sic Augustus pilam in signa fertur constituisse, propter nationes sibi in cuncto Orbe subjectas, ut *pila figuram Orbis* ostend-

— (a) *Imagines insignis.* (b) *Imaginarii qui.* (c) *Pila pro signo.*

ostenderet. Turcæ hodie retinent, & equinos aliquot pilos ab eo globo pendulos demittunt. Hoc genus vexilli *Tufam* vocabant Romani,

De signis Cohortium, & Equitum.

Cohorti non erant propria signa, nusquam enim olim expressa; sed inferiore ævo sua habebant vexilla, etsi olim vexilla Equitum propria. Hinc *Vexillarii*. (a) Et erant hæc vela quædam quadra expansa ad hastam; sed vela modica. Nostra ætas retinet in Equitum Bandis, etsi forma paulum diversa. Propius accedunt templorum vexilla, quæ in lustratione & processibus anteferuntur. Hinc *Vexillatio*, de ipsis Equitibus aut ipsorum Ala, crebrum posteris verbum. Hæc vexilla posteriori ævo *Flammula* dicta. Erant e purpura, & auro mixta. Atque his vexillis, ut & signis aliis, Principis nomen inscriptum aureo textu.

Erat & ritus magis priscus, cum unum aliquod & Imperatorium (b) vexillum grande præferretur, nomen ejus habens, non tamen aureis, sed puniceis litteris inscriptum; eoque vexilla ipsa tunc non punicea, sed candidi co-

D 4 lo-

(a) *Vexilla Equitum*. (b) *Signum Imperatorium*.

loris . Hoc Imperatorium signum potestera ætas *Labarum* dixit .

De Draconibus .

Draconis signa ab ipso Apolline morte draconis inchoata . Formam graphice dat Suidas : (a) *Draco extensus in pertica ; ejus caput ex argento factum erat , dentibus restrictis & nudis minace rictu ; reliquum corpus sericeo textu , longitudine & crassitie & varietate coloris in verum draconem .* Iis usi Assyrii , Indi , & Scythæ ; Daci item , & ab his Romani imitatione . Placuit enim ille terror , quem moti in aere faciunt , & visum bello aptius , quam Romana illa signa . Nisi quis tamen a Persis magis petat , cum inter spolia a Zenobia capta & traducta , etiam Persici dracones legantur . Deinceps quidem crebri in Romana historia . Qui signa draconum ferebant , *Draconarii* dicti . Quidam proprii & peculiare Principis fuerunt , qui toti e purpura , in ejus comitatu . Etsi *ὄψαμαρα* dicuntur , etsi textu sericeo , etsi Flammulæ , denique subtegminibus texti : tamen profecto ambigas , an in velo sic depicti fuerint , aut acu texti , an potius corpus totum solidum e pannis & subtegmine factum . Columna Trajani
cor-

(a) *Origo & Forma .*

corpora, non imagines præfert. Et a Græcis longitudo & profunditas iis datur. Quid? [a] quod sibilasse eos volunt, concepto vento: nam hastarum aureis gemmatisque summitatibus illigati erant, hiatu vasto perflatiles, & ideo velut ira perciti sibilantes, caudarumque volumina relinquentes in ventum. Sidonius vocat *Textilem anguem*. Prudentius *Draconum pallia*, pro mente & ritu vulgi, cum & hodie in velis militaribus varia sic pingamus.

De Signorum religione.

Hæc Romana [b] signa fuerunt, quæ sacra habuerunt, per quæ jurarunt, & quos unicos bellorum Deos. Bono consilio, ut religionem animis ingignerent, & signorum non amorem tantum, sed & venerationem. Ergo firmitus asservabant, fortius amissa recuperabant. Quoties legimus, integras acies jam fluctuantes, jam recedentes, restitutas & impulsas, signis in hostem jactis? Suadebat enim repetere non poena tantum, quæ manebat iis amissis; sed etiam pudor & religio, & quasi Deos ac sacra sua prodidissent. [c] Deorum cultus iis exhibitus. In rebus

D 5 ipsis,

(a) *Dracones sibilantes.* (b) *Signa sacra.* (c) *Cultus signorum.*

ipsis, quod perfugium illic, ut in sacris: Quod ea ornabant, ungebant, colebant, ut ipsos Deos. Hinc *Signa uncta*. Tacitus *Propria legionum Numina vocat*.

Locatio Ducum.

Imperator (*a*) in media parte erat: ratio enim vult, ut ibi sit, unde prospiciat, & mandet facillime in omnes partes; qui locus medius est, sed paulum tamen ad finem magis admotus. Nam inter Principes & Triarios, ante Aquilas stetisse censendum; etsi pro arbitrio tamen sæpe mutavit.

Legati & Tribuni (*b*) juxta Imperatorem: nisi tamen Legati curarent, & præpositi essent certæ alicui legioni aut cornu, quod sæpe; tunc enim in medio ejus, loco Imperatoris agebant. Quod idem aliquando in Tribunis, (*c*) ut huic aut illi parti præficerentur; sed vulgo retro Principes stetisse videntur, quo ordine in castris, & juxta eos Sociorum Præfecti.

Centuriones (*a*) vero juxta suam quisque centuriam, id est, in capite ipso: nam verisimile est, a fronte eos prævisse & curasse, ut Optiones eorum

-
- (*a*) *Imperator medius*. (*b*) *Legatorum locus*. (*c*) *Tribunorum*.
(*d*) *Centurionum*.

rum a tergo. Argumentum a castris, ubi item in manipulis primum locum, & sedem habent. (a) Imperator ipse plurimum in equo, & hoc sine illi equi Imperatorii. Et ipsi Tribuni sæpe in equis, imo interdum inter equites pugnarunt. Quod an in omnibus verum sit, incertum: fortasse in iis tantum, qui ordinis & loci equestris; plebeji steterint pedites inter suos.

Locatio Militum.

Ipsi gregarii milites (b) secundum matriculæ ordinem in aciem dirigebantur. Matricula hæc fuit ordinis a Centurione instituti. Nam suos juxta vires, & pro judicio locabat, certis quemque locis, quos in acie & agmine tenerent. Quisque locum suum novérat, & hos ordines pertinaciter servabant. Cautio erat, ne quis miles a signis 4. pedes longius procederet, id est, ne quis vel passum unum progredetur extra lineam, ubi signa. Imo & mors pœna, si qui reliquissent. (c) Quod idem in agmine servabant, etsi non mors hic semper, sed minor pœna; ubi nimirum minor excessus & aberratio. Quod si major, profecto desertionis pœna mors erat. Desertor

D 6

au-

(a) *In equis qui.* (b) *Militum ordo.*
(c) *Desertorum pœna.*

autem habebatur, qui longius, quam unde tuba audiri possit, excessisset. O prisca, o nostri mores, quam diffidetis! Hodie nihil tam impune, quam vagari, prædari, rapere; olim mores leviter abeunti. Nec Romani solum hic severi, sed etiam Græci, qui hos tales ignominia notabant. Et Spartanis lex erat, ut stantes in ordine vincerent, aut morerentur. Dura hæ leges, sed utiles: & istæ sunt, quæ viros, quæ milites pepererunt, gentium hominumque victores.

3. *Aciei Formæ Variæ.*

(a) *Acies* fere aut *Duplex*, aut *Triplex*. *Duplex*, cum tota acies in cornua duo secta, dextrum & lævum. Ea sæpissime obtinuit in exercitu Consulari, cum duæ legiones, & singulis sua Auxilia adjuncta. Hæc sectio vetus, & aliis quoque gentibus usurpata. Pan ordinis & Cornuum auctor unde cornutum fingunt. *Triplex* (b) est, cum præter cornua, alia etiam media exsurgit. Id quoque crebrum, non solum ubi plures legiones, sed & cum duæ, istis scilicet in medio positis, Sociis ad utrumque Cornu.

Sed est & (c) alia ratio duplicis, tri-

-
- (a) *Acies duplex.* (b) *Triplex.*
(c) *Alia ratio aciei.*

triplicisque aciei, cum præter simplicem illam divisionem, a tergo etiam sectio fit & discrimen. Ut si 4. legiones habeam, duas in fronte cum Sociis suis pono, totidem a tergo, velut in subsidiis suppono. Idem in duabus quoque factum, & aut Ala utraque Sociorum præposita, subjunctis legionibus, aut contra. Has autem secundarias aut tertiarias legiones sive copias, *Subsidia*, & *Subsidiarias* etiam vocabant. Nec totæ semper legiones, sed cohortes aliquot sic substitutæ. Hæ præcipuæ sunt & receptæ Romanis instructiones, quas tamen leviter variabant promovendo, aut retrahendo. Plerumque enim æqualiter utroque cornu & simul concurrebant: quod Cato *recta fronte*, Tibullus *aquatis frontibus* dixit.

Altera depugnatio *Obliqua*, (a) cum cornu ante cornu promovetur.

Tertium genus *Sinuata* (b) acies, cum in triplici acie tertiam & mediam amoves ab hoste, & cornua modo immittis.

Quartum genus huic adversum, (c) cum scilicet ipsa media acies prominet, & incurrit prima in hostem. Græci *ἐπιχαμπής* flexum dicunt, sive etiam *κυστὸν*, gib-

[a] *Acies obliqua*. (b) *Sinuata*.

(c) *Gibbera*.

gibberum . (a) Hac Annibal in pugna Cannensi scitissime est usus ; sed cum ea quoque arte , ut cornua robustissima haberet , & integra servaret , & mediis denique pulsus , sinu facto , immitteret ea utrimque legionibus , victoriæ suæ certam causam .

Aliæ] quædam acierum formæ apud Romanos etiam interdum usurpatæ , quas strictim , & per indicem dat Cato ; ut *Cuneus* , *Globus* , *Forfex* , *Turris* , *Serra* .

Cuneus , (b) qui est , cum angusta in fronte acies , trigoni forma , paulatim se retrorsum pandit : unde & *Trigonum* vocant . Item *ἐμβολον* sive *Rostrum* Græci . Dixere & *Caput porcinum* , quia assimilatur , & quia velut fodit & ruit invadendo . Litteræ Δ assimilabatur . Et anterior pars , qua in acutum desinebat , recta & densa erat , quia scutis undique munebatur . Crura autem utrimque secundum ordines & cohortes in profundum composita , & pleraque parte in obliquum extensa , deibant paulatim & disjungebantur , donec in maximam longitudinem progressa desinerent ; ita ut medius locus vacuus relinqueretur , & terga militum nuda per ordinem conspicerentur .

Fran-

(a) *Gibbera* . (b) *Cuneus* .

Franci pugna in Narsetem sic usi. Sed & Hispani olim creberrime. Romani etiam non raro. Significat etiam *Cuneus* Historicis multitudinem confer-
tam.

Globus, (a) qui a sua acie separatus, vago superventu incurSAT inimicos. Sed & figura globosa, & in rotundum fuisse videtur.

Forfex, quæ & *Forceps*, (b) cum contraria Cuneo acies instruitur, latioribus primis & apertis, ac paulatim desinentibus in angustum. Litteræ V formam exprimit. Usus, ad Cuneum solvendum & atterendum,

Turris, (c) Græcis *πύργος* est ordo militum in quadro. Differt a Laterculo, quod Turris in altum & profundum quadra instructio; Laterculus jacens, & in latum.

Serra (d) præliari dicitur, cum assidue acceditur recediturque, neque ullo consistitur tempore. Id fiebat, cum manipuli primæ aciei modo invadebant, modo resiliebant; & reddebatur dentata quædam forma. Potuit & aliter, cum Velites ex intervallis manipulorum insiliebant & resiliebant.

(a) *Globus*. (b) *Forceps*. (c) *Turris*.
(d) *Serra*.

Adjuncta Aciei sunt 1. *Allocutio*.
2. *Classicum*. 3. *Clamor*. 4. *Signum pugnae*.

1. *De Allocutione.*

Allocutio [a] est, cum Imperator affatur publice suos milites, & retinet aut impellit. Retinet, aliquando nimis aut propere gestientes: impellit tardantes aut timentes. Ad summam, format in quacumque re & docet. Utile haud dubie vetus hoc institutum, cum Imperator consilio, & sæpe eloquio validus, & semper auctoritate, suos composita oratione excitaret, & vel timidis robur ac vires daret. Ab illo autem ardore ad pugnam recta ibant, cum præsentia Imperatoris adhuc in oculis, verba in auribus versarentur. Certum est, acies aliquot erectas, & ad victoriam firmatas sola hac concione.

Modus (b) talis: Sæpe interequitans ordines ita affatus eos est, sub ipsam pugnam: sæpe in castris, & ante egressum. Aliquando etiam extra suspicionem omnem pugnae, si qua seditio aut querela, aut alius animorum morbus, cui sermone mederetur. Sed cum in
ca-

(a) *Allocutio quod*. (b) *Modus ejus*.

castris , aut etiam in ipso campo interdum , fiebat in tribunali , quod e cespite subito erigebant : Altior enim Imperator esse debebat , & ad auditum faciliorem & latiore , tum ad auctoritatem . E cespite , dixi , tribunal fuisse , etsi in hibernis fortasse etiam e lapide nihil vetat , sed illud fere solenne , & e militiæ ritu .

Circa hunc cespitem sive tribunal milites (a) dispositi non confuse , nec ut quisque accurrerat , sed per manipulos & turmas . Ubi & vexilla prælata , id est , signa manipulorum ; turmarumque , & ipsarum legionum , & juxta ea Centuriones & Duces ; etsi Legati & Tribuni fortasse a lateribus Imperatoris , aut a tergo . Legimus tamen milites etiam vocatos interdum in concionem ad ipsa signa , id est , ad Principia , cum nempe in castris affatio esset : ibi quippe ante Prætorium ipsum tribunal , ut dicetur in re castrensi . Inibi cum armis convenerunt .

In hoc alloquio approbatio aut improbatio , & utrumque per sua signa . (b) Veteri ritu clamor in assensu militari , & dextræ sublatæ : contra ; fremitus aut mœsta taciturnitas . Sed & ter-

(a) *Milites ordinati* . (b) *Signa assensus & dissensus* .

tertium assensus genus erat, concussio armorum; sic ut hastis ferirent scuta. Invenias & paulo aliter assensum, videlicet sublatiis scutis, vel cum crepitu motis. Sed hæc talia non prisca nimis, aut mere Romani ritus, ab exteris & barbaris manavit: Germani quidem & Galli sic factitarunt ab antiquo.

2. De Classico.

Classicum (a) dicitur, cum signa omnia pariter canunt, & militem vocant incitantque ad pugnam. Ducta vox a Classe, quod sono tali classes olim ad concionem vocabantur: sive etiam ipsa primitus a calando, *Calassica*. Sane vocari classico verum est. Simile in ipsa Urbe olim, ritu valde antiquo. *Classici* nomen proprie buccinæ aptare Vegetius videtur; contra soli tubæ adscribit Svetonius. Sed in his talibus non aliud est *Classicum canere*, quam τὸ πολεμικόν, sive τὸ παρακλητικόν σημαίνει, *bellicum aut incitatorium canere*, certis videlicet modis. Quod in pugna quidem legitima fiebat omni illo instrumento, & cornuum, & tubarum; Lituus etiam miscebatur.

Litui (b) distincti a cornu, a tuba; nam Seneca facit adunca esse forma, quæ

(a) *Classicum* quid sit. (b) *Lituus*.

quæ non in tuba. Dixeris a similitudine auguralis litui appellatos, qui in extremo incurvus. Qui eo cecinit, *Liticen* dictus. Dabat acutum & stridulum sonum; unde colligendum, grandem aut patulum canalem hunc non fuisse. Fuit igitur *Lituus* medium quoddam inter tubam & cornu, non rectum prorsus, ut illa, nec totum incurvum, ut istud. Quin tamen confundant scriptores, haud abnuo.

Tuba (a) ejus formæ, cujus apud Europæos fere hodie vides: ære directo ducta est, canali ad exitum latiore; quæ erat militaris. Nam & alia sacrorum est, dispari usu; & fortasse forma. *Tuba* dicta a tubo sive canali, quem referebat. *Tuba* etiam digniores usi, & illa canebant, imo summæ viri exercuerunt. *Tuba* priscis Græcis ignota: *Homerus* novit, sed nusquam Heroibus tribuit, quia nondum in usu Græcorum. Ejus sex genera facit *Eustatius*. (b) 1. quam *Minerva* invenit, & ab *Argivis* hoc cognomen colitur Σάλπιγξ ἀθηνᾶ. 2. apud *Ægyptios*, quam *Osiris* reperit, quæ χρούν ipsis dicitur, & ad sacrificia utuntur. 3. *Gallica*, conflatilis, non nimis magna, quæ os habet deformatum in bestias,

(a) *Tuba*. (b) *Genera tubarum*.

stias, & canalem plumbeum, in quem inspirant Tubicines, atque est acuti soni: vocatur ab ipsis Gallis *Carnyx*.

4. Paphlagonica, cujus os effigie bovis, gravi mugitu, fursum inflanda.

5. Medica, e calamo tubam habens, gravi sono.

6. Tyrrhenica, similis tibiæ Phrygiæ, habens orificium scissum aut fractum; ea valde acuta. Et istam volunt esse hanc nostram & Romanam, atque a Tyrrhenis traductam.

(a) Tuba etiam ad mortuos utebantur, sed nobiliores; neque enim ea vulgo, sed in funeribus Indictivis, scilicet ad populum classico convocandum. Quod ipsum in militibus decore servatum, ut ii sepelirentur ad bellum hoc instrumentum.

Cornua (b) dicta, quod ea, quæ nunc sunt ex ære, tunc fiebant ex bubulo cornu. Et prima origo a boum cornibus, & pastorum instituto: nam illi sic calabant pecus aut boves. Ergo olim nihil discriminis inter Buccinam & Cornu; postea fuit, & cornua ista ex ære facta grandiora, & magis reflexa.

Buccina (c) a prioribus sejuncta, quod Vigiliæ ostendunt: nam nemo illic

(a) Tuba in funere. (b) Cornua.

(c) Buccina.

illic cornu aut tubam sonuisse dixerit, sed buccinam signanter plerique omnes. Fuit cornu bovillum initio; nec a bove male derives, ut instrumentum, quod bubus canit, aut quod boves canit & vocat. Ea ex ære facta.

Qui inflabant, universe *Æneatores* (a) dicti, quia omnia ex ære. Cuique manipulo aut turmæ sui videntur fuisse *Æneatores*: Næpe singularum partium sui, & tot fortasse, quot signa; tum etiam communes legionis. Illi tempore pugnae in sua quisque parte steterunt; isti juxta Aquilas & Imperatorem.

Modus incinendi classici (b): Tubicen unus utrimque insonuit, & mox alii pariter responderunt; priores quidem ii, qui rotundo quodam loco constituti, tubis certum aliquod modulabantur, quo ut consisterent, & prælio se pararent milites admonebantur; tum deinde omnes reliqui, qui animos irasque militum acuebant, & ad pugnam excitabant. Triplex ergo tubæ sonus: Primus unius & singularis, qui Primipili fortasse, haud longe ab Imperatore, ejusque nutu incinuit. Secundus aliquot aliorum, qui in loco
quo-

(a) *Æneatores*. (b) *Modus classici canendi*.

quodam orbiculato, & fortassis editiore stabant, ad signa & Aquilas. Tertius omnium aliorum per cohortes, per turmas, qui pariter jam Clafsicum canebant. Nam duo priores soni non nisi expediendo militi videbantur, paulatimque ejus animi & irę mortæ: Facit enim profecto hoc sonus, & magnam vim habet ad spiritus & sanguinem evocandum. Ideo Romani non in equitibus solum, ut nos, sed etiam in peditibus tubas habebant. Nam tympana, & cujusmodi nos vasa pulsamus, Romanis non in usu; apud alias tamen gentes observitata. Imo in convicio apud illos Tympanotriba: & Galli, id est, effœminati Matris Deum ea pulsabant.

Vetera tamen tympana (a), & ab ipso Baccho, sed in eo choro fere relicta, & apud molles: Et ab eo fortassis est, quod in bello etiam tympanis usi Indi, & Abari sive Hunni, gens barbara. Sed certe diversa erant a nostris illa Indorum: nam ex palmæ arboris cavato stipite, cui tintinnabula ex orichalco introrsus adaptabant, & os deinde vasis taurino corio occludebant, atque id in altum ferebant, concutiebantque in acie.

Tin-

(a) *Tympanorum vetustas & usus.*

Tintinnabula igitur, quæ multa & magna intus, inconditum quemdam sonum edebant. Talia etiam Parthis tribuit Plutarchus. Etsi in marmoribus Galli Matris Deum conspiciuntur tympanum manu tenentes, rotundum infra, supra planum, atque ibi corium inductum, quod bacillis pulsan; cuiusmodi hodie equestria Germanorum, vel Afrorum tympana. Nec in ære tantum tales pelles, sed in ligno sic cavato & aptato, pelle ex una parte ligno extenta. Quod dimidiatum nostras tympanum, jam plenum, sed alio nomine, habetur apud Isidorum, *Symphoniam* vocat: *Symphonia*, (a) inquit, vulgo appellatur lignum cavum, ex utraque parte pelle extensa, quam virgulis hinc & inde Musici feriunt.

3. De Clamore militari.

Glaſſicum excepit Clamor [b] militum; itaque edebatur in ipsa imminente jam conjunctione & conflictu, incitatio pariter animi & virium, atque hosti terror. Nam hos habebat fines. Itaque ante, & cum eminus, silentium vastum erat; incurſus & impetus dumtaxat cum clamore factus. Vetus hercle hoc institutum, & Romuli

(a) *Symphonia* quid. (b) *Clamor* quando, & cur.

muli ēvo usitatur. Duplicem habuit causam, ut dixi, hostium terrorem, & sui incitamentum.

Probabile est, hunc [a] clamorem fuisse voces aliquas confusas, repetitas, nec quidquam significantes, cuiusmodi subitæ & primi impetus esse solent, syllabæ potius, quam verba. Fuit apud Græcos quidem vox ipsa ἀλαλάζειν, καὶ ἀλαλαγμός assidua in ista re: & quid aliud, quam formatæ a syllaba ista repetita, *Al al*? qua utebantur scilicet in provocando. Apud Romanos quid fuerit, ignoratur; nisi quod [b] *Barritus* posteriore ēvo reperitur; sed Germanorum verbum. Usi tamen Romani: an quia syllaba illa repetita prior, ut hodie Germanis quibusdam *Har har*? an a clamore ductum? quoniam *Baeren*, vel *Beren*, hodieque sublate & ferociter clamare nobis signat. An denique ab urfis formatum? qui *Beeren* item nobis Germanis; & haud absurde ab iis peti- tum, quod quasi vocem illam imitan- tur. Vox quidem nostras, Tacito teste. Ita legitur in eadem re λυκηδμός, quasi dicas *Lupinum sonum*, & qui lu- pos ululantes imitabatur. Etiam Gal-
li

(a) *Quis ille clamor.*

(b) *Barritus.*

li ululatu usi. Germanorum Barritum & Romani inferiores assumpserunt. Hic Barritus etiam *Barbaricum* dictus Festo, quod eo genere barbari utantur: clamor est, qui ipso fervore certaminum a tenui susurro exoritur, paulatimque adolescens, ritu extollitur fluctuum cantibus illis. Gentis etiam aut patrie nomen acclamatum reperitur, ut nunc a quibusdam solet. Nam Hispani Hispaniam ingeminant in concertatione aut rixa, & cum auxilium crient. In Plutarcho lego, Romanos etiam usurpasse crebro illud, *Feri*, in acie, & cum sese mutuo adhortarentur. Nec solum clamore usi Romani; sed strepitu etiam & concussione armorum. Quod ipsum usurpabant etiam nondum vicino hoste, & dum duci in eum vellent.

Hic clamor [a] tanti apud illos estimatus, ut ex eo dijudicarent de eventu pugnae; nam momentum habet ea res etiam a naturalibus causis. Quippe duo sensus in nobis, per quos timor maxime in animum penetrat, Oculi & Aures: alterutrum igitur illorum qui turbat, nam ille victoriae suae multum confert. Itaque non injuria Cato dixit: *Verba plus quam gladium, & voces*
E. *quam*

(a) *Clamoris vis.*

quam manum hostes territare, & in fugam vertere.

Clamore jam olim & aliæ usæ gentes, idque Pane inventore: unde *Terrores Panici*, proverbium fecerunt. Macedones, & Persæ usi: etiam Græci, quibus aut τὸ ἀλαλαζειν passim tribuitur, aut τὸ παιανίζειν. Duos enim (a) Pæanas norunt Græci: Unum ante prælium, Marti; Alterum post prælium, Apollini. Illum ἱμβατήριον παιᾶνα, *Congressivum Pæana*; hunc ἐπινίκιον, παιονα, *Victorialem Pæana* dixerunt: Videntur cum cantu aut rhythmico quodam fuisse, atque idèd Pæanes dicti. Mansit apud imos etiam Græcos, qui tamen, ut Christiani, *Vicit Crux*, pro Pæane habebant.

4. De Signo pugnae.

Signum [b] pugnae diversum a Classico, quia istud mutum: illud auribus, hoc oculis serviit, & tempore Classicum præivit. Nam Romani, cum decretum jam pugnare, tunicam ruffam in Prætorii fastigio extendebant in hasta, ut eo signo miles moneretur parare se, & arma; tum etiam, ut si qui dispersi, convenirent. Utile fuit in re subita, & ut momento omnes
mo-

(a) Pæanes. (b) Signum pugnae, Tunica ruffa.

monerentur. Hanc tunicam alii *Vexillum rufsum* vocant. In navali etiam pugna usurpabant. Tale signum etiam erat ad iter. Apud Curtium, cum tubæ sonus haud pariter ab omnibus exaudiretur, dum castra movenda essent, Alexander perticam, quæ undique conspici posset, supra Prætorium statuit, ex qua signum eminebat pariter omnibus conspicuum.

Signum denique superest, quod item *Signum pugnae*, aut simpliciter *Signum* dicunt. Illud idem [*a* *Tessera*, & Græcis σὺνθημα], quod datur in uno alteroque verbo sub ipsam pugnam ab Imperatore, ut eo commilitones inter se norint, & item hostem; cuius usus perit, cum iste quoque tenet. Remedium huic rei non absurdum in Polyæno, qui inter stratagemata recenset, quod Actes quidam Dux Arcadum suis militibus signum dedit, interficere eos, qui signum interrogassent. Cæsari bello Africo signum fuit *Felicitas*; ut Bruto *Libertas*; & plerumque tale aliquid, breve, & ominis boni: ut puta, *Victoria*, *Palma*, *Virtus*, *Deus nobiscum*, *Triumphus Imperatoris*, & alia pro libito Ducum supremorum. Veteres nomi-

E 2 na

(a) *Tessera*.

na fere Deorum dabant, quos aut patria, aut ipsi Duces colebant. Ita Gyro signum erat, Ζεύς σύμμαχος, ἡγεμὼν, σωτήρ. *Jupiter socius, Dux, Servator.* Cæsari, *Venus genitrix.* Augusto, *Apollo.* Et si alia quoque, immo & dicta, & versus.

~~~~~

## LIBER V.

### DE DISCIPLINA.

**D**isciplina [a] militaris nihil est aliud, quam *Præscriptum & lex quadam militandi, & in militia se gerendi.* Itaque ea continet modum, munia, opera, tempus militiæ. Sed quia *Castra* Gymnasium, palæstra, & fedes, immo domicilium disciplinæ, ab iis exordiendum. In Castris enim Munia, Opera, Exercitia, Præemia, Pœnæ, & uno verbo, hic regitur miles & formatur. Ipsa Castra non sine disciplina fiunt aut constant, quæ sanè accuratissima apud Romanos. Hic reperies specimen eximium. Romanæ prudentiæ, immo sapientiæ, in toga & sago.

*De*

---

(a) *Disciplina quid.*

Nullam noctem Romani sine castris agebant, & semper ligneis terreisque istis moenibus, ut in urbe, cincti. Institutum hoc sub ipsis Regibus, & statim post eos. [a] Castrorum metatio apud Romanos aliter, quam apud Græcos, aliosque, qui pro locis & temporibus mutabant: non sic Romani, simplex semper & eadem, nisi quod minor vel auctior spatio, pro numero legionum. Sed quadrangula semper, sed portæ & sectiones eadem, sed tabernacula Ducum & militum eodem situ. Hinc utilissima illa notitia castrorum, & prævisa, & invenienda militibus omnia, sicut civibus in aliqua urbe. Uniusmodi igitur semper castra, si formam consideres; paulo alia, si apparatus totum & instructum.

Duplicia Romanis [b] castra, *Æstiva* & *Hibernia*. Illa, quæ mobilia, & æstatis [c] sive expeditionis tempore in unam sæpe noctem structa. Quæ iterum Duplicia, a moræ mansionisque differentia. Si enim una alteraque, aut omnino paucae noctes in iis agendæ, sine alia additione *Castra* dicebant, aut *Mansiones* etiam, postero-

E 3 ri

---

(a) *Castra Rom. uniformia.* (b) *Castra duplicia.* (c) *Æstiva.*

ri ævo. Si diutius subsistendum, ab ipsa re *Stativa*, aut *Stativas*, scilicet *sedes*; etsi ipsa vox *Sedes*, pro castris; *Aestiva* Suetonio. [a] *Hiberna* sunt, quæ per hyemem, & in diuturna mansionem militibus receptaculum; ab ipso item sic tempore dicta. *Hyemalia* Vopisco, *Hibernacula* Livio. Horum origo apud Livium bello Veienti, sub A. V. 358. *Stativa* illa sub pelli- bus, *Hiberna* in oppidis aut castris, quæ tabernaculis, aut alio opere accuratius instructa: & merito, tum contra cœli injurias, tum quia usui plura necessaria in diuturna mora. Itaque hæc talia partes sive membra habebant magis distincta, ut *Armamentarium*, *Fabricam*, *Valetudinarium*, & talia. Immo revera instar oppidorum sæpe struebantur, præsertim in finibus Imperii, & ubi perpetuæ stationes & prætenturæ contra hostem. Tale in Euphratis, Danubii, Rheni ripa: & hæc ea origo & genitura nobilium aliquot hodie oppidorum. Habebant & [b] *Procestria*, id est, ædificia ante castra, annexa *Hibernis* aut *Stativis*, ut eo reciperentur lixæ, advenæ, mercatores, & qui alii paganorum castra sequerentur; miscere enim eos militibus, non

Ro-

---

(a) *Hiberna*. (b) *Procestria*.



Romanus usus, habuerunt tamen receptum in castra, hoste instante.

Castrorum Partes *duæ* : *Supera*, & *Infera*.

*De Parte Supera Castrorum.*

Pars Supera Castrorum nihil habet præter [a] Duces, & eorum comites & administratos; atque omne corpus legionum & Sociorum infra metationem habuit. Eaque causa ibi denique *Principiorum* nomen, quasi hæc Supera esset extra castra. In supera enim hac parte erat *Prætorium*, *Quæstorium*, *Pædatura Legatorum*, *Tribunorum*, *Præfectorum*, *Evocatorum*, *Ablectorum*, *Extraordinariorum*. De quibus nunc dicendum.

*Prætorium.*

In supera Castrorum parte *Prætorium* primum locum habuit, honoris & decentiæ causa, [b] quia primo Duci primus locus debitus, nempe ea pars, quæ editior, aut cui aliunde nihil obstaret, quæ aspici undique & aspicere posset, e qua dari mandata & audiri. Nam allocutio, signi ad pugnam propositio circa Prætorium, aut super ipsum facta, quæ locum volebant liberum & conspectum. Ea ipsa

E 4 res

(a) Qui in hac parte. (b) Prætorium cur in loco edito.

res ad majestatem aliquam & vim imperii faciebat, eminere loco, qui dignitate eminebat. Ipsum etiam tabernaculum non solum latius cæteris, sed altius, & quasi in urbe aliqua templum.

Prætorium Polybius vocat τὸ σπαστὸν οὐκον, [a] *Tabernaculum Prætoris*. Et si Græci quoque simpliciter σπαστὸν, quasi *Imperatorium*, aut *Prætorium* dicunt. Augustæ ætas videtur hoc *Augustale* dixisse; potest ab Augustis ita dictum esse, qui in eo tendebant. Latinis ideo *Prætorium* dictum, quod initio Prætores erant, qui deinde Consules, & ii bella administrabant, quorum tabernaculum quoque dicebatur *Prætorium*. Aliter quoque vox *Prætorii* apud Latinos usurpata, pro conventu, & hominibus, qui in eo loco. Hoc sensu dicunt, [b] *Prætorium dimittere*, quod perinde est, quasi *Curiam mittere*, aut *Scenatum*. Quæ missio semper ad horam & statutum tempus facta, scilicet vespere & luce abeunte, cum vigiliæ mox constituendæ essent, & quisque ad corpora, aut munia sua curanda abiret. Ideo mandata, siqua in noctem,

aut

---

(a) *Nomen*. (b) *Prætorium dimittere, quid*.

aut primam lucem Imperator vellet, tunc dabat, ne quies turbaretur castrorum. Simile est alterum illud e militia, *Mittere Principia*, apud Frontinum. Dicuntur enim mitti, aut dimitti principia, cum Tribuni non ultra ibi præsent, jus aut mandata disperciunt, sed sub noctem ad Prætorium eunt, mox ad se ituri; sicque conventum militum solvunt, qui ibi frequentes.

Area [a] Prætorii ampla erat, justum quadratum, cujus latera singula 200. pedum. Latere in latus ducto efficitur area pedum 40000. passuum 1600. Grandis igitur & capax hæc metatio, ac par illi quatuor manipulorum, sive hominum 480. Et opus erat tanta: (b) nam Prætor ipse per se laxius paulo agere & tendere debuit, quam caput aliquod e vulgo. Deinde, quia ministri aut comites illi plures, quos juxta se habebat. Inter ministros erant primo Lictores, & peculiares deinde servi ad varios usus. Inter comites honestiores multi, qui amicitiae causa aut militiæ sponte eum secuti. Hi e contubernio Prætoris, aut Contubernales ejus dicebantur, quoniam eadem ista pedatura tendebant. Immo Senatorum filii,

E 5 & tale

(a) Area ampla. (b) Cur.

& tale nobiliorum genus comitari ita magistratus solebant. Atque ipse Julius Cæsar, cum sua causa quadam peregrinari nobiles nollet, tamen hoc utiliter a majoribus institutum non abrogavit, & cum exceptione edixit: *Neu quis Senatoris filius, nisi contubernalis aut comes magistratus, peregre proficisceretur.* Et sane (a) utilitas hic clara, quod juvenus caste modesteque agebat, sub oculis & in latere Ducis: quod sermonibus sæpe militaribus, & interdum consiliis intererat: denique Duces agere parendo discebat. Sed & laxitate Prætori opus ad mulos & jumenta, quæ plura habebat; itemque ad supellectilem & vasa. Pecunia e publico ad mulos & tabernacula dabatur, & altera ad vasa, (b) *Vasarium* appellata. In his quidem adeo non usum, sed delicias & luxum quidam spectabant.

Forma (c) Prætorii superior fuisse videtur rotunda, testudinea, id est, curvata in cameram rotundiores. Hac causa fortasse Josephus cum templo componit, quod templa pleraque talia: aut etiam, quod eminebat in mediis castris, ut in urbe aliqua templum.

---

(a) *Utilitas contubernii.* (b) *Vasarium*

(c) *Forma Prætorii.*

plum. An & quia religio ibi, & pars sacrorum? Certe in eo *Augurale* fuit, ubi sacrificare & auspicari Imperator solet: nam ante illud ara fuit, in qua solemniter libamenta aliqua illata & cremata, quotidianæ religionis ergo. *Auguratorium* vocat Hyginus, qui & situm ejus parte dextra Prætorii docet, ut tribunal læva.

Tota igitur area sive pedatura (a) Prætorii erat quaternum jugerum, seu potius versuum. *Versum* autem dicunt 100. pedes quoque versus quadratum. *Pedatura* vero Latinis est, quod Græcis *ποδισμός*; etsi *Podismi* ipsa Græcànica voce crebro in hac tali re Vegetius est usus. *Ποδισμός* autem dimensio; aut & dimensum ipsum per pedes; sicut *στάδιον*, per stadia: ad verbum est *Pedatura*. Et accipiunt non pro ipsa mensura tantum, sed pro spatio areaque, quam sic dimensi.

Situs (b) Prætorii in medio, non quidem castrorum, sed aliorum Ducum. Nam semper, veteri & novo more, in medio Tribunorum, aliorumque Ducum Prætoris locus. Profecto ut in acie Prætor seu Consul. (confundimus hic ista) post Hastatos & Principes ante Triarios stabat, media fere

E 6 acie,

(a) *Pedatura Prætorii.* (b) *Situs.*

acie, & ad latera Tribuni: ita hic, nisi quod pro Triariis Ablecti, & Extraordinarii, & Evocati substituti. Et hic (a) situs magnæ rationis. Primum, non longe ab hoste, & ad Prætoriam portam, quæ illum fere semper spectabat: nimirum ut observet, si quid ille molitur aut moveat, & nuncios quoque aut exploratores statim admittat. Causa altera, ut Duces omnes circum se habeat, quorum consilio, cum opus, statim utatur; item jubeat aliquid aut mandet. Tertia, ut in conspectu habeat subjecta castra, & militem totum, videatque si quid peccent aut turbent. Ipse ille aspectus coercebat milites, qui sciebant semper sub oculis sui Ducis se versari, eoque in omnibus magis compositæ se gerebant: nec Ducis tantum, sed Ducum; quoniam Quæstor, Legati, Tribuni omnes fere huc spectabant. Denique causa etiam hic, honor & dignitas, quod media omnia honestiora, immo & tutiora.

*Quæstorium.*

Ad Prætorium situm est *Quæstorium*, ad latus dextrum, & supra Legatos; quia Quæstor magistratus erat Populi Ro-

Romani, alii non nisi in dignitate.  
(a) Dimidiatum est ad Prætorium in  
pedatura, quia Quæstor proximus est  
dignitate Prætori: & magis ideo, quia  
ampla ei vasa & instrumenta. Habet  
pedes 200. in latum, 100. in longum.  
Planities pedum 20000.

Quæstorio Forum adsitum, quod re-  
bus venalibus serviit, & conventibus,  
& legationibus etiam audiendis; ad  
eum enim locum veniebant & deduce-  
bantur primo Legati. Suidas *Gnomam*  
appellat. Utrumque hoc spatium, tam  
Fori, quam Quæstorii, grande fuit, &  
in omni latere circiter pedum 300. Fo-  
rum illud Quæstoris (c) *Quintana* ap-  
pellabatur, in castris scilicet post Præ-  
torium, ubi rerum utensilium forum  
fuit, ut ait Festus; dicta *Quintana*,  
a quintis cohortibus ibi tendentibus.

*Pedatura Legatorum.*

*Legatorum* (d) pedatura ad alterum  
latus Prætorii, & ubi Forum, ita ut  
parte una Quæstor sit, parte altera ip-  
si. Omnino ratio vult, haud longe  
Prætores eos tetendisse, quia & di-  
gnitate proximi, & ad eum sermonis  
consiliique causa sæpe advocati. Hi  
ergo

---

(a) *Quæstorii pedatura.* (b) *Forum.*

(c) *Quintana.*

(d) *Legatorum metatata.*

ergo iterum dimidiati ad Quæstorem : ergo habent in longum singuli pedes 30. in latum 100. Est area 5000. (a) Appello autem longum hoc loco ( ne aberres ) spatium a Prætoria ad Decumanam, latum a principali ad principalem. Quid si plures jam Legati, & tot quot legiones, ut inferiore ævo factum ? Credo, cum tunc Quæstor non ita vulgo comitaretur, eos utrimque ad latus Prætorii fuisse, & sic medium habuisse suum Ducem.

*Metatura Tribunorum.*

*Tribuni*(b) sub ipsum Prætorium ordine siti : divisi in duas partes via media, quæ a legionibus ad Prætorium ducit : & ita collocati seni & seni, ut quisque ordo suam legionem habeat in conspectu. Exempli causa, sex Tribuni primæ legionis, huic sunt oppositi ; sex secundæ, illi. (c) Ordo etiam inter ipsos, ut primus Tribunus ad Prætorium primus esset, oppositus equitibus ; secundus deinceps, & sic ad sextum. Tabernacula illorum secreta & disparata : sive quia dignitas in eo aliqua est, seorsim tendere : sive quia ratio voluit vias quasdam medias esse, per quas ad forum utrumque sine ambitu

---

(a) Nota. (b) *Locus Tribunorum*.

(c) *Ordo inter eos*.



bitu iretur. Eæ viæ utiles quatuor sunt in utraque parte, quinta enim perit Prætorii objectu. Semper hi ad unum latus, idemque hujus quadrati, collocati, & infra eos legiones; ad id nempe latus, quod aquando aptissimum sit & pabulando. Igitur ita aptabant castra, ut Prætoriana porta fere hostem spectaret, Decumana averfissima ab illo. Et per hanc plurimum aquabantur & pabulabantur: ergo & facies castrorum tota versa in illam.

Quoad pedaturam, (a) Tribuni dimidiati ad Legatum; & habent æqualiter in quadro 50. pedes; sunt in area pedes 2500. Et eo fine hoc spatium, ut tabernacula illis Tribunorum, quæ æqualiter inter se distabant, possint statui; atque ea ipsa laxiora, calonibus, equis, mulis. Quis enim nescit, honestius paulo comitatos instructosque fuisse hos militum Duces, & sæpe Senatores?

*Pedatura Præfectorum sociorum,  
Evocatorum. &c.*

*Sociorum Præfectos* (b) ad latera Tribunorum ponimus, situ & modulo paribus, quia pari munere & dignitate, nisi quod illi tamen honestiores, quate-

---

(a) *Pedatura.* (b) *Locus Præfecto-  
rum.*

tenus cives. Ratio autem vult eos opponi suis Alis sive Cornibus, sicuti legionibus Tribuni. Dividantur ergo, & sint in quaque parte seni, eadem metatura, qua Tribuni, nisi quod viae aut intervalla hic magis exigua, an potius nulla? nec enim hic transitus aut commineatus ulli, cum a tergo excipiant Evocati & Ablecti.

*Evocati equites* (a) proximi a Praefectis, quia dignitate supra Ablectos sunt. Sequuntur *Evocati pedites*. Horum omnium numerus incertus, & ideo pedatura. Sunt tamen 30. id est, Turma una Romana; habebunt 80. pedes in longum, 125. in latum: area 10000. Superfunt inibi 238. semis. Ea area esset pedum circiter 20000. Carperet igitur manipulos duos civiles peditum, id est, homines 240.

*Ablecti equites* (b) turma una socialis; ergo 40. equites; ergo area 13333. semis. Efficiunt eam numeri, in longum 120. in latum 211. & quarta pars. A tergo cohors una *Ablectorum peditum* 336. hominum. Area illi esse debet 28000. ergo essent in latum 233. & dimidius circiter, in longum 120. Superfunt pedes 19.

Ex-

---

(a) *Evocatorum*. (b) *Ablectorum*.

*Extraordinarii equites* (c) sunt in universum turmæ 8. utrimque locantur 4. Prætorium & Fora spectant Polybio, etsi quidam aliter. *Pedites Extraordinarii* a tergo equitum sunt: eorum 3. ponamus cohortes, utrimlibet unam cum dimidia; sed dimidiæ duæ viam aspiciant, atque ita junctæ quodammodo sint, nisi pedum aliquot intervallo.

Pars itaque hæc est castrorum Superior, in qua vix ulli cives. En prudentiam Romanam! custodiam primarii Ducis & Ducum committere Sociis voluerunt; quid, nisi ut fide sic habitata, magis alstringerent eorum fidem? Sed & causa occultior altera, quod præcipuos sociorum circa se, & in ore atque oculis habebant, ne quid clam consulerent aut innovarent. Etsi autem isti undique cingunt Imperatorem, & in custodia habent; non tamen ita, ut non sit aliquod præsidium civile, si opus. Nam & Evocati utrimque sunt, veterani milites; sunt in contubernio ejus centeni aliquot homines, quorum munia, a custodia, & velut satellitio Consulis esse; unde ii ut plurimum juxta eum, in castris, in agmine, puto &

(a) *Extraordinariorum.* (b) *Cur nulli cives in superiori parte.*

& in acie ipsa : adsident cum suis Quæstor & Legati : præsent Tribuni, ad quos ei semper receptus, & per eos in medias legiones.

Consideratio altera, quod loca hic magna & vacua : (a) vel quia decore ibi, vel quia utiliter. *Decore*, ut Forum utrumque, ubi si quid litis aut injuriæ, in propinquo qui solvant aut ulciscantur : item ad res venales, ad prædam, ad circulos & sermones. *Utiliter*, ut Quintana illa magna ; quia si opus instruere exercitum in castris, puta, cum eruptione pugnandum, aut tempore tali, ibi, & in foro utroque facillime fiat. Item si educendus, sublatis Extraordinariis, & in latus sepositis, grande spatium ad ordinandum. Nunc ad inferam partem descendamus.

*De Parte Infera  
Castrorum.*

Pars (b) castrorum inferior divisa & ipsa in duas partes, sed conformes : Via enim media transversa secat disparatque quinos manipulos a quinis ; sed in locatione alia nullum inter eos discernim.

Spa-

---

(a) *Cur ibi loca magna vacua.* (b) *Pars infera divisa.*

Spatium medium inter superam & inferam castrorum partem, pedum 100. Romanis (a) *Principia* dictum, Græcis ἀρχαία. Etsi enim proprie sic appelles initium ipsum castrorum, ubi legiones (inde enim vox) tamen totum hoc spatium medium inter legiones & Tribunos, sic esse dictum constat. (b) Hæc *Principia* sacra & casta habita, & fuerunt in religione, ob præcipua signa, quæ ordine illic antefixa; omnes enim primæ decuriæ & manipuli metabantur illic, ergo & signa quæque prima, id est, primi Hastati, primi Principes & Primipili etiam, id est, Aquilæ ipsæ. An & hoc verum, omnium cohortium signa ibi defixa, ante Prætorem scilicet, & non movenda, nisi eo sciente, jubente? Sanctior item hic locus habitus, quia ibi legionum Numina, ibique aræ atque altaria exstructa. Equidem in Græcorum etiam rebus hunc morem & religionem recognosco.

*De metatura Militum.*

Primo *Romani equites*, ut dignissimi, in medio locati, & liberrimos habent egressus. Tuti hic; & quamquam in acie alia dispositio, tamen recepit  
tunc

(a) *Principia*. (b) *Ea sacra, & cur*  
(c) *Pedatura equitum*.

tunc inter pedites, quia in castris nullus eorum usus. Horum podismus est area 10000. pedum; ad passus si redigas, sunt 400. Spatium satis grande 30. equitibus 30. equis, nec enim unus plus uno militari equo habuit; non tamen prægrande cogitanti calones totidem, fortasse & Decurionibus ipsis aliqui honestiores comites aut ministri: item iumenta aut muli ad sarcinas, hordeum, frumentum; nec enim ipsi equites onusti, aut eorum infessorii equi.

*Triarii* (a) honore & loco ab istis proximi, & conveniunt in unam aream: tum ut via compendiat, tum ut equos observent, ne in castris soluti aut vagi dent turbas. Dimidiati erant ad equites quoad metaturam.

*Principes* (b) & *Hastati* in una item area, non manipulatim solum, sed & cohortatim locati: *Triarii* enim, *Principes*, *Hastati*, sic in una linea faciunt quique suam cohortem.

*Velites*, (c) ut militum infimi, ita extremo ordine locati, ad vallum scilicet, & spatium illud, quod castra interiora ambit, ut illud observent, &  
ut

---

(a) *Triariorum*. (b) *Principum & Hastatorum*. (c) *Velitum*.

ut in acie quoque, proximi sint hosti: fane incustoditum hoc vallare spatium esse non conveniebat, aut leviter custoditum. Et quia Velites sint duplices, *Legionum*, & *Sociorum*: illi ad superam inferamque castrorum partem locantur: isti ad latus utrumque. Itaque 1200. Velites supra Prætorium tendent, totidem ad Decumanam, 1000. ad quatuor Principalem. Tendunt autem simplici ordine, nec multum spatii sument introrsum, quia grande unumquodque latus est, & pedum 2000. ac supra. Sed nec impedimenta multa Velites habent, aut arma, & minore podisimo iis opus.

Univerſum autem corpus *Sociale*, (a) Equitum & Peditum, extrorsum situm, ut fere in acie ipsa. Nec imprudentiæ fuit eos dividere, & vires seungere, ut contra Romani medii juncti, & numero firmi. *Socii* igitur per cohortes locati, quæ, detractis Velitibus, modicæ, nec nisi hominum 236. Erant seorsim positi, ut juncti tamen lateribus essent, sicut Hastati & Principes tergis. Omnes autem Centuriones vallum spectabant, aut principia & Quintanam; quod ex dignitate eorum, & commodo.

Hoc

---

(a) *Pedatura Sociorum.*

Hoc quoque notandum in tota meditatione, (a) Decuriones & Centuriones esse in capitibus ad vias, & juxta eos Signiferos. *Pratoria cohortes* videntur juxta Prætorium tetendisse.

*De Tentoriis.*

Tentoria (b) militum in castris vulgo e corio & pelle constat fuisse: inde & nomen, quia funibus tendebant & detendebant. Unde *Sub pellibus esse*, id est, sub tentoriis. Hæ pelles e publico datæ, sed Ducibus tantum. Fecerunt ita & Græci, quibus Xenophon *σείσματα ἀφ' ἑώρας* attribuit, tentoria & tegmina, pelles. Habebant hæc tentoria fulcra & tigilla dumtaxat lignea, quibus erigebantur & sustinebantur: etsi tamen e ligno etiam reperio, & *Papiliones* (c) vocabant, a similitudine parvi animalis volantis. In Hibernis & perpetuis illis castris ex asseribus & tabulis fuisse, nihil absolum; unde & *Tabernacula* (d) dicta videntur; quamvis revera non a materia, sed a forma & usu simili potius, nempe quod sint quasi Tabernæ castrorum. Interdum ubi inopia, etiam stramen-

---

(a) *Locus Caputum*. (b) *Tentoria ex qua materia*. (c) *Papiliones*. (d) *Tabernacula*.



mentis, centunculis, aut vestibus usi.  
Fiebant etiam ex lino, nostrate ritu,  
& *Tenda* (a) dicta domus ex lino: res  
& vox hodierna.

Tentoria 12. in manipulum videntur  
fuisse. Vegetius quidem auctor, ho-  
mines 11. una tetendisse, & id *Contu-  
bernium* (b) appellabant. Idem præsi-  
dem iis dat *Decanum*, qui ipse scilicet  
undecimus. An ab isto capite Italici  
hodie *Caporales*? etsi *Corporales* alii  
efferunt, & ad Ammiani *Concorporales*  
nos remittunt. Et iste Vegetii nume-  
rus pro ipsa area non ineptus, ut ter-  
na & terna steterint tabernacula ordi-  
ne quaterno. Atque istæ sunt velut  
domus militares, cuique notæ, & scie-  
bant quoto, & apud quem manerent.  
Itaque familiaritas quædam erat & ne-  
xus, *Contubernalem* esse; sicut *Adtu-  
bernales* Festo dicti, quorum taberna-  
cula iuncta.

Culina non opus militibus, cum in  
stricta & dura militia Romana panis  
cibus esset, & obsonia nulla aut rara;  
de quibus postea. Nec cubicula habe-  
bant aut lectos: nam aut humi jace-  
bant, aut super gramen aliquod aut  
stramen.

Via

---

(a) *Tenda*. (b) *Contubernium*.

*Via (a)* Castrenses sunt octo : quinque directæ & in longum ; tres transversæ . Omnes aut 50. aut 100. pedum . Excipio minuscultas inter Tribunos aut Præfectos : item semitas inter tabernacula , si quæ fuerint . Sic enim grandes viæ non solum decoræ , sed & utiles , ad equos & jumenta educenda , inducenda . Interdum tamen contractæ ob aliquam causam .

Partes castrorum Externæ tres : *Fossa* , *Vallum* , *Portæ* .

A tentoriis vallum abjunctum erat quaquaversus pedes 200. cujus spatii vacui ( *Pomærium* nominare liceat ) ( *b* ) usus triplex . Primo , [ad egressus ingressusque copiarum , nempe ut compositi ineant , atque in vacuo eo per genera & manipulos se disjungant , iterumque in egressu sic jungant ; quod utibile maxime , si eruptione pugnandum , & instat hostis . Deinde ad pecudes adductas , vel ex hoste captas , vel ad militarem cibum sequentes , & ad prædas servandas : non tamen in longum ibi præda servata , sed ab ipsis , aut Quæstore mox vendenda .

De-

(a) *Via* 8. (b) *Vsus Pomærii* .

Denique, si hostis noctu affiliat, aut per insidias & clam tela aut faces immittat, innoxia sunt ob illud spatium interjectum, & cum perveniunt, viribus defecta.

*De Fossa.*

Fossa (a) erat exterius vallo præducta. ( Sic epim ab ipsa re dicebant, *Præducere fossam*; dicebant & *Deprimere fossam*, iterumque *Percutere* ) Ea fossa lata plurimum 8. pedes, & totidem alta: alii tamen adaugent. Non raro duplex fossa, ut & duplex vallum legitur, majoris firmitatis aut tutelæ causa. Hanc accincti fodiebant.

*De Vallo.*

Vallum (b) est aggestus e terra & sudibus, ad labrum interius fossæ velut murus. Duæ igitur ejus partes, *Agger*, & *Sudes*:

*Agger* (c) est ipsa terra, cum cespites circumciduntur e terra, & ex illis velut murus instruitur, altus 3. pedibus supra terram. Cespes fiebat altus semissem, latus pedem, longus pedem semis: nam nec temere aut pro arbitrio hunc excindere licuit, sed omnia ad normam. Si terra solutior, ut ad similitudinem lateris cespes non posset

F ab-

---

(a) *Fossa*. (b) *Vallum quid*. (c) *Agger quid*.

abscindi, tum sane aut fossa præducebatur, cuius intrinsecus agger excrecebat; aut sepibus ductis, vel interpositis stipitibus, ramisque arborum, ne terra facile dilabatur, Agger erigebatur. Altus ille sæpe 10. pedes, totidemque latus.

*Sudes*, (a) qui proprie valli, & inde compositum ex utroque dixere *Vallum*: nam Vallum & *Sudes* idem sunt Servio. Magis prisca dixere & *Suros*; inde *Surculi*, & *Crebrisurum* Ennio, vallum crebris furis, id est, palis munitum. *Sudium* tamen vox creberrima. *Sudes* erant ex quocumque & obvio ligno, robusto tamen, cum daretur: ex robore eas facit Valerius, ex acere Propertius. In oppidis etiam istæ *sudes*. *Sudium* forma: (b) Non fuerunt ex æquabili & simplici ligno, sed habuerunt duas eminentias, & velut cornua, aut tres, aut quatuor, id est, ramos in majori stipite, qui recisi ut cornua eminebant; tales præsertim in summo erant. Studiose acutæ fuerunt illæ eminentiæ vallorum, ne quis facile possit apprehendendo evellere, lubrico scilicet ligno: & contra transgressum & transcensum. Itaque longiusculos fuisse oportuit hos vallos, cum pars

in

---

(a) *Sudes*. (b) *Forma sudium*.

in terram defigeretur, firmamenti causa; & pars emeretur: etsi implexos & devinctos inter se etiam fuisse sciam.

Valli (a) modus parte una 2017. pedum, altera plusculo major 2050.

*De Portis.*

Portæ (b) in castris quatuor, ad unumquodque latum una. Atque inter eas prima *Prætoria*, (c) quæ scilicet vicina & a tergo Prætoris. Solet ea plerumque obverti hosti, ut *Decumana* averti: & per hanc plerumque exercitus in præliumeductus. Livius vocat *Extraordinariam*, ab iis ipsis turmis & cohortibus, quæ illic tendunt. Duæ laterales, & proximæ portæ *Principales*, (d) e quibus læva altera, ad discrimen, altera dextra: ita dictæ, quod ibi tendant principes ordines, capita, & apices castrorum, ut Tribuni, Præfecti, primique Centurionum: vel etiam a Principiis ipsis, sed tum magis essent *Principales*. Quarta *Decumana*, (e) a cohortibus Decimis ibi tendentibus dicta. Ea est opposita Prætoriæ, & remota ab hoste. Hæc eadem *Quæstoria* olim dicta. Extra hanc supplicia a militibus delinquentibus sumpta. Inferior ætas minores

F 2 res

[a] Valli quantitas. [b] Portæ 4. (c) Prætoria. [d] Principales 2. [e] Decumana.

res quasdam portulas interstruxit. [a] Fores & januæ etiam iis impositæ ad ferandum ac referandum. (b) Turres etiam in portis ad defensionem lego. Quæ talia tamen non nisi in Stativis, & diuturnioribus sedibus habuisse credendum est: in unam noctem ne foribus quidem valde opus.

Portæ singulæ 50. pedum: latiore enim ingressu opus vehiculis, & jumentis.

*Ambitus Castrorum.*

Castra in toto ambitu (c) erant miliare unum, & semis, & aliquot passus. In eo spatio peditum 16800. locarunt belle, & commode, equitum 1800. præter comites Prætoris, Legatorum, Quæstoris, Tribunorum, præter omne genus calorum, jumentorum, & impedimentorum.

*De Munitione Castrorum.*

Ad castra munienda Romani & Socii communiter & solemniter adhibiti: immo ipsi Imperatores manum interdum admoverunt, in calcar & exemplum. Quotidiana erat, & si qua alia res, hæc militem firmabat & indurabat. (d) In muniendis vero castris perpetuus & certus ordo, & ut quisque in iis locum

---

[a] Januæ. [b] Turres. [c] Ambitus.  
[d] Ordo in munitione.

cum & tentorium suum noverat, sic partem quoque operis, quæ obveniret. Nam Socii semper duo latera habebant, ubi tendebant; & eo ordine etiam, quo tendebant: Romani duo reliqua, per manipulos sic divisi. Cum Socii jam esse desierunt, per legiones divisio facta; & si plures, singulis suum latus. Operi intendunt per partes Centuriones, sed toti operi præsunt & curant duo Tribuni, ut scilicet univérse omnia apte & cohærenter, & nequid Centuriones remittant. Hi duo Tribuni ex quaque legione unus, qui per menses suos imperium habebat, ut infra dicemus.

Duo autem fuerunt militum genera, *Munifices*, & *Immunes*. (a) Illi, qui munus facerent, id est, fossas, vallum struerent, excubias stationesque obirent: in quo genere omnes gregarii, & quibus honos aut gradus vacationem non dabat. (b) Isti, qui his omnibus vacarent; qui & *Beneficarii* dicti, quod beneficio Imperatorum muneribus vacarent. Ejusmodi Immunitum duo genera: alii, qui *ex lege*. & more; alii, qui *ex beneficio* vacabant. (c) *Ex lege*, omnes Tribuni, Centu-

F 3

rio-

(a) *Munifices* qui. (b) *Immunes* qui.  
(c) *Vacatio ex lege*.

rionesque, qui arbitri & exactores munerum erant, non actores. Item equites, ob dignitatem. In eodem numero Veterani & Evocati, quos omnino probabile est, cum sponte militiam sumerent, munerum hac necessitate non adstrictos, nisi item in necessitate. A quo exemplo exauctorati; & qui sub vexillo habebantur temporibus Principum. (a) *Beneficio* autem, quibus id indultum per gratiam, sive quia virtute meruissent. Nec Imperatores solum ipsi dabant, sed indulgebant aut connivebant etiam pro tempore Tribuni. Remissiore jam & minus intenta militia invaluit, vacationes precio etiam, idque a Centurionibus emi. Inter alia, quæ militiam & rem Romanam everterunt, hanc scito esse inter occultas causas.

Posteriore ævo quin (b) munierint, opusque fecerint, dubitari non potest vel ex Vegetio, qui distinguit duo genera militum: *Principales*, qui privilegiis muniuntur. *Munifices*, qui munus facere coguntur. Ipse *Principales* appellat, illos eximios & in gradu; *Munifices*, viliores & gregales. Calones aut servi raro his operibus manum admo-

---

(a) *Ex beneficio. Milites ipsi munierunt.*



moverunt, ipsi Romani munierunt: sicut & Macedones. Non enim vilia aut servilia ista habenda sunt, quæ domini Orbis terræ usurparunt. Sub Principibus tamen, molliore illo ævo, lixæ & servi fecerunt hæc munia; interdum & Provinciales.

Postea cum pulverulenta virtus sortuit, & jam pene dedecus esset, vere virum esse, tota res abiit, & desierunt etiam muniri castra, metationis scientia aut usu prorsus intercidente. Etsi jam aliud muniendi genus & levius cœperat, ut non vallo, (a) sed scutis, idque multiplicata serie, cingerentur. Hæc scuta quidem recta & juncta stetisse videntur, ad pila aut hastas acclinata, sed milites item appositi ad tuendum. Græci posterioris ævi, sub quibus munitio iterum vixisse visa est, (b) ἀπληκτόν, pro castris dixerunt. Suidas enim ἀπληκτα vocat locum, ubi a via quiescunt legiones.

#### *Disciplina Militaris.*

Sedem Disciplinæ quia vidimus, Castra nimirum, nunc ipsam. Ad Disciplinam tria spectant. 1. *Munia*. 2. *Exercitia*. 3. *Leges*. Quæ deinceps inspicienda.

F 4 Tri-

(a) *Castra scutis munitia.* (b) ἀπληκτα.

Tribunorum (b) munera in castris erant, vigiliis disponere, circuire, tesseris & signum dare, denique quidquid ad usum imperare. Sed in primis etiam jus dicebant, & causas sive lites militares cognoscebant: immo puniebant etiam, & de capite cognoscebant.

Unius legionis sex Tribuni (b) in tres se partes dividebant, & bini imperabant per binos menses: ita, cum duæ legiones in castris, quatuor erant qui imperabant; nec ii continuo, sed diebus alternis. Ista divisio commoda fuit, & prudens: commoda ad alternam requiem; prudens ad concordiam. Quisque enim suis diebus & mensibus, in sua legione, imperium inhibebat. Idem imperandi modus Præfectorum in Socios, qui Tribunis ubique adæquantur. Quæres, cur in semestri tantum? cur non discreti sic in totum annum? Ratio, quod annus actionibus & negotiis inæqualis; æstas tota in expeditione & opere, hyems pigra & otiosa. Ne quis ergo queri posset, aut honoratum se parum, aut nimis onera-

---

(a) *Tribunorum officia.* (b) *Divisio*  
munerum.

ratum, omnes ad res & otium admittebant, prout tempora erant.

Cum (a) prima luce unius legionis omnes 60. Centuriones, & omnes 30. Decuriones veniunt uno agmine, & compositæ ad Tribunos, quorum illis mensibus imperium, per speciem officii, ut salutent, & ut deducant. Ipsi Tribuni cum hoc comitatu ad Imperatorem summum. Nonne decore omnia & utiliter ad dignitatem imperantium augendam? ad imprimendam subditis venerationem? Nec otiosa hæc, aut honoraria tantum salutatio, sed visio, Numquid vellent? Itaque Imperator tunc iis signum dabat, atque alia pro tempore edicebat agenda. Vide pulcherrimum imperandi modum. Imperator Tribunis edicit, isti Centurionibus, Centuriones suis.

Sunt autem Munia militaria, (b)

*Ministeria, Excubie, Vigilia, & hæc similia.*

*De Ministeriis.*

Positis castris, post juramentum præstitum ( de quo infra ) primum quod curant (c) Tribuni, est partitio manipulorum ad ministeria, & munia diurna.

F 5 na.

---

(a) *Deductio capitem, & modus imperandi.* (b) *Munia.* (c) *Ministeria qui curent.*

na. Ordinant itaque Tribuni sorte ex utraque legione, ita ut sex & sex Tribuni, quisque non nisi ex sua legione manipulos capiat, ne miles extra suam legionem ministerium Tribuno præstet.

Prima ergo (a) cura est loci, qui ante Tribunos, ea sunt Principia, celeberrimus & facerrimus locus, ad quem ordinant duos manipulos ex quaque legione, Principum & Hastatorum. His curæ est, ut Principia versa & terfa sint: nam quia frequenti itu & attritu necessum erat pulverem aut lutum fieri (ibi enim sermones & conventus in totum diem, atque etiam judicia, & si quid aliud publice agendum) iusserunt vindies viam hanc aspergi & mundari: Illud, cum pulvis; hoc, cum lutum. Sordes humanas extra castra & vallum fecerunt, cum liceret, id est, de die: si nocte urgerentur, in tentoriis & vasis, ac calones aut ipsi asportarunt; nam discurrisse in tenebris per castra & excubias, non opinor, & fraudi fuerit locus. Quid si etiam, ut Turcæ hodie, in fossis quibusdam hæc excreverint, iisque terra repletis, alias subinde novas foderint? Id potuit, & Turcæ majoribus tabernaculis tentorio-

la

---

(a) *Cura munditiei.*

la quædam conjuncta habent cum his scrobibus, quæ tentoriola scilicet crebro mutant. Faciunt simile in extis, aliisque rejectamentis carniū, & ea defodiunt atque humo operiunt studiose contra foetores. Salubria hand dubie castra, per minutas has observationes.

Reliqui 18. manipuli senis [a] Tribunis per vices ministrant, tres in singulos. Cum castra metantur, eorum tentoria statuunt, & locum circa complanant, cespitem viridem comportantes, & tessellatim disponentes: nec abnuam etiam de glareâ aut lapide, si locus vicinus præberet, aut diuturna mora posceret, ut in Stativis aut Hibernis. Et si quid sepîendum aut claudendum sit ad vasorum utensiliumque custodiam, id præstant. Aquatum, lignatum, pabulatum quoque istos isce in usum Tribunorum crediderim. Visum enim hæc omnia, quæ militiam tangunt, per milites fieri, tum contra ignaviam & otium, tum causa obsequii, & ut opportuni magis imperiis atque obnoxii essent. Hodie abnuant, per malum factum; qui in milite bonus, sed in hostem: apud Duces obsequiosi & flexi animi conveniunt.

F 6 De

---

[a] *Ministeria Tribunis præstita.*

Præter jam dicta ministeria, dant etiam excubias [a] Tribunis. Excubia autem est e viris 4. quorum pars ante tentorium, pars post illud juxta equos agunt. Cum autem sint cuique Tribuno tres manipuli, & in quoque istorum viri supra 100. [Triariis exceptis & Velitibus, nam hi non ministrant, illi ob dignitatem, hi ob vilitatem, & quia utrique alio vocantur] non nisi in quartum quemque diem ad manipulum redit & incumbit. Tribunis vero simul & commoditas ex hisce ministeriis, simul & dignitas atque honos imperio accedit. [b] Sunt enim hi velut custodes quidam Tribunorum aut apparitores. Immo fallor, aut cum ipsis Tribunis, si exhibant, pars eorum exhibat, ut honeste scilicet per castra & alibi incederent, militibus sic comitati.

Erat & equitibus [c] excubia una Triariorum. Nam hi a ministerio Tribunitio liberi, curabant cum alia, tum equos maxime, ne aut vinculis impediti illigatique lædantur, inutiles futuri ad militiam; aut soluti & ruentes turbas ac consternationem excitent  
in

---

[a] *Excubia Tribunis.* [b] *Comitatus.*  
[c] *Equitum excubia.*

in castris. Percommodum enim visum, ut Triarii equitibus ministrarent, sine molestia ulla sua, in suis tabernaculis manentes.

Imperatorī (a) unus ex omnibus manipulis in diem excubabat; quæ res & tutum præstabat ab insidiis, & ornatum speciemque magistratui addebat.

Sociorum (b) manipuli etiam ad exemplum legionis distributi, ut quidam Principia munda habuerint in sua parte; aliæ excubiæ fuerint Præfectis, exemplo Tribunitio: denique & Imperatori manipulus forsan unus.

Excubiæ (c) etiam ad portas & val-  
lum: atque adeo Romanus mos fuit totas cohortes & turmas habere & ponere quietas ante ipsas portas, non unum aut alterum militem, ut hodie solet, quos a sentiendo *Sentinellas* vocamus. Illi plures, atque etiam cum periculum esset, alios super alios, & longius abjunctos. Id vocabant ab ipsa re, (d) *Stationes*: stabant enim, tam equites, quam pedites. Et distinguunt passim a Vigiliis, quod hæc diurnæ essent. Græci προφυλακὰς bene & apte

- 
- (a) *Imperatoris*. (b) *Sociorum*.  
(c) *Excubiæ portarum*. (d) *Stationes*.

apte vocant, quasi dicas *Procustodias* Ammianus *Stationes agrarias* aliquoties dixit; Vegetius compendio, *Agrarias*, quod in agris scilicet & sub divo. Hæ Stationes olim quidem totum diem habitæ, sed mutavit Æmilius, ob causas, & binas in diem statuit. Utiles valde, quod numquam hostis imparatos aut paucos deprehendebat, immo qui essent resistendo donec succurreretur. Anxiæ autem servatæ; & omnino capitale (nisi magna vi abriperentur potius, quam pellerentur) deseruisse. (a) Has Stationes puto ex omni genere militum, exceptis Velitibus, obiisse: ad singulas portas non minus cohorte & turma una; interdum & plures, cum juxta hostis. Quatuor autem portæ, in universum 40. cohortes, & totidem turmæ (exceptis iis, qui ad Prætorium Extraordinarii aut Selecti, hi enim ab hac re immunes) ergo munus rediit decimo quoque die; immo quinto die, si illum medium dividis & secas cum Æmilio. Aliter paulo Spartani, qui asservabant foederatos suos & armorum socios una illa custodia, altera hostes. Custodia in socios, peditum fuit; in hostes, equitum,

---

(a) *Modus stationum.*



tum , atque ea in locis fere montanis aut excelsis.

*De Vigiliis.*

Sicut Excubiæ erant diurnæ, ita Vigiliæ nocturnæ : et si illæ quoque pro istis usurpatæ, & est generale nomen; at non e contra. In Vigiliis tria considerata. 1. *Tessera*. 2. *ipsa Vigilia*. 3. *Circuitio*.

1. (a) *Tessera* hoc modo data & accepta. In quoque genere, equitum & peditum, ex decimo signo, quod ultimum est, & in strigarum parte extrema, vir unus eligitur, qui a reliquo munere excubiarum immunis sit, *Tesserarius* dictus ab ipsa re. Is quotidie, Sole jam inclinante, ad Tribuni tentorium venit, & signum petit; illud Tribuni ab Imperatore accipiebant in milites per Centuriones transfundendum; (b) ibique quotidie referebatur numerus militum, utili more, & cauto Duci omnino imitando: ut quoniam multi per commeatus, aut qua alia causa diffiunt, multi casu aut ferro pereunt, sciat quotidie suas vires, & quid militum ad manum. Ruunt multi in pericula fiducia virium, quas habere putant, nec habent: & fraudes  
quæ

---

(a) *Distributio Tessera*. (b) *Annumeratio militum*.

quæ hic hodie, non est ignotum, cum nomina magis Centuriarum, quam numeri constant.

Signum aut Tessera militaris (a) erat tabella latiuscula è ligno, inscripta; nempe ipso nocturno signo aut dicto, quod esse vellet Imperator. Sæpe unum, alterum verbum inscriptum erat; interdum mandatum, aut sententiam habebat, aut versum, ut in pugna; de qua vide supra pag. 133. Et Imperator quidem ipse ore dabat & pronuntiabat, sed Tribuni tum inscribebant, & dividebant. Hanc tabellam sive *σύνθημα* non ad ipsas vigilias solum, sed ad mandata etiam adhibuerunt, quæ tessera sic inscripta, securitatis causa, ne quis quid excusaret; atque ideo sæpe grandiusculæ fuerunt, & quibus inscribi plura possent. Immo *Libellos* Svetonius appellat. Sic enim tuto data sub noctem, & sine periculo revelationis, vigiliis jam ponendis. Denique & celeriter sic transmissa, ordine noto. Per tesseras etiam iter edicebant sæpissime, & ad absentes quoque mittebant. Dabant & interdum signatas, nec nisi tempore & loco referandas.

Tes-

---

(b) *Tessera quid, & ejus usus.*

Tesserarius (a) accepta Tessera a Tribuno, non loci aut dignitatis ordine dabat, incipiens a primis manipulis; sed contra, redibat ad suum & ultimum manipulum, & Centurioni dabat: ille acceptam proximi manipuli Centurioni, iste iterum proximi, donec ad primos manipulos perventum esset. Bonus hic ordo dupliciter: tum ut Vigiliæ in ultimis castris & hosti propinquis statim constituerentur: tum ut tessera sic via recta, & sine flexu ad Tribunos rediret. Magna etiam ibi celeritas: nam luce ambigua, & Sole occiduo, tesserae a Tribuno datae, ante eundem occasum oportuit relatas. Si mora aut culpa, inquitur, punitur. Cognoscitur culpa ex inscriptione: nam præter signum noturnum, unum & idem omnibus in unam noctem, alia etiam erat inscriptio, quæ notaret partem & genus. Exempli causa. Tesserarius Hastatorum, Principum, Triariorum, Equitum, quisque suam tesseram accipiebat, cum notula H. P. T. aut tali, quæ initialibus aut pluribus literis notaret genus, ut inde statim constaret, in tali parte peccatum. Tessera dabatur adhibitis testibus; nam in tabernaculo

---

(a) *Modus dividendi tesseras.*

culo data Centurioni, præsentibus militibus, ne quis negare posset sibi datam, aut Tusco ( quod ajunt ) jurgio alter alterum culparet. Hodie in aurem saltem insusurramus, quam facili lapsu aut venia, si neges intellectam? Discursu etiam datur. Nihil hic opus, & distribuitur in summa quiete. Ipsi quidem Centuriones legunt, & porro tradunt; sed lectam iis enunciant, quorum sunt vigilandi vices. Ita omnia ordine; a summo Imperatore Tribunus, ab ipso Centurio, ab hoc miles in suo manipulo quisque accipit: denique ratio sic imperandi aliquid aliud prohibet, & quæ ad omnes in sine tumultu.

2. (b) *Vigiliæ* per manipulos erant dispositæ. Imperatorem & Prætorium manipulus accubans custodit; Tribunos & Equitum turmas ii, qui e quoque manipulo constituti sunt, ut in diurnis excubiis; & in numero nihil, sed homines mutantur. Sunt autem in quaque legione manipuli 30. ergo excubabant homines 120. Per singulos manipulos omnes ex seipsis vigiliam disponunt, reliquas ipse Imperator ordinat. Fiunt autem plerumque tres vigiliæ

---

(a) *Laudatæ tessera*. (b) *Vigiliarum dispositio*.

gilia apud Quæstorem, id est, homines 12. & apud quemque Legatorum duæ. Exteriorem vero aspectum castrorum Velites complent, per totum vallum de die accubantes: & videntur illic sedes, & tentoriola sua habuisse. Vigilarunt autem sparsim & per excubias divisi: singulis centenis pedibus una erat excubia, nempe in latere uno 20. excubia, sive viri 80. Adde, quod etiam in portis excubiæ, sed & ibi Velites, junctis equitibus, immo manipulis & cohortibus.

Vigiles (a) quaterni se diviserunt in 4. partes, ita ut singuli vigiliam unam noctis obirent, sorte dividente, per ternas quique horas. Erant ergo 4. vigiles, atque ii una, sed unus ex iis sua vigilia quisque perstabat intentus & vere vigil, alii adjacebant aut accubabant. Itaque his quies aliqua, & ille stans, si auxilium posceret, ad manum habebat. Multo melior hæc ratio, quam nostrorum Sentinellarum, qui prorsus solitarii, & certe a suis abjuncti. Itaque facile intercipiuntur, immo & occiduntur, sine aliorum sensu. Qui vero ad vigilias destinati sunt, ex singulis eorum excubiis unus cujusque manipuli Tergiductor seu Optio du-

---

(a) *Vigilum ratio.*

ducit vespere ad Tribunum qui primas sunt acturi. Quis ergo secundos, tertios, quartos? Nemo, nec ullus ultra discursus in castris; sed probabile est, ipsos istos primos tesserulas quoque eorum vicem accepisse. Castra quidem noctu omnino quieta, ideoque statuumdum, vigiles primos, etsi depenso suo penso, tamen non abivisse ad tentoria, sed illic reliquum noctis mansisse: idem in secundis & tertiis, non post venisse sub suam horam, sed illic eam otio expectasse.

Optio omnibus vigiliam acturis dat tesserulas plane exiguas pro quaque vigilia. (a) Hæ tesserulæ diversæ fuerunt a priori: Illa uniusmodi fuit, & signum aut dictum nocturnum, quo sese ab hoste internoscerent: Istæ diversiformes, & propriæ cuique vigiliæ. Etiam in modulo discrimen. Illa tabella latiuscula, istæ plane exiguæ, aut velut taleolæ. Omnino non aliud fuisse videntur, quam ligella, cum nota duplici impressa; altera manipuli, altera vigiliæ ipsius. Id hoc fine, ut Tribunus, ea reddita, statim conspiceret quis in quoque manipulo, & quota vigilia, munus fecisset aut non fecisset.

3. Cir-

(a) *Tesserula a priore alia.*

3. *Circuitio* (a) positas vigilias firmabat, alioquin in noxam ruituras. *Circuitio* Græce ἐποδεία, *obitus* aut *lustratio*. Prisci, auctore Festo, dixerunt *Fraxare*, vigiliam circuire. (b) Hæc *circuitio* commissa equitibus de more: ipsi interim Tribuni etiam circumvenerunt, si propius discrimen. Quin & ipse Imperator interdum, & cum eo Legati. At sub Vegetii ævum *Circitores* proprium munus fuit, & militiæ gradus.

Oportet (c) primum turmæ Præfectum aut Decurionem in quaque legione uni Tergiductorum suorum præcipere mane, ut 4. juvenibus turmæ suæ indicet atque edicat ante prandium, iis qui debebunt circuire. Deinde sequentis turmæ Præfecto oportet eundem vespere indicare, quod ad eum sequentis diei circuitiois cura pertineat. Qui cum audierit, oportet similiter jam dictis eum facere in sequentem diem: pariter & eos qui sequuntur. In quaque turma tres Præfecti seu Decuriones; hæc cura fuit primi e tribus, idque per vices ivit in orbem: ergo undecimo die redibat ad turmam circumeundi munus, si tamen e qua-

que

---

(a) *Circuitio*. (b) *Qui circumeunt*.  
(c) *Lustrandi ratio*.

que legione Circuitores capti. Ergo 8. fuerunt in unam noctem, & partiti sunt lustrationem. Qui vero ordinati ab Tergiductoribus fuerint ex prima turma 4. postquam sortiti fuerunt vigilias, eunt ad Tribunum, & scriptum accipiunt quotam, & quot debeant obire. Post quæ illi 4. accubant ad primumpilum ad Aquilas, uno abeunte, reliqui tres accubant, ut scilicet proximi sint ad audiendum signum; atque ei attendendum ut in tempore detur: ejus enim Centurio curam habet ad quamque vigiliam (a) buccina signum dandi. Initio vero vigiliarum omnia signa cecinerunt, aut potius paulo ante ipsas, cum nimirum Prætorium dimitteretur; & hoc signum erat imperii. Erant autem vigilie quaternæ, & singulæ in horas ternas divisæ. Has Primipilus (b) clepsydris discernebat: habebant vascula aquaria, sive mensuras ex aqua, quibus 4. illa tempora æqualiter distinguebant.

Cum tempus appetierit, primam vigiliam circuit is, qui eam sortitus est, (c) habens apud se testes aliquos. Primum, fidei causa, ut si culpam alicui ingerat: non ille regerat aut abnuat: de.

---

(a) *Buccina ad vigilias.* (b) *Clepsydræ.* (c) *Testes in vigiliis.*



deinde decori etiam causa & periculi, quia nec honestum, nec tutum fortasse, solos ita circuire. Ergo aliquem, vel aliquos ex amicis assumebant; sæpe ejusdem illius ordinis, & quibus operam hanc in simili reddebant. Perlustrat vigilias. Quod si reperit qui primam agunt vigilantes, capit ab iis tesseram: sin aliquem dormientem, aut loci desertorem, testificatus proximos abit. Idem fit & ab iis, qui sequentes vigilias lustrant. Quisque autem Circuitorum una cum luce ad Tribunal defert tesseram; & si omnes redditæ sint, sine culpa abeunt. (a) Quod si quis pauciores fert, quam pro numero vigiliarum, inquirunt ex characterere quænam vigilia defecerit. Quo cognito, vocat Centurionem, qui ducit eos, quorum vigilia fuerat, ii disceptant cum Circuitore. Et si vigillum delictum est, statim ostendit Circuitor adhibitis testibus e proximis; id enim facere tenetur. Si nihil horum, in ipsum cadit culpa, statimque consilio advocato Tribunus judicat, & si damnatus fuerit, fuste percutitur.

Vigilabant (b) armati; olim tamen scutum iis ademptum, ne, ubi fessi sint, inni-

- 
- (a) *Negligentia ut deprehendatur.*  
(b) *Vigiles armati.*

innixi pilo, capite super marginem scuti posito, sopiti starent. Postea vero redditum. Qui illo die in expeditione fuit, ne vicibus quidem suis vigilabat: causa ab humanitate, & quia tales egent quiete.

- Duo adhibita ad excitandum: *Signum* sive buccina, & *Voces*. Hæ ex ipsa re, (a) *Vigila*, *vigila*. Sed hoc videtur a Circuitore illo magis, quam vigile usurpatum. Facit magis quod hodie apud Turcas ille mos, & in arcibus oppidisque excubias ita agunt, ut alta voce invicem appellent se & responsent. Pannonēs idem faciunt, qui clare & mutuo sibi accinunt, *Szollay megh, szollay megh virrazto, szollay megh*, id est. *Vigila, vigila vigil, vigila*. Et cum sub Auroram se recipiunt, canunt: *Haynal vagyon szep-pyros haynal, haynal vagyon*, hoc est, *Erumpit jam elegans rubens* ( scilicet Aurora aut dies ) *erumpit jam*. Sed & Persæ cantitare soliti in Vigiliis laudes sui Regis. Quæ omnia bona & utilia contra somnum nemo neget. Græcis etiam tintinabula sive (b) campanulæ ad excitandum, ut & Romanis in Urbe. Quod nec hodie prorsus exole.

---

(a) *Voces vigilum*. (b) *Campanula*.

levit, & in arcibus plerisque ad campanulam vigiliæ excitantur. Erant quoque crebro (a) ignes vigilibus, quos cænæ aut corporum curandorum causa ita structos, in noctem & vigilias producebant, donec paulatim exstinguerentur: etsi de facibus proprie ad vigilias, non abnuam, quas vigiles ipsi aut manu tenuerunt, aut apud se fixerunt. In turribus aut speculis etiam ignes structi ad illucendum, & ut accedentes noscerent: vel ad indicandum aliquid aut significandum. Tale hoc genus Græci dicunt (b) φρυκτοί. Horum usus pro litteris esse potest, ut per specularem hanc significationem indicetur quid agendum. Inventum Sino- ni attribuit Plinius; Palamedi verius plerique Græci. Usurparunt & Romani, qui noctu igne, de die panno rubro in hasta sublato significabant.

2. *Exercitia.*

Altera Disciplinæ militaris pars *Exercitia* (c) sunt, a quibus ipse Exercitus nomen accepit: & Romanis præter & supra plerasque gentes usurpata exercitia. Hæc autem triplicia. 1. *Oneris*. 2. *Operis*. 3. *Armorum*.

G

1. *Exer-*

---

(a) *Ignes*. (b) φρυκτοί. (c) *Exercitia triplicia*.

*Quatuor oneris genera milites in agmine ferebant: Cibus, Utenfilia, Val- lum, Arma.*

1. *Cibus*, (a) primum onus: nam plus dimidiati, & sæpe etiam totius mensis cibaria ferre cogeantur. Man- sit hæc durities etiam molliore ævo, & in Principum inferiorum rebus one- ra ista leguntur. Ambigitur, an fru- mentum ipsum datum & latum, an vero panis excoctus, quem (b) *Bucel- latum* (quia sectus in bucceas) voca- bant; immo potius iste: nam Buccel- latum communis cibus, sed delictio- res quidam asperitatem illam aut sic- citatem refugientes, habuerunt interdum in exercitu pistores ad panem re- centem. Erat talis panis (c) *bis coctus*; quod nomen hodie retinet, atque ita olim Græcis, nam διπυρρὸν dicebant, *bis ignitum*. Byzantinis dicitur *Paxa- mas*, sive *Paxamadium*. Hos panes in peris & faccis pelleis ferebant. Anti- quitus frumentum portabant, non pa- nem aut farinam; illud tundeant, pinsebantque, aut molis mahuariis fran- gebant. Iltas enim molas inter instru- menta militaria fuisse, & comitatas

ca-

---

(a) *Cibos ferebant.* (b) *Buccellatum.*  
(c) *Bis coctus panis.*

castra, docet Livius, quas in jumentis ferebant.

17 2. *Utenfilia*, (a) secundum onus: Præter hastam & scutum Romani pedites ferebant ferram, & corbem, rutrum, & securim, amplius lorum, falcem, & catenam: pertinent enim hæc ad lignandum, pabulandum, muniendum, & postremum ad captivos vinciendos. Tulerunt ista, & plura etiam; ut olam, veru, & talia ad victum, dicit Appianus, res ipsa vult, & monumenta antiqua ostendunt.

3. *Vallum*, tertium onus: (b) Non unum vallum, sed vallos ternos aut quaternos ferebant, ex usu & more; nonnumquam plures, & septenos, immo duodenos legas. Isti ferebantur, (c) ut statim liceret vallare se & munire, si castra subito locanda, aut alia necessitas esset. Cogita numerum militum, qui fuere in Consulari exercitu supra 16000. ter aut quater tot vallos, profecto densa & firma munitio statim strui potuit, contra equitem peditemque. Ita nec in agmine facile fuit eos opprimere aut dissipare.

4. *Arma*, (d) quartum onus: immo non onus, & habent milites quasi sua

G 2 mem-

---

(a) *Utenfilia militum*. (b) *Vallorum numerus*. (c) *Utilitas*. (d) *Arma*.

membra , quæ quidem ita geruntur aptæ , ut si usus foret , abjectis oneribus , expeditis armis ut membris pugnare possint . (a) Pendebat galea ab dextro humero ad pectus ( id quoque ad duritiem , ut incederent capite nudo ) scutum in sinistra , in eadem pertica cum sarcinis . Ob tot ac talia ferenda pedites Romani joco *Muli* vocabantur . Unde *Muli Mariani* , in proverbio , nam C. Marius recidendorum impedimentorum gratia , quibus maxime agmen oneratur , vasa & cibaria militum in fasciculos aptata furcis ( quas appellarunt *Ærumnulas* ) imposuit , sub quibus & habile onus , & facilis requies esset . Sic ergo onusti milites iter grande sæpe conficiebant , & gradu quidem militari , qui grandior : horis enim 5. æstivis hoc militari gradu 20. millia passuum conficiuntur . Cæsar (b) bello Africo 16. millia passuum confecit cum toto exercitu , nec totis 6. horis , idque nocturnis & æstivis ; cæ sane noctu breviores , pro more Romano . Idem 50. millia confecit a media nocte ad diæi alterius initium cum 4. legionibus & equitatu , sed ( quod sane mirum ) rebus gerendis & hoste

im-

---

(a) *Ratio ferendi* . (b) *Cæsari celebritas* .

impeditus . Idem Cæsar ; periclitante Q. Cicerone , cum M. Crassus hora tertia diei advenisset , eo die circiter 20. millia passuum progressus est . Nec longe a duritia ista Romana abierunt Macedones . Item Catti præsci . Quin & Turcas hodie ollam æneam , scutellam , securim , ignarium , sacculum cum annona , & talia quædam ferre scimus .

Habuerunt quidem Romani servos aut calones , (a) sed nec multos , nec vulgo ; Tribuni , Centuriones , & digniores militum habebant , gregarii non habebant , quibus amputata hæc adjumenta inertiae : sed & dignioribus arcte modus statutus erat , ultra quos & quot non haberent . Nec aliter in veteri militia , in sequenti hoc & alia solutiora , ubi magnus calonum & servorum numerus in exercitu increbuit . Ab his tamen Lixæ sunt diversi , qui velut negotiatores quæstus sui gratia castra sequuntur . Jumenta (b) quoque plura in castris , sed gregariis militibus non nisi ad usum communem , nempe ut tentoria , ut molas , & si quid tale ferrent . Digniores sibi quædam habuere & ad proprium usum .

G 3 Re-

---

(a) *Calones pauci Romanis.* (b) *Jumenta in castris.*

Reperies & his, & vehiculis modum etiam positum; immo rarenter vehiculis eos usos, quia hæc scilicet impediunt aut morantur iter, præsertim per angusta & confragosa.

*De Agmine.*

Sub jam dictis oneribus compositi & ordinati ibant, nec viæ tantum, sed pugnae apti. Et hoc (a) *Agmen* dicitur; cuius duo potissima genera. *Præ* commune, & cum sine motu incedunt, quod tale est. (b) *Præeunt* & exeunt *Extraordinarii*, & agmen ducunt; quia portæ *Prætoriae* vicini, per quam fere egressus: atque etiam quia ordine pene illo exeunt, quo metati. *Secundi*, *Cornu dextrum Sociorum*; & istos prædictorum jumenta sequuntur. *Tertii*, prima legio, a tergo habens vasa sua & impedimenta. *Quarti*, secunda legio, cui subsequuntur jumenta sua, & Sociorum item impedimenta, qui a tergo locati sunt. *Ultimi*, lævum *Cornu*: Ad latera equites, aut quisque post suorum agmen, id est, Sociorum post Socios, Romani post legiones: habet enim quæque legio suam Alam, & item *Cornu*. Media his singulis ordinibus sunt impedimenta. *Alterum*  
ge-

---

(a) *Agmen duplex*. (b) *Primum*.



genus non ita commune, & cum in hostico, & vicino periculo incedunt: Id tale. (a) Præeunt impedimenta Hastatorum, ipsi sequuntur; tum iterum impedimenta Principum, & mox ipsi; idem in Triariis. Est igitur tum quasi composita ad pugnam acies; nisi quod evolvere se oportet ab impedimentis; quod fit, ad latus alterum declinando, & in hostem eundo, impedimentis subsistentibus, aut retro subductis. Velites in fronte positi, aut præmissi ad explorandum hostem.

Cum igitur castris discedendum, (b) ter signum dant, *Itinerarium sonare* appellant. Cum primum signum datum est, tabernacula sua detendunt, sarcinas compununt, & vasa colligant. Sed nec detrahere, nec constituere cuiquam tabernaculum fas, priusquam Tribunorum & Imperatoris erigatur deponaturve. Cum vero secundum signum sonuit, imponunt sarcinas jumentis. Cum tertium, procedere oportet primos, & movere tota castra, ordine jam dicto. At. Præco, id est, Accensus, aut Apparitor dexter Imperatori assistens ter rogabat, *An parati ad bellum?* id est, *An in procinctu essent?*

G 4

(a) *Alterum.* (b) *Ad iter signa tria data.*

*sens?* Illi toties alta atque alacri voce acclamabant, se paratos esse. Et fortassis hic est ille clamor respondentium, quem Cæsar aliique tangunt, cum *Vasa* ajunt *clamari*; & inter solennia ponunt. Signum nempe alacritatis ac fiduciæ erat, nec clam se subducentium.

*De Castrorum metatione.*

Cum appropinquarent ubi castra ponenda, præeunt Tribunus ex quaque legione unus, & Centuriones illi, qui ad hoc nunci electi sunt: nam (a) castra metari munus fuit in certis hominibus, qui dicti *Metatores*. Est autem *Metari* (b) non aliud, quam dividere, secare suis finibus & metis. Inde *Metator agrorum* Ciceroni est *Finitor*; cui rei *Gruma* & *Decempeda* serviebat. Hinc *Degrumare viam*: & *Decempedator*, pro *Metatore*. Porro *Metandi* vox fusa latius, & a castris in urbem iit. Hospitia, mansiones, & quidquid tale adsignatum, *Metari* dicunt, & *Metata*: Primo quidem ipsorum militum, aut Palatinorum, sed mox & aliorum. Sic in *Suida*, *Metator*, præmissus a Principe nuncius ad loca designanda; nostro verbo *Forerius*.

---

(a) *Qui metati*. (b) *Metari*, & *Metator quid sit*.

*rius*. Sic *Metatio*, *Metatura*, *Metatorijum*, pro domo adventoribus parata. *Metacula Deorum*, Martiano Capellæ domicilia & sedes ab Astrologis datæ. Sic *Metator* in militia (ut eo redeam) qui vel castra, vel hospitia designat.

Cum igitur hi totum locum circumspexerint, ubi metari oportet, (a) primo designant Prætorium, & ad quod latus aspectumque loci Prætorio adjacentis ponere legiones oporteat. His electis & captis, dimetiuntur Prætorii ambitum; deinde lineam rectam, ad quam tabernacula Tribunorum locantur; tum aliam lineam æquidistantem, a qua incipiunt metari legiones. Consimiliter & latera utrimque describunt lineis, de quibus supra ubertim dictum. His factis, (b) vexillum unum figunt & primum in loco, ubi Prætorium ponendum; secundum in latere electo; tertium in media linea, ubi Tribuni tendunt; quartum, ubi legiones: hæc quidem punicea, illud autem Imperatoris album: ad latera porro interdum tenues hastas defigunt, interdum vexilla coloris alterius. His factis, strigas dimetiuntur, & hastas in quaque ea

G 5 fi-

(a) *Quomodo metati*. (b) *Vela fixa*.

figunt, e quibus, cum appropinquarunt copiae, & in conspectu habent castra, statim omnia omnibus innotescunt, indicio & ratiocinio usis a Prætorii signo. Ita milites in castra ibant, tamquam in notam & suam urbem. (a) Illic enim statim a portis declinantes procedunt, & quisque veniunt ad suas ædes sine ambage aut errore, quoniam & universe, & in parte cognoscunt, qua regione urbis iis divertendum: Simile igitur & in Romanis metationibus evenit.

## 2. *Exercitia Operis.*

Exercitii secunda pars, *Opera* (b.) quæ tam stupenda apud Romanos, ut fidem superent, & fieri humana manu vix posse videantur. Rem asseram paucis & illustribus exemplis.

Cæsar (c) in Gallia Atvaticorum oppidum obsidens, vallo pedum 12. in circuitu 15. millium passuum, crebrisque castellis circummunivit. Mirum, in paucis diebus sola militari manu hæc confecta. Idem ingressu Helvetiorum in Provinciam excitatus, cum una legione, militibusque, qui ex provincia convenerant, a lacu Lemano ad montem Juram, millia passuum 19. murum  
in

---

(a) *Castra instar urbis.* (b) *Opera Rom. mira.* (c) *Cæsaris opera varia.*

in altitudinem pedum 16. fossamque perduxit. Id quoque opus non multis diebus confecit; & Helvetios consilio & aditu dejecit. Non tam grandis munitionis, quæ ad Alesiam ejusdem Cæsaris, sed operosa magis & multiplex. Ipsa enim in circuitu 11. millia passuum tenebat, sed fossa fuit pedum 20. directis lateribus ducta. Iterum ab ea fossa pedes 400. recedens, reliquas munitiones instruxit. Eæ erant duæ fossæ 15. pedes latæ, eadem altitudine, quarum interiorem aqua ex flumine derivata implevit. Post istas aggerem & vallum pedum 12. extruxit; huic lorricam pinnaeque adjecit, grandibus cervis eminentibus, qui ascensum hostium tardarent: & turres toto opere circumdedit, quæ pedes 80. inter se distarent. Adde jam alias minores fossas, cippis confitas, & scrobes stimulis repletas. His rebus perfectis, pro loci natura 14. millia passuum complexus, pares ejusdem munitiones, diversas ab his contra exteriorem hostem fecit. Addo ejus Cæsaris munitionem, qua Pompejum ad Dyrrhachium clausit, omnia omnium opera superantem: Ille enim aggressus est difficile & inopinatum opus, ut uno muro omnes Pompeji copias circumplexus, a mari ad mare eum duceret; etiam si cœptis ex-

cideret, magnam apud posteros super hac audacia gloriam laturus. Erant enim stadia 1200.

Licinius Crassus (a) bello Spartacio in brevi tempore fossam a mari ad mare dixit per cervicem peninsulæ, stadiorum 300. latitudine & altitudine 15. pedum: super fossam vero struxit vallum altitudine & firmitate mirandum.

Augustus (b) bello in Cantabros, Medullum montem perpetua 15. miliarium fossa obsidione cinxit. Idem civili bello ad Perusiam, circumvallavit eam urbem primum spatio 56. stadiorum; sed brachia inde ducta ad Tiberim, quæ usum fluminis eriperent: postea alias fossas vallumque struxit, additis 1500. ligneis turribus, quæ 60. pedes inter se distarent.

Plura, atque ea operæ & structuræ melioris passim legas, perite & affabre facta: non quia olim in ipsis legionibus seorsim fabri, (c) sed quia milites ipsi, aut aliqui inter eos, longo usu sic docti, & mixti fortassis aliqui ex professo tales; denique præerat & dirigebat Præfectus fabrum. Postea vero quæque jam legio habebat fabros lignarios, structores carpentarios, fer-

ra-

---

(a) *Crassi opus.* (b) *Augusti opera.*  
(c) *Fabri in castris.*

rarios, reliquosque artifices ad hos usus. Itaque etiam in pace & otio, sed contra otium, militari manu mansura multa struebant, ut vias, pontes, naves, aggeres, templa, porticus, basilicas, theatra, aquæ ductus, immo oppida rota.

3. *Exercitia Armorum.*

Pars tertia Exercitii, *Arma.* (a) Hæc quoque pars a Romanis diligenter habita. Non enim illis initium armorum ipsum bellum fuit, nec solum cum usus aut necessitas erat manus moverunt, in pace feriati; sed tamquam congeniti armis, numquam pausam exercitii faciebant, non expectantes occasiones. (b) Omni die, omni ætate exercebantur: tirones bis die, veterani semel. Ipsi Duces faciebant, ut scientiam ostentarent, & in exemplum, ut Scipio Africanus, P. Valerius, Pompejus. Quin ipsi Imperatores, ut Trajanus. Quisque ergo miles quotidie omni alacritate tamquam a bello exercebatur; sed maxime in Stativis aut Hibernis, cum quies scilicet a vero certamine & ab hoste. Nec pluviis aut hyemantibus diebus cessarunt, sed ei rei porticus quasdam & basilicas leviter canna  
aut

---

(a) *Arma a Rom. exulta.* (b) *Affiduitas exercitii.*

aut stramine tectas habuerunt, in quibus equites, peditesque exercerentur. Alias in campo: inde *Campestres exercitationes*, in Svetonio: *Meditatio campestris*, in Plinio. *Campidoctor*, (a) ipse ὁπλοδιδάκτης, sive *doctor armorum*. Et hoc officium certum inferiori ævo, non certum veteri; sed tunc Centurio aliquis, aut miles annorum armorumque vetus docebat. Exercitia autem illis varia.

1. *Ambulatio*. (b) In hac duo spectata: *Celeritas* in ordinato incessu, sub signis & sub armis; tum etiam *Æqualitas*, ut suis iustisque intervallis. Hinc consuetudo vetus, ut ter in mense, tam equites, quam pedites educerentur ambulatum: 10. millia passuum armati instructique omnibus telis pedites, militari gradu ire ac redire in castra jubebantur; ita ut aliquam itineris partem cursu alacriore conficerent. *Iustum* autem *iter* (c) diurnum erat, quantum militari gradu vulgo solet confici, aut certe circa: sic tamen, ut horas semper aliquot sumas ad quietem.

2. *Decursio*. (d) Haud longe ab Ambulatione est, & fit in armis, & sub  
fi-

---

(a) *Campidoctor*. (b) *Ambulatio*.  
(c) *Iustum iter*. (d) *Decursio*.



signis. Decurrerunt 4. millium spatio. Finis & fructus; ut majore impetu in hostem procurrant, ut loca opportuna celeriter occupent, ut ad explorandum alacriter pergant, ut fugientium terga facilius comprehendant. Hæc Decursio ad tubam facta, & ad eandem revocata.

3. *Saltus*. (a) Hujus utilitas, ut vel fossas murales transcendere, vel impedientem aliquam altitudinem superare, & sine labore transilire possint.

4. *Natatio*. (b) In mari vel fluvio castris vicino. In ipsa Urbe, aut ad Urbem hoc olim factum, & Romani veteres Campum Martium vicinum Tiberi ideo delegerunt, in quo juvenus post exercitium armorum, sudorem pulveremque dilueret. Fuit & Piscina huic rei, in Festo. Cum cura res habita, immo parentes quidam ipsi liberos suos docebant, ut Cato Priscus filium suum.

5. *Palatia*. (c) Non fuere aliud; quam armorum exercitium & pugnae, quæ in manibus esset. Statuebatur palus (Diaconus Latinitate sui ævi *Lanceam* vocat) in terram rectus & fixus, qui

---

(a) *Saltus*. (b) *Natatio*. (c) *Palatia*.

qui sex pedes emineret ad modum hominis, eumque hinc illinc tiro affliebat, & variis ictibus, astante magistro, petebat. In qua exercitatione servabatur illa cautela, ut ita tiro ad inferendum vulnus insurgeret, ne qua ex parte ipse pateret ad plagam.

6. *Armatura*. [a] Hæc levium fuit, ut Palatia gravium. Sub hoc nomen non aliud venit, quam hastilium, jaculorum, pilorum, sagittarum missio. Causa, quod ipsi leves milites dicti sunt *Armaturæ* compendio; nam olim quidem juncto nomine altero, *Leves armaturæ* dicebantur. Et sunt alii ab istis de quibus Græcorum scholia, ὀπλοχρηστοί *Armifalii*, [b] qui cum armis saltant. Non id ad nos, & est Pyrrhicha quædam, aliena a seria militia. Ad nostram spectant, hastilia jacere, fudem torquere & vibrare, arma tractare, sub vineam, vel vitem hastas jacere.

7. *Salitio*. [c] Ea ad Equites spectat; discebantque celeriter & expedite ab utraque parte, gladiis etiam strictis, aut contum tenentes saltare in ligneum equum. Idem cursus, flexus, orbes, aliaque didicere. Nostri Equites tenuere

---

[a] *Armatura*. [b] *Armifalii*. [c] *Salitio*.

re concursus quosdam ludicros, quos *Torneamenta & Giostra* vocant; sed ii ad delicias fere versi & oblectamenta aulae.

3. *Leges.*

Pars ultima *Disciplinæ militaris* sunt *Leges*, (a) quæ sunt *instituta militiæ scripta aut non scripta*. Ea multa & varia: nos tangemus ea, quæ tangunt *Furta, Stipendia, Præmia, Pœnas, Missionem*.

*De Furtis.*

Furtorum quia magna occasio & materies in castris, ubi pleraque aperta & incustodita, placuit ea severe cohibere & punire. Ergo post metationem castrorum primam, statim ut dilectus habitus est, & educti sunt in campos, Tribuni convocantes omnem copiam, tam liberos, quam servos, juramento adigunt viritum, ita ut calones & servitia quoque, & quidquid humanorum capitum in castris, adstrinxerit hoc juramentum; quod tale est: Nihil e castris furto tollere, immo si quis invenerit quidpiam, id ad Tribunum relatu-  
turos. (b) Itaque qui aliquid e castris furto abstulisset, fuste percutiebatur. Militem Prætorianum ob surreptum e viridario pavonem, capite punivit Tiberius. Pescennius Niger ob unius gal-

li-

---

(a) *Leges quid.* (b) *Furtu punita.*

linacei direptionem , 10. commanipulones , qui raptum ab uno comederant , securi percuti iussit .

Nec ipsa prædatiō illis libera , (a) sed per manipulos , cohortes , legiones sæpe missi milites , ut prædam agerent ex hostili terra & ferrent ; sed cum lege , ut communis nempe ea præda esset : Romani igitur avaritiæ , & quæ assita est , injustitiæ coercendæ , prædam omnem in publicum fere vindicabant , & ad Quæstorem jubebant deferri : atque is dividerebat , & ex pecunia militi persolvebat . Præda igitur plurimum relata in publicum : (b) & si quando militi concessa , ad excitandum eum in re aliqua ardua , id quoque sub lege & divisionis norma . Interdum quotidie permutabantur milites , qui manerent , qui raperent , interdum minime , sed semel per manipulos seponebantur & secernebantur : puta , ex quaque legione vel ala 5. cohortes mittebantur , 5. ad signa retinebantur . Præda autem relata æqualiter divisa ; & ipsi Socii quoque (c) æquas partes accipiebant . Sors etiam interveniebat , ubi res dividebant , non ubi manubias sive pecuniam ipsam . Et hæc  
res

---

(a) *Præda non libera .* (b) *Ea publica .*  
(c) *Æqualiter divisa .*

res una est inter præcipuas, quæ Socios tot sæculis tenuit in fide, lucellum & gloria, ex assiduus & felicibus bellis.

A furtis (a) ergo tam casti Romani, & tam manus eorum continentes, ut memoria tradiderit Scaurus apud Frontinum, pomiferam arborem, quam in pede-castrorum amplexa fuerat metatio, postero die, abeunte exercitu, intactis fructibus relictam.

*De Stipendiis.*

Stipendium (b) Græcis ὀψώνιον, & ὀψωνιασμοῦ, quod velut in obsonium pecunia ea primo data. Latini inferiores *Annonas* (c) dixere: nec enim ipsum quod esui modo, sed mercedem militarem & pecuniam intellexerunt. Græci infimi ῥογας, *Rogas* appellarunt: an ab *erogando*? nam & ipsam rem ῥογιδεσθαι dicunt. Suidas tamen pro donativo Principis capit.

Olim certum est, (d) Romanos nullo publico ære militasse, idque annis plus 300. quibus milites privato sumptu se alebant de suo. Institutum 17. circiter annis ante Urbem a Gallis captam.

---

(a) *Abstinentia Romanorum.* (b) *Stipendium.* (c) *Annona.* (d) *Sine stipendio olim Rom.*

ptam. Erat autem Stipendium triplex,  
in Pecunia, Frumento, Veste.

Primum peditum stipendium fuit,  
(a) oboli duo in diem. Si computes,  
sunt in mensem Denarii 10. id est,  
Philippæus noster. Exigua certe sum-  
ma, & tamen tam multi ad militiam  
prompti; quia frumentum additum exi-  
guo precio, tum crebræ etiam in trium-  
phis donationes: amplius, erant pro-  
motiones, & per virtutem ad altiores  
ordines veniebant, ergo & ad stipen-  
dia meliora. Julius Cæsar, qui per mi-  
lites magnus, hic quoque leges fregit,  
& legionibus stipendium (b) in perpetuum duplicavit. Res semel mota non  
hic stetit, sed magis Augustus auxit,  
qui omnes ubique milites ad certam  
stipendiorum præmiorumque formulam  
adstrinxit: eum modum fuisse 10 diur-  
nos asses, ex Tacito liquet. Mansit  
tamen non diu, sed sive Nero, sive  
Claudius, sive potius Otho aut Vitel-  
lius, aliquid, immo multum addidere,  
& jam Domitiani ævo stipendium men-  
struum erant Aurei terni. Ii essent in  
diem 25. Asses; quibus ipse Domitia-  
nus iterum addidit menstruum Aureum  
unum, id est, Denarios 25. Tanti enim  
Ro-

---

(a) *Stipendium peditum* (b) *Auctum*  
a Cæsaribus.

Romanus Aureus. Centuriones, (a) Succenturiones sive Optiones, fortasse & Signiferi, duplum accipiebant. Et fuerunt etiam e gregia milites quidam, sic honestati ob egregia facta. Hi *Dupliscarii* dicti, quia annonas duplices accipiebant. Sed & *Sesquiplates* legas, qui unam semis. (b) Equites habebant triplum; quoniam erant super Centuriones, tum quia genere digniores, tum quia onerum plus ferebant. Tribunis stipendia magna, ita ut adagionem fecerint, (c) *Tribunorum salariis emere*. Habebant enim quadruplum salarii vulgaris, & alia uberiora in veste, frumento, speciebus.

Frumentum quoque accipiebant pedites Romani, quod certo etiam die datum, (d) & cum cura ne is laberetur. Bonum & utile institutum, militi semper victum esse, nec inopia cogi ad rapiendum, aut deferendum. Si pecunia in hunc usum, potuisset ire in alium usum; igitur maluerunt rem dare ipsam: atque ita, ut nefas etiam haberetur vendere. Itane culpa mercari, aut vendere? hodie nec rapere;  
&

---

(a) *Stipendium Ducum*. (b) *Equisum*. (c) *Tribunorum*. (d) *Frumentum datum*.

& vis aut injuria fere est quæ militem alat. Dabantur autem Attici medimni duæ partes. Medimnum faciunt 6. modios; ergo militi, Romano modo & sermone, dabantur modii quaterni. Quidni tantum, cum ipsi servi eos acceperint in dimenso? Magno & multo igitur opus frumento (a) ad plures legiones. Hinc e provincialibus frumenta hæc coacta, & e Decimis, quas hoc sine aratoribus imponebant. Si vero in hostili, tum etiam e vicinis provinciis, aut ex ipso hostico; sed sic, ut non in privatum & sibi miles raperet, sed defecta aut inventa frumenta deferret ad Quæstorem. (b) Equites hordei 7. medimnos ad jumenta (pro quo & æs aliquando accipere, quod *Hordearium* dictum Festo) frumenti duos accipiebant: ergo triplo peditem excedebant; non enim illi fuere soli, servum aut servos potius habuerunt, & justum est hoc dimensum in capita terna, modii 12. De hordeo etiam satis largiter, sed certum est, præter equum militarem jumenta alia habuisse. (c) Socii pedites capiunt par Romanis: merito, nam & tantum capiebat eorum venter. Equites vero frumen-

---

(a) *Frumentum unde.* (b) *Frumentum Equitum.* (c) *Sociorum.*



menti medimnum unum & trientem , quia minus digni aut opulenti quam Romani , eoque nec a familia sic instructi : singulis ergo famulus unus suffecerit : & est mensura hæc in duo capita , modiorum scilicet 8. Simile in hordeo , & habuere pauciora impedimenta . Datur autem hoc Sociis muneri : cum enim pecuniæ stipendium a suis acciperent , quid minus a Romanis debuerent quam victum ? illorum certe usui & gloriæ militabant . Contra in Romanis fuit , quibus nec muneri frumentum quidem datum , minus arma aut vestis , sed pro his omnibus certa aliqua pecunia de stipendio detracta . (a) Militibus etiam sale . ( sine quo vita non est ) & leguminum aliquid datum passim legimus . Data etiam suilla salita , id est , lardum . Atque hi tales sunt , quos *Militares cibos* scriptores appellant .

Bis (b) die cibum sumpserunt milites , sua hora quisque & addo etiam suo cibo . Prandium tenuius , & sine ullo apparatu . Stantes fere prangebant , & cibum sine igne : in cœna adde-  
dere poterant , si copia esset , carnem assam aut elixam . Metellus coquos ,  
li-

---

(a) *Sal & legumina data .* (b) *Prandium & cœna militum .*

lixas, & totum id genus castris ejecit, vetuitque vendere cibum coctum. Vendere vetuit, non sumere: noluit proflare cibos tales, & facilitate parandi gulam irritari; sed si quis haberet, e præda aut pecunia, ipse pararet & vesceretur. Hoc sine inter instrumenta militis verua & ollæ. Nolebant curiose & ab professo opifice panem coctum sumi, sed subitarium, & quem sua manu miles parasset. (a) Ipsi coquebant, illi ingenui, illi cives, quid? immo ipse aliquis Imperator, nec ex Curiis aut Fabriciis, sed novitiis, ut Antoninus Caracalla, qui triticum sua manu molens, quod ipsi satis esset, massamque ex eo conficiens, & in carbonibus coquens, eo vescebatur. Ergo manuaras quasdam molas circumferebant, aut lapide tundeant: denique sine furni aut clibani opera, subito sic in carbonibus, aut sub cinere coquebant. Panis (b) igitur ille gravis, madidusque & Plinio *Panis militaris* & subcineritius, nec bene aut diu excoctus. Sed & sine pane, frumento suo usi in pulve: unde a Plauto *Multipliagi* Romani appellati. (c) Potus militis aqua,

---

(a) *Parem ipsi coquebant.* (b) *Panis militaris.* (c) *Potus aqua.*

aqua, eaque mera vulgo: interdum usi aceto, non solo, sed cum aqua mixto, quod *Poscam*, vel *Puscam* vocant. (a) Pro mensis iis plerumque elatior cespes, aut cespites quadri. Cibum capiebant sedentes, non jacentes delicate aut recubantes, civili illo promiscuo ritu: immo steterunt, præsertim in prandio, ut dixi. Luxus deinde castris importavit triclinia, porticus, cryptas, trichilas, id est, umbrosas pergulas, Græcis *αἰθιῆς*. (b) Pocula erant lignea, nam rarum in castris argentum, nec id frugalitas castrensis admittebat; certe non copiosum. Nemini præterea fas prandium aut cœnam sumere, nisi ad signum.

## De Præmiis.

Præmia & Poenæ, quæ omnem vitam & societatem continent, vinculum & coagulum rerum publicarum, in primis studiose a Romanis habita. Duo autem (c) Præmiorum genera: *Minora* & *Majora*. Minora sunt, quæ ob læsum aut dejectum hostem data. Majora, ob servatum civem.

Cum igitur occasio se dat, (d) & aliqui fortiter & strenue fecerunt, Imperator, re divina prius facta, convocat

H

cat

(a) *Mense*. (b) *Pocula*. (c) *Præmia duplicia*. (d) *Præmia ut data*.

cat classico in concionem omnes copias, & circumponens sibi eos, qui auctores egregii facinoris, primum quidem laudes eorum edisserit, & super hoc facto, & si quid aliud in omni vita gesserint laude & memoria dignum. Ibi ibi conspicui, in loco edito, juxta tribunal, a tergo, a latere Duces, ante & circa immensa multitudo, sicque voce Imperatoria laudantur, mox donantur.

Si (a) quis extra ordinem, aut in singulari pugna, ut in excursionem aut velitatione, aut tali tempore, in quo nulla necessitas fuerit vitæ periclitandi, sponte se & ultro eo dederit, & hostem percusserit, *Hasta* donabatur: quod jaculi genus sine ferro, ideoque dicta *Hasta pura*; sicut *Argentum purum*, cui nihil insculptum; & *Vestis pura*, cui nihil est purpurea attextum. Qui vero hoc amplius, hostem dejecerit, aut spolia legerit, duplex jam hic præmium, diversum pro genere militiæ; nam pediti datur (c) *Phiala* sive (d) *Armilla*, equiti *Phalera*. (e) *Phalerae* distinctæ a *Torquibus*: illæ demissæ ad pectus pendebant; hæ strin-

---

(a) *Premia minora*. (b) *Hasta*.  
 (c) *Phiala*. (e) *Armilla*. (d) *Phalera*.

gebant magis & ambibant ipsum col-  
lum. Diversitas etiam in forma; quod  
illæ planiores & magis jacentes; istæ  
contortæ & ex annulis aut catellis ple-  
xæ. Unde ipsæ *Catellæ* dictæ. Hoc  
præmium mansit ad infimum ævum.  
Et quamvis notum sit, torques Gal-  
lorum jam olim gestamina propria &  
patria fuisse; tamen ab hoc militiæ ri-  
tu manasse magis arbitror, quod ho-  
die nobilitas Europæa tam passim sibi  
vendicat torques. Inter minora præ-  
mia erant etiam (a) *Vexilla*; eaque  
vel *pura*, quæ uniusmodi coloris, nec  
tinctæ: vel *bicolora*, quæ diversi colo-  
ris. Vulgo etiam argenteis vel aureis  
filis & textu.

Majora dona sunt (a) *Coronæ*: quæ  
plures, ob plures causas. Prima (c) *Ci-  
vica*, quæ data illi, qui civem serva-  
verat, & eodem tempore etiam ho-  
stem occiderat. Hac eum Imperator  
honestat, & Tribuni cogunt servatos  
(nisi id quidem ultro faciant) serva-  
torem suum coronare. Colit autem  
hunc qui servatus est per omnem vi-  
tam, ut parentem; & omnia ei con-  
ferre ac deferre debet, ac si genuisset.  
E quercu sive ilice fuit; cujus causam

H 2 vi-

(a) *Vexilla*. (b) *Coronæ*. (c) *Ci-  
vica*.

vide, si lubet, apud Plutarch. Altera, vel potius prima (superat enim dignitate Civicam) est (a) *Obsidionalis*, quam ii, qui liberati sunt, dant ei Duci, qui liberavit. Nulla hac nobilior: & merito, cum non unus, sed plures civium morte erepti. E gramine hæc fuit, decerpto e loco, intra quem obsidebantur: quia summum viætorix indicium erat, herbam porrigere victos. Hanc ipsi quoque dant, qui servati sunt, ut in Civica factum. Tertia (b) *Muralis* est, qua donatur ab Imperatore, qui primus murum subiit, inque oppidum hostium per vim ascendit. Huic vicina est (c) *Castrensis*, quæ ejus, qui primos hostium castra pugnans introivit. Utraque hæc aurea fuit. Vallis igitur distincta ista fuit, & ideo *Vallaræ* quoque dicta: sicut illa prior habuit & prætulit murorum pinnae aut turres. Quarta (d) *Navalis* corona ex auro, data ei, qui primus in hostium navem armatus vi transilivit. Hæc re & materie non abit a Murali aut Castrensi; distincta tamen a *Rostrata*. (e) Nam hæc in summo precio, & non iis data, qui in navim

ali-

---

[a] *Obsidionalis*. [b] *Muralis*.  
[c] *Castrensis*. [d] *Navalis*. [e] *Rostrata*.

aliquam transcendissent, sed qui navale aliquod magnū decus aut victoriam magna industria perperissent. Data ipsis Ducibus, & assimilanda aliquatenus Obsidionali: soli Civicæ eam cedere facit Plinius. Communiter sæpe donata [a] corona aurea, sine alio agnomine, virtutis ergo. A Græcis hoc manasse videtur, & maxime Atheniensibus, qui viritim & populariter sic donabant. Pœni quoque hoc de coronis usurpasse videntur, forsan exemplo & imitatione Romana.

His donis etiam sua [b] commoda adjuncta, sed quæ fere honeste constabant. Nam qui ea adepti dona, præter gloriam in exercitu, & domi etiam famam, cum redierint in patriam, ludos pompasque ita conspici inveniunt: quoniam solis iis licet ornamenta hæc gestare & imponere, qui ab Imperatore virtutis causa donati sunt. In triumpho (quod tempore primum) etiam sic ornati incedebant. Si quis plures etiam coronas aut dona meruisset, tulissetque, ea ipsa præferri moris fuisse videtur. Equites equo publico in Transvectione annua donis istis usi. Solebant in iudicium quoque aut

H 3 di-

---

[a] *Aurea.* [b] *Commoda donorum.*

discrimen hæc introducere interdum ;  
virtuti ostentandæ .

In ædibus vero , conspectissima earum parte ; ponunt spolia , indicia & testimonia suæ virtutis . Appellatur [a] *Spolia* , arma & exuviæ detractæ cæso hosti . Id jam olim apud Græcos solebant , & ostendere monumentum virtutis . Apud Romanos honori ea res ; postibus ipsis & foribus suspendere , in transeuntium aspectum . *Antipagmenta* vocat Festus , valvarum ornamenta , quæ antis , id est , lateribus ostiorum adpanguntur , id est , affiguntur . In primis hoc etiam triumphales usurparunt , & arma hostium suspenderunt . Etiam Rostra suspensa fuerunt . Id est , spolia marina . Ista autem spolia affixa revellere , aut refigere , aut tollere non licuit , etiam alienatis ædibus . [b] Hic ergo spoliorum honos ; & quia magnus , multi ambitiose , nec meriti affectabant .

#### De Pœnis .

In castigando tria sunt imperii & juris [c] Tribunorum . Primo , *multam dicunt* : deinde , *pignus capiunt* : denique , *verberibus castigant* . Idem jus  
Præ-

---

[a] *Spolia suspensa* . [b] *Honor spoliorum* . [c] *Jus Tribuni in pœnis* .



præfectis in Socios. Capitis causas cognovit & punivit Tribunus, si Concilium adjunctum, & una cognoscant: alias sæpius ipse (a) Dux summus cognovit, damnavit; cui etiam fas erat sine causæ dictione (nempe ubi res liquida) condemnare, sine Concilii advocatione ulla, ita ut etiam provocatio nulla esset. Sed a Principibus hie novatum, quibus non ex usu aut dignitate sua visa tam libera hæc potestas, & circumciderunt. Gregales puniri a Ducibus permiserunt, Centuriones aliosque primores sibi adservarunt. Legati Prætorii jus in vitam non habebant; (b) Legati Consulares habebant, sed cum exceptione, ut ne in digniores. Præterea pignus capiebant Tribuni, nempe cum multam non solverent: & dicitur *Censio hastaria*. Privabatur parte armorum miles; eaque pecunia debebat luere.

Verberabant autem Tribuni ad castigationem, vitibus aut virgis: sed & ad mortem, fuste; de Concilii tamen sententia. Et hoc dictum Latinis *Fustuarium* (c) (quam pœnam vigiliis & circuitioni neglectæ fuisse, supra dixi) Græcis *ἐυλοχονία*, Ea autem talis: H. 4. Fu-

(a) Imperatoris. (b) Legatorum.  
(c) Pœna Fustuarii.

Fustem capiens Tribunus ipse ( neque enim hic lictores ulli administri, aut carnifex ) condemnatum leviter tangit & delibat, & quasi signo dato obicit reliquæ multitudini militari: quo facto, omnes, qui in castris sunt, ferientes alius fustibus, alius lapidibus, in ipsis castrorum Principiis occidunt. Obiciebant etiam delinquentes gladiis militum: item saxis occisi, quæ poena fere Macedonum fuit in hac re, quam & Romani adhibuerunt. Quin & securi percussi: sed sub Principum tempora gladius securi successit.

Fustuaria hac poena ad mortem puniebantur, præter eos, quos dixi, alia quatuor genera delinquentium: (a) *Primo*, qui furto aliquid abstulit è castris. *Deinde*, qui falsum testimonium dixit: quia læsum aut spretum perjurio supremum Numen, suprema pena luunt. *Præterea*, qui in flore ætatis corpore suo abusus deprehenditur. Id crimen olim ante Scantinium in toga non fuit capitale, fuit tamen in castris: quia occasio ejus magna, nullo scemineo sexu, & multis juvenibus in ipso vigore formæ, sub annum decimumseptimum: *Tandem*, qui ter ob eandem culpam mulctatus fuerit. Sic le-

vio-

---

(a) *Qui fustuario puniti.* (3)

viores & pecuniariæ culpæ, capitales  
fiunt si ter repetitæ. Causa: quod ta-  
lem pravo ingenio censebant, & fa-  
ctum ad peccandum: fortasse etiam con-  
tumacia iis visa punienda, & quod  
quasi per ludibrium & contemptum le-  
gis peccaret. Bene factum; nihil satis  
adstricti aut severi inter armatos; &  
terrent nisi timent. Hac eadem poena  
puniebantur & alia delicta, militiæ  
propria. (a) Si qui falso strenuum ali-  
quod factum suum referunt ad Tribu-  
nos, honoris præmiique causa; tale  
mendacium & prava ambitio morte ca-  
stigabatur. Ratio: quia in militia co-  
rum varia & multa præmia virtuti po-  
sita, ad quæ ne indigni aspirarent, &  
decus hoc polluerent, rigide fraus pu-  
nita. Deinde, si qui in præsidio aut  
statione positi, per metum deseruerunt  
locum. Tandem, si quis abjecerit ar-  
morum aliquid in ipso discrimine per  
metum. Nam miles vitam amittit, si  
sua arma; cum duplici restrictione,  
si in acie, si per metum. Idem in  
Signiferis, qui signa. Hinc Græ-  
cis *ῥησάπιδες*, proverbio infames sunt.  
Quod si plures peccasse contingat,  
& manipulos aliquot simul locum de-

H 5 se-

---

(a) Delicta militaria punita.

ferere fiebat (a) *Decimatio*; ratio puniendi commoda pariter & terribilis. Vetus Romanum institutum hoc, & patria lex, qua decimus quisque sorte ad supplicium lectus. Interdum etiam *Vicesimatio* adhibita, immo & *Centesimatio*. Et hoc modo puniebantur turbidi & seditiosi in Ducem. (b) Utilis iste modus, quia periculum omnibus super caput est atque imminet ob incertam sortem, atque inde metus, qui fere inhæreret iis, qui semel ferio admoti ad extremam illam metam: sicque metus ad omnes, poena ad paucos pervenit.

Duo præterea hic considerata in poenis: (c) *Castigatio*, & *Ignominia*. Illa verberibus facta: & fuerunt in hac re, *Fustes*, aut *Virga*: illi honestiores, istæ acerbiores. Sed (d) *Fustes* iterum duplices: e *Vite*, aut *alia materie*. E vite, civibus reservati; & eligebant nodosam, ad validiorem ictum. Et hæc vitis gestamen & insigne Centurionum, aut Evocatorum erat, eaque bifurcata aut incurva: sicut Græcorum Ducibus fuit baculus in manu. *Fustes* ex alia materie ad castigandum adhibiti, non ad occidendum; & erat levior ista poena

---

(a) *Decimatio*. (b) *Ejus utilitas*.  
(c) *Pœna non capitales*. (d) *Fustes*.

na quam virgarum. Fustes etiam crebriores, & inferiore ævo. Retinent nunc Turcæ & plerique Orientales, in publica quotidiana castigatione. (a) Virgæ raro in militia adhibitæ, nisi ubi mors a securi consecuta, & hæc solemniter tunc præiverunt.

Fuerunt & ignominia, (b) quibus boni honestique animi haud minus coerciti, quam pœnis. Ex multiplices Romanis fuere. *Primum*, (c) hordeum pro tritico datum: aut indigni viderentur communi militum cibo, sed rejicerentur potius, jungerenturque cum jumentis. *Alterum*, cum ære privantur, & stipendium non procedit. Et miles, cui stipendium non datur propter ignominiam, *Ære* (d) *dirutus* dicitur. *Resignatum* illes quoque dicitur militi, cum ob delictum, ne stipendium ei daretur, in tabulas refertur. Qui infrequens notabatur, hanc pœnam patiebatur. *Infrequens* autem appellabatur miles, qui abest absuitque a signis. (e) *Tertium*, cum extra vallum & castra jubentur tendere. Causam habuit, quasi indigni essent, qui inter vere milites agerent, projecti &

H 6 ob-

(a) *Virgæ*. (b) *Ignominia*. (c) *Hordeum pro tritico*. (d) *Ære dirutus*. (e) *Extra castra tendere*.

objecti hosti; idque interdum sine territoriis. *Quartum*, (a) discinctos & turpi habitu prostitui, nempe ut parum viros. *Quintum*, (b) mutare militiam, quod est ab honestiore genere in humilioribus transcribi. Immo interdum extra omnem ordinem projecti, inter impedimenta, & sarcinas, & captivos agere coacti. (a) Erant & alia quædam minora, ut stantes cibum potumque capere; quod de cœna intelliges, nam in prandio usitatum stare. Ista de pœnis in Romano ritu, similia quædam in Græco. (d) Charondæ lex statuit, ut qui pro patria arma non cepissent, aut in bello ordines deseruissent, hostes in foro per 3. dies federe in vestibus muliebribus. (e) Spartani eos, qui ignaviæ in bellis comperti essent, varie notabant: omni magistratu arcebant, uxorem ei dare, aut ab eo accipere, infame erat. Percutiebant eos qui volebat obviorum: at illi ferebant, squalidi & humiles, palliaque gestabant colore aliquo tincta & inscripta. Partem etiam barbæ, quæ est ad labrum superius, sive mustaca, redabant, partem vero alebant. Et hi stimuli apud

va-

- 
- (a) *Discingi*. (b) *Mutare Militiam*.  
 (c) *Pœna leviores*. (d) *Græcorum*.  
 (e) *Spartanorum*.

rias gentes, excitandæ virtuti, socor-  
diæ comprimendæ.

*De Missione.*

Post confecta stipendia, (a) mitte-  
batur miles, liber deinceps & immu-  
nis. Sed debebat explevisse legitima  
stipendia: ea 20. annorum in pedite,  
10. in equite, ut supra dictum. At-  
que his confectis mittebantur; si quis  
aliter se subduxisset, mors aut servi-  
tus pœna: nec dubium, quin pro de-  
sertore puniretur, si quis sine justa  
missione recessisset; de qua ipsa Cen-  
sores etiam Romæ cognoscebant.

Justa Missio duplex: Honesta, &  
Causaria. (b) *Honesta*, quæ emeritis  
stipendiis datur. [c] *Causaria*, quæ ob  
vitium, defectum, morbum. Puta,  
aliquem manu truncatum, oculis cap-  
tum, valetudine aut aliter inutilem  
militiæ factum, mittebatur. Hæc quia  
justam causam habebat, etiam præ-  
miis interdum Honestæ æquata.

Injusta Missio idem duplex: [d] Gra-  
tiosa & Ignominiosa. *Gratiosa*, per  
gratiam aut ambitum ab Imperatori-  
bus impetrata; sed sæpè invalida, &  
Censores rescindebant. [e] *Ignomi-*  
nio-

---

(a) Quando missus miles. (b) Missio  
Honesta. (c) Causaria. (d) Gratiosa.  
(e) Ignominiosa.

niosa, quæ ob delictum aut crimen quis militia solutus: & idè sic dicta, quia nominis notam & infamiam adferebat.

Sub Augusto duplex Missionis genus factum; *Exauctoratio* & *Missio*.

[a] Illa fuit, cum expletis stipendiis solvebantur onere omni militiae, nisi pugnae in hostem. Nec jam sub signis aut Aquilis erant, ut alii milites, sed sub uno vexillo habebantur seorsim: dicebanturque *Veterani*. Id repertum, quia plena Missio commoda & præmia sua habebat, instituta ab Augusto, quæ non statim solvi & repræsentari a rep. poterant, atque idè expectabant ea sub vexillis; unde & *Vexillarii* dicti. Sed fraus sæpè in hac re, & de industria protrahebantur, bono fisci. Missioni præmia adherabant, quæ alio verbo [b] *Commoda missionum* dicuntur. Eorum quantitas: Prætoriani post 16. annos. capiebant 5000. drachmarum: alii post 20. annos 3000. Id sub Augusto institutum, at a Caligula accisa & ad modum reducta commoda.

HO—

(a) *Exauctoratio*. (b) *Missionis commoda*.



ΠΟΛΙΟΡΚΗΤΙΚΩΝ,

Sive

DE MACHINIS,

TORMENTIS, TELIS.

LIBER PRIMUS.

**M**achina, (a) Grecis μηχανή, παρὰ τὸ μῆνω, ab inveniēdo aut sapiēdo : sive παρὰ τὸ χαίρειν, quodd hiscere non sinat. Sanè ab ingenio consensu derivant, quod intervenit ; & posteriores scriptores Latini hæc ideo *Ingenia*, & eorum Architectos *Ingeniarios* dixerunt. Itaque fraudes, doli, insidiæ, in hoc nomen apud Comicos, aliosque passim venerunt. Sed & molitiones altiusculæ, *Machinae*. Unde *Machiones*, Gallorum *Massons*, fabri cæmentarii. Veteres Græci μάγγανα etiam hæc dixerunt ; ita Hesychius, & Hegesippus. Est & Constantinopoli *Mangana*, locus a Con-

---

(a) *Machina etymon.*

Constantino exstructus, ad instrumenta bellica reponenda.

Origo [a] Machinarum, ut & plerorumque armorum, Moyſi adſcribitur. Græci, & cum iis Homerus, non videntur initio habuiſſe, nec ſub Trojanum bellum. Romani habuere ſub iſſis Regibus, & ſtatim poſt exactos Reges A. V. 252.

Machinæ triplices : (b) 1. Machinæ preſſe magis & reſtriſte. 2. Tormenta. 3. Tela. De quibus dicendum eſt. Sed iterum cum diſcrimine, quia duplex Oppugnatio : Subita, & Diuturna.

#### De Oppugnatione Subita.

Oppugnatio [c] ſubita eſt, cum impetu, nec circumvallatione adhibita incurrunt. Ad hanc rem leviores machinæ adhibita : primum uſi Corona, tum Teſtudine militari, ſæpè & Scallis, Cratibus, Vineis, Pluteis, variis Teſtudinibus, Muſculis, Veſtibus, & ſimilibus.

#### De Corona.

Corona [d] primum adhibita, ad terrendum aut claudendum, ſed & ad diſtinendum. Hinc ſæpè occurrit, Corona cingere urbem; Corona capere, expu.

---

(a) Origo. (b) Diviſio. (c) Oppugnatio ſubita. (d) Corona.

*pugnare*. Fuit interdum spissa, id est, duplex, triplex, aut supra, ut numerus militum, aut magnitudo loci oppugnandi erat.

In Corona (a) introrsum erant pedites, quorum invadere; extrorsum equites, quorum inspectare & tueri. Et eminus quidem series ita duplex aut triplex, sed cum appropinquabant, ratio vult magis arctatos multiplicatosque item fuisse, in gyro scilicet assidue angustiore. Et forsan etiam corpora alibi militum & cohortes relictæ, ad subita belli, & subsidium aut præsidium. Hoc etiam amplius, primos ordines peditum scutorum graviorumque fuisse, qui cominus assultarent, invaderentque: retrorsum leves aut velites, ut funditores, sagittarios, qui eminus pellerent telis, & deturbarent propugnatores. Coronam hanc Græci cum Sagena comparant, dicuntque rem ipsam σάγνην, quod est Corona cingere, & includere vel ut pisces.

De Testudine militari.

Sequebatur *Testudo*, qua statim sub muris usi, ut tecti & conferti succederent, ascenderentque. (b) *Testudo* verò, sive φάλαγξ Græcis, aut

ou-

(a) Ordo Corona. (b) Testudo quid.

συναρπυσμός, *Conscutatio*, est junctio corporum armorumque, & scuta partim lateribus applicata, partim capitibus superlata. Usi ea Romani in triplici discrimine, in *Oppugnando*, *Pugnando*, *Repugnando*: (a) unde & triplex testudo.

In *Oppugnando* (b) fuit, cum scutis super capita elatis muro succedebant, primis altioribus, & ordine paulatim, tecti simplicis in morem, decrescente. Causa, ut tela injecta per proclive laberentur, & minus insidere possent aut infigi. In has ergo testudines manipulatim aut centuriatim se conglobabant. Hujus testudinis finis unus, succedere & subruere: alter, succedere & ascendere. Nam ascendebant alii super alios, ut fastigio altitudinis muri æquarentur. Id Tacitus vocat *Iteratam testudinem*, & quasi duplicatam: immo etiam tertii super duplicem illam seriem ascenderunt.

Testudo altera in *Pugna* (c) est, cum globo facto, & tecti scutis, sic invadabant ac per rumpebant. Ea densatio firma utilisque fuit in equitatum repellendum. In hac autem secunda

---

(a) *Triplex*. (b) *Testudo in oppugnando*. (c) *In pugnando*.

testudine nec latera semper tecta, nec item subseffio illa & inclinatio per gradus.

Tertia Testudo est in *Repugnando*, (a) cum ab equitatu aut levi armatura cincti, huc decurrunt, ut in orbem se muniant, mediis altioribus, extremis undique desidentibus. Accuratissime hanc descripsit Dio, lib. 49. his verbis: (b) *Testudo talis est, & fit hoc modo. Impedimentis, & levi armatura, & equite omni in medium acceptis, gravis armatura pedites illi, qui oblongis & in tubi dimidiati modum factis scutis utuntur, in extremis partibus pro muro ponuntur, & reliquos omnes ipsi extra spectantes ambiunt. Cateri, qui latiora scuta gerunt, in medio densi locantur, & scuta cum super se, tum super alios attolunt, ut in tota phalange non aliud sit, quam scuta cernere, & a telorum jactu omnes tutos esse, ob densitatem instructionis. Adeo enim valide firman, ut & super eam homines aliquot ingredi possint; immo etiam equi & currus agi, quoties in cavo & angusto aliquo loco constipantur. Hæc est forma ejus instructionis, & nomen a testudine cepit,*

ob

---

(a) In repugnando. (b) Descripta a Dione.

ob firmitatem, & quia optime tegit. Usus autem duplex. (Illum pugnae omittit, quia rarus Romanis) Nam & in oppugnanda munitione aliqua subeunt, & sæpè in ipsum murum quosdam attollunt: aut circumventi a sagittariis, inclinant se omnes simul (nam & equi docti sunt in genua submittere se & inflectere) & sic opinionem hostibus de fatigationis suae praeberentes, iis appropinquantibus, statim terrore injecto, consurgunt atque incurrunt.

## De Scalis.

Præter Testudinem *Scalae* etiam communiter admotæ. (a) Harum inventio ad Capanea refertur, qui Thebas sic invadere conatus, a Jove fulmine repulsus est.

Varia (b) autem sunt *Scalorum* genera: Quædam [c] *Compactiles*, id est, quæ aut pluribus partibus constant, ut plicari rursusque explicari possint; aut ipsi gradus removeri & recondi quasi in vaginam, stipite coeunte. Appianus κλίμακας πηκτάς, sive *plicatiles* appellat. Plutarchus διαλυτάς, *solutiles*, quas Aratum apparasse ait, cum de Sicyonis arce invadenda cogitaret, & recondidisse in arcis quibusdam.

---

(a) *Scalorum origo.* (b) *Varia genera.* [c] *Compactiles.*

dam thecisque rusticis, quas *Achanas* dicebant. Nam transferri istæ sine suspitione poterant, & minore etiam molestia, atque is finis. Sed fuere præterea *Coriacea*, (a) quæ sunt instar utrium, consutæ e corio, & inunctæ sevo aut adipe circa futuras, ne evaporent; eæque erigebantur ad murum spiritu inflatæ, & dabant ascensum. Erant item (b) *Reticulata*, aut *Stuppæ*, quæ ex funibus stuppeis instar retis contextæ, ad quarum summitates hami adjecti, ut murorum pinnas apprehenderent. Hæ eadem vocatæ (c) *Nautica*, quia nautæ fere id genus scalis nituntur. In Herone sunt & aliæ Scalæ, quas ipse (d) *Spectatores* vocat, basi accuratiore instructæ, ita ut erigi possint & attolli, & in supremis iis aliquis constitui, qui spectet quid in urbe agatur, is enim earum finis, & inde Spectatorum nomen. In eodem aliæ sunt (e) Scalæ rotis impositæ, iisque procedentes, quibus supremis pons adhæret, qui e propinquo injicitur in muros.

Sunt & alia, quæ etsi non formam, tamen usum *Scalarum* habent, ut

*Tol-*

---

(a) *Coriacea*. (b) *Reticulata*.

(c) *Nautica*. [d] *Spectatores*.

(e) *Scala in rotis*.

*Tollenones & Sambuca*. [a] Est autem *Tolleno*, quoties una trabs in terram præalte defigitur, cui in summo vertice alia transversa trabs longior, dimensa medietate, connectitur, eo libramento, ut si unum caput depresso-  
ris, aliud erigatur. In uno ergo capite, cratibus sive tabulis contextitur machina, in qua pauci collocantur armati; tunc per funes uno depresso attractoque capite, alio elevati ponuntur in murum. Res facilis, & trahit originem ab instrumentis, quibus aquam haurimus, pondera navibus educimus, quæ *Grues*, aut *Ciconias* dicunt. Huc quoque adhibetur *Sambuca*, [b] cujus usus maxime in navibus: dicta a similitudine Musici instrumenti, quod erat forma trigoni, *Sambuca* dictum. Nostra autem *Sambuca* ita fiebat, formata ex *Polybio*: *Scala* fiunt latitudine 4. pedum, altitudine quanta muris sufficit & pariare potest. Earum duo latera pluteis muniunt, superne loriculis tegentes. Has deponunt in latus & reclinant super navium pro-  
ram, longe super rostra eminentes. In malis autem navium aptata trochlea, & in iis funes, quibus funibus, cum opus est, ad caput *scalarum* religatis, ii qui

---

[a] *Tolleno* quid. [b] *Sambuca* quid.



qui in puppe, attrahunt eas & attol-  
lunt. Sed & in proris quidam adju-  
vant sublationem fulcris aut tignis sub-  
rigentes. In supremis porro scalis est ta-  
bula, cujus tria latera cratibus muniun-  
tur, in quam veluti turribulam viri 4.  
conscendunt per dictas scalas, & in mu-  
ros insiliunt, cratibus remotis: alii dein-  
de consequuntur.

De Cratibus.

Quantum in subita oppugnatione,  
sunt Crates. (a) Hæ in duplici usu: five  
ut tegerent antelata: five ut fossas iis  
explerent, & mixto aggere quasi per  
pontes irent. Crates autem, quibus  
fossas explebant, non fuerunt elabora-  
tæ ad modum illarum stabiliū, quas  
in obsidione defigebant; sed leviores,  
fortassè nec tecto aut lateribus, sed  
simplici textu vimineo; quem ante se  
ferebant. Sanè aliæ accuratiores, Vi-  
neæ, quibus in obsidione diutina ma-  
xime usi.

De Vineæ.

Vineæ (a) a similitudine veræ illius  
dicta, quæ jugata, & in tectum alle-  
vata. Sub illa quia consistere fas, &  
latera sic clausa; hæc quoque milita-  
ris nomen sumpsit. Talem dat Ve-  
ge.

---

(a) Cratium usus. (b) Vineæ.

getius : (a) E lignis levioribus machina colligatur [ nempe quia transferri opus, & a militibus moveri ; hinc ad illum motum indicandum, *Vineas agere* ; *procedere* ; *proferre* , dicebant : nam eminus paratæ, paulatim admovebantur ad oppidum ; sive ut sub iis Arietem admovent, sive subruerent muros ] *alta pedibus 8. lata 7. longa 17.* [ totam magnitudinem si consideras, dixeris duplicem virorum seriem sub ea stetisse, quinos & quinos ] *Hujus rectum duplici munitione, tabulatis cratibusque contextitur. Latera quoque vimine sepiuntur*, [ atque hæc præcipua ejus materies & tegmen, ided Græci *ῥαβδωτά* dicunt : interdum tamen, si plura aut graviora in oppida tormenta, nec vim sufferrent hæ craticeæ, faciebant e crassiore ligno ; hinc Cæsar vocat *Porticum*, quia species ea longior ] *ne saxorum telorumque impetu penetrentur. Extrinsecus autem, ne immisso concremento incendio, crudis ac recentibus coriis vel centonibus operitur. Cum plures factæ fuerint, junguntur in ordinem, sub quibus subsidentes* [ quia is fere latentium caventiumque habitus ] *tuti ad subruenda murorum penetrant fundamenta. Vineis Plutei assident.*

De

---

(a) *Descripta & explicata.*

## De Pluteis.

*Plutei* (a) fuere olim e tabulis & asseribus, quod ipsa vox dicit; nam id *Plutei* Latinis: & distincti erant à Cratibus, & Vineis. Postea faciebant Pluteos e cratibus, corio intentos. Formam describit Vegetius: *Plutei dicuntur, qui ad similitudinem absidis contextuntur e vimine, & ciliciis vel coriis proteguntur, ternisque rotulis, quarum una in medio, duæ in capitibus apponuntur, in quamcumque partem admoventur, more carpenti.* Cedrenus *Lesas* appellat, sub id ævum etiam *Spallione* dictæ. Hæc sunt nomina, res eadem, & finis suffodiendi muros.

## De Testudine triplici.

Jam dictis vicinæ sunt *Testudines*, immo eo nomine inferiores Scriptores etiam *Vineas*, & hæc talia comprehendunt; faciunt generare *Testudinum* nomen in machinas omnes has tegentes. Harum plura genera & formæ: (b) sed præcipua tria, quæ proprie *Testudines* dicuntur.

*Prima*, quæ Græcis *ῥεδάιν χασπῆς*, Vitruvio (c) *Testudo ad congestionem fossarum*; quadrata fuit, habens quo-

I

quo-

(a) *Plutei*. (b) *Testudo triplex*.  
(c) *Aggestitia*.

quo versus latera singula pedum 25. Altera est, quam ὀρύκτα Græci agnominant, Vitruvius, (a) *Testudinem ad fodiendum comparatam*, fossoriam, sive rostratam; nam frontem habet, quemadmodum anguli trigonorum, ut a muro rela, cum in eam mittantur, non planis frontibus excipiat plagas, sed ab lateribus labentes, sine periculoque fodientes, qui intus sunt, tueatur. Tertia denique (b) *Arietaria*, in qua Aries suspenditur.

*De Musculo.*

Inter subitæ oppugnationis instrumenta fuit etiam *Musculus*: differt a Vineis, Pluteis, cum forma, tum modulo & firmitate. (c) Exiguus enim est, & muris quasi facie oblongior, sed lignis validis structus, & ne perfringi desuper possit. Dictus *Musculus*, quia instar ejus animalculi foderent sub eo terram: aut quia milites, ut mures, cavum id subirent. Vegetius cum testudinibus miscet, quarum finis æquare. Cæsar alium a Vegetiano diversum describit, cujus hanc tradit formam: (d) *Due primum trabes in solo æque longe, distantes*

---

(a) *Fossoria*. (b) *Arietaria*.  
(c) *Musculus quid*. (d) *Musculus Cæsaris*.

res inter se pedes 4. collocantur, inque  
eis columellæ pedum in altitudinem 5.  
defiguntur. Has inter se capreolis mol-  
li fastigio conjungunt, ubi tigna, quæ  
musculi tegendi causa ponant, collocen-  
tur. Eo super tigna bipedaliter injiciunt,  
eaque laminis clavisque religant; ad  
extremum musculi tectum trabesque ex-  
tremas, quadratas regulas, 4. patentes  
digitos defigunt, quæ lateres, qui su-  
per musculo struantur, contineant.  
(istas regulas hodie Latas dicimus,  
sunt directæ & tenuiora ligna.) Ita  
fastigiato atque ordinatim structo, ut  
trabes erant in Capreolis collocatæ, la-  
teribus lutoque musculus, ut ab igne,  
qui ex muro jaceretur, tutus esset,  
contegitur. Supra lateres coria inducun-  
tur, ne canalibus aqua immissa lateres  
diluere possit. Coria autem, ne rursus  
igni ac lapidibus corrumpantur, cento-  
nibus conteguntur. Et pauld post: In-  
terim sub musculo milites Vestibus infi-  
ma saxa turris hostium convellunt.

De Vestibus & Dolabra.

Quid sint Vestes, quæ eorum vis &  
forma, non ignotum. Græci  $\mu\omicron\lambda\lambda\iota\alpha$ ,  
vel  $\mu\omicron\lambda\lambda\upsilon\varsigma$  vocant, (a) & sunt pali  
è ligno aut ferro, ad onera sublevan-  
da aut promovenda. Vitruvius & tor-

I 2 cu-

(a) Partes quid.

culari vertendo adhibet : eumque , qui vecte immisso torquet , *Vectiarium* dicit . Si e ligno essent , lingua è ferro in altero capite addi solet , atque hos tales *Lingulatos* dixeret , sive *Roftratos* . ( a ) Utebantur & ad muros subruendos , sed ferreis haud dubiè . Hinc *Vecticularia vita* dicitur eorum , qui vectibus parietes perfodiunt furandi gratia . Inter exercitia etiam militaria erat , in vecte robur ostentare . Et utiles sane isti ad lapides prægrandes emovendos emolien- dosque , uti sæpe in veterum muris . Ubi minores aut infirmiores , *Dolabris* magis hoc peragebant .

*Dolabra* ( b ) autem distincta a *Securi* , licet forma sit securis , sed unica & simplici acie , parte altera in mucronem acuminata , quæ serviebat maximè muris deruendis , ut *Securis* vallo & lignis cædendis . Eo sensu *Corbulo* dicebat , *Hostem dolabra vincendum esse* . Id est , & opere & munitionibus .

---

 LI-

---

( a ) *Usus Vectium* . ( b ) *Dolabra quid* .

\*\*\*\*\*

# L I B E R . II.

## DE OPPUGNATIONE DIUTURNA.

**D** *Iuturna* oppugnatio admota, ubi *subita* non successit; & aut artibus ingenisque vincendi hostes, aut longa fame domandi erant. Sed hanc expectare anceps, arduum, & ideo ad majora OPERA, & TORMENTA conversi.

### DE CIRCUMVALLATIONE.

Inter *Opera* primum CIRCUMVALLATIO. Ea solemniter olim adhibita Græcis Latinisque, cum premere obsidio munitionem aut locum vellent: (a) Causa justissima: claudere enim prius opus erat, ne nunci, cibi, auxilia intrarent; tum & ne quis exiret: sed etiam ut sese obsidentes munirent contra subitas eruptiones. An & causa etiam aliqua, terror? certe enim metum, aut & desperationem concipiant necessum est, qui vident sic arcte se claudi, &

I 3 quam-

---

(a) *Causæ Circumvallationis.*

quamquam cætera adsunt, cogitatio tamen illius carceris nocet, tum fiducia aut pertinacia hostilis. Ergo plerique olim circumvallabant, ii quidem, quibus cura aliqua bonæ militiæ, aut artes. Græcis sæpè nominatur ἀποτειχισμός καὶ περιτειχισμός, & ii quoque accurate usi. Veteres eorum Historici πλίνθες καὶ πλινθία ad hos muros struendos adhibent, id est, lateres aut laterculos, sed crudeos scilicet, nec ratio aut otium fuisse videtur ad excoquendum. Fuere igitur ut Romanorum cespes. De Romanorum Vallo alibi diximus; nunc addo, non simplicem sæpè hunc murum fuisse, (a) sed duplicem, contra exteriorem etiam hostem. Si enim auxilia metuebantur, & vis aliqua major, ipsi sese includebant, ne subito adventu aut impetu possent superfundi. Hoc in obsidione Plataënsium factum describit Thucydides. Mira etiam fuit P. Scipionis minoris obsidio, qua Carthaginem cinxit, ut scribit Appianus in Libyco. Sed Cæsar ille Julius, qui in omni re militari super omnes, etiam in ista fuit. Adsumatur una nunc Alesia obsidio, in qua res gestæ quantas

---

(a) Duplex murus in vallo Romanorum.



tas audere vix hominis; perficere penè nullius, nisi Dei esset.

Opus igitur illud tres habuit partes: INFERIOREM MUNITIONEM, EXTERIOREM, cum CIRCUMVALLATIONEM his interjectam. Hæc autem postrema habuit has partes,

1. Vallum . 2. Loricam . 3. Cervos . 4. Turres.

1. *Vallum Circumvallationis.*

*Vallum* fuit pedum 12. Quid vera in ejus structura fuerit, diximus in *Militia*, supra pag. 121. Nunc addo, nomen aliquando variare, & (a) *Brachium* appellari. Causa nominis, quod ejusmodi valla in brachium & cubitum fere curvantur: unde & a Græcis ἀγκῶνες dicuntur, sive & σκελῆν, *Crura*. Alioquin flexus illi etiam & sinus terræ, *Brachia* simili causa appellantur.

2. *Lorica Valli.*

Pars secunda Valli, *Lorica*. (b) Ea vox varia significatione innotuit: pro tegmine pectoris militari, ut frequentissime: pro tegmine aliarum etiam rerum, aut inductione, per translationem ab illa militari, quæ corpus

I 4 pus

(a) *Brachium pro vallo.* (b) *Varia Lorica significationes.*

pus amplectitur & tegit. Paulatim longius itum, & objectio aliqua aut tegmen nobis antepositum, siue munitiuncula, *Lorica* dicta. Ita muruli in ambitu, minores valli minusque lati; sed & è cratibus, aut tabulis pluteisque sepimenta, in hoc nomen venire. Sed & alia ambitio aut περιβολος sic dicta; ut structura illa super ædium, quam quidam e Latinis *Loriculam* dixerunt. Græci στεφανν, qua solaria sua ambiebant & cingebant, contra casum aut delapsum. Nam plana tecta eorum esse solebant, ad apri- candum aut inambulandum; atque in orbem isti muruli, quibus innitentes fas erat despicere. Davidi hoc factum, quem sacræ litteræ ajunt deambulasse in solario domus regiæ, & vidisse lavantem illam, quam in omni vita poenituit vidisse. Pro vallo autem aut terreo murulo, crebro apud veteres. (a) Sed & legitimum ipsum Vallum, sudibus turribusque instructum, Vegetius vult sic dictum. *Loricam* item de Cratibus & viminea sepe, item de Pluteis intelligit Cæsar. Interdum & lignea fuit. Atque hæ Loricæ murorum vallorumque sunt, pinnis distinctæ, ἐπάλξεις Græcis, προμαχώνας, & cre-

---

a) Pro Vallo ipso.

& creberrimè Latino ritu *Θάραξ*, si-  
ve *Θάραξ* *Lorica* aut *Loricula* di-  
ctæ.

Majores hastenuerunt, & paulum  
modo vetustiores muri nostri Europæi  
habent, idque cum distinctione ista  
pinnarum. (a) Hodie omitti placuit  
pinna, ob infirmitatem, etsi *Loricas*  
tenemus, & nostro verbo *Παρατεττο*.  
Hæc in humili vallo fuit paulo hu-  
milior, grandiuscula in altiore.

3. *Cervi*.

Tertia Valli pars, *Cervi*. Non ii  
quidem in omni vallo erant. (b) Et  
sunt ramosi trunci arborum, in faciem  
& similitudinem cornuum cervi: at-  
que ii firmiores alias, alias infirmi.  
Isti teneriores & infirmi, *Cervoli* di-  
cebantur, verbo diminvente.

Utebantur (c) his in vallo struen-  
do, ad terram coercendam adstrin-  
gendamque, identidem interjectis.  
Nos hodieque facimus: quod tamen,  
ubi legitimus densusque cespes, vix  
opus. Et minorum hic usus: mayo-  
rum diversus, & ferè duplex. Rece-  
pissimus iste, ut truncos illos firmio-  
res in terram depaſcerent, & varie  
fererent, itineri impediendo aut ob-

I 5

struen-

(a) *Lorica* quid hodie. (b) *Cervi*  
quid. (c) *Horum* usus.

struendo. Fuere fossæ & valli, & ante ea Cervi isti. Amburi solebant, ad robur & duritiem, & simul acumen, ut in sudibus præussis. Atque is prior usus, & creber: alter, qui in Cæsare, rarior; ut eminent in exteriore vallo, inserti inter loricam ligneam & aggerem ipsum, & simplicis coronæ in modum, sicque ascensum hostium tardarent. Agrestes nostri spineas ejusmodi projecturas in loricis terreis eidem fini usurpant.

In Virgilio (a) *Cervi* etiam leguntur; sed pro arborum truncis longioribus, iisque furcatis, quibus transversa tigna injici possent, ad sustinendum. Fit in tuguriis, & rudi opere rusticorum.

#### 4. *Turres.*

Pars Valli quarta, *Turres*, quæ toti operi circumdata, intervallo inter se pedum 80. Atque hæ diversæ turres erant ab iis, quas postea dicam, mobilibus: (b) fixæ enim istæ, & minus operosæ, minusque etiam altæ. Julianæ sane crebræ fuerunt; & calculus evincit, fuisse in 11. milliarium ambitu ad 687. Quid in ambitu exteriori 14. milliarium?

IN-

(a) *Cervi Virgilii.* (b) *Turres lignæ stabiles.*

INTERIOR MUNITIO.

Ea comprehensa est in latitudine pedum 400. ab oppido castra versus , & habuit has partes : 1. *Fossas* . 2. *Cippos* : 3. *Lilia* . 4. *Stimulos* .

1. *Fossæ* .

*Fossæ* (a) fuerunt tres . Prima , sub ipsum oppidum ad radices collis , pedum 20. directis lateribus . Ab hac pedum 400. spatio , duas iterum fossas duxit , sub ipsis castris . 15. pedes latas , eadem altitudine . Ex duabus autem istis ultimis , alteram interiorrem , campestribus ac demissis locis , aqua ex flumine derivata , completit .

2. *Cippi* .

Totum deinde illud spatium 400. pedum varie fuit impeditum . (b) Primo *Cippi* ibi defixi . Nam truncis arborum , aut admodum firmis ramis , accisis , atque horum delibratis ( melius dolabratis ) ac præacutis cacuminibus , perpetuæ fossæ quinos pedes altæ ducebantur : huc illi stipites demissi , & ab infimo revincti , ne revelli possent , ab ramis eminebant . Quini erant ordines conjuncti inter se atque impliciti : quo qui intraverant , sese

I 6 ipsi

(a) *Fosse* tres . (b) *Cippi* *Cæsaris* .

ipsi acutissimis vallis induebant. Hos Cippos appellabant. Hæc Cæsar.

### 3. Lilia.

(a) Ante Cippos obliquis ordinibus in quincuncem dispositis, serobestrium in altitudinem pedum fodiebantur, paulatim angustiore ad summum fastigio (immo, ad infimum; serôbes nempe ita factæ, ut patula rotunditate, paulatim angustarentur coirentque ad imum) Huc teretes stipites, feminis crassitudine ab summo præacuti & præusti demittebantur; ita ut non amplius 4. digitis ex terra eminere. Simul confirmandi & stabiliendi causa singuli ab infimo solo pedes terra exculcabantur, (Ex tribus ergo illis pedibus altitudinis tertius ab immo deperiit, terra aggesta ad stabiliendum stipitem, & circa eum stipata & exculcata) reliqua pars serobis, ad occultandas insidias, viminibus ac virgultis integebatur. (ut summam oram foveæ texerint, ei superstrata: immo & herbidus cespes super ea virgulta, ad magis occultandum stylum, qui etsi 4. digitos eminebat, tamen faciliè hac tali materie celabatur.) Hujus generis octoni ordines juncti, ternos inter se.

(a) Lilia à Cæsare descripta.

*se pedes distabant . (a) Id ex similitudine floris , Liliū appellabant .* Aspicit similitudo totam foveam superne expansam , jacentemque in orbem , cui medius deinde stipes inseritur : atque id est velut Liliū patens , cum stamine suo aut stylo . Festus id *Cecum vallum* dixit . Alii passim *Stylos* vocant .

4. *Stimuli.*

Quantum in hac area opus , (b) *Stimuli.* Non enim contentus Cæsar dupliciter impedisse iter , hos quoque addidit ; & ante *Lilia* tales pedem longæ , ferreis hamis infixæ , totæ in terram infodiebantur , mediocribusque intermissis spatiis , omnibus locis dissemebantur : quos *Stimulos* nominabant . Et notandum , totum opus per gradus crevisse , primo minoribus . Taleis , mox majoribus Liliis , maximis denique Cippis : crevisse dico , aspectu eorum qui invalissent .

EXTERIOR MUNITIO.

Munitio exterior fuit eadem , facies modo diversa ; & hæc hostem spectavit , ut illa oppidanos . In hac ergo tot iterum Fossæ , Vallum alterum , Turres , denique Cippi , Lilia , Sti-

---

(a) *Cur Liliū dictum .* (b) *Stimuli.*

Stimuli: omnia hic, in aucto ambitu, auctiora.

Tale opus Cæsar 10. legionibus haud longe supra 30. dierum spatium fecit. [a] Exitus quidam ad frumentationes, pabulationes, aquationes, aliosque usus relictī in castellis. Nam in ea circumvallatione 23. castella, id est, parva quædam castra fuerunt, in his cohortes aliquot militum, & velut corpora, contra vim & incursum. (b) Inter exterius & interius vallum fuit intervallum 954. passuum; propemodum milliari uno, ut scilicet equi laxius haberentur, & pabulum etiam iis esset: tum denique obcalones, lixas, & id genus, quos probabile multos fuisse. Sic Vallum interius habuit ambitu 11. milliaria, exterius 14.

#### DE AGGERE.

Clausum habemus hostem, nondum oppugnatum. Ut id fiat, Opera alia struenda sunt: in primis AGGER. (c) Is fuit terreus quidam, & alia materie mixta, mons & elevatio; quem paulatim versus urbem producebant & attollebant, ut ex alto pugnarent, & Turres ibi constituerent, sed

---

[a] Exitus ad castella. [b] Distantia utriusque valli. [c] Agger quid-



sed & *Tormenta*. (a) *Agger* vocabatur ab ipsa re; quia aggerebant & cumulabant: posterior ætas *Aggestum* dixit, sed & alio genere *Aggestus*. (b) Et terra, lapide, ligno congeriem struebant. Virgulta etiam & fascēs maxime hic uſui, siue ad implendum & attollendum, siue ad ligandum. Itaque & *Aggeris* voce, hæc sæpe intelligebant. Immo videbatur vix strui sine istis. Arbores quoque requirit *Agger*, non ob virgulta solum, & tenuia ramorum, sed ob ipsos truncos: quia illa in mediam molem stipabant, hōs & ad latera applicabant, firmando & coercendo. Struebant enim latera, & cancellatim tignis directis transversisque varie ligabant. Unde *Stellatos axes* vocat *Lucanus*, quod transversī & decussatī radiorum aut stellarum aliquam faciem referrent.

*Aggeres* vulgo (c) alti, & id fere pro muris, in quos struebantur; nam æquare aut superare debebant: & sepe muris plane admoti sunt, ut e propinquo pugnarent. Apud *Cæsarem* legimus *Aggerem* altum pedes 50. latum pedes 300. In oppugnatione *Massadæ*, castelli *Judææ*, situ & ope-

[a] *Cur sic dictus*. [b] *Materia ejus*. [c] *Altitudo*.

opere mirifice muniti, Agger erectus fuit, cujus altitudo 310. cubitorum.

Admovebant (a) autem muris paulatim & progrediendo. Nam latera vinciebant claudebantque lignis: sed antrorsus & urbem versus parsea manebat aperta. Aggerebant igitur paulatim & promovebant, in fossas ipsas; denique ad muros. Dum id fieret, nihilominus Turres in aggere impositæ, quæ administrantes aut operantes tuebantur: sed eæ quoque cum aggere paulatim procedebant. Scite tergum & cauda aggeris hamilior fuit, & in clivum, frontem versus, assidue ivit. Qua in re interdum factum, ut Agger, si parum firmatus aut densatus, prolaberetur in fossas. Sed cavebant scilicet, & virgultis aut lapidibus idemtidem adfirmabant.

*De Turribus mobilibus.*

In Aggere (b) Turres, & statim ab eo structæ, immo & tunc, cum is nondum perfectus; & tutelæ operis ministrorumque causa imponebantur. Vinæ enim primum factæ, ut sub iis commeare miles & aggere possent: sub eas (id est, altius quam eæ) ipse Agger, (c) & in eo denique

---

[a] *Ad muros promotio.* [b] *Turres.* [c] *Aggeri impositæ.*

que Turres. Hæ igitur statim structæ, sed paulo ab urbe longius, & ne tela vitiarent aut impedirent. Gallis, Indis, Barbaris ignotæ, & stupori erant, qui divinum quid esse rati. Enimvero (a) apud Græcos, aut certe Siculos reperta primum res. Ideo caute capiendus Athenæus, qui non dicit, Diadem primum reperisse turres *ambulatorias* simpliciter, sed τὰς περιστρεφόμενας, id est, eas quæ circumferri poterant, solutiles: [has forte Appianus vocat ἐπ' ὤμων, *plicatiles*; quia per partes scilicet tollebantur, ponebantur, reponebantur: nec enim ad illas, quæ pegmatum modo deprimebantur at- tollebanturque per cochleas, puto respexisse Appianum.] Nam simplices *ambulatoriæ*, aut *subrotatæ* sane jam ante inventæ in Sicilia. Hæc igitur inventio non ipsarum Turrium [fixæ enim illæ jam diu innotuerant, in oppidis, in castris] sed *mobilium*, & quæ rotis age- rentur.

Agebantur [b] rotis ad minimum 4. sed & 6. aut 8. etiam subditas, prout turrium modus esset, legimus. Et oportebat sane humum æquabilem densamque huic rei esse. Actæ igitur ro-

[a] Turrium inventio. [b] Turres ut promotæ.

*tices* dicuntur, plerumque plura in turribus, ut defensores plures imponent, tum ut Tormenta, sed non maxima, Scalas, Pontes, & talia ad invadendum.

Frontes harum turrium ferratæ erant, (a) munimen contra ignes. Cum enim præcipuum in eas remedium & repugnatio esset, per jacula ignita, faces, malleolos, murices; repertum, ut totæ ferro tegerentur, aut certe a triplici latere: sic enim stabiliiores ob pondus, & igni incorruptibiles. Alia quoque materia turribus interdum circumdata, scilicet centones, coria, storeæ, & hæc de more.

*De Pontibus.*

Vulgatæ & notæ Pontium formæ apud Romanos; nos rariores aliquot dabimus. Et primo hanc, qua sæpissime usi in fluminibus transmittendis, (b) ponte e navibus facto. Bella inventio, & Eunapius scitissime depingit. *Lata jacentesque sunt naves, quibus fluvius jungitur. Sursum autem paulum in statione sunt, supra locum cum, ubi pontem facturi sunt. Atque ubi signum datum est, unam solam e navibus demittunt prono flumine ferri,*  
jux-

---

(a) *Munimina.* (b) *Pons navalis.*

juxta suam & amicam ripam. Ea ubi ad locum jungendum & ponti destinatum venerit, corbem plenum lapidibus in flumen jaciunt, alligatum fune quodam, velut anchoram; quo navis devincta juxta ripam consistit, & sternitur tabulis tignisque, quæ affatim ipsa navis vehit. Et statim ita ad finem descensumque in terram usque constrata est. Deinde vero aliam demittunt, paulo ab ea remotam, aliamque ab ista, donec in adversam ripam perduxerint pontem. Quæ autem hostili ripæ navis objacet, ea & turres habet, & portulam, & sagittarios, & catapultas. Sed Hispani ritu gentico, leviori etiam opera, [a] inflatis utribus incumbentes solent tranare; quod & Romani interim fecere: & Græci usi. Stramentis etiam & aridis sarmentis utres implerunt. Ita fiebat: Utribus junctis, lapides iis appendebant, quos velut anchoras demiserunt. Denique toti operi sarmenta cratesque injecerunt, & terram superstraverunt. Pontem simili junctura Romani voce Græca dixerunt Ascegephyrum, quasi Pontem utrinum. Sed usi ad hanc rem [b] & cuppis interdum,

---

[a] Pons ex utribus. [b] Ex cuppis.

dum, five inanibus vasis. Huc quoque refertur Pons ille nobilis, quem Julius Cæsar in Rheno struxit.

\*\*\*\*\*

## LIBER III.

### DE TORMENTIS.

**S**Equuntur TORMENTA; & inter ea præit *Aries*, tum *Catapulta* excipiunt, *Ballista*, & *Scorpiones*.

*De Ariete.*

Origo [a] *Arietis* vetus, sed parum certa, cum pars ad Græcos, & Epeum, pars ad Tyrios five Carthaginenses referant: vel ipsa ratio aut natura com-mostravit. Certe qui impetum facere in fores aut objectum aliquid vult, cubito id facit, aut pedis impulsu. Ab eo exemplo tignum in auxilium assumptum; & nostri protervi aut ebrioli in foribus perfringendis quoti-die usurpant. Ubicumque autem, sic dixere [b] a similitudine & recipro-catione ictus arietini. Dixit deterior ætas *Carcamusas*, a sono fortassis. Ea-dem

---

(a) Origo *Arietis*. (b) Nomen unde.

dem autem sequens etiam *Cancrum*, an a similitudine aliqua fabricæ? an quia identidem retro iret?

Aries iste non uniformis aut simplex, sed [a] *triplex* fuit. Est [b] *Rudis* & a prima inventione, quem manibus lacertisque validi homines sustinent & agunt. [c] Est *Compositus*, qui trabem quoque alteram jungit & statuit, a qua pendulus vi majore, conatu leviore libratur. Hic in plurimo usu, & inter Romanorum opera ex professo Josephus descripsit. [d] *Est*, inquit, *Aries trabs prægrandis, quæ malum navis adsimilat*. [Immo ex ipsis malis navium interdum lecta & adsumpta; genus vero abies vel ornus: longitudo 80. pedum, Vitruvius & Græci formant pedum 106. immo & 120.] *Is solidatur in capite gravi ferro, in arietis formam, unde & nomen adsumpsit*. [Caput arboris ferro tegitur, & affigitur laminis paulo longius: antrorsus in acumen producitur, quod *Cornu* Hegesippus dixit, Græci *ἐμβλῆν*, sive *Rostrum*; iidem communius & *κεφαλὴν*, sive *Caput*; sicut Latini: & fuit interdum trifidum, quatrifidum

---

(a) *Aries triplex*. (b) *Rudis*.  
(c) *Compositus*. [d] *Descriptus*  
& *declaratus*.

in mucrone, ut solent navium rostra  
Finis (a) & opus præcipuum Arietis  
fuit, cum grandiores firmioresque la-  
pides, more prisco, muris inderen-  
tur, juncturas penetrare ac findere,  
& lapides emoliri. ] *Dependet medius,*  
*funibus suspensus ex alia trabe, ( vel*  
*etiam catenis ) velut trutina ; quæ*  
*trabs tignis utrimque firmis munita est*  
*& fulta . Repulsus porro magna vi-*  
*rorum manu retrorsum, (quantam sci-*  
*licet admittebat longitudo ; sed re-*  
*cens manus manui succedebat, erat-*  
*que perpetuus is ictus ) iisdemque an-*  
*trorsum statim & cum impetu reflecten-*  
*tibus, quatit muros prominulo ferro.*  
(b) *Neque est ulla turris tam valida,*  
*aut mœnia tam lata, quæ, ut primas*  
*maxime plagas tulerint, sustinere &*  
*subsistere assiduas eas possint . Ideo Dia-*  
*conus Exterminatorium instrumentum*  
*dixit : quia is admotus signum erat*  
*perdendæ urbis : uti hodie mos, aut*  
*lex est, durius in eos consuli, qui*  
*tormenta expectarint : sic olim qui*  
*arietem . Circa hunc Arietem com-*  
*positum alius etiam erat labor & cu-*  
*ra : Nam & cratibus tegebant, & co-*  
*riis, contra jactus aut ignes . Et si pro*  
*his tegumentis receptum etiam, ut*  
*foli-*

---

(a) *Finis arietis. (b) Vis ejus.*



Solida testudine totus Aries tegeretur; atque ea forma est tertia, (a) *Testudo arietaria*, vel *Testudo aries* dictus. Hunc quoque Carthago reperit.

Aliud instrumentum ad muros diruendos describit Athæneus, quod (b) *Terebra*, Græcis τροχάριον dicitur. Est autem gladii aut mucronis quedam similitudo, quo muros perfodiebant. Romani ea non usi.

#### De Catapulta.

Duplex instrumentum priscis, quo in hostes emitterent & jacularentur: altero, tela vel grandiores sagittas; altero, lapides & saxa. Id prius *Catapultam* dixere, posterius *Ballistam*: alij postea confuderc.

*Catapulta* Græce dicitur καταπέλτης, ἀπὸ τῆς πέλτης, id est, (c) *ab hasta & jaculo*. Erat autem machina, quæ tela & ligna jaciebat, quamquam alij & pro instrumento saxi-jaculo ponant: Nam vox *Catapultæ* paulatim in desuetudinem venit, & pro ea *Ballistam* dixere, quæ antiquis non nisi saxa jecit. Repertam (d) *Catapultam* a Syris, refert Plinius: Græci Siculis adscribunt.

Fue-

---

(a) *Testudo arietaria*. (b) *Terebra*. (c) *Catapulta nomen*. (d) *Ori-*  
8°.

Fuerunt (a) duplices Catapultæ : *Majores*, & *Minores*. Ille, quæ telum fere 3. cubitorum emitterent ; istæ , quæ dimidiatum. Telum illud *Trifax* dictum. Græci vero minores Catapultas vocant τρισπιδάμεις ὀξυβελέϊς, quia tela 3. spithamarum, id est, 36. digitorum jaciebant. Interdum tamen & machinæ, & tela grandiora, immo non tela, sed tigna, & asseres 12. pedum, immo 12. cubitorum, & ad stadii spatium jaciebant. Nihil ergo mirum, si plures homines simul penetrarint.

Formam (b) Catapultæ ex ligno, ferro, nervo fabrefactam ita describit Ammianus: *Ferrum inter axiculos duos firmum compaginatur & vastum, in modum regulæ majoris extensum, cujus ex volumine tereti, quod in medio arripolita componit, quadratus eminet stylus, extensius recto canalis angustissimi meatu cavatus, & hac multiplici chorda nervorum tortilium alligatus, eique cochleæ duæ lignæ conjunguntur aptissime; quarum prope unam assistit artifex contemplabilis, & subtiliter apponit a temonis cavamine sagittam ligneam, spiculo majore conglutinatam. Hocque facto,*

---

(a) *Eæ duplices.* (b) *Forma Catapultæ.*

*Et*o, hinc inde validi juvenes versant agiler rotabilem flexum. Cum ad extremitatem nervorum acumen venerit summum, percita interno pulsu a ballista ex oculi avolat, interdum nimio ardore scintillan.

*De Ballista.*

Priscis Ballista semper lapidem jecit, nec aliter ante Cæsarem legas, etsi posteriores variant. [a] Græcanica autem stirpe videtur vox, ἀπὸ τῆ βαλ- λειν *a* jaciendo; & ideo *Ballistam* gemina consonante, vel potius *Ballistram* scribi melius. Sed quamquam ab iis vox, ipsi vix ea usi; & dicunt (b) λιθι- βόλος, πετροβολός, πετροβολικά ὄργανα; communiter magis ἀφειρία ὄργανα, itemque μάγγαλα, aut μαγγασικά. *Manganum* sane communiter *Machina*, sed huc transfertur ad violentissimam machinarum. Posterior ætas etiam *Mangam* appellavit; sed leguntur etiam in avorum aut proavorum historiis, *Mangonella*, *Mangonalia*, *Mangatella*. Item *Bibliam petrariam*, & *Petrariam* simpliciter *Ballistam* dici notum est.

Jaciebant vulgo, & minoribus *Ballistis*, (c) lapides fere centenum pondus:

---

(a) *Ballistæ etymon.* (b) *Nomina.*

(c) *Ballistæ vis quanta.*

do: atque eo sensu Lucillo ipsa *Ballista centenaria* dicitur. At majoribus amplius jaciebant, & vel talenta tria; id est, pondo 360. Nostra ista fulminea hodie non capiunt aut pervehunt hoc pondus. Igitur non solum contundebant, sed diffringebant omnia & disjiciebant. *Tanta autem hujus tormenti vis erat* (scribit Hegesippus) *ut percussus unus ex sociis Josephi, qui propter adstaret, comminuto capite rueret, & occipitium ejus usque ad tertium stadium excuteretur. Mulier quoque alvo gravis, percussa uterum, supra dimidium stadii de intima sede genitalis secreti excuteret infantem.* (a) Non solum rotundos lapides istis jaciebant, sed enormes & sepulcrales, immo & molares, quibus domos & edificia confringerent, & quidquid incidissent. Etiam equorum hominumque cadavera jaciebantur, stercora foetoresque alii; sed & plumbei globi emissi, ferrum candens, metallum fuscum. Quin muros sive turres concutere iis solebant; & in pugna interdum utebantur.

Formam Ballistæ satis ubertim Am-

K 2

mia-

[a] *Ufus.*

mianus tradidit his verbis : (a) *De-*  
*lantur axes duo quernei vel ilicei, cur-*  
*vanturque mediocriter, ut prominere*  
*videantur in gibbos: hique in modum*  
*serratoriae machine conestuntur, ex utro-*  
*que latere patentius perforati: quos in-*  
*ter, per cavernas funes colligantur ro-*  
*busi, compagem ne diffiliat continen-*  
*tes. Ab hac medietate restium stylus*  
*exsurgens obliquus, & in modum temo-*  
*nis jugalis erectus, ita nervorum mo-*  
*dulis implicatur, ut altius tolli possit*  
*& inclinari; summitatque ejus unci*  
*ferrei copulantur, e quibus pendet stup-*  
*pea vel ferrea funda: cui ligno fulci-*  
*mentum prosternitur ingens cilicium,*  
*paleis confertum minutis, validis nexi-*  
*bus illigatum, & locatum super conge-*  
*stos cespites, vel latericios aggeres.*  
*Nam muro saxeo hujusmodi moles im-*  
*posita, disiectat quidquid invenerit sub-*  
*ter, concussione violenta, non pondere.*  
*Cum igitur ad concertationem ventum*  
*fuerit, lapide rotundo fundae imposito,*  
*quaterni altrinsecus juvenes repagula,*  
*quibus incorporati sunt funes, explican-*  
*tes, retrorsus stylum penes uncinum in-*  
*clinant: itaque demum sublimis astans*  
*magister, claustrum, quod totius ope-*  
*ris continet vincula, reserat malleo for-*  
*ti per-*

---

(a) *Ballistae forma descripta.*

ti percussum. Unde absolutus ictu volucri stylus, & mollitudine offensus cili-  
cii, saxum contorquet, quidquid incur-  
rerit collisurum. Et Tormentum qui-  
dem appellatur, quod ex eo omnis ex-  
plicatio torquetur: Scorpio autem, quo-  
niam atuleum desuper habet erectus. Cui  
etiam Onagri vocabulum indidit aras  
novella, ea re, quod asini feri cum ve-  
natibus agitantur, ita eminus lapides  
calcitrando post terga emittunt, ut per-  
forent pectora sequentium, aut diffractis  
ossibus capita ipsa displodant. In tota  
hac paratura duo adnotanda, de Ner-  
vis, & Funda.

Nervi (a) ad omnia hæc tormen-  
ta maxime requirebantur: secundo Ca-  
pilli, si copia eorum non esset. Nam  
tormenta nihil profunt, nisi funibus  
nervinis intenta. Equorum tamen se-  
tæ de caudis & jubis utiles, indubi-  
bitanter vero crines fæminarum: il-  
li enim cum tenues sint, longi, mul-  
to oleo perfusi, cum plectuntur, vi-  
res & intensionem validam accipiunt,  
ut nec dissonent multum a robore  
nervorum. Historiæ etiam passim de  
hoc capillo. Carthaginenses obsessi  
ad catapultarum intentiones raserunt

K 3 fœmi-

---

(a) Nervi ad tormenta necessarii,  
& Capilli.

scæminas, aliorum crinium inopia. Romani idem fecere: Nam in Capitolii obsidione, cum nervorum copia defecisset, matronæ abscissos crines suos viris obtulere; & ob hanc memoriam *Veneri calvæ* templum structum fuit. Idem de mulieribus Salonensibus apud Cæsarem, de Aquilejensibus apud Capitolinum legimus.

*Funda*, (a) quæ in Ballista sive Scorpione ponitur, stuppea aut ferrea, receptaculum lapidis fuit, & in qua firmaretur. Et ideo ipsæ Ballistæ sive Monangones a nonnullis *Fundæ* vocantur, Græcis σκινδοναι, quas rectissime Hieronymus *Fundibala* vertit; ita enim illo ævo dixerunt.

#### De Scorpionibus.

*Scorpiones* Ballistis jam dictis vicini, sed tamen diversi ab his & Catapultis. Describit Tertullianus: (b) *Scorpio spiculum & fistula est, patula tenuitate in vulnus & virus, qua figit, effundit*. Vegetius *Manuballistas* ait vocari Scorpiones. Vir unus dirigebat, & utebatur, ideo non magni fuerunt. Ut illi ergo parvi, sic portione & foramina illa ac cavi.

De

---

(a) *Funda*. (b) *Scorpio* quid.

*De Muris veterum.*

Ut plene & firmiter noscatur Tormentorum vis, (a) *Muri Veterum* sunt noscendi. Hos enim quatiebant & diruebant Arietes illi & Ballistæ; hos sub Musculis aut Vineis deruebant: & nescimus quo robore ii aut viribus? Caligat omnis machinalis & oppugnatoria ista res, nisi hæc illustratur.

*Muri Veterum* validi & operosi fuerunt, *Firmi*, *Magni*, *Alti*.

De *Firmitate* sic Vegetius: (b) *Murus* ut numquam possit elidi, hac ratione perficitur. Intervallo pedum vicenum interposito, duo intrinsecus parietes adificantur: deinde terra, quæ de fossis fuerit egesta, inter illos mittitur, vestibulusque densatur; ita ut a muro primus paries parum inferior, secundus longe minor ducatur, ut de plano civitatis, ad similitudinem graduum, quasi clivo, molliusque ad propugnacula possit ascendi. Quia nec murus ullis potest arietibus concuti, quem terra confirmat; & quovis casu destructis lapidibus, ea quæ inter parietes densata fuerit, ad muri vicem inpruentibus moles obsistit. (c) Paulo firmiorem dat

K 4

Vi-

(a) *Muri noscendi*. (b) *Murus firmus*. (c) *Aliqs.*



Vitruvius : Interiore parte substructionis, fundamentum, distans ab exteriori introrsus ampla spatia, constituendum est ; ita ut cohortes possint, quemadmodum in acie, instructa ad defendendum supra latitudinem aggeris consistere. Cum autem fundamenta ita distantia inter se fuerint constituta, tunc inter se alia transversa, conjuncta exteriori & interiori fundamento, pettinatim disposita, quemadmodum serrae dentes solent esse, collocentur.

Jam quod (a) Magni & Alti, ab exemplis aliquod videamus. Appianus scribit : Pyrei muros Athenis (Periclis opus) altitudine fuisse 40. circiter cubitorum, sive pedum 60. saxo quadrato extructos. Thucydides de iisdem : Latitudine fuisse tanta, ut duo currus juncti inter se, vel obvii, per murum transirent : introrsus autem neque camentum, neque lutum interpositum, sed junctos & coagmentatos grandes lapides, qui secti quadratique essent, eorumque exteriora ferro & plumbo revineta. Dio Cassius : Byzantii veteris muros fuisse firmissimos, quorum frons exterior grandibus lapidibus constructa, qui crassi 4. pedes erant, lato ferro aut cre inter se vincti. Herodianus addit :

Adeo

---

[a] Muri magni & alti.

*Adeo tenui & inconspicua junctura, ut nemini compositum opus, sed ex uno perpetuoque lapide videretur. Voluerunt ergo muros altos, contra turres, machinasque ligneas ad ascensum. Nam muri quamdiu super eas, tuti erant ab hac pervasione. Firmi igitur, contra Arietes: Alti, contra Turres.*

Inter artes munitionum hodie habemus, flexus & sinus (a) in muris facere, ut pateat ad ictus accedens hostis: id a veteribus & Vegetius prodit: *Ambitum muri directum veteres duci noluerunt, ne ad ictus arietum esset dispositus, sed sinuosis anfractibus clausere urbes: propterea, quia si quis ad murum tali ordinatione constructum vel scalas, vel machinas voluerit admove, non solum a fronte, sed etiam a lateribus, & prope a tergo, veluti in sinum circumclusus opprimitur.*

Sed & *προτεχίσματα* quædam habuere, sive (b) *Antemuralia*; quæ fuerunt quasi loriculæ, ante præcipuum murum ductæ. Nec solum loriculæ istæ, sed veri magnique muri plures ducti, ut uno diruto aut capto, alter & aliter superessent. Luber

K 5 exem-

(a) *Muri in sinus ducti.* (b) *Antemuralia.*

exempla duo dare splendoris atque operis prisca. Prius ex Appiano, de Carthagine, quæ à Romanis capta & diruta. (a) Murum, ait, fuisse triplicem, quorum quisque altus 30. cubitos esset, absque loricis & turribus. Quæ turres 200. pedum spatio inter se distabant, & 4. contignationes singulae habebant. Ipsi muri fornicati, & capaces: & duplici quasi contignatione facti; in quorum parte ima elephantibus 300. stabulari poterant, & adjunctæ iis cellæ ac repositoria ad cibos: super eos 4000. equi, item cum receptaculis pabuli hordeique. Viris ipsis ibidem diversoria & habitacula, peditibus 20000. equitibus 4000. Atque hic bellicus apparatus in solis mœnibus erat. Alterum ex Josepho, de Hierosolymis, superba & valida urbium, quas historiæ celebrarint. Murus (b) triplex erat; exterior altus 20. cubitos, lorica ejus ternos, pinnae binos: in totum 25. Lapidibus in eo plerique 20. cubitos longi, & 10. lati. In muris turres erant, quæ super ipsos eminebant cubitis 20. atque eadem erat latitudo. Hæc omnia solida, & iisdem lapidibus, quibus muri, structa. At super hanc turrium alti-

---

(a) Murus Carthaginis. [b] Murus Hierosolymitanus.

altitudinem cubicula & canacula erant, & cisternæ, & lati ad hæc omnia gradus. Ejusmodi turres erant in eo muro 90. intervalla autem cubiti 200. inter singulas. Adde turres & portas, fiet ambitus circiter 6. milliarium) Murus ipse, in quo erant, in colle fuerat conditus, atque is collis eminebat ad cubitos 30. Mirabilis & lapidum moles: non enim ex latere vulgari, aut saxi, quæ homines ferrent, structæ erant, sed e candido marmore: quodque saxum 20. cubitis longum, 10. latum, 5. altum. Ita autem junctæ erant, ut unum saxum omnia viderentur, sed manu artificum in angulos & figuras divisa. Hæc Josephus.

Qui, & ubi Machinas fecerint.

De Machinis & Tormentis pleraque dicta, nondum a quo, quibusve, & ubi ea facta.

Milites (a) ipsi pleraque fabricarunt: sic tamen, ut certi iis mixti, qui fabrilem omnem artem scirent. Hi tales præformabant dirigebantque opera, etsi milites quoque vulgo adjutarent. His caput unum, & operibus curator exactorque, qui *Præfæctus fabrum* nominabatur. Plutarchus ἐπαρχὸν τῶν τεχνιτῶν appellat. Hi igitur

K 6 tur

[a] Milites ipsi fabricabant.

tur cum valida illa manu militari , subito opera pleraque destinabant , & in loco faciebant . Ubi interdum & provincialium auxilio , eorumque ad materiem subvehendam jumentis . Sic Sylla cum Athenas obsideret , & mirifica opera moliretur ad Pyræum , 10000. jugorum , mularium habuit , quæ supportarent ad hunc usum . Sed & in agmine ac via horum opera , cum machinas aliquas secum ferrent . Conquiri igitur hæc talia & præparari interdum jam ante solebant , alias non solebant , & in loco , pro copia , parari .

~~~~~

LIBER IV.

DE TELIS.

T*Ela* , (a) quorum usus in oppugnando aut repugnando , duplicia : *Lapides* , aut *Ligna* . Illos dupliciter iterum mittebant , aut *Manu* , aut *Funda* . De manuario jactu parum est , & natura ac mos docent : nec moneri aliud opus , quam ple-
rosque

(a) *Tela duplicia* .

rosque veterum usurpasse . Sed de *Funda* , is accuratior , & explicandus est .

De Funda.

Funda (*a*) Latinis dicta , quod ex ea fundantur lapides . De inventionem variant : Plinius Phœnicibus tribuit , Strabo Ætolis , Communis opinio Balearibus .

Materies (*b*) *Fundæ* triplex : *Prima* Melanchræna , quod est spartum , ejus copia in Hispania , estque junci acuti species : atque eo nomine linum & cannabin etiam comprehendimus . *Alter*a , pili , vel setæ . *Tertia* , nervi . *Forma* (*c*) talis : Funiculus in medio latior , ovali forma , & paulatim in strictius abit . At medium & fundus , ut sic dicam , fundæ circinat . Rotabant enim circum caput , & vires ita dabant ; ter , ut videtur , ex arte aut more .

Duo Fundis missa , *Lapides & Glandes* . *Lapides* (*d*) jaciebant minæ pondere , nempe drachmarum 100 . Hinc Cæsar dicit *Fundas librales* . Ad hos lapides , & ut frequentare possent ictum , sacculos pelliceos ferebant iis
im-

(*a*) *Fundæ origo* . (*b*) *Materies* .
(*c*) *Forma* . [*d*] *Fundis missi Lapides* .

implendos; magis expedite, quam ut sinu etiam præ se ferrent, quod in lapidibus quoque factum. Telum alterum (a) Glandes, atque eæ e plumbo, ideo *μοδιβδίδες* Græcis, & *Plumbeæ* simpliciter Spartiano. *Sphæras* vocat incertus apud Suidam scriptor. His inscribi aliquando solere, & occulte sic ad hostem mitti, legitur, ut omnia, quæ gererentur, hostes scirent. Appianus ad istam rem tesseras plumbeas quasdam adhibet. Revera autem non istæ communes glandes fuerunt, sed tabellæ magis productæ, & huic rei aptatæ.

Funda variis gentibus in usu, (b) quia prompta, iteratim facilis, tum etiam quia longe & fortiter feriret. Nam sæpe adversum bellatores cassidibus, catafractis, loricisque munitos, teretes lapides de funda vel fustibalo destinati, sagittis sunt omnibus graviores; cum membris integris lethale tamen vulnus importent, & sine invidia sanguinis, hostis lapidis ictu intereat. Ergo per ipsa arma interfecit, etsi sine sanguine; quia contusio plerumque & confractio ex ictu lapidis. Glans tamen profecto penetrabat. Quod cum ita sit, telum tamen

[a] Glandes. (b) Funda vis.

men hoc parum honestum habitum ,
& junioribus aut vilioribus assigna-
tum . Itaque ipsi Romani raro usi ,
inter Auxilia habebant .

Præter communem illam Fundam ,
quæ vulgo in usu, fuerunt etiam di-
stinctæ quædam species ; (a) ut *A-*
chaica , *Cestrosphendonis* , *Fustibalis* .
De Achaica sic Livius : Itaque lon-
gius certiusque & validiore iclu , quam
Balcaris funditor (loquitur de fundi-
toribus ab Ægio , Patris , & Dymis
accitis) eo telo sunt usi : (b) & est non
simplicis habene , ut *Balearica* & alia-
rum gentium funda , sed triplex scuta-
le crebris suturis duratum , ne fluxa
habena volutetur in jactu glans , sed
librata cum federit , velut nervo missa
excutiatur . Habena autem , Græcis
ἀνὰλον , *Amentum* Latinis , hoc loco
Scutale dicitur , quia pars ea fundæ ,
cui lapis imponitur , quasi scuti for-
mam palam refert . (c) *Cestrosphen-*
donem idem Livius describit ; sed te-
nebrosa illius descriptio lucem acci-
pit ex Suida , sic enim apud hunc ali-
quis : *Novum hoc inventum bello Per-*
sico . Ipsum spiculum bipalme fuit ,
tubulum habens æqualem mucroni .

Huic

(a) *Fundarum species* . [b] *Achai-*
ca . [c] *Cestrosphendonis* .

Huic hastile ligneum insertum erat, longitudine spithamæ mensuram æquans, crassitie digiti. In hujus medium tres pinnulae e ligno infigebantur, plane breves. Hoc in fundâ, quæ duo funalia imparia habebat, in medio utrorumque, amento leviter & ut solvi posset ligatum, imponebatur. Tum igitur in circumactione fundæ, intentis funalibus manebat; cum vero alterum solveretur in emissionem, excidens amento suo, velut glans e fundâ ferebatur, & cum impetu incidens, quidquid incurrisset valide ladebat. Tertium Fundæ genus, (a) *fustibalus*. Vox est novitiæ ævi: appellatur ita fundâ fustis alligata, quo incusso, lapis scite & robuste emittitur. Et qui eo utuntur, *Fustibalatores* dicti, non *Fundibalatores*; nam *Fundibalus* diversus ab hoc. Antiqui has vocabant *Fundas libriles*, & *Librilia*, quasi quæ lapides libræ pondo emittant: *Libratores*, qui iis utuntur. Ita Vegetius descripsit: *Fustibalus fustis est longus pedibus 4. cui per medium ligatur fundâ de corio, & utraque manu impulsus, prope ad instar Onagri dirigit saxa.*

De

(a) *Fustibalus.*

De Jaculis Rudibus.

Jacula (a) duorum sunt generum. *Rudia* & *Ferrata*. *Rudia* appello, quæ simplici ligno constabant, non alia materie ad lædendum. In eo genere *Sudes*, & *Faces*.

Sudes (b) est lignum in capite acutum leviter, & igni duratum. Vetus id telum, & plerisque gentibus sic usitatum. Sed tamen meliore etiam ævo, & in legitimis bellis usurpatum.

Faces, (c) non adustæ, sed urentes quædam hastulæ, e picea, tæda, larice, & si quod tale genus. Obvium & populare fuit hoc telum.

Huc quoque referuntur (d) *Præpilata missilia*, quæ sine ferro, nec aliud quam pilæ instar, obtuso acumine, rotunda. *Præpilare* enim Ammiano non aliud videtur, quam *Præjaculare*: etsi *Pilare* idem usurpat pro *prædari*, *vacuare*. Aliter Servius, cui *Pilare*, est *cogere*, *premere*: & ita interpretatur *Pilatum* agmen, *densum*.

De Jaculis Ferratis.

Jacula Ferrata pluria & multigena sunt, nec alia in re fecundius
Mar-

(a) *Jacula duplicia*. (b) *Sudes*.
(c) *Faces*. [d] *Jacula præpilata*.

Martialia ingenia luserunt. Nos crebriora quædam tangemus:

(a) 1. *Hastam*. 2. *Lanceam*. 3. *Verutum*. 4. *Gesum*. 5. *Tragulam*. 6. *Securim*, & similia.

1. *Hasta*, (b) Græcis δόρυ. Et si commune fere id nomen est, & in plura valet; diciturque tam de grandi illa, qua cominus utuntur, quam de leviori, quam eminus jaculantur. Simile in *Lancea* & *Conto*, in *Sarissa* & *Pilo*. Ab *Hasta* dicti *Hastati*, jaculatores olim in legionibus.

2. Alterum nomen communius, (c) *Lancea*, Græcorum λόγχη. Et est Hispanica vox, ut Varo & Agellius testificantur; Gallica, ut Diodorus. Sed potest esse Hispanica stirpe, in Galliam tamen post traducta, uti & in Latium ipsum. Vox quidem *Lanceare*, (d) quod est *jacere*, *mittere*, ipsis Hispanis Gallisque & hodie est in usu. Lucanus *Lanceam* pro *Pilo* usurpat, ut est profectio nomen jaculis commune. Hinc λογχοφόροι, bene redduntur *Jaculatores*: & sunt ista, quæ *Menaula* posterior & deterior ætas dixit. *Venabulum*, seu *Venabu-*

(a) *Jacula Ferrata*. [b] *Hasta*.
(c) *Lancea*. (d) *Lanceare*.

bulum idem ; unde & vox depravata videtur *Menaula* . Sunt quidem *Lanceæ* venatorum .

3. Tertium , sed magis strictum , (a) *Verutum* ; cui nomen & formatio ab ipso *Veru* , quod refert . Itaque alii *Veruinam* dixerunt . Non nemo etiam *Veru* . Est spiculum tenue & longum ; aptum forare . Σαυρίον , Græci *Vecutum* dicunt . Etsi Samnites primo & proprie usi , tamen & alii Itali . Livius levi armaturæ tribuit , sed veteri . *Hastæ velistares* haud longe iverunt ab istis , si non eadem .

4. (b) *Gesum* ; alii , & sæpius Græci , *Gæsum* scribunt : vox ac tela peregrina videntur . Athenæus quidem Romanos petisse ab Hispanis vult , alii magis a Gallis . Est autem telum vel contus longe feriens : & grandius fuisse jaculum , etiam Festus indicat , cum vocat *grave jaculum* . Paistoricum telum Livius facit , & Silius .

5. *Tragula* (c) dicta quod scuto infixæ trahatur . Hispani ea usi apud Livium ; sed & Galli apud Cæsarem . Usi & Romani . Validum fuit telum , hamatum , forte ob etymon illud a tra-

tra-

(a) *Verutum* . (b) *Gesum* . (c) *Tragula* .

trahendo . Hoc telo Cotta tam validam plagam inferebat , ut percussum per loricam , per latera , transfigeret , & velut clavo terræ affigeret . Vegetius *Tragularios* vocat , qui ad manuballistas vel arcuballistas sagittas dirigebant .

6. *Securis* (a) etiam est in hoc numero ; nam & missilis fuit , etsi comminus pugnasse ea non nego . Sidonius Scythis , Horatius Rhætis tribuit : atque etiam nunc habent & sicutuntur Bojemi , & vicini . Veteres item Galli . *Securis* ferrum crassum est , & utrimque acutum . Hanc Franci in primo congressu jacere in hostem consueverunt eo impetu , ut scuta perfringant , & ipsos simul interimant . Ipsum hoc telum est , quod *Haggones* (b) patria lingua , *Haacken* , Franci dixerunt , vel *Aneonas* , ut apud Agathiam ; & sunt brevia tela , quorum pars major ferro obducta est , ita ut ex ligno aliquid præter manubrium , vix exstet . In superiori ferro tamquam hami utrimque sunt , & deorsum vergunt . Non est plane *Hallebarda* (c) nostra , etsi hæc potest inde nata esse . Suntne
Græ-

(a) *Securis* . [b] *Haggones* . (c) *Hallebarda* .

Græcorum διβόλια, bipennes? Istinc fortasse originem habent Martiobarbuli, qui his telis scienter, & fortiter utebantur.

7. (a) *Aclis*, exiguum & teres quodam missile fuit, religatum lino vel loro, ut peractis vulneribus posset redire. Fere idem est *Aclis* cum (b) *Cateja*, quam sic describit Isidorus: Est genus Gallici teli, ex materia quam maxime lenta; quæ jactu quidem non longe propter gravitatem evolat, sed quo pervenit, vi nimia perfringit. Quod si ab artifice mittatur, rursus ad eum redit, qui misit.

De Amento.

Jacula alias manusola missa, alias loro revincta, & eo excusso adjuta. Id dicebant (c) *Amentum*. Latini & *Nodum* vocant: item *Ansam*; unde *Ansatæ haste*. *Habenam* etiam alii. Græcorum id inventum. (d) Fuit autem non aliud, quam lorum revinctum in hasta media circiter, quod manui deinde & primoribus digitis illigabant leviter, in emissu cum impetu solvendum. Et videtur plane esse Græcorum *μισαγγυδιον*; et si teli certum genus Grammatici proponunt;

cer-

[a] *Aclis*. (b) *Cateja*. (c) *Amentum*. (d) *Quid sit*.

certe vix aliud, quam *telum amentatum*, possunt & debent explicare. Nam Græcis ἀγκυλή, *amentum* est; & ἀγκυλίσκος, *amentum* (a) proprie, etsi interdum pro *Jaculo* & *Jaculari* usurpant. Ante pugnam strictis illigatisque amentis ad digitos priores incedebant, prompti scilicet & parati. Contra, ubi ignavia aut metus, laxa ea habebant & solute: quod etiam in pluvia fiebat, & humor resolvebat.

Quia igitur amentum roborat & incitat hastam, inde Tertullianus metaphorice (b) dixit: *Amentavit sententiam*, id est, fortiter & serio edixit, & velut amento intorsit. Et *Amentata sententia*, apud Ambrosium. Inde *Hastæ amentata*, fortes & sic ligatæ.

De Sagittis, & Sagittariis.

Romanis ipsis ab antiquo vix fuerunt *Sagittæ*. Sed post Punicum bellum secundum creberrime in Romanis castris Sagittarii; sed Auxiliares, non cives. In hoc numero maxime Cretenses, quos & excelluisse hac peritia certum est; & quidam (c) originem primam ad eos trahunt. Alii ad Persas;

(a) *Amentare*. (b) *Metaphorice*.
(c) *Origo sagittarum*.

fas; alii ad Scythas: & certe nostra-
te lingua *Sagittare*, etiamnunc est
Schieten, forsan a Scythis. Scythæ
igitur inter inventores censentur, &
celebratur Arcus Scythicus, cujus for-
ma τὸ Σ. Græcorum. Sed & Parthi
hoc tali arcu usi. Ab Arcu Festus
notat [a] *Arquites* dictos, arcu præ-
liantes, qui nunc Sagittarii. Ipsæ Sa-
gittæ dictæ etiam *Virgæ*. Sic & Græ-
ci usi voce παρδα. Item *Calami*;
quia sæpe ex leviori illa materia,
etsi quædam firmiores atque etiam
grandiores. Et Arabes majoribus usi.
Pleræque autem (b) Sagittarum ha-
matæ, & ne facile evelli possent:
quædam etiam triplici hamo: quæ-
dam quadruplici, Hippocrati τετρα-
γωνά βελον, *quadrangulæ Sagittæ*. At
illæ Parthorum mirificæ, quæ viden-
tur aciem super aciem habuisse, quæ
tenui ferro nexæ, aut ut involucrum
insertæ, in corpore fere manerent,
& rumperentur, si quis tentaret edu-
cere. [c] Tanta autem violentia sa-
gittæ emittebantur, ut arma perfrin-
gerent, & per omne quod obstaret
durum aut molle penetrarent, quibus
ne-

(a) *Arquites*. (b) *Sagittæ hamatæ*. (c) *Sagittarum vis*.

neque thorax ullus , neque scutum
possit resistere .

Fuerunt & thecæ sagittis , quas
[a] *Pharetras* , aut *Corytos* prisca di-
xerunt . Leo Imperator pharetras vo-
cat *Cocura* , sive *Cocurra* ; vox nostras ,
Kokeren . Festo *Scoreum* .



LIBER V.

DE REPUGNATIONE.

Oppugnati non ita peribunt inul-
ti & indefensi , sed repugnabunt
nostris armis , quæ dabimus in tute-
lam eo ordine , quo dedimus oppu-
gnantibus , ad singula nocumenta &
plagas adhibebimus medelas , amolie-
mur Tormenta & Tela .

Contra Testudinem .

Primum in subita oppugnatione fuit
Testudo , & globus militum densus ,
qui incurrit , & nisi amolitur , scan-
dit . Resistebant , [b] & saxa aut
ponderibus adventantem obruebant ,
aut certe dissipabant . Primum igitur
erat

(a) *Pharetra* . (b) *Saxa in testu-
dinem* .

erat saxis obruere : si pars aliqua leviter cecidisset , aut se abjunxisset , tum contos aut lanceas inferere , donec compage scutorum soluta , jam intutos lapidibus , pilis , aliisque missilium prosternerent . Quod si qui per ipsam testudinem tamen scanderent , ii vero gladiis & armorum incussu præcipitati , sudibus & pilis obruebantur .

Contra Scalas , & Ascensum.

Contra Scalas repugnantes Furcæ [a] usurparunt . Certum fuit furcæ genus oblongioris , aut in pertica longiore . Dupliciter igitur Furcæ utiles , ad scalas ipsas rejiciendas & resupinandas ; sed & ad homines ipsos .

Erant & alia communiter in ascendentes , tum in eos , qui testudine nixi ; tum & qui sparsi aut sine ea . Primum inter hæc , [b] liquida quædam , aut liquefacta ; ut Oleum fervens , Pix , Sulphur , Bitumen , Plumbum , & si quid tale . [c] Oleum enim celerrime a capite ad pedes , per omnia sese arma insinuat , & carnem instar ignis depascitur : quippe quod natura facile accenditur , &

L tar.

[a] Furcæ in Scalas . [b] Liquida in ascendentes projecta . [c] Oleum .

tarde refrigeratur, ob pinguedinem & lentorem. Loricis itaque & galeis illigati cum essent, fuga non erat hujus pestis; sed nunc subsilientes, nunc dolore se incurvantes, decidebant de pontibus. (a) Picem, sulphur, bitumen vasis plurimum inferebant, sive fistilibus, eaque fervefacta appropinquanti exercitui injiciebant, & imbris in modum dense & confertim inspergebant. Corbes etiam, sitellæque e ferro huic rei adhibitæ: item Quali; sed ipsos vimineos, & una cum materie ardentes jaciebant. Et hæc non in viros tantum, sed & in machinas ipsas ligneas usurpata. Immo vasa hæc eminus etiam projecta in hostem, idque auxilio fundarum. Jam & (b) Plumbum liquefactum infusum scandentibus, quod in vasis æreis perticis contisque protendentes effundebant. Atqui non plumbo solam usi, sed & (c) ferro; quod cum fundi non posset per naturam, raserunt in pulverem, eumque ignitum sic injecerunt. Cui adsimile, sed parabilius, quod Curtius Tyriis factum in Macedonas

nar-

(a) *Pix, sulphur, bitumen.* (b) *Plumbum.* (c) *Ferrum.*

narrat : (a) *Si clypeos aereos multo igne torrebant, quos repletos servida arena cænoque decocto e muris subito devolvebant. Nec ulla pestis magis timebatur.* Idem Tyrii Macedonas scalis ascendentes retibus piscatoriis involverunt, & inutiles ita factos scalis facile detruserunt.

Fuit & illud callidum & novitium : Fœnum Græcum (b) elixum tabulis pontium, quibus usi ad ascendendum, inspergebant & superfundebant; qua re milites lapsantes & casabundi, incerto vestigio vacillabant, adeo ut nec progredi, nec regredi rectis iis esset; aliqui super ipsos pontes resupini caderent; alii in aggeres delaberentur. (c) Rumices & Tribulos spargi, non rarum fuit, nam & hi in defensionem valent, contra ingressum, & in oppidorum tuitione item utiliter possint; sed & castrorum. Utile inventum hoc ligandi, & sic retrahendi. Reperio etiam Sudes plumbatas in flumine defixas. Sed & contra equos & camelos (quorum molles ungulæ) rumicibus usi, sæpe cum successu. Remedium in eos, calcei e ferro aut durioris ligno.

L 2

Sed

(a) *Arena.* (b) *Fœnum Græcum sparsum.* (c) *Rumices & Tribuli.*

Sed quædam ex dictis rara aut novitia, lubet addere inter vetera de Doliis, Cylindris, aliisque talibus, quæ oppugnati & in homines, & in machinas usurpabant. [a] Dolia saxis farcire solebant, & sic cum pondere & impetu immittere, præsertim per declive. Sic molis & columnarum fragmentis pugnatores obruebant. Item de ligno (b) Crates fecerunt, quas *Metellas* vocaverunt, lapidibusque complerunt, ea arte inter bina propugnacula constituta, ut si per scalias ascendisset hostis, & partem aliquam ipsius contigisset, supra caput suum vergerent saxa. Rotas (c) quoque de lignis viridibus ingentissimas demittebant per præceps, non solum ut obruerent subeuntes, sed etiam machinamenta confringerent. Inter cistos etiam ex validissimis arboribus (d) Cylindros (quos *Taleas* vocant) ut essent volubiles, lævigabant, qui per pronum labentes prosternebant bellatores. Præterea axe vinctæ trabes per pronum incitabantur, axibusque eminebant, in modum Eriicii militaris, veruta binum pedum.

Est

[a] *Dolia cum lapidibus.* (b) *Crates.* (c) *Rota.* (d) *Cylindri.*

Est enim [a] *Ericius militaris* nil aliud, quam transversariæ ad portas trabes, aculeis confixæ, eæque versatiles: quarum & hodie usus manet. (b) Currus etiam quadrirotos ponderibus onustos deiciebant. Item lapides (c) molares: qui non tam grandes, ut nostri, ut nec ipsæ molæ, quæ manuariæ tantum; & a servis volvendæ. Itaque crebræ eæ, & fere domesticatim erant. Nostros enim molares quæ brachia, immo qui vestes subito movissent?

Contra Machinas ligneas.

In omnes Machinas e ligno duo tela valuerunt, *Saxa & Ignes*: in Vineas dico, Pluteos, Musculos, Turres, & si quid tale. De Saxis aut ponderibus dictum jam satis. Ignes restant: ii varii.

Fuere [d] *Faces*, communes illæ e picea, larice, abiete, & quibus in usum luminis domi etiam usi; etsi hæ paulo robustiores aut grandiores. Has manu jaciebant & destinabant in machinas propinquas: sed & iis pugnant.

Aliæ magis sepositæ & militares, quas

L 3

(a) *Ericius militaris*. (b) *Currus*.
(c) *Molares*. (d) *Faces*.

quas (a) *Malleolos* dicebant. Id quoque duplex genus: [b] *Simplices* & rudes; atque hi non aliud videntur, quam manipulus aut collectio sparithæa, ligata in medio forma quadam mallei, & pice aut sulphure illita, sic projecta. At (c) *aliud genus*, magis efficax & militare, quod teli in morem formatur & aptatur. Id Ammianus ex professo describit: *Malleoli*, teli genus, figurantur hac specie (d) *Sagitta est cannea*, inter spiculum & arundinem multifido ferro coagmentata, quod in muliebris coli formam, qua nentur stamina, concavatur, ventre subtiliter & plurisariam patens, atque in alveo ipso ignem cum aliquo suscipit alimento. (Lino aut stappa, continendis alimentis illis ignis) Et sic emissa lentius invalido arcu (jactu enim rapidiore exstinguitur) si haerit usquam, tenaciter cremat, aquisque conspersa, acriores excitat aestus incendiorum, nec remedio ullo, quam suprajecto pulvere consopitur.

Malleolis addident σιδήρεα σπινθήρεα αἰχμήρα, *ferramenta minuta scintillantia*. Item φλογερά σιδήρεα, *ignita ferramen-*

(a) *Malleoli*. (b) *Simplices*.
(c) *Efficaciores*. (d) *Malleoli quid.*

ramenta, quæ non proprie *Malleoli*, sed (a) *hami* quidam aut *unci ferrei*, sive *murices*, qui toti igniti ad incendium adfigerentur.

Hastæ ardentes tormentis adigebantur, quæ proprie *Falaricæ* dictæ, quas describit *Livius*: (b) *Falarica* erat *missile telum*, *hastili oblongo*, & *cætera tereti*, præterquam ad extremum, unde ferrum exstabat: id sicut in pilo quadratum *stuppa circumligabant*, *liniebantque pice*. Ferrum autem tres in longum pedes habebat, ut cum armis transfigere corpus posset. Solebat e locis editis turribusque mitti, quas *prisci Falas* dicebant: atque inde *Falaricæ* nomen, ut *Grammatici* volunt. E ballista has *Falaricas* & *Malleolos* jaculabantur.

Contra Aggeres.

In oppugnatione diuturna considero primum *Aggeres*, qui everfi aut consumpti dupliciter: *Cuniculo*, aut *Igne*. [c] Illo, cum ex urbe duxisset, terram ad se introrsus idemtidem subtrahebant; cum foris assidue injicientes, minus tamen attollerent; subducto scilicet inferius aggere, & in locum vacuefactum assidue subsi-

L 4 den-

[a] *Unci ardentes*. [b] *Falarica* quid: [c] *Aggeres destructi Cuniculo*.

dente. (a) Nec subtrahebant solum Cuniculo, sed & incendebant supposito igne. Sed alia item ratio & magis exposita destruendi per ignes: cum scilicet faces, malleolos, aliaque ad inflammandum, aut jacerent eminus, aut ipsi in aggerem inferrent.

Sed est (b) & tertium subsidium in Aggeres, molem & velut aggerem alium opponere in ipsis muris. Nostri mechanici æmulantur, & est res quotidiana hodie in defensione. Sed & Corbes (c) terra aut arena repletos, & in fastigium sic exstructos invenias; quod haud longe abit a Sportis aut Gabionibus nostris, immo iis dedit exemplum.

Contra Turres.

In *Turres* præcipuum telum (d) Ignes; sed & (e) saxa e catapultis, quibus perfringebant. Utrumque hoc satis innotuit e prædictis. Sed & tertia repugnatio: Afferes aut (f) trabes advenientibus incussa, atque ita impetu evertabant aut frangebant. Muros quoque ea parte, ad quam turris admota, attollebant & augebant.

(a) *Ignes.* (b) *Alio aggere.* (c) *Corbis arena repletis.* (d) *Ignes* (e) *Saxa.* (f) *Trabes.*

bant. (a) Alias etiam turres struebant ad opponendum illis.

Contra Arietem.

Aries violentissimus machinarum, & maxime terribilis, eoque plura in eum adinventum. *Primum* remedium. (b) Centones & culcitæ paleis plenæ, quas demittebant funibus in eam partem, qua impetus Arietis ferebatur, ut hoc modo & aberrare facerent istum; aut si excepisset, vanus redderetur, mollitie & laxitate fractus.

Secundum. (c) Laqueis excipiebant frontem prominentem Arietis, & sursum trahebant, in obliquum, & cum ipsis testudinibus evertebant. Sed & laqueis *Falces* murales soliti avertere. Falces scilicet illas, quæ lapides e muris extrahunt, & vicem ac vim penè Arietis habent; non illas, quibus pinnas detergebant, quibus navium funes abscindebant, atque talia patrabant.

Tertium. In modum forficis dentatum funibus illigabant ferrum, quem [d] *Lupum* vocabant, apprehensumque Arietem aut avertunt, aut ita

L 5 su-

[a] *Turres aliæ.* (b) *Primum remedium.* Centones. [c] 2. *Laquei.* (d) 3. *Lupus.*

suspendunt, ut impetum non habeat feriendi. Hunc Lupum alii *νόπαρα*, si-
ve *Corvum* appellant.

Quartum. (a) Ponderibus grandi-
bus superne incussis aut injectis Arie-
tem deprimebant, aut frangebant.
Item Tollenonibus libramenta plum-
bi aut saxorum, stipitesque robustos
incutiebant. Nam magnas trabes ada-
ptantes longis catenis, a capitibus
utrimque suspenderant ad duas anten-
nas, super muros inclinatas & exten-
sas. Has trabes sursum trahebant,
attollebantque obliquas, & quoties in-
vasura machina esset, ictumque datur-
a, trabem dimittebant, laxatis cate-
nis, manuque remissa: atque is impe-
tus decutiebat caput Arietis. Et plum-
bum ipsum in trabium formam factum,
& in massam longiusculam productum,
ut certius feriret.

Quod si tanta vis fuerit, ut murus
Arietibus perforaretur, & decideret,
una salutis spes supererat, ut destru-
ctis domibus (b) alius intrinsecus mu-
rus adderetur, hostesque inter binos
parietes, si penetrare tentaverint,
perimerentur. Hoc remedium hodie
quoque receptum contra demolitoria

no-

(a) 4. *Pondera*. (b) 5. *Murus*
alius.

nostra tormenta: immo ut nos lunari fere forma tum ducimus, sic illi.

Contra Ballistas, & Catapultas.

Ballistis, Catapultis, & toti generi levium telorum unicū fere obstaculum & oppositio, [a] Coria, Cilicia, Vela. His enim vim excipiebant & frangebant, molliter ita suspensis: immo & ignita jacula repellabant. In urbe, extra urbem utebantur, quia utrimque scilicet periculum & metus ab istis. Tegumenta & vela e caprillis pilis, (b) *Cilicia* vocabant. Ea iusta & sufficienti crassitie ac longitudine suspendebant e proceris lignis, & ante se prætendebant. Ita nec ignita jacula, nec alia tela eos attingere poterant, sed in ipsis ibi tegumentis sisteabant, & hærebant. Sed & in alio opere usurpabant; tum ne conspici ab hoste possent; tum ut & tela sic eludi. Commodum inventum, & a nostra hodie militia non alienum. Immo vero sisteabant etiam lapides Ballistarum. (c) *Aqua* quoque centones aut cilicia, aut coria humectabant, contra ignes aut ignita, quo minus corriperent, aut corrumperentur. Et proprie huic rei acetum habebant. Legimus, culcitas

341

L 6

pa-

(a) *Coria.* (b) *Cilicia* (c) *Aqua.*

paleis (a) aceto maceratis aut humidis farctas, & in ignes oppositas; quod e lana nostros hodieque facere accepi in tormenta.

Contra *Catapultas* proprie, habebant (b) rotas marmoreas quasdam oppositas, crebris intervallis aut septis distinctas. Has per machinam quamdam in orbem volvebant, & alia telorum frangebant, alia avertebant, omnia resolvebant.

DE

(a) *Palea*. [b] *Rota*.

D E

AMPHITHEATRO

LIBER.

Locum spectaculi & ludicræ voluptatis, quem hodie *Colisseum* dicunt, quia *Neronis* cum capite *Colossus* in vicinia; prisci tribus nominibus appellabant: [a] *Amphitheatrum*, & sæpe *Caveam*, sæpe *Arenam*. [b] *Amphitheatrum* Græca voce ideo, quia gradus circum undique, & sedilia continenter disposita ambibant in orbem. At (c) *Cavea* Latinis, ab interiore hac parte, quæ concava, & capaci quodam profundo. Quod nomen quidem apud antiquos (libera rep. dico) in Theatris fere hæsit; sed sub Principibus, cum gratia & usus Amphitheatrorum increbuisse, bono jure migravit ad ista.

Sed & (d) *Arenam* dixere vulgo, scilicet quia is locus defabulari solet & arena sterni in usum pugnæ. Nam
 fi

(a) *Nomina*. (b) *Amphitheatrum*.
 (c) *Cavea*. (d) *Arena*.

si lapide aut ruderato, in tam crebra effusione sanguinis, lubrico statim pavimento, quæ ratio standi aut cerandi? (a) Arenam igitur injecere, quæ bibula: & quam ipsam per intervalla ludorum renovare, & velut inarare soliti per pueros quosdã, non sine lusus specie. [b] Vulgaris arena insternebatur; nisi quod quidam rasuram lapidis albi destinarunt etiam huic rei, quæ sita gratia candoris. At Principes interdum arenæ loco instravere minium aut chrysocollam. Sed hæc monstrorum aliquot dementia, quibus satis non fuit ostentare opes suas in spectaculis. Voluerunt etiam calcare. Cæterum Editorum vulgus contenti arena: inde ea vox passim pro certamine amphitheatrali, proque ipso loco. Ab hac stirpe [c] *Arenarii*, qui in arena depugnant.

(*Dii, quibus Amphitheatra sacra.*

Dedicabant in primis locum & ludum hunc (d) *Dianæ*, *Tauricæ* sive *Scythicæ*: nec ab alia causa *Dianam* pro ipsa venatione amphitheatrali posuit *Martialis*. Sed & [e] *Jovi* sacrabant, sive *Latiari*, sive *Stygio*.

Et

(a) *Cur arena instrata.* (b) *Qualis.* (c) *Arenarii.* (d) *Dianæ.*
(e) *Jovi.*

Et aram immo (a) Ditis in Amphitheatro positam, quæ sanguine hoc perfusa, videtur agnoscere Prudentius. Quinimmo ex Minutio colligas, solemne quoddam ibi hominis sacrificium fuisse, velut ad committendos ludos: mactatio horrida, nec Romanorum cultui digna. Præter hos Deos, (b) Saturnus etiam in partem venit hujus tutelæ.

Origo Amphitheatrorum.

Nata [c] Amphitheatra haud diu ante tempora reip. desidentis. & quidem temporanea primum, & e ligno. Ita Curionem [illum Tribunicium, qui tuba belli civilis] (d) ligneam molem exstruxisse, quæ diducta duo theatra redderet; iterumque Amphitheatrum unum conductâ, refert Plinius. Et in Dione legitur, Theatrum quoddam e ligno exstructum corruisse cum multorum clade. Sane valde recepta & crebra theatra hæc lignea. Et Cæsar ipse Julius, jam Dictator Amphitheatrum ligneum exstruxit in campo Martis.

At sub Augusto, (e) & venatio valde jam increbuit, & increvit ejus digni-

(a) Diti. (b) Saturno. (c) Amphitheatra. (d) Prima lignea.
(e) Sub Augusto primum lapideum.

dignitas. Sive una cum opibus auge-
 scente luxu : sive potius , quia ipse
 Princeps valde in hunc ludum pro-
 nus. Itaque statim venationi tunc re-
 perta propria & mansura domus ; Am-
 phitheatrum exstructum e lapide , Au-
 gusti suasu , Statilii Tauri opibus &
 sumptu , in campo Martio , Anno
 urbis 725. Hoc solum primumque la-
 pideum Amphitheatrum Romæ fuit ad
 tempora Vespasiani .

Illud ergo in multa fama & usu,
 donec (*a*) ambustum sub Nerone . Et
 quamquam restitutum postea , tamen
 quia incendio illo informius redditum
 & infirmius , occasio data Vespasiano
 & cupiditas struendi novi . Struxit ,
 & quidem in media Urbe ; hoc ip-
 sum , cujus semiruta moles adhuc Ro-
 mæ visitur , & quod jure miremur in-
 juriis restitisse tot annorum , tot bel-
 lorum .

Struxit autem Vespasianus in Con-
 sulatu suo octavo , id est , vix bien-
 nio ante vitæ finem : (*b*) Itaque cœ-
 pit opus ipse , non absolvit ; struxit ,
 non exstruxit . At Titus filius sum-
 mam manum imposuit , idemque de-
 dicavit . Duorum ergo Principum opus :
 et si

-
- (*a*) *Id ambustum , & restauratum .*
 (*b*) *Amphitheatrum Titi structum .*

etsi fama & vulgus Tito magis adjudicavit; sive favore quodam in illum, sive potius ex Romano ritu, quo receptum, opera censeretur a dedicante. Atque hi duo soli Principes fecere, alii refecere, cum casu aliquo læsum, aut igne. Inter eos M. Antonius Pius. Item Heliogabalus. Denique Senatus ipse eam tuitionem suscepit sub Gordianis. Ita multorum cura, & Genio quodam Perennitatis pervenire tanta machina potuit ad hoc ævi.

Amplitudo Amphitheatri Titi.

Altitudo (a) Amphitheatri Titiani nunc quoque miranda est, etsi multum a vertice ejus corruit, multum a pedibus subsedit. Nam mole & ævo magna hæc pondera clare desident, terra cedente: adde aggestum ruinarum. Ammianus de altitudine ea scribit tantam fuisse, ut ad ejus summum tatem ægre visio humana conscenderet.

De ejusdem capacitate (b) P. Victor asserit, cepisse loca 87000. Et de gradibus tantum intelligit; in quorum pulvillis sederunt commode 87000. hominum: at in ambitu illo superiore, & circumjectis porticum aulis non minus item spectarunt, quam de-

na

(a) *Altitudo.* [b] *Capacitas.*

na aut duodena millia, sive stantes, sive in allatis cathedris sedentes.

De forma Amphitheatri.

Arenæ sive Caveæ totius forma non rotunda & orbicularis prorsum est, (a) sed porrecta magis paulum, & oblonga: quia Amphitheatrum junctum & factum ex duobus Theatris, rejecta scena. Ex integro enim circuli ambitu quartam partem si abscindis, quod majus ejus reliquum est, scito Theatrum fuisse: atqui ex iis duo si jungis (ita tamen, ut flexas lineas circa abscissionem dirigas, vel potius extra leviter flectas) Amphitheatrum habebis. Ovo aptissime comparatur; item Valli, quæ cincta undique supino monte.

Area erat pura, sine substructionibus aut ædificiis, (b) libera tota ad cursum ferarum & ad pugnam; nisi quod in ea alibi ara fuit e lapide: illa, dico, cruda ara, quæ sacra Jovi Latari.

De Cloacis, Specubus, & Caveis.

Sub ipsa area Cloacæ, (c) forsan ad exsurgendum educendumque humorem illum stagnorum (Nam in stagnis Neronis structum Amphitheatrum)

(a) *Forma ovalis.* [b] *Area libera.* (c) *Specuum usus.*

trum) structæ: an potius fuerunt cameræ quædam & specus subterranei, ad custodiam & receptum ferarum & siue etiam ad usum aquarum, quas in Arenam occulte & subito inducebant atque educebant ad Naumachias? Certe cum ferina magna vis quotidie in Amphitheatrum induceretur, credendum est, partim subterraneos hos cavos fuisse, in quibus recondentur sub ipsos ludos; partim depositas eas in caveis sub interiore porticu, e qua portulæ & aditus plures pertinent in Arenam. Ibi ergo caveæ ferreæ exstructæ, per quas bestię intromittebantur in Arenam. In his caveis erant portæ, (*Ostia* vocat Varro, Vopiscus, *Aditus*) ex quibus cum impetu quodam emittebantur in Arenam feræ: iterumque in caveas immittebantur post pugnam.

Habebant (a) & caveas itinerarias, in quibus feræ clausæ & transvectæ: quæ potuere forsan in his specubus & fornicibus deponi. Hæ autem caveæ ex argento & auro, per splendoris speciem, sæpe factæ.

De vario Arenæ ornatu.

Hæc fuit solens & vulgata Arenæ facies: cui comptus aliquis novitius sæpe

[a] Caveæ itinerariæ.

sæpe additus, & colorum quiddam fuci. Varia enim quotidie ab ambitiosis Editoribus excogitabantur, ut studia spectantium allicerent lenocinio quodam novitatis. Ita fuere, qui arboribus hoc planum conferrent, (a) & Arenam totam verterent in silvam: scilicet ut vivam imaginem exhiberent veræ germanæque venationis. Arbores validæ per milites radicitus vulsæ, connexis longe lateque trabibus adfixæ erant, terra deinde superjecta, totusque Circus ad silvæ consitus speciem, gratiam novi viroris obtulit. Æmulati sunt hoc idem in provinciis.

Neque in solo solum hæc variatio, sed in oaveis ipsis; quarum loco invenerunt (b) antra quædam cocuntia & decuntia, quæ velut e terra emitterent subito feras. Quæ ipsa decora fuisse fatendum est, & blandientia sensibus imitatione quadam Naturæ.

At illud fuit improbi acuminis, [c] quod navim ædificare solerent grandem aliquam in ipsa Arena, quæ solutilis esset, & subito luxata emitteret omne genus ferarum pro arbitrio magistri temperantis. Ea enim occul-

te

[a] *Arena in silvam mutata.*

(b) *Antra.* [c] *Naves in Arena.*

te soluta exsiliabant ursi, leæ, patnheræ, leones, struthiones, onagri, bisones: ita ut septingentas feras aut pecudes simul & currere liceret cernere, & occidi.

Nec naves solum ejusmodi inducere in Theatra, sed quod magis admirere, quodammodo (a) mare ipsum. Reperti enim, qui totum locum, per occultos quosdam ductus & meatus, subito aqua replerent; & pro terrestribus feris, monstra maris ostenderent, & classes, & navalem pugnam.

De Podio.

Post Arenam murus occurrit, qui Podium sustinet, quique claudit & ambit infimum solum. Dicitur enim (b) *Podium* projectura quæ in summo muro, quæ paulum provehitur & propendet instar pedis: Unde & nomen. Mænianorum ea quædam species est, facta in theatris, templis, ædibus, ad circummeundum, innitendum, spectandum. Ergo Podium est muri pars projectior & prominentior, ante imum spectaculorum gradum; cui columnæ impositæ cum epistyliis ad ornatum, sive (cum liberet) ad inni-

[a] *Mare in Arena.* (b) *Podium quid.*

innixum. In Podiis istis victoriolæ etiam reponi solebant.

Ad hoc (a) Podium spectare soliti primi e Senatu. Nam cum Orchestra plurium graduum esset, dignissimus habitus ille imus, qui Podio proximus & Arenæ; quippe ex quo facilissima spectatio. Inter ipsum Podium & gradus spatii aliquid vacuum fuit latioris, in quo spectare soliti honorati; idque proprie, *Ad podium spectare*. Quidam enim sellis curulibus spectarunt. Et eadem sellæ honoris causa positæ absentibus, sive etiam mortuis. Consules Prætores, aliique quibus id jus, in curulibus suis ad Podium sic sederunt, cum lictoribus, viatoribus, & magistratus sui pompa.

Nec magistratus solum ad hoc Podium spectavit, sed & ipse (b) Princeps, cui tamen eminentior quidam suggestus exstructus, & velut sua domus. Origo rei a Julio Cæsare, qui inter alios honores, quos nimios recepit, admisit statuam inter Reges, suggestum in Orchestra. Secuti Principes id tenuere. Suggestus ille rectus & inædificatus fuit ad modici cubi-
culi

(a) *Locus ibi honorationum.*

(b) *Locus Principis.*

culi formam: cui proprium etiam suum podium, quod ostiis quibusdam sive fenestris Arenam versus aperiretur.

Sed præter hunc suggestum, ad Podium etiam tribunal (a) Editoris fuit. Cum enim aliis honoribus, ut lictoribus & veste prætexta, insignes voluerint eos esse, qui ludos exhiberent; tum etiam altiori hac sede, in qua præsiderent. Quod vero ad Podium ea sedes, cum ratio evincit, tum Svetonius, qui ex adversum collocat Vestales; cæ autem ad Podium.

Hujus Podii murus, qui Arenam dividebat, [b] non minus olim altitudinis habuit, cum hoc Podio, duodenos quindenosque pedes. Hunc ergo nulla fera poterat transilire. Et tamen contra inopinatos quoque casus a catiis illis provide provisum: (c) nam primum retia valida, nodosa, in orbem undique Podium cingebant, quorum raritas scilicet non impediabat aspectum. Et interdum retia illa per luxum inaurata. Nec retia solum, (d) sed versatiles quidam trunci apppositi muro & Podio, contra scansionem omnem ferarum & insultum;

(a) Editoris tribunal. (b) Podii altitudo. (c) Retia obtenta. (d) Ligna versatilia.

tum ; siquidem ligna illa transversa & versatilia objecta fuerunt muro quæ feras, dum enituntur, fallerent, insilientium impetum frangerent, & vertendo excuterent. Contra elephantēs & immanes illas feras alia arma parata ; (a) nam aut clathris ferreis Arenam totam circumdabant ; aut, quod certius, euripis : Valde enim id genus metuens aquæ.

De Gradibus.

Gradum promoveo ad Gradus, & ad hos Subselliorum, ut sic dicam, (b) colles. Non male colles, quia revera per declive jacentium ea forma. Sed ut tota hæc sedendi spectandique ratio subtili quadam Minerva intelligatur, non crassa, opus hoc omne spatium distingui per partes : quæ erunt istæ. (c) 1. Gradus. 2. *Præcinctiones*. 3. *Aditus*. 4. *Via*. 5. *Cunei*. 6. *Cathedræ*. 7. *Porticus*

1. Gradus. (d) sunt ea ipsa loca, in quibus sedebant. Sic dicti in Amphitheatris, quia ad formam scalarium graduum alii alios consequuntur. Alti erant pede uno & palmo, sive palmis 5. Palmus enim 4. digitos

[a] Clathri ferrei. (b) Gradus cli-
vosi. (c) Graduum partes. [d] Gra-
dus quid.

tos continet, Pes 4. palmos. Quamvis ista altitudo non convenit gradibus Amphitheatri Veronensis. Latitudo pedes duo & semis. (a) Hanc enim latitudinem exigebat in contextu graduum ratio sedendi. Pedes enim eorum, qui in superiore gradu spectant, innixi inferiori gradui proximo: qui ne læderent sedentes alios, neve ipsi læderentur, opus habuere aliqua laxitate. Fortasse etiam ad pone transeundum, si qui surgerent, aut sedentibus jam alijs intrarent.

Gradus (b) autem isti e lapide. Unde scitum illud Aristippi: Cui bono eruditio? *Huic saltem*, inquit, *ne in Theatro lapis sedeat super lapidem*. Quamquam & sæpe ex ligno. Sero repertum, ut pulvilli iosternerentur Senatui, ne nudis asseribus insiderent: idque primus Caligula instituit. Postea id etiam equiti concessum.

2. De Præcinctionibus.

Præcinctiones (c) non sunt aliud, quam graduum intervalla & divisiones quædam in orbem. Videntur autem sive ad Vomitoria & ipsos Aditus, sive in discriminibus Orchestræ,

M

Eque-

[a] Cur latiores. (b) Gradus lapidei. (c) Præcinctiones quid.

Equëstrium, Popularium, gradus quosdam latiores altioresque struxisse, qui reliquos minores velut præcingerent & complecterentur. Unde & nomen. Vocatur id alio nomine (a) *Baltheus*, a pari causa; quia velut cingulum quoddam latum fuit. Eaque re Zodiaci zona etiam *Baltheus* a Manilio vocatur. *Diazomata* item, Græcanica voce, commode appellat Vitruvius. Apparent autem clarissime Præcinctiones istæ in Theatris: observavit Torellus in illo Veronensi, gradum esse circa medium, qui duos pedes & uncias 6. altus, cum reliqui tantum pedem & uncias duas.

3. *De Aditibus.*

Aditus (b) sunt portæ quædam siue ostia in ipsa gradatione, per quæ ab exterioribus porticibus venit & descenditur in ipsas sedes. *Vomitoria* appellat Macrobius, voce vulgi; quod homines inde glomeratim ingredientes in sedilia se fundant.

4. *De Viis.*

Via inter gradus duum generum: (c) *Alie*, quæ ad cardines siue limites Baltheorum in circuitu: *Itinera præcinctionum* vocat Vitruvius: *Alie*, quæ

[a] *Baltheus*. [b] *Aditus* quid.
[c] *Via* duplices.

quæ a Vomitoriis illis in descensu aut ascensu inter Cuneos, proprie *Scalaria* dicta. In his Viis, qui locum non habebant, quique (ut suo verbo dicam) excuneati erant, spectabant stantes. Latitudo Itineris ad Balthem non minus trium quatuorve pedum. Gradus autem Viarum humiliores aliis sedentariis parte dimidia.

Canaliculæ (a) quædam & derivationes aquarum ad oram extremam graduum fuerunt, qua Scalaria incipiebant; & usum habuerunt sive aquæ cælestis derivandæ, sive potius humanæ. Nam cum dies totos in spectaculis perfederent, quin urina reddenda fuerit, non ambigendum, eique usui hi incisî canales tributî. Nam ad pluviam, omnes gradus leviter penduli & proclives fuerunt.

5. De Cuneis.

Cunei (b) jam (Alexis *νεονίδας* dixit) inter has vias mediî. Quidquid enim sedilium dividitur præcinctio-
num Itineribus, & secatur laterali-
bus viis, in hoc nomen id venit. Nomen datum a forma, quia re ipsa
scalarum directio talis, ut ab imo
ordiens magis divideretur in altum,

M 2

red-

[a] Canaliculi & eorum usus.

[b] Cunei.

redderetque cunei formam. [a] Viæ istæ scalares non ab imo ad summum recta & sine intercissione iverunt; sed contra, dirigebantur salte ab ima Orchestra ad primam præcinctionem, ibi desinebant, & alternis aliæ incipiebant, cum Cuneorum nova variatione. Apparet hoc clarissime in Veronensi. Ita si triplex præcinctio, triplex etiam ordo & discrimen Cuneorum. Nec absurde fortasse senserit, qui Cuneos & præcinctiones finiat ac discriminet limitibus Orchestra, Equestrium, Popularem. Inde est, *Theatrum cuneatum*. Inde *Excuneandi* verbum, id est, ejiciendi & velut extra cuneum excludendi, usurpatum Apulejo.

Hi (b) Cunei certi certis assignati. Cuneos autem etiam Equitum & Senatorum fuisse, clare docet Svetonius. Et Virgilius plebis item ac Patrum agnoscit.

6. De Cathedra.

Cathedra (c) vocatur ipse in amfractu ad confessum situs; id est, superus locus, ubi clivi subselliorum desinunt, & murus incipit, qui porticum facit, clivosque illos velut frangit.
Nam

[a] Cuneorum ratio. [b] Cunei certi certis. (c) Cathedra.

Nam plani aliquid spatii ibi fuisse videtur, unde cathedris positos spectarent. Et sane de sellis allatis & illatis quidam suadent: & foeminae & pullati non nisi ex superiore loco spectabant, ex Augusti decreto.

7. *De Porticibus.*

Porticus (a) superiores, e quibus tenuiores spectabant, pars est summa, sive summus fornix Theatri. Dio vocat ἀψίδα δαίρps. Nec male: quia porticus illae arcuato opere tectae, ideo *Cameras* vocat Tertullianus.

De Ordine in sedendo.

Populi Romani prisca divisio in Senatum, Equitem, Plebem. His discreta in spectaculis sua loca & gradus. In Theatris quidem jam olim lege Roscia, at non ita diu in Circo & Amphitheatris: promiscue enim ibi spectabant, & quovis loco libere, quamdiu libertas Romae. At id mutatum sub Principibus, & discrimina dignitatum facta, bono jure. (b) Senatui in Amphitheatris sua sedes fuit, sua Equiti, sua Plebi: Illam, *Orchestram* dixere; alteram, *Equestria*; tertiam, *Popularia*.

M 3 Or-

(a) *Porticus.* (b) *Tribus ordinibus suae sedes.*

Orchestra (a) vox nata in scena & pulpito, transiit communi abusu quodam ad alios etiam ludos. Sedes illi inter gradus imos: Is enim locus quia Scenæ & Arenæ proximus, ideoque oculis auribusque expositus, optimus habitus spectationi, sive auditioni. Magnitudo ejus in gradibus 4. aut 5. aut fortasse pluribus, ut etiam Sacerdotibus ibi locus, & sociarum gentium Legatis.

Equestris (b) lege veteri 14. gradus tenere. Itaque passim legitur *Sedere in quatuordecim*, & pro ipsa equestri dignitate. Ut autem numerus idem sub Principibus fuerit, aucto immaniter numero Equitum, non hercle videtur probabile. Tribuni quoque inter Equites spectarunt, militares in primis, quia adnexum hoc Tribunicia illi dignitati. Et quidem hi Tribuni in gradibus primis spectabant: fortasse & alii, qui vario agnomine sub Principibus nati.

Popularia (c) sunt loco tertio. Et quamvis *Populi* vox communis est tribus ordinibus; hic tamen pro una ejus & uberiore parte capitur, pro Plebe sola. Popularibus autem attributi

(a) *Orchestra*. (b) *Equestris*.
c) *Popularia*.

buti reliqui omnes gradus, id est, cavea media & summa; nam ima Senatui & Equiti vacabat. Itaque propter granditatem discrimen aliquod in ipsis popularibus: & pro varia conditione plebis, varii adfessus. Quosdam, immo plerosque Svetonius expressit in Augusto: (a) *Milem se crevit a populo, maritis e plebe proprios ordines adsignavit; Prætextatis cuneum suum, & proximum Pedagogy*. Pullati ex loco superiore spectarunt, ut & scæminæ. Hinc *Verba ad summam caveam spectantia*, sunt vilia & ad gustum minutæ plebis.

Hos limites, & hunc ordinem migrabat & [b] miscebat sæpe Quiritium turbida plebs. Avidi enim multi ludorum, & exclusionis metuentes, loca de multa nocte occupabant, & inhærebant ut suis. Idque proprio verbo vulgo notabant *Occupare*. Interdum loca [c] pretio aliquo distributa, quod receptum in servis. Et Græci pretium hoc *ὀπρῖα* appellasse videntur, τὰ ὑπὲρ τῶν ἰδίων δῶρα, *dona videndi causa*. Nec in servis hoc tantum, sed receptum etiam in

M. 4. aliis.

[a] Ordo quidam in plebe. (b) Confusi sæpe loci. (c) Pretio distributi.

aliis e plebe, qui Locariis nescio quid pro sedibus pendebant. Appellat autem Martialis [a] *Locarios*, qui loca designabant, homines locabant, disponebantque, alio nomine *Designatores*. His lictores attributi: ut enim in funere publico lictores comitabantur *Designatores*, severioris imperii causa & ordinis servandi, sic in Theatris. Non quod proprii *Designatorum* ulli apparitores [viles enim ipsi olim], & fortasse inter libertinos, sed accipiebant a domino funeris & Editore ludorum. Horum tamen dignitas sub Principibus aucta, & non pro modico beneficio dabatur. Horum manus, ordinibus sua loca adnotare, pellere occupatores ab alienis. Et id dicebant theatriali verbo, *Excitare* aut *Suscitare*. Labente ævo, præter *Designatores*, fuere & digniore quodam nomine Tribuni, qui electi ad moderandas & temperandas ludicras populi voluptates. Ii dicti *Tribuni voluptatum*.

De Fistulis Amphitheatralibus.

Tubi [b] sive *Fistulæ* in imo & summo Amphitheatro erant dispositæ, ea arte & fine, ut odoratum quem-

(a) *Locarii* qui. (b) *Tubi* pro aspersione.

quemdam humorem ejacularentur leviter & inspergerent in sedentes. Is humor e croco plerumque qui e fistulis illis per minuta quædam foramina stillabat in modum imbris. Unde Antonius Musa apud Senecam has sparsiones *odoratos imbres* vocavit. Martialis *Nimbos*. Proprie autem vocabant illum rorem ingeniosum *Spar-siones*: & *Spargendi* verbo in hac re usi.

Nec e fistulis solum hic imber, sed scito magis invento [a] e statuis expressus, velut humanus quidam sudor. Et ex Theatri Marcelli configuratione conspicuum, in media & summa præcinctione statuas plures fuisse, partim ad ornatum, partim ad hunc usum. Eas autem scire licet concavas fuisse, & per immixtas fistulas ferreas sive æneas [quas grandes fuisse suspicamur, & alias minores, quæ ab illis diffusæ per membra] minutis foraminibus, velut per poros & membra expressum hunc humorem; non sine, præsentis quidem auxilio & manu ministrorum, qui in parte inferna stabant.

Sed [b] sparsio hæc non fuit cro-

M 5

cus

(a) *Aspersiones ex statuis*. (b) *Crocus quomodo sparsus*.

cus merus aut aridus, sed vino dilutus: mixtus videlicet tritusque flos is herbæ cum vino fuit, quod colorem deinde assumeret & odorem. Hinc *Liquidum Crocum* Ovidius dixit. Et fluebat per gradus. Balsamo, etiam usi, etsi minus id crebrum. At de croco in omnibus spectaculis protritum; etiam Scenicis. Ideoque *solemnes crocos* Propertius agnominavit. Adeo ut etiam supinorum hominum deliciis e Theatris in convivia sparsiones migrarint, & eadem illa arte unguentis perfusi convivæ.

De Velis Amphitheatrorum.

Tegmen (a) etiam in Amphitheatro fuit, quod superduci solebat arcendo æstui ac Soli. Tegmen hoc e velis. Primus inventor rei Q. Catulus: aut certe jam inventæ primus Romæ imitator. Ejus ritus vestigia in ipsis Amphitheatris, ubi foramina in summis lapidibus ad funes velorum illigandos: ut in Nemausensi illo clare; & in summo Romano quædam grandiora, per quæ conjicitur trajici & in altum dirigi antennas solitas, velorum funes sustinentes. At ipsæ deinde antennæ sive mali, per foramina ea immissæ & demissæ multus

(a) *Amphitheatra recta.*

tulis quibusdam excipiebantur, firmitatis causa. Ad antennas autem subreptas, funes transversim ligati & extensi, super quos ducta vela. Hinc dicunt *Vela ducere & reducere*: & *Velorum inductiones*. Huic muneri præpositi milites e classe: scilicet quia maritimi illi, jure periti tractandorum velorum.

Vela (a) illa varie colorata fuisse, ad ornatum, Lucretius ostendit. Et Carbasina vela Plinius nominat, cum auctore Lentulo Spinthere. Cæsar Dictator vela serica suspendit. Jam Nero purpurea etiam vela induxit, stellis aureis vare interstincta.

Hæc ipsa vela Juvenalis dicere videtur (b) *Velaria*. *Velarii*, qui præpositi velis in aula ducendis. Sed Theatrica hæc vela non semper extensa, quia sæpe id impediabat ventus. Nec mirum, in tam laxo & capaci circo.

De Pilleo & Umbella.

Ne autem indefensi a Sole spectarent, cum vela non superducerentur, duplex iis tegmen, sive *Pillei*, sive *Umbella*.

M 6

Pi-

(a) *Vela colorata*, (b) *Velaria*.

Pilleis (a) quidem usi Theſſalicis, qui fere idem cum Petaſo. Uſi & Gauſapis & Cauſia loco illius pillei. Ad hunc uſum interdum pillei in Theatris ab Editoribus dati, ſive birri.

Umbella (b) autem, a facienda umbra dicta, non aliud fuit tegmen, quam quo hodie in Italia paſſim ſupra caput ſuſpenſo utuntur per viam, & in æſtu. E linteo formant, inſtar obtuſæ & brevioris metæ, quod orbiculata virga extenſum, baculo ſuſtinent ſupra caput erectum. (c) Hanc, puto, colorabant, pro favore cujuſque in hanc illamve Circi factionem, Præſinam, Venetam, &c. Umbellam Græci vocant *ομβρική*. Hinc & *Umbellati clavi*, apud priſcos Architectos, qui capite paulatim inſtar turbinis latiore: itemque *Umbellati flores* ſœniculi, aniſi, ſambuci, apud hortenſes ſcriptores.

De Spoliario.

Spoliarium (d) non erat in ipſis Amphitheatris, ſed juxta ipſa: & videtur e regione ad alteram illam portam fuiſſe, quæ Libitinenſis. Nam

Spo-

(a) *Pilleis uſi.* (b) *Umbella.*
 (c) *Umbella colorata.* (d) *Spoliarium ubi.*

Spoliarium, quod receptaculum mortuorum aut graviter in Arena læsorum, jure constituitur juxta mortualem istam portam. Enimvero solent gladiatores occisi turpiter unco per Arenam trahi in Spoliarium.

De Gradibus interioribus.

Erant (a) & gradus interiores intra porticus, per quos ad spectacula ascensus: hi ita flexi & dispositi apte, ut quantumvis conferta multitudo, statim ingredi & egredi ordinate & sine conflictu potuerit. Ordines hi graduum sive scalarum miro artificio pene invicem decussabantur, & ad ostiola sua sive Vomitoria singuli ducebant.

Jam (b) columnæ, jam coronæ, epistylia, zophori, & uno verbo, omnia exteriora hujus operis, admiranda nostro sæculo, non imitanda. Sed hæc videlicet potentia Romana, hæc olim opes, quas etiam docti plerique capiunt dumtaxat & vident per nubem.

De Pegmatis.

Pegmata (c) antiqui appellarunt machinas quasdam e ligno, quibus

usus?

(a) *Ufus horum graduum.* (b) *Exteriora Amphitheatri.* (c) *Pegmata quid.*

usus in Theatris aut Arenis . Vox Græca origine est , ἀνὸ τῆς πύγμης , quod est *Figo* , *Gelo* , *Compingo* : Itaque Glossæ priscæ πύγμα interpretabantur *Confixum* : & doctè Apulejus *Confixilem machinam* dixit , allusione ad vim ipsam verbi . Pegma paulo aliter pro loculamentis pluteisque librariis , Cicero dixisse videtur .

At Pegma (*a*) Theatricum non aliud , quam grandis quædam & ingeniosa contabulatio , quæ sponte & occulte statim cresceret , statim subsideret ; ideoque compacta raris quibusdam & interlucentibus tabulis & sublicis , ad laxandum & comprimendum . Quæ ornatus causa tecta sæpe argento vel auro , sed tenui .

In his (*b*) Pegmatis varia inventa & stupendi lusus ingeniorum , de quibus Augustinum loqui sentio : *Ad quam stupenda opera industria humana pervenit ? quæ in Theatris mirabilia spectantibus , audientibus incredibilia , facienda & exhibenda molita est ?* Nam hæc Pegmata ex se surgebant , tabulata tacite in sublime crescebant , subsidebant mox hæc eadem : quin interdum chasmate & ruina subita

(*a*) *Pegma theatricum quid . (b) Stupenda inventa in Pegmatis .*

bita dehifcebant, fiye tota pegmata, fiye homines qui impositi. Et solebant interdum ita componere pegma & hanc ruinam, ut ii, qui impositi, præcipites ruerent in caveas ferarum, ibique discerperentur. Sed & flammæ quidam lufus & imago in hoc pegmate, fine ulla ejus plerumque noxa. Duces etiam captivos & oppida in Pegmatis folere ostendi, Jofephus adnotat; fed non hæc theatrica intelligens, verum Fercula, quæ portari folita per triumphum.

GLADIATORIBUS

LIBER I.

Spectaculorum apud Romanos (a) quatuor genera fuerunt. *Gladiatores*, *Venatio*, *Bircenses*, *Scena*. Tria ex iis ad oculos maxime, unum pertinuit ad aures. Quæ ad oculos, propria fere Romanorum; aut si in alia gente, tenuja præ istis, & dictu parum digna. De GLADIATORIBUS dicemus: quod inter omnia celeberrimum fuit frequentissimumque Romæ, & in quo plebs maxime vel delectabatur, vel verius insaniebat, juventique erat in deliciis.

Spectaculum hoc appellatum proprie, *Munus*: (b) vel quia populo gratis daretur: vel ab officio, quia officium se mortuis facere arbitrabantur. Nam *Munus* proprie officium antiquis; sicut *Munis*, officiosus: &
e con-

(a) *Quatuor ludorum genera.*

[b] *Munus cur dicta spectacula.*

e contrario *Immunis* dicitur, qui nullo fungitur officio. (a) Is qui præbebat, ab ea voce *Munerarius* dictus, Glossæ, *Munerarius*, αὐτὸς ὁ νόμος: cujus vocis primum patrem Quintilianus facit Augustum. Nam antea vel *Domini ludorum*, vel *Editores*, & res ipsa *Editiones*. Quamvis hæ voces communes sint omnibus ludis, *Munerarius* non nisi is, qui munera edit, id est, Gladiatores aut Venationes. Hunc Florus magis nove dixit *Muneratorem*. Et *Gladiatores* plus semel pro spectaculo & munere ipso usurpat Cicero aliique, homines pro re. *Gladiator* autem ipse est, qui in arena populo spectante pugnavit.

In hac autem re de Gladiatoribus quatuor sunt dicenda. 1. ORIGO progressusque. 2. LOCUS. 3. HOMINES. 4. MODUS.

1. DE ORIGINE GLADIATORUM.

O Rigo Gladiatorum a re funebri: exemplum ab Hetruscis. Ac fortasse Hetrusci ipsi a Græcis. Undecumque exemplum, causa tamen & ori-

(a) *Munerarius quis*. (b) *Gladiator quis*.

origo Funus. (a) Nam quoniam olim animas defunctorum humano sanguine propitiari creditum erat, captivos vel malo ingenio servos mercati in exsequiis immolabant. Postea placuit impietatem voluptate adumbrare: itaque quos paraverant, armis quibus tunc & qualiter poterant eruditos, mox edicto die inferiarum, apud tumulos erogabant. Hæc muneris origo. Atque Gladiatores illi a busti cineribus *Bustuarii* dicti.

Itaque prætextu hoc religionis dati publice Romæ (b) primi gladiatores in foro boario, A. V. 490. Dederant M. & D. Bruti, causa mortis patris. Dixi, *publice*; quia facile suspicor, jam ante privatum & per convivia innotuisse. Nam in lætiori convivio solemne fuit, in triclinio paria aliquot gladiatorum exhibere ad pugnam, qui cum applausu convivantium occidebant, occidebantur. Ortus mos a Campanis; ab iis avide hauserunt Romani, perseveravitque ille mos ad extrema imperii tempora. Atque hi convivales gladiatores sunt, quos *Cubicularios* vocat Lampridius.

Olim

[a] *Causa muneris Funus*. [b] *Primi Gladiatores*.

Olim in funere tantum data munera gladiatorum; (a) nec eo omni, sed virorum Principum, illustriorumque. Non enim dabantur, nisi in funere Indictivo: Imperatorum ergo, Procerumque. Sed paulatim, ut solet, res increbuit, & a tenui canali in mare quoddam [fas sic loqui] excrevit editionum. (b) Dare enim coeperunt vulgo etiam privati, & plerisque ea cura in testamentis: cavebant enim post mortem suam tot & tot paria sibi edi. Immo usque eo mos evaluit, ut ditiori aliquo mortuo, populus Munus efflagitaret velut debitum, & ex præscripto legis. Nec vero hoc sine, aut in virorum saltem funeribus stetit mos, transiit etiam ad foeminarum. Dux & auctor rei stirps illa Veneris Julius Cæsar, qui munus populo epulumque in filiae memoriam pronunciavit, quod ante eum nemo. Nec dubium, quin Divi exemplum cupide imitatus sit vulgus.

De Progressu Munerum.

Præter funus & religionem, etiam Voluptatis causa (c) dati gladiatores.

[a] *Dati in funere illustrium.*

(b) *Postea & aliorum.* (c) *Voluptatis causa data munera.*

res. Postquam enim res placere populo visa est, & omne vulgus cupiens harum voluptatum, ecce ansa præbendi reperta est etiam citra funus. Scilicet nimis raræ illustrium divitumque mortes: & inventum, ut Magistratus darent, Sacerdotes, Principes, denique omnes, qui gratiam a populo exambire vellent aut honorem.

Primi (a) e Magistratibus dederunt *Aediles*. Quidni enim exemplum rei primum ab illo Magistratu censeam, cui, velut peculiare munus, ludi? Editio tamen ea quando cœperit, non scitur; vix est ut ante 600. Urbis annum. Quotocumque cœperint, mansere tamen ad extrema Imperii.

Secundo dedere (b) *Prætores*, more item vetere. Augustus hac in re aliquid innovavit & astringit; e publico aliquid eis dari præcepit, & interdixit, nequis a se aliquid amplius altero impenderet, nisi Senatus decrevisset. Neve sæpius, quam bis quoque anno Gladiatores daret, ne plurium quam 60. parium. Postea tamen editum illud, qua de sumptu est,

[a] *Primo dederunt Aediles.*
 (b) *Prætores.*

est, laxavit idem Augustus: immo e publico aliquid dari ultra vetuit. Caligula etiam aliquid statuit hac in re. At Claudius prorsum vetuit, & a Prætoribus ea munera removit. Videntur tamen iterum irrupisse.

Tertio (a) *Quæstores*, instituto Claudii: quod tamen conatus Nero tollere, qui sanxit, ut ne designatis quidem Quæstoribus gladiatores edendi necessitas esset. Sed reduxit denuo Domitianus, & quæstoria munera olim omissa revocavit. Non levavit, sed auxit Quæstorum onus Alexander, qui Quæstores candidatos jussit ex sua pecunia munera populo dare.

Quarto dedere (b) *Consules*, exemplis tamen haud ita crebris. Non enim sæpe reperias Consularia munera gladiatorum, venationem sæpe. Hæc de Magistratibus.

Jam vero dedere etiam (c) *Sacerdotes*. Atque ita Pontificales & Sacerdotes ludi passim observantur.

Item novo nomine & re *Ærarii*. Hos alii vocant *Arcarios*, qui præerant arcæ fisci.

Denique (d) *Imperatores*, ita quidem frequenter, ut hoc eximium censuisse

[a] *Quæstores*. (b) *Consules*.
(c) *Sacerdotes*. (d) *Imperatores*.

fuisse videantur inter munia Principatus. Dabant enim Natali suo, dabant Quinquennialibus, Decennialibus, Vicefimalibus; dabant in dedicatione publicorum operum, in victoria & triumpho, & per variam occasionem. Ista Romæ.

Munera extra Urbem data.

Sed & Provincias pervasit studium hujus ludicri, velut rabes. Primus (a) Perseus Macedonum Rex transtulit in Græciam, majore primo cum terrore hominum insuetorum ad tam cruentum spectatulum, quam cum voluptate. Nec dubie alii Reges & Dynastæ in sua regna. Et profanæ solum gentes? immo ipsi ecce Judæi, apud quos Herodes Rex sub Augusto in singulis pene oppidis Theatra & Amphitheatra constituit. Et Agrippa una commissione dedit paria 700. Romanos quodammodo ipsos exsuperans.

Nec Reges solum insanierunt hanc insaniam, sed etiam in provinciis passim Proconsules (b) Præsidesque. Editiones ejusmodi aliquando vetitæ, sed obedientia non diuturna. Jam vero coloniæ & municipia æmulabantur,

[a] *Dati gladiatores a Regibus.*

[b] *Dati a Præsidibus.*

tur, & passim inter reliquias vetustatis Amphitheatra etiam nunc, cædium istarum sedes. Atque ut Romæ magistratus præbebant, sic in coloniis municipiisque Duumviri aut Ædiles. Sed & multi (a) privati dabant, nulla lege, ad populi tantum gratiam, & pecuniæ suæ illudentes, immo & cerdones & libertini. Et ab hac causa in lapidibus frequenter decreti honores leguntur, frequens etiam titulus præbendi. Salus Imperatoris; quamquam id Claudius, quod in se erat, vetuisset. Atque hi fortasse *Honorarii ludi* Svetonio dicti, quia in honorem Principis suscepti.

Postremo non homines solum certi qui darent, (b) sed etiam tempora quædam quibus darentur. Saturnalia in primis. Deinde Quinquatruum festi dies. Atque etiam per adulationem Senatus dies unus alterve gladiatoribus sæpe additus, in honorem Cæsaris.

Crebritas Gladiatorum & Numerus.

Munerum crebritas, & multitudo pugnantium supra nostram fidem. (c) Cæsar Ædis 320. paria dedit: (d) Adrianus Cæsar Gladiatorum munus per 6. dies

[a] *A privatis.* (b) *Certis diebus dati.* (c) *Munera Cæsaris* (d). *Adriani.*

6. dies continuos exhibuit. (a) Gordianus ædilitatis suo tempore populo Romano 12. munera, id est, per singulos menses singula exhibuit; ita ut gladiatorum nonnumquam 500. paria exhiberet, numquam minus 150. Ergo unus ille non minus 3000. dedit unno anno. (b) Titus Gladiatores, Venatus, Naumachias per 100. dies dedit. Bonus & moderatus Princeps (c) Trajanus spectacula ejusmodi per dies 123. continuavit, & gladiatorum 10000. dedit. (d) Cæsar 1000. paria. Itaque magna copia Romæ & in provinciis gladiatorum fuit. Gordianus Romæ habuit gladiatorum fiscalium paria 1000. nec tamen aut imperium tunc, aut ipse ad ævi illius opes. Otho Imperator 2000. gladiatorum contra Vitellium armavit: credo; ex iis tantum, qui in Principis fisco,

Legibus inhibita munera.

Calamitas Orbi inuenta per hos ludos: (e) nullum enim bellum tantam cladem vastitiemque generi humano intulit, quam hi ad voluptatem ludii. Numerum dierum hominumque

recen-

(a) Gordiani. (b) Titi. (c) Trajani. (d) Cæsi. (e) Detestatio horum ludorum.

recense; mentior, si non unus aliquis mensis Europæ stetit vicens capitum millibus aut tricenis. Neronem culpamus aut Caligulam, qui 100. aliquos homines vita interfecerunt, ira sive metu: ecce unus Editor homines supra 1000. ludens interfecit, & die non toto. Atque hæc delicias vocabat, & cibum oculorum; fiebantque non per unius alteriusve lasciviam, sed velut publica lege & decreto. Itaque eo ventum est, ut aliis legibus effusio ista fuerit coercenda.

Primo [a] ad ambitum reprime-
dum, cautum fuit, ne quis daret can-
didatus. Legem eam tulit M. Tullius
Consul. Cautum etiam de numero a-
liquid gladiatorum, sub eodem tempus,
supra quem ne haberent in Urbe. Si-
cut in Catilinaria conjuratione item
remoti gladiatores ab Urbe. Sed Au-
gustus certe etiam de numero parium
cavit, edixitque A. V. 732. nec Gla-
diatores sæpius quam bis anno dari,
nec plurium quam 60. parium: At
Tiberius firmus contra ista, certum
numerum in commune præscripsit.
Sed post Tiberium Caligula, concul-
cato hoc edicto, permisit volentibus
cunctis, etiam supra numerum defini-
tum,

(a) *Gladiatorum munera repressa.*

tum, gladiatores præbere. Et Domitianus gratificatus contra eandem legem ingenio suo & sæculo videtur.

Nec de numero solum Tiberius, aliquid etiam statuit de Munerariis, (a) cavitque SC. nequis gladiatorium munus ederet, cui minor 400000. res. Fortasse & idem vetuit, nequis edidisse vellet libertus. Quin & Nerone Principe statutum, nequis Præses aut Procurator, qui provinciam obtineret, gladiatores daret. (b) Sumptus etiam ad munera coercitus plus semel. Antoninus Pius profusionem vetuit, certa pecunia definita. Post illum Marcus Philosophus. Alexander vero habuit in animo, ut munera per totum annum dispergeret, ut per 30. dies munus populo daretur: salubri consilio, sed sine effectu. Perrupit enim omnia septa inveterata licentia; nec jam Princeps aut lex, qui capere posset tam effusis cupiditatibus modum.

Tarde, immo sero descensum eo, (c) ut gladiatoria spectacula prorsum tollerentur. Pulcherrima hæc laus ad Constantinum Imperatorem referenda: is primus Romanorum Principum gladiato-

(a) Qui dare posset qui non.
[b] De sumptu cautum. (c) Tandem sublatis gladiatores.

diatoria spectacula e toto crbe Romano submovit, A. V. 1067. pene 600. annis post ea instituta. Repressit igitur Christianus Princeps: (a) tamen & sub Constantio, & postea sub Theodosio & Valentiniano conati irrumperere; immo irrupere. (b) Etiam sub Honorio, qui tamen sustulit, occasione Telemachi cujusdam Monachi, qui gladiatores Romæ pugnantes, pio quodam ardore diducere conatus, a populo lapidibus obrutus fuit. Ita obviam itum ludo non ludo, & sublata adeo res cum memoria gladiatorum, ut ægre nunc ad intelligentiam retrahere possimus morem fugitivum.

De habitu edantium, spectantium.

Duo genera fecimus Editorum: Magistratus & Privatos. Qui enim munus mortis causa dabant, plerique videlicet fuere privati, tamen dabant non quasi privati: [c] per dies enim omnes muneris prætextæ illis jux, lictorum, accensi, omninoque imaginem quandam gerebant Magistratus. Nec illud occasione prætereundum, [d] propriam quandam vestem fuisse in munere funebri ipsorum spectatorum:

N 2 spe-

(a) Restituti. (b) Denuo aboliti penitus. [c] Editores prætextati. (d) Habitus spectatorum.

292 *De Gladiatoribus*
spectabant enim in penula pulla. In
munere vero voluptuario spectabant
togati.

2. DE LOCO GLADIATORUM.

Locus Gladiatorum duplex : (a)
Ludus, & *Arena*. Ille; ubi ha-
biti atque gladiatores; hæc, ubi da-
ti & producti. De priore prius.

DE LUDO GLADIATORIO.

Ludus gladiatorius inde dictus; (b)
quod in eo juvenes usum armorum
condiscerent. Nam primo gladiato-
res domi & in reliqua familia fue-
runt: mox crescente numero, & cre-
britate editionum, aperti iis velut pu-
blici quidam ludi, & in his armo-
rum Magistri. Ita quidam splendorio-
res, etiam post institutos ludos, ha-
buere domi eos aut apud amicos.
Quod tamen perrarum, & vulgo ars
pugnandi docta exercitaque in ipsis lu-
dis. *Lusorium* appellasse videtur Lam-
pridius. Græce καταγωγὴν μάχων,
appellat Herodianus, quasi dicas *di-
versorium domiciliumque*. Suidas μάχης
τροφεῖον.

In

(a) *Locus duplex*. (b) *Ludi gla-
diorum unde*.

In Urbe autem (a) plures ejusmodi ludi, nominibus suis notī & discreti: ut *Ludus Gallicus*, *Dacicus*, *Magnus*, *Mamertinus*, *Matutinus*, *Aemilius*. Ex his aliqui etiam Bestiariorum fuerunt; uti certe *Matutinus*, nam matutina spectacula ferarum. Et distincti ludi bestiariorum & gladiatorum.

Hisce ludis non Lanistæ solum præerant, (de quibus mox dicetur) sed etiam digniori nomine (b) *Procuratores*: nec ii de plebe, sed ex civium primis, fuitque velut inter dignitates & insulas id munus. Nec longe ab istis diversi Curatores munerum ac venationum. (c) Medici etiam fui singulis his ludis; nec id invento novi sæculi, sed diu ante Imperatores, anno Urbis 663. adeo antiqua cura illa in valetudine gladiatorum. Exemplum translatum e Græcia, apud quos Medici athleticis. (d) Medicos autem hic haud tam arcte acceperim, ut hodie; sed inclusi etiam Chirurgos, usurpatione prisca: ii autem opus certe gladiatoribus læsis, luxatisve. De-

N 3

inde

(a) *Ludi plures in Urbe.* (b) *Procuratores ludorum.* (c) *Medici.*
(d) *Quo fine.*

inde & ratio victus gladiatorii ea ,
 ut salvi esse sine Medico non possent :
 large enim edebant , bibebant , &
 dabantur velut in saginam ; eo fine ,
 ut domini valentes eos producerent ,
 & ut Cicero ait , cum gladiatoria to-
 tius corporis firmitate . Inde *Gladi-
 toria sagina* Tacito . Inde *Sagina* no-
 mine ludum ipsum Propertius intelle-
 xit . Plinius videtur attribuire hor-
 deum iis in cibum . Sed non credo
 eo usos ; male alibilis est is panis ,
 flatus genitor malique coloris , ideo-
 que ignominiae causa militibus datus
 qui deliquissent . Seneca etiam eum
 inter vilissima genera habet . Quae
 omnia contraria huic gladiatoriae sa-
 ginæ .

Lusti isti non solum Romæ fuerunt ,
 [a] sed in coloniis municipiisque : Capuæ
 in primis & Ravennæ . Nam Raven-
 næ ludum exstruxit , aut certe voluit
 Cæsar .

De forma ludorum nihil dixerim ,
 præter multiplices in iis minutasque
 [b] cellas fuisse , in quæ seorsim habe-
 rentur singuli gladiatores : exemplo
 scilicet servorum , quibus cellæ . Sed
 & meretricum cellæ (ex Juvenale &

Pe-

(a) *Ludi in Coloniis* . (b) *Cellæ
 in ludis* .

Petronio) & capitum omnium viliorum.

De Lanistis, Ludorum præfectis.

His ludis præfuisse Lanistas supra tetigi. Vocem (a) *Lanista* vulgo a laniandis corporibus formant; nec persuadent. Isidorum potius audio, qui Tuscum verbum esse vult, & illis carnificem signare: & audio colibentior, quia res gladiatoria petita a Tuscis. Lanistæ avium etiam apud Columellam, qui aves condocerant ad pugnam. Erant autem Lanistæ futuros gladiatores, aut expositicios pueros huic rei tollebant.

Tota autem manus, quæ sub uno Lanista, (b) *Familia* appellabatur; & cum dicebant Familæ præesse. Hinc natum proverbium Ciceroni familiare: *Ducere familiam*, quod idem est, ac Familæ præesse, sumptumque ab hac ipsa Lanistarum præfectura.

Hi iidem Lanistæ honestiore & invidendo verbo [c] *Doctores* dicti, & *Magistri*: videlicet: quia gladiatores novitios & tirones docebant. Quin iidem *Commentarii* dicuntur, & *Di-*

N 4 *Etata*

(a) *Lanista* unde dictus. (b) *Familia* gladiatorum. (c) *Doctores* prolanistis.

Etata dare, verbis omnibus a meliore ludo sumptis. Nec inepte *Disctata*, quia revera praecepta sua armorum commisere etiam scripris.

In ludo duo erant genera: *Tirones* seu novitii, & *Veterani*. Veterani nobiliores, & usu longo edocti. [a] Ad Tirones cura & institutio praecepue pertinebat. Ratio modusque instituendi, ut rudibus batuerent cum Lanista: sive etiam ad palum exercerentur, militum instar. Sed prius illud de rudibus proprie *Batuere* dicebant: & gymnasium ipsum, *Battalia*, vulgo *Battalia*, γυμνασιὸν τῶν μάχων. Erat autem *Rudis*, [b] gladius e ligno. Et quidem pro modo cujusque armaturæ, Threici incurvus, Secutori rectus, Retiario dentatus. Fortasse etiam e ferro, sed tamen hebes. Amplius, (c) duplex fuit *Rudis*: Lanistarum, & Tironum sive exercentium. Lanistæ sua rudis, qua secerni cognoscique potuit; ea fuit e ferula, qualia sceptræ Pædagogorum: & *Ferula* etiam nominata priscis, qua novos auctoratos, & novitios gladiatores aberrantes Lanista cædebat, velut legitimus magister. Nam

(a) *Tirones in ludis docti*. (b) *Rudis quid*. (c) *Ea duplex*.

Nam & hæc res a litterario ludo. At Rudis ad gymnasia diversa ab hac; & gladii forma, fortasse etiam ponderosior, & graviorque. Hæc exercitatio & velut meditatio novis gladiatoribus ad cædem.

DE LOCO PUGNÆ.

Dictum de loco, ubi habiti gladiatores; superest locus pugnæ, qui non unus: [a] ad rogum enim dati, in foro, in Circo, in Amphitheatro, in septis; vicatim, & regionatim. Ad rogum olim in exsequiis, isque antiquissimus locus. Postea non placuit circumducere populum, & omisso rogo ipsi gladiatores funebres in foro dati. [b] Forum ergo locus vetus pariter & diuturnus, nam & sub Augusto fuit; & Tiberius munus gladiatorium duplex dedit, alterum in foro, alterum in septis. Tamen cœptum vilescere & forum: forte ideo, quia loca sessui & spectationi parum apta. Itaque magno ambitu locum in foro Consules Magistratusque clientibus tribulibusve suis assignabant, & in beneficii loco. Igitur structa Amphitheatra, [c] destinata proprie huic ludicro & Venationi. Et plerumque

N 5 ex-

(a.) *Gladiatores ubi dati.* (b.) *In foro.* (c.) *In Amphitheatro.*

exhinc in iis dati gladiatores, tamen non omisso prorsus foro. Etiam in septis Agrippæ. Sed & Circus interdum huic rei. Sæpe vici, & 14. regiones Urbis, quod sub Imperatoribus factitatum.

De Spoliario.

In loco ludi etiam Spoliario suus est locus. Est autem (a) *Spoliarium* non ipse ludus, sed ludi pars. Du ctum nomen a re balnearia; nam exteriores cellulae in balneis, *Spoliaria* dictæ, Græce *πρόδουρίον*. Ubi ergo in balneis exuebantur, seque veste exspoliabant, *Spoliaria* dicta; & a causa simili in ludis. Nam ibi gladiatorum vestes & ornamenta. Immo amplius, locus ille receptor vulneratorum caesorumque. Quin & ii, qui sine spe curationis læsi, illic interficiebantur.

Erat (b) & locus obscænus in ludo, ubi spongia damnata, de qua Martialis & Seneca.

De Diludiis.

Tempora, (c) quæ gladiatoribus concedebantur inter dies munerum, quibus pugnatur, dicebantur *Diludia*, ut vult Horatii vetus Scholiastes.

(a) *Spoliarium*. (b) *Pars ludi facta*. (c) *Diludia quid*.

ites. Verum potius Diludia videntur esse, cum medii ludi alio genere spectaculi interrumpuntur, & quasi dissolvantur. Ita enim mos, ut in media sæpe Comœdia aut Tragœdia Venationem, aut paria aliquot gladiatorum poscerent, tædii levandi.

L I B E R II.

3. DE HOMINIBUS PUGNANTIBUS.

DE *Origine & Loco* dictum: Tertium nunc de *Hominibus*, de quibus duo dicenda: *Quæ* **CONDITIO** fuerit gladiatorum; & *Quæ* eorum **GENERA**, quodque *discrimen*.

CONDITIO GLADIATORUM.

Ad *Conditionem* quod attinet, (a) e servis plerumque fuerunt, aut captivis. Servi aut vendebantur in ludum, aut damnabantur, adeoque id increbuit, & ob levem sæpe causam. Eos conqueri moris etiam in provinciis fuit. De (b) Captivis etiam non

N 6 igno-

(a) Gladiatores Servi. (b) Captivi.

ignotum : aut enim venditi illi ipsi
lanistis, aut ab Imperatoribus, post-
quam in triumpho ducti, dati in
ludum; sæpe & sine triumpho. Ser-
vi ergo captivique primo ad hoc mu-
nus.

Sed paulatim etiam (a) liberi &
ingenui, nulla quidem aliunde vi,
sed precio inducti vel mala libidine
pugnandi. Et vero paulatim, non de-
fidentibus sed corrueutibus moribus,
eo ventum, ut (b) primæ nobilita-
tis viri operas arenæ locarent; qui-
dam desperatione & bonis exuti, alii
Principibus gratificantes. Quin vulgo
jam sub Principibus (c) Equites pol-
luti arena & Senatores. Origo prima-
rei a C. Cæsare, qui permisit Equi-
tibus Romanis uti pugnarent. Eoque
temeritas hæc, sive insania fuit, eva-
sit, ut lege cavere Augustus debue-
rit; qui tamen Equitibus palam id
permisit, non item Senatoribus. Sed
denuo id vetitum SC. & fraudem,
quæ huic legi fiebat, repressit Tibe-
rius. Sed non ad Tiberii severitatem
Principes secuti, qui solute adeo per-
miserunt, ut Caligula una commissio-
ne 26. Equites dederit: Nero exhibe-

[a] *Liberi.* [b] *Nobiles.* (c) *Equi-
tes & Senatores.*

buerit ad ferrum 40. Senatores; 60. Equites Romanos. Vitellius (a) quamquam ipse infamis, infamiam hanc genere quodam sustulit, cavique severe, ne Equites Romani ludo aut arena polluerentur.

Nec solum Romana juvenus tam prodiga sanguinis fuit pariter & honoris, (b) sed & sceminae ipsae in arena nudae pugnarunt veram illam gladiatoriam pugnam. Hoc adeo verum est, ut, Severo Principe, vetandum SC. fuerit. Nec tantum sceminae venerunt in hanc pugnam, (c) sed pumili & nani, improbo quodam studio novitatis.

De Auctoratis.

Fuerunt ergo in universum duo genera gladiatorum, Coacti & Voluntarii. Coacti, servi, damnati, captivi. Voluntarii, liberi, quique pretio se addicebant. Hi postremi proprie [d] Auctorati dicti. Inde Auctorandi verbum, notione pari ab eodem [e] & Auctoramentum, pretium ipsum gladiatoris & merces. Gladium Livius appellavit.

Hæc

(a) Vitellius morem sustulit. (b) Scemina in arena. [c] Nani. [d] Auctorati. [e] Auctoramentum.

Hæc autem *Auctoratio* non simplex ; Quia enim liberi , juramento solemni interposito fiebat , quod vinculum servitutis ; jurabatque novitius gladiator , se omnia passurum ausurumque ; quæ legitimum gladiatorem jus mos esset . Formula adeo ipsa juramenti in Petronii Arbitri fragmentis : *In verba* , inquit ; *Eumolpi sacramentum juravimus , uri , vinciri , verberari , ferroque necari , & quidquid aliud Eumolpus jussisset , tamquam legitimi gladiatores , domino corpora animosque religiosissime addicimus* . In tria jurabant , ultionem , verbera , necem ; quæ gladiatores patiebantur ex more : Necem , cum cecidissent , & ferrum juberentur recipere : Flammam , & Verbera , si quando timidius pugnarent , aut fugerent e ferro . Hoc sine Lorari fuerunt , sive Mastigophori in Arena & in Scena .

GENERA GLADIATORUM.

Sequuntur genera & discrimen gladiatorum . Nec enim gladiatorum unum nomen , aut una classis ; (*b*) sed Ab armis : A locis : A tempore : aliisque causis diversi . Ea omnia operæ est accurate persequi , quia nec vul-

-
- (*a*) Juramentum in *Auctoratione* .
 (*b*) Varia genera unde .

vulgo nota, & litteratorum in his sæpe error.

In prima classe, qui armis & ratione pugne diversi, collocantur isti: (a) *Secutores*, *Retiarii*, *Threces*, *Myrmillones*, *Hoplomachi*, *Samnites*, *Essedarii*, *Andabatae*, *Dimachari*, *Laquearii*. De his singulis dicendum.

De Secutoribus.

Secutor, ab insequendo *Retiarium* dictus est. Nam [b] *Secutor* proprie est affecta, comes, ἀνάλεκτις. Itaque extra rem gladiatoriam legitur, *Secutor Tribuni*, *Secutor Caesaris*; muneris operæque nomen. Et forte sic dicti milites, qui ex instituto prisco Tribunos comitabantur, velut loco apparitorum. Ab hac eadem notione Mars cognomento *Secutor*, apud Apulejum. In Petronio etiam legitur *Secutuleja mulier*, ab hoc eodem etymo, quæ virum appetat, & sectetur ipsa. At *Secutorum*, inter cætera gladiatorum nomina, mentio multa.

Arma (c) *Secutoris* describit Isidorus, sed parum ex fide: Gestabat enim

[a] *Varietas gladiatorum ab Armis.*
 (b) *Secutor qui dictus.* (c) *Arma Secutoris.*

enim cuspidem seu gladium, clypeum, & galeam; quæ communis plerisque gladiatoribus. Ildorus ipsi tribuit etiam massam plumbeam, quæ adversarii jaculum impediret, ut antequam ille feriret rete, iste superaret.

De Retiariis.

Retiarius plerumque commissus cum *Secutore*. Interdum etiam cum *Myrmillone*: nec enim novum, ut unus cum diversis componatur; sicut *Myrmillo* cum *Threce*. *Retiarium* Ildorus describit: (a) *Retiarius*, inquit, qui contra alterum pugnantem occulto ferebat rete jaculum, ut adversarium cuspe insistentem operiret, implicitumque viribus superaret: quæ armatura pugnabat *Neptuno tridentis causa*. *Origo* (b) & exemplum ejus armaturæ non dubie a *Pittaco*, qui inter sapientes. Ita enim ille ex provocacione cum *Phrynone* pugnavit.

Juvenalis cum cura ejus (c) arma descripsit, & velut ex professo. Non erat ei clypeus, non sica, non galea, quia fuit contentus solo galero: nuda facie solus hi ex gladiatoribus. Ita autem docti *Retiarii* factique, ut arte quadam collectum suspensumque dex-

tra

[a] *Retiarius quis.* (b) *Origo.*
(c) *Arma.*

tra manu rete in adversarii caput jacerent : & si errassent , effuse fugerent donec forte iterum rete collegissent . Tridens sive fuscina illis pro gladio : inermes & in sola tunica . Tertullianus tamen spongiam iis attribuit , pectori nimirum tegmen .

De Threcibus.

Thraces , vel (ut libri fideliores) (a) *Threces* gladiatores , a similitudine parmularum *Thraciarum* . Immo non ab armis solum , sed quia ipsi ex ea gente . Certe suo ingenio ea gens prona ad pugnas & cades : & jam antiquitus ad rogam singulari certamine decertabat . Sane *Monomachia* hæc ad gladiatores *Threces* spectat , quorum sparsa in libris mentio .

Arma (b) videamus ; quæ Cicero-
ni aliisque *Threcedica* dicta : & inde
Pugnare Threcedicis . Festus & Mar-
tialis iis parmam dant : sumpta enim
parma a *Thracum* populo , quibus
velut propria . Harpe etiam , id est ,
ensis falcatus *Threcum* , Latinis *Sica* ,
Curtio *Copis* dicta .

De Myrmillonibus.

Mirmillones (c) venerunt e Gallia ,
Crupellarii iis forte dicti : quasi qui ob
gra-

(a) *Threces* qui . (b) Arma eorum .
(c) *Myrmillones* qui .

gravitatem armorum reperent; non irent; hinc *Crupellares* aut *Prorepros* vocarunt: Certe *Myrmillones* toti in armis. Videntur inter pugnam soliti subsidere, ad excipiendum adversarium, & vitabundi. *Mirmillo* plerumque cum *Threce* compositus; nonnumquam etiam cum *Retiario*. Unde est illud Festi: *Retiario* pugnantem adversus *Myrmillonem* cantatur: *Non te peto, piscem peto; quid me fugis Galle? quia Myrmillonicum genus armatura Gallicum est, ipsique Myrmillones ante Galli appellabantur, in quorum galeis piscis effigie inerat.*

De Hoplomachis.

Hoplomachi Græcum nomen, univérse sonat quemvis gladiatorem, qui pugnet armatus: Romanis tamen etiam certa species. (a) Confundi possunt cum *Myrmillonibus*, vel *Samnitibus*. Nam & in *Myrmillonem* vox Græca convenit, quia tectus armis. At verius fuisse in *Samnitem*, cujus nomen ante *Ciceronem* celebre, desuisse sub *Imperatoribus* videtur, & abiisse in *Hoplomachum*: at res armæque eadem.

do p. 2. up

3 3

De

(2) *Hoplomachi iidem cum Samnitibus.*

Samnitium (a) originem non celat nos Livius : *Campani* , inquit , *ad id Samnitium gladiatores eo ornatu armaverunt* , *Samnitiumque nomine appellaverunt* .

Arma eorum idem Livius describit . (b) Scutum auro & argento cælatum , cujus summum latius , qua pectus & humeri teguntur , fastigio æquali , ad imum cuneatius , mobilitatis causa . Spongia sive Baltheus pectori tegumentum , & sinistrum crus ocrea rectum : pinnæ in galeis . Itaque *Pinnirapi* non alii , quam qui cum Samnite compositi , quique rapiunt ejus pinnas . Hos Cicero vocat *Provocatores* , qui cum Samnitibus solebant componi : Artemidorus *Probañtores* , voce , ut videtur , peregrina .

De Effedariis.

Effedarii [c] sunt , qui ex effedo pugnant : quamquam mixtim modo e curru , modo pedites præliati sint . Nam desiluisse , & pedibus pugnasse , præit ad suspicandum Seneca . Servum etiam habuisse videntur in pugna , qui pro auriga .

De

(a) *Samnitium origo* . (b) *Arma* .
[c] *Effedarii qui* .

Andabata (a) his proximi, sive *Andabatai*. Hi pugnabant ex equis, galea frontem oculosque tecti: inde origo adagii apud D. Hieronymum: *Clausis oculis Andabatarum more pugnare*. Galeæ istis ex auro.

Dimachæus [b] sive Orbelas parum notus, & inter legendum reperi- tus, sed non inventus: Colligas ta- men facile duobus gladiis pugnasse.

Laquearii [c] Isidoro sunt, quorum pugna erat, fugientes in ludo homi- nes injecto laqueo impeditos consecu- tosque prosternere, amictos umbone pelliceo.

Receptum erat, ut fesso gladiatori aut victo alius atque alius sufficeretur, & contenderet cum victore. Ii (d) *Subditicii*, vel *Suppositicii* dicti. Græci, apud quos idem in Athletis mos vocant *ἑκιδπος*. Substituēbatur au- tem sæpe unus, alter, tertius; unde in Glossis, *ἑκιδπος*, *Tertiarius*. Id au- tem non fiebat ad cuiusque arbitrium, fors decidebat.

(a) *Andabata*. (b) *Dimachæi*.
(c) *Laquearii*. (d) *Subditicii*.

De Pegmaribus.

Dictum de Gladiatoribus, (a) qui ab armis appellati; ad reliqua genera eundum. Inter hos primi se offerunt (b) *Pegmares*: ii a loco nomen habent, quia pegmatis impositi pugnant; licet tantum captivos aut insignis sceleris damnatos in pegmatis solere ostendi constat. Ad pegma autem moliendum movendumque multi e numero fabrorum administrant. Ii ergo ad moti per occasionem, tractique in arenam a Caligula, deficientibus bestiariis.

De Meridianis.

Meridiani occurrunt, (c) quibus hoc nomen scilicet a tempore; quia sub meridiem darentur. Nec hi tamen legitimi destinatique gladiatores, sed bestiariorum velut reliquæ quædam & purgamenta. Duplex enim spectaculum, Matutinum & Meridianum. Mane cum bestiis depugnabant; post meridiem, ii qui superfuerunt, inter sese, & *Meridiani* gladiatores vocabantur. Cæterum nec docti factique ad pugnam erant, nec armis in ea utebantur aut arte: cædes tantum promiscua, & velut laniena.

De

-
- [a] *Gladiatores a loco denominati.*
 [b] *Pegmares.* (c) *A tempore.*

Alia Gladiatorum cognomenta.

Gladiatores (a) *Fiscales* sunt ii, qui in Cæsaris bonis, & velut fisco. Nam Principes ipsi proprios & pecuniaros gladiatores alebant, ad instruendum suas populique voluptates. Itaque recte Arrianus dixit istos *καὶ αὐτὸς μὲν νομαρχὸς*, *Gladiatores Cæsarianos*, aulicosque. Nec gladiatores solum, sed alebant etiam histriones.

Ab his orti (b) *Postulaticii* gladiatores. Quia enim Cæsariani isti eximii viribus arte, ornatu, (ornati autem auro & apparatu aulico) sæpe a populo postulari solebant, velut muneris auctarium & ornamentum. Et nominatim hunc illumve gladiatorem flagitare in pugnam solebant, sive manu, sive scelere notum.

Sunt & (c) *Catervarii* inter gladiatores, a modo pugnae: scilicet cum non singuli, cum singulis, ut moris, sed confusi mixtique pugnant, & per catervas. Nec ab alia mente *Catervarii pugiles* Tranquillo.

Inveniuntur & (d) *Victores*; dubium, an *γερμανοί*, & ab effectu, an cognomine certo, & discernendi causa.

Eli-

[a] *Fiscales*. (b) *Postulaticii*.
(c) *Catervarii*. (d) *Victores*.

Eliciunt aliqui ex Plinio [(a)] *Consummatos*; sed rejiciuntur, nisi accipias consummationem gladiatorum, apud Plinium, cum conjuncti omnes congregatique pugnant, redacti tamquam in unam summam.

Postremo [(b)] *Ordinarii* gladiatores lecti, qui legitimo tempore, loco, & apparatu inducuntur; a prioribus illis (Postulaticios dico, & Caternarios) diversi.

De Vestis, & Ornamentis Gladiatorum.

Vestis Gladiatorum in genere, [(c)] *Tunica*; ut decuit servos. Sed Togatos facit Tertullianus & Capitolinus: forsan labenti ævo mutata res. Togam certe, cum in honore & usu fuit, quis credat foedatam ministeriis arena?

Arma gladiatorum antiquis proprie appellata [(d)] *Ornamenta*. Svetonius ipsos gladios vocat Ornamenta. Festum audite: *Ornatus*, inquit, *dicitur bene aptus, ut miles, aut gladiator, aut acturus fabulas.*

4. DE

(a) *Consummati rejecti*. (b) *Ordinarii*. (c) *Vestis tunica*. (d) *Arma gladiatorum Ornamenta*.

4. DE MODO PUGNÆ.

Quartus terminus & ultimus superest, de *Modo*; de quo modice dicendum, aut potius intra modum. Et tria erunt sermonis capita. 1. *Quid ante pugnam.* 2. *Quid in pugna.* 3. *Quid post pugnam.*

1. QUÆ ANTE PUGNAM.

Ante pugnam quædam fiebant ante diem muneris, & quædam ipso die pugnæ, sed tamen ante pugnam. Ante diem muneris fuit *Apparatus* & *Invitatio*. Ipso die ante pugnam, fuit *Pompa*, *Compositiones*, *Ostensio ornamentorum*, *Prelusio*, *Tuba cantus*, & *Versa arma*.

1. *Apparatus* & *Invitatio*.

Ante pugnam moris, (a) ut Editor libellos proponeret, in quibus dies futuri muneris, item nomina & paria gladiatorum: scilicet alliciendæ plebi, & expectationi commovendæ. Id vocabant, *Pronunciare munus*, *Ostendere munus*, *Proponere munus*. Seneca vocat *Edicta*. Edicebant enim describebantque futurum munus in libellis, quos tamquam ludorum indices vendebant describebantque palam,

ut

(a) *Libelli gladiatorii.*

ut in provincias mitterent & ad amicos absentes. *Libellum munerarium* apposite vocat Pollio.

Nec vero in libellis solum pronuntiatio hæc munerum, sed etiam (a) in tabulis & pictura. Pingi, inquam, jubebant habitum formamque pugnantium gladiatorum, item loci, munerisque totius. Picturæ hujus primum auctorem Plinius facit C. Terentium Lucanum. Idemque in Venatione servatum esse, ex Capitolino discere est. Et hodie servant nostri in isto Batualium ludicro, quod *Gladiatorium* vocant, etsi prisce illius vix umbram. Atque hæc ante muneris diem.

Pompa & Transductio.

At die ipso, gladiatores ordine deduci in Arenam mos fuit, & (b) inibi solemnè quadam pompa circumduci. De qua transductione Quintilianus: *Jam ostentata per Arenam periturorum corpora mortis sue pompam duxerant.* Ad hanc transductionem etiam accommodatur illud Capitolini, Faustina quondam, cum gladiatores transire vidisset, unius ex his amore accensam.

O

Com-

(a) *Pictæ tabulæ gladiatorum.*

(b) *Pompa gladiatorum.*

Compositio.

Postquam introducti, paria inter se (a) componebantur, sive ut Græci decenter appellant, *ἔειναι*. Hoc enim dicebant, *Componere*, *Comparare* etiam, item *Committere*. In hac compositione prima Editoris cura, ut pares cum paribus confingerent; atque adeo id volebant ipsi gladiatores.

Armorum ostensio.

Post comparisonem, gladii armaque, quibus pugnaturi, (b) Munerario ostendebantur, explorandi causa, & an satis acuti. Facit ad hunc invulgatum adhuc ritum, quod Dio scribit, gladios acutissimos Drusianos vulgo vocatos; videlicet; quia crudelis ille & cruentus editor acutissimos semper exigebat. Contra lenissimus Marcus Imperator, qui ferum acutum nemini gladiatorum permisit.

Pralusiones.

Ipsi pugnae præmittebatur (c) Prælusio. Quidam enim arte quadam jaciebant hastas; quidam, velut feriebant gladiis: sed hastæ illæ puræ a ferro, obtusi gladii; denique prolu-

(a) *Compositio*. (b) *Arma inspecta*. (c) *Prolusio* sive *Pralusio*.

debant & eludebant. Præluſionis diem vocat Symmachus; qui præmiſſus legitimo certamini. Sed ille de Venatione aut Circenſibus intelligendus: Gladiatores illo ipſo die pugnae prolucebant.

Præluſio autem in *Hæſtis*, *Rudibus*, *Armis*. Præludentes *Hæſtis*, Quintilianus vocat [a] *Pilarios*, & *Ventilatores*, qui ea, quæ emiſerant, ita librabant, ut venire in manus viderentur, quaque juberentur decurrere. Rudes autem Seneca appellat *Luforia tela* ſive *arma*: Tertullianus *Exercitatoria tela*. E contra, vera & acuta tela, *Decretoria*: forte ideo, quia hæc velut decreto Prætoris ſive Editoris dabantur, poſtquam inſpecta acriter & probata. Eadem *Arma pugnatoria* dixere. Seneca *Pugnatorium mucronem* dixit. Præluſerunt item armis: Nam parmas aut clypeos in altum jaciebant, recipiebantque cum venuſtate; nec parmas ſolum, ſed & hæſtas, ut dixi, fortasſe & gladios. Id vocabant proprie *Ventilare*. (b) Hoc ergo erat *Præludere*: at cum deſierint, dicuntur *eluſiſſe*, aut *deluſiſſe*. Nec abſimili notione *Litus deſiſſe*.

O 2 nie-

(a) *Pilarii* qui. (b) *Ventilare* quid.

niebat Aquilius, qua fluctus eluderet, id est, ludere desineret. Plinius *Deludere* videtur dixisse.

Tuba cantus.

Cantus tubæ signum fuit commisionis & veræ pugnæ. Ideo Apulejus (a) *Tubam terminalem* appellat, quia primitias & ludrica certaminis finiret terminaretque. Idque in omnibus ludis factitatum, etiam scenicis.

Arma versa.

Dirempta ergo prælusione, abjectisque lusoriis armis, (b) transibant ad vera. Atque hoc est, quod *Dimicare ad certum*, Tertullianus vocat. Appellabant id etiam, *Pugnare versis armis*, id est, transmutatis.

2. OUÆ IN PUGNA.

Componebant (c) se gladiatores & colligebant in arma, mira arte curaque sui defendendi, alterius petendi. Nec mirum: nam gladiatori composito ad pugnandum hæc proposita fors est, aut occidere, si occupaverit; aut occumbere, si cessarit. Hanc ex arte posituram vocabant *Statum*; (d) & *In statu stare*, Curæ enim iis fuit, atque adeo laudi, mansisse in statu.

(a) *Tuba terminalis*. (b) *Arma versa*. (c) *Modus pugna*. (d) *Stare in statu*.

statu. Immo nec læsi deserebant. Idem est, *Stare in gradu*. Hinc apud Tertullianum legimus, *De gradu pel-
lere, Cedere de gradu, Construere gra-
dum*. Cicero etiam ab hoc gladiato-
rio more elegantem metaphoram plus
semel usurpat, *Dejici, Deturbari de
statu animi, de statu mentis*.

Cum hoc modo igitur paria in sta-
tu; petebat alter, vitabat alter. Et
hoc proprie dicebant (a) *Petere*: &
ictus ipsos *Petitiones*. Videntur etiam
appellasse conatus invasionesque singu-
las, *Manus*. Unde Seneca dixit,
Manum mittere. Est igitur *Petere*,
arenæ verbum: etiam *Repetere*: sic
enim appellabant geminare ictum.

Hæc invadendi verba: at vitandi
cavendique, *Exire*: etiam *Excedere*.
(b) Prudentius & Manilius id ipsum
Ludere, vel *Eludere* dixerunt. In vi-
tando præcipua cura, ut latus tege-
rent. Et latus certe adversarius ma-
xime petebat. Nec rarum erat, ut
cum plura paria pugnarent, vulnera-
retur quispiam per alterius latus. Un-
de *Per alterius latus peti*, dicebatur.

Cum (c) quis læsus esset, aut ce-
cidisset, vox adversarii insultantis,

O 3 aut

(a) *Petere quid hic.* (b) *Exire quid.*
(c) *Quid in vulnere & læsione.*

aut acclamantis vulgi erat : *Hoc habet* ; aut simpliciter : *Habet*. Læsi autem & mortis metuentes gladiatores submittebant arma , id signum victi fractique . Solebant etiam digitum tollere gladiatores , cum se victos faterentur , & veniam a populo ostensione digiti postulare . Hinc proverbium , *Digitum tollere* . Nec ideo tamen liberi , a nutu populi pendebat mors eorum vel salus : sive etiam ab Editoribus . Imperatori etiam , cum præsens , semper jus liberandi . Quinimmo & solo interventu suo . Hæc liberatio , (a) *Missio* dicta ; diversa a *Rudi* : nam *Missio* ad victos pertinebat , *Rudis* ad victores . Illius effectus , ut ab imminente periculo , & in eum diem dumtaxat liberarentur : hujus , ut ætatem . Mittebantur ergo læsi . Itaque *sine missione dare gladiatores* , & *sine missione pugna* , non aliud , quam ad certam mortem dari , nisi vincas ; jus non esse vulneratos supplicesque liberandi . Augustus decreto prohibuit , gladiatores *sine missione* edi . Clementer , quoniam reperti sævi *Munerarii* , qui omnes dabant in certam mortem . Qualis *Domitius* avus *Neronis* .

Po-

(a) *Missio* quid.

Populi (a) ergo in arena præcipuum jus, & ad ejus voluntatem domini plerumque se conformabant. Intercedebat pro victis læsisque, interfici jubebat idem. Signum, conversus pollex. Hoc Tranquillus dixit, *infestis spectatoribus dimicare*. Causa huic malevolæ notæ a contrario proverbio, in favore pollices premendi. Hinc dicitur, *Pollicem premere*, in favore: nam pollex pressus, signum liberationis. Contra *Pollicem convertere*, minus favere. Hac in re multum potuit audacia & constantia gladiatorum, quæ accepta populo: ignavia odio fuit.

Post hæc ergo suffragia vulgi, si alba quidem favensque sententia, miser ille mittebatur, sed in eum diem aut id munus dumtaxat: sin funesta, boni gladiatoris erat decumbere, & libenter fortiterque recipere ferrum. Id enim imperabatur: (b) *Recipe ferrum*. Iis verbis subjecta vis, ut jugulum ultro præberent, ne membra contraherent, ne manum apponerent. Mira firmitas, si in re bona seriaque. Et tamen misericordia (si ita placet] admixta his sce-

O 4 leri-

(a) *Populi in gladiatores jus.*

[b] *Ferrum recipere jussi.*

leribus, si quis caderet gladiator famosus. Immo & quidam quasi mitiores, avertabant se a vulneribus. (a) At illud feritatis inauditæ, percussos jacentesque repeti jubebant, & cadavera ictibus dissipari, nequis illos simulata morte deluderet. Et superest alius ad sævitiam gradus: Nam & manum mittebant in vulnus, & sanguine velut se proliebant. Nec defuerunt e populo, qui gladiatorum sanguinem ex ipso vulneris hiatu biberent; calidum adhuc spirantemque contra morbum quidem; sed juxta Plinii detestatione, cum plagis ne ferarum quidem admoveri ora fas sit humana. Non ergo injuria in hanc feralem arenam illata, una cum reliquo apparatu, (b) Libitinæ instrumenta, ut esset videlicet quo mortui subito efferrentur. Ab hac re certa porta in Amphitheatro, quæ *Libitinensis* dicta.

QUÆ POST PUGNAM.

Jam ad exodium perducta res, & pugna pugnata est. Venio ad ea, quæ post pugnam: *Premia & Rudem*.

De

(a) *Mira crudelitas*. (b) *Libitina in Amphitheatro*.

Præmium victori duplex: (a) *Palmæ & Pecunia*. Nam præter palmam iisdem & pecunia data. Quæ donationes effuse creverant, & coercendæ a Principibus sæpe. Sed & ultra legitima præmia, corollaria adiciebantur, exemplo a scena.

Rudem (b) indulgebant gladiatoribus veteranis, quasi magisterii signum; aut etiam novis, in novo aliquo & strenuo facto: idque populo imperante. Hanc enim gladiator stans ad crepidinem Circi sub circulo Amphitheatri a populo petere & impetrare solebat. Dabat eam Editor, vel Lanista etiam ipse; sed tamen populi arbitrio aut postulatio-
ne: quod etiam in aliis præmiis obtinuit.

Rudis mentio apud omnes scriptores crebra, cujus effectus, liberatio ab arena. (c) Quod tamen aliter atque aliter pro conditione gladiatorum. Quidam enim liberi erant, (d) sive Auctorati qui arenæ operam pretio locabant: si donati rude, redibant in veterem prorsus libertatem,

O 5 nul-

[a] *Præmia gladiatorum.* (b) *Rude donati.* (c) *Discrimen in data rude.* (d) *Auctoratio.*

nullo ultra vinculo servitutis. Alii e gladiatoribus conditione [a] servi : hi donati rude non libertatem accipiebant, sed vacationem dumtaxat a pugna; Lanistæ deinceps, prove lanistis erant, doctores tironum, & batuebant, non pugnabant. Ideo *Tuta rudis* Ovidio dicta. Quod si libertatem etiam impetrarent, mos erat, uti pillearentur; id est, exemplo reliquorum servorum pillei impositione liberi judicarentur. Itaque Tertullianus bene Rudem a Pilleo sejunxit. (b) Quæ tamen præmia ne temere conferrentur, cautum est, quid in noxiis damnatisque fervaretur: tempus rudi, tempus pilleo præscriptum.

Qui donati rude, (c) *Rudiarii* dicti: ii non ultra depugnabant, nisi pretio aut sponte inducti. Moris etiam fuit, uti gladiatores emeriti arma sua suspenderent ad Herculis; sacra videlicet ejusmodi gymnasiorum Deo. (d) Nam & athletis & gladiatoribus Hercules præesse putabatur; qui facta ejus scilicet & robur æmularentur. Igitur ut in Circo
Ne-

(a) *Servi*. (b) *Damnatis non temere data*. [c] *Rudiarii*. (d) *Hercules athletarum præses*.

Neptuni, in Theatro Veneris: sic in Amphitheatro Herculis ædes vulgo.

De studiis & factionibus in Arena.

Vilissimæ animæ addictæ his ludis, & velut consecratæ; (a) in partes diducebantur, & magno studio huic generi gladiatorum favebant aut illi. Atque ut in Circo alius in Venetum pannum, alius in Præfixum pronus: sic in Amphitheatro hic in Threcum armaturam, alius in Myrmillonum aut Secutorum. Hinc *Parmularii* fautores Threcum dicti, quia parmæ favebant: & simili modo *Secutoriani*.

Sed & (b) sponsiones interponebantur vulgo, uter vinceret. Et vulgus hæc tantum? Principes immo ipsi imbuti hoc favore vel odio. Titus Imperator studium armaturæ Threcum præ se tulit. Domitianus contra, in hoc quoque diffidens a fratre, Myrmillonibus fautor. Nec simplex hic favor, & in re ludicra ludus; in iram, inimicitiam erumpabant, immo cædem.

O 6

Con-

-
- (a) *Factiones in gladiatores.*
(b) *Sponsiones.*

Conclusio..

Profuisse potuerunt hæc bellica spectacula publice & privatim. *Publice*, quia hujusmodi meditationes fortitudinis fecerunt ad mortis contemptum; ideoque dari solebant tempore belli. *Privatim*, erat exhortatio ad constantiam.

A D M I R A N D A

S I V E

D E M A G N I T U D I N E

R O M A N A .

L I B E R P R I M U S .

INter Imperia & Magnitudines, quas Deus a condito Orbe esse voluit, eminet & primas fert Romana. *Nulla enim umquam*, Livio teste, *Respublica nec major, nec sanctior, nec bonis exemplis ditior fuit.* Ideo Ammianus *Romam Imperii Virtutumque omnium Larem* appellat. Hieronymus (a) duplicem interpretationem nominis ROMÆ, rei aptam reddit: *Roma*, inquit, *aut Fortitudinis nomen apud Græcos est, aut Sublimitatis apud Hæbreos.* Jungatur & terra, quam dederit lingua nostra, quia *Roma Gloria & Famae nomen est Germanis, Roem.* Quid, quod apud Orientales Indos *Rumes* appellantur [Orosio ita traditum] milites boni & fortes

(a) *Interpretatio nominis, ROMA.*

tes? an quasi Romani, & admiratio
vetus apud eos mansit? an vox indi-
gena id quoque notat?

Ob (a) duplicem autem causam
Romana Magnitudo anteferenda om-
nibus, ob POTENTIAM, & VIR-
TUTEM.

In POTENTIA	In VIRTUTE
consideranda	consideranda
FINES,	VIRI,
COPIÆ,	& ipsæ
OPES,	VIRTUTES
OPERA.	in specie

De his ergo singulis dicemus, & qua-
si in umbra & imagine conabimur re-
præsentare formam faciemque illam
veterem, & qualis, & quanta Roma
fuit.

DE FINIBUS.

Fines (b) Romanæ potentiæ fue-
runt amplissimi, & spatia terra-
rum ac maris, uno velut sinu & jun-
ctim inclusa quanta in ullo priorum
aut posteriorum imperiorum nunquam
fuerunt. Itaque attollunt haud vane
hæc veteres, & magnifice loquuntur,
passimque illi sermones feruntur: Ro-
ma-

(a) *Propositio dicendorum.* (b) *Fi-
nium amplitudo.*

manos Orbis dominos: Solem utrumque in eorum imperio currere, & talia, animose magis, quam superbe dicta. Non quidem habitata omnia loca sub imperio habuit, nam multa sub Parthorum jure ad Orientem fuere; multa libera, aut sub Regibus ad Septentrionem ac Meridiem. Sed quidquid opportunum aut dignum vinci, vicit: cætera non tam non potuit, quam contempsit, & judicio reliquit.

Illud nemo negaverit, florem Asiæ, Africæ, Europæ in hoc Imperio fuisse; ipsa gentium robora, ingenia, opes. (a) Termini igitur finesque Imperii, cum maximum & in culmine suo sub Augusto, ab Oriente Euphrates: a Meridie Nili cataractæ, & deserta Africæ, & mons Atlas: ab Occidente Oceanus: a Septentrione Danubius & Rhenus. Ita enim Augustus bono consilio instituit, claudere Imperium naturæ aliquibus limitibus, & custodes ac milites ad eos habere. (b) Posterius consilium hoc neglexerunt, nec solum regna aliquot, defunctis aut everfis sociis Regibus imperio adjecerunt; sed etiam ultra terminos, nova quæsierunt, ut Claudius,

(a) *Imperii fines sub Augusto.*

(b) *Prolati a posteris.*

dius, qui Britannias in ipso Oceano devicit; ut Trajanus maxime, qui ab Oriente Arabiam, Armeniam, Mesopotamiam; a Septentrione Daciam subegit. Ita moti prolatique tunc termini trans Euphratem ad Tigrim: iterumque parte alia ad mare rubrum; & trans Danubium ipsum tota Dacia addita fuit.

Provincia Romani Imperii.

In Asia (a) habuit Colchidem, Iberiam, Albaniam, Pontum, Bosphorum, Cappadociam, Galatiam, Bithyniam, Armeniam, Syriam, Arabiam, Palestinam, Ciliciam, Pamphiliam, Lydiam, & Asiam totam minorem.

In Africa (b) Ægyptum, Cyrenaicam, Marmaricam, Getuliam, Africam propriam, Numidiam, Mauritaniam, aliasque minores aut ignotiores.

In Europa (c) Italiam, Hispanias, Gallias, Inalpinos, Rhetiam, Noricum, Illyricum, Macedoniam, Epirum, Græciam, Thraciam, Mesiam, Daciam, Pannoniam.

Consulto (d) omisi magnam partem, quidquid Insularum mari ambitur. Ex quam multæ & magnæ quædam

(a) In Asia. (b) in Africa. [c] In Europa. (d) Præter Insulas.

dam in toto illo mari mediterraneo fuerunt, a columnis Herculis ad Pontum usque? profecto, quæ vel decimam partem pene provinciarum terrestrium æquent, si Britannias in exteriore mari adjungas.

DE COPIIS ROMANIS.

FInes (a) Imperii Romani mari, omnibus, montibus clausi ac muniti, sed Milite & Copiis multo magis. Nam Romanus mos & institutio, duplici via provincias munire, **COPIIS**, & **COLONIIS**, de quibus utrisque breviter dicendum.

Copie (b) nihil aliud sunt, quam perpetuus miles, qui ad tutelam Imperii, ex instituto Augusti fuit. [c] Eæ triplices fuerunt, *Provinciales*, *Urbanæ*, *Classicæ*: illæ maximæ, alteræ satis validæ, & tertiæ utiles ac opportunæ. Omnia hæc ab Augusto, qui sapienter pleraque in novo Imperio aut instituit, aut restituit, ut res visæ postulare.

De Copiis Provincialibus.

Miles ad limites positus, ubi minimo oneri subditis, maximo usui in ho-

(a) *Munitio finium*. (b) *Copia* quid. [c] *Triplices*.

hostes esset. [a] Sub Augusto & Tiberio 25. legiones fuerunt; postea tamen auctæ, ut sub Trajano & Hadriano essent 30. aut etiam supra. Hæ legiones Augusti & Tiberii ævo, sic dispositæ. In Hispania, legiones 3. In Gallia ad Rhenum, 8. In Africa, 2. In Ægypto, 2. In Syria ad Euphratem, 4. In Mœsia ad Danubium, 2. In Pannonia ad Danubium, 2. In Dalmatia, 2. Sed mutabant interdum, & ob causas huc atque illuc ibant, aut sedebant. Et quamvis legiones pleræque in castris, (b) tamen & in oppidis erant, quæ valida aut magna, & ideo motui aut rebellionis opportuna. Talis Alexandria in Ægypto.

Sed præter legiones ipsas fuerunt etiam [c] cohortes sociæ, aliæque numero satis grandi. Atque alibi in minoribus provinciis solæ cohortes aut alæ fuerunt, ut in Rhætia, Judea, talibus, & quæ Procuratoribus regerantur. Interdum & in oppidis interioribus ad coercendum: ut Lugduni in Gallia, item Forojulii, auctore Tacito, & alibi.

Hæc

(a) In provinciis legiones 25. (b) In oppidis. [c] Cohortes.

Hæc ita sub Augusto, [a] sed creverunt, ut tetigi; & primum Claudius Imperator Britannia domita, legiones in ea 3. locavit, manseruntque. Tum Vespasianus 2. etiam in Cappadocia: & Trajanus deinde in Dacia 2. Et istæ Copiæ *Provinciales*.

De Copiis Urbanis.

Copiæ [b] *Urbanæ* fuerunt, quæ sedem Romæ & in ipsa domina Urbe habuerunt: duplici fine, ut *Principem* in ea tuerentur; & ut ipsam *Urbem*.

Principis custodiæ triplex miles fuit: *Prætoriani*, *Evocati*, *Batavi*.

Prætoriani [c] in 9. cohortes divisi ab Augusto, flos militum, fide, robore, & gente. Exemplum instituti hujus fuit a Prætoriiis cohortibus in exercitu, quæ circa ipsum Imperatorem, & ad ejus tutelam erant; sed plerumque una. Augustus autem plures habuit in bellis civilibus, & victor quoque retinuit in pace, contra motus subitos, & ad plebem Romanamque coercendam. Nam fuere 9000. militum, non robore solum, sed stirpe & domo eximii; nec capti nisi ex Hetruria, Umbria, Latio, & Coloniis

(a) *Legiones auctæ*. (b) *Copia urbana divisa*. (c) *Prætoriani quot*.

niis antiquitus Romanis. [a] Alii Imperatores post Augustum Prætorianos auxerunt. Vitellius videtur primus, qui 16. Prætorias, 4. Urbanas cohortes habuit [b] Istis Castra Prætoria fuerunt ad portam Viminalem, ut arctius & in disciplina haberentur, secreti a civibus & urbe.

Evocati, propria quædam & separata manus, vites ferebant, instar Centurionum, ut circa cubiculum Principis excubias agerent. Horum cohors una millenaria erat.

Batavi, (c) equites peditesque, quos Dio equitandi peritissimos facit. Videtur autem intelligere superiores illos Batavos, maxime, qui Geldriæ nunc accensentur; nam inferi & ad mare, nec ipsi, nec regio eorum equis satis facti aut apti. Hos puto haud minus duabus alis plenioribus fuisse, & ut minimum 1000. equites, pedites etiam olim ad 1000.

Alter nunc miles in Urbe, & pro Urbe, duplex est: *Urbana*, & *Vigilum cohortes*.

Urbanae cohortes, (d) Tacito 3. Dionis 4. eæque grandes, atque etiam supra Prætorianas. Nam harum singulae fuerunt

[a] *Aucti*. [b] *Castra eorum*. [c] *Evocati*. [d] *Batavi*. [e] *Cohortes Urbanae*.

fuerunt 1500. militum. Earum officium præcipuum, tueri urbem: id est, motus aut turbas plebis coercere: noctu circum templa, fora, basilicas excubare; stationes agere contra grassatores aut sicarios; itemque Præfecto Urbis, qui caput iis erat, apparere. Itaque & extra Urbem interdum dispositi, cum ejus jurisdictio ad centesimum lapidem porrigeretur.

Vigilum cohortes, [a] & ipsæ ab Augusto fuerunt. Nam is, cum crebra incendia in magna illa & frequenti urbe videret, remedium quæsit firmum & perpetuum, militemque ex libertinis collegit, & in 7. cohortes digessit. Id factum A. V. 759. Et quamquam præcipuus hic finis & instituendi causa fuit; tamen serviisse etiam tutelæ Urbis, & contra nocturnos fures aut grassatores, non est ambigendum: Minus lecta hæc manus fuit, & ministerio potius quam militiæ facta: tamen ut regi melius juberique possent, digesti in cohortes, & Centuriones Tribunosque suos accipere.

De Copiis Classicis. 21

Terrestri milite satis limites, itemque

[a] *Cohortes Vigilum.*

que vitalia Imperii, id est, Romam ipsam, munivimus; nunc & maritimo, sive fluviatili etiam muniamus. Nam cum mare medium per totum illud Imperium iret, cum etiam flumina magna clauderent & ambirent, utile censuerunt, Classes perpetuas in utraque parte esse, quæ & piratas cohiberent, & hostes excluderent; & suis etiam transitum aut transvectionem, cum opus esset, statim darent. Prudens & pulchra inventio: fueruntque (a) Classes in ipso Mari Quatuor: in Fluminibus Tres.

Primæ (b) duæ majores in mari se offerunt, *Misenensis* & *Ravennas*. Dicitur Prætoriaræ, forsan dignitatis causa, & quia inter minores alias, ut Prætoria aliqua navis eminerent: nam Præfectus sane earum non fuit Prætor. Possunt & exemplo Prætoriarum cohortium esse dictæ, quia ad Italiæ & Principis tutelam. (c) *Misenensis* Classis apud Misenum, pulcherrimo sinu, stetit, & Galliam, Hispanias, Mauritaniam, Africam, Ægyptum, Sardiniam, atque Siciliam habebat in proximo. Etsi autem naves ibi & classis, tamen castra etiam in terra, & ad

(a) *Classes quot.* (b) *Duæ majores in mari.* (c) *Misenensis.*

ad portum ipsum fuisse, commoditas eorum exigit. In his item portibus, præter castra, Pharos five turres quædam, ad prælucendum noctu fuisse, Plinius suggerit. (a) *Ravennas Classis*, ad notum & nobile illud oppidum, ob sedem ibi postea regni Gothorum, Epiron, Macedoniam, Achajam, Propontidem, Pontum, Orientem, Cretam, Cyprum, petere directa navigatione consueverat. Atque hæ sunt duæ majores illæ Classēs maritimæ, utræque navium 250.

Sequuntur [b] duæ minores: Prior in Gallia, colonia & portu Foro-Julienſi: tum ad ipsam Galliam, tum ad Hispaniæ illam oram tuendam. [c] Est autem hoc Forum Julii in Gallia Narbonensi. Ab hac causa urbs illa Plinio *Classica* dicta: & *Colonia Octavianorum*, quod octava legio eo deducta. [d] Altera minor in ipso Ponto: id est, in capite & fonte mediterrei maris. Statio ei supra Byzantium fuit; 40. naves rostratas habuit.

Ex Classibus fluminum [e] prima fuit

(a) *Ravennas*. (b) *Duæ minores in mari*. (c) *Forojulienſis*. (d) *In Ponto*. (e) *Classis prima fluvialis*.

fuit in Rheno, per partes divisa: pars Bonnæ & Geldubæ, pars & certo ad exitum fluvii fuit, ubi Pharus olim, quam nunc *Arcem Britannicam* vocant. Pars enim hujus Classis *Britannica* dicta, quia & in Britanniam ea commeabat. Sed tota Classis communiter *Germanica* dicta, *Altera* (a) Classis fluviatilis in Danubio, cujus naves vocabant *Lusorias*, quibus pererrarunt totum amnem. Videtur & *tertia* (b) Classis fluviatilis fuisse, in Euphrate. Quidni in magno flumine, & contra Parthos? Ammiani aliquot loca suadent, etsi non cogunt.

Copiarum Summa.

Hæc est tota munitio Imperii, terra marique, an non valida, utilis, opportuna? Hinc ergo partium dictarum numerus, & totius præsidii summa facile patebit cogitanti. (c) *In provinciis* enim copiarum non minus fuerunt, legionum, cohortium, alarum, 25000. aut circa; & sic, ut nec legiones plenissimas, sed 4000. accipiamus. (d) *In urbe* ponere licet in universum ad 26000. militum: & post

Se-

(a) *Altera.* (b) *Tertia.* (c) *Provincialium.* (d) *Urbanarum.*

Severum vel ad 60000. (a) In *Classibus* omnibus haud minus 100000. militum remigumque. (b) Ita fient in universum supra 400000. ordinario- rum : etsi Agathias Historicus plures etiam , & largiter , fuisse asseveret ; colligi enim ex Romanis militibus vult 645000.

DE COLONIS.

Præsidia militum in longinquis li- mitaneisque locis fuerunt , pauca aut nulla in provinciæ mediis : immo ple- ræque earum sine milite & armis ul- lis. Quid ergo tuebatur interiora , & quieta præstabat ? (c) *Coloniæ* deduc- tio , optimo & sapientissimo Ro- muli invento. Nam ad illum consen- su referunt ; qui victis finitimis op- pidis aut gentibus , partem earum so- litus in Urbem & ad se traducere ; partem illic relinquere , sed sic , ut Romanos suos misceret , custodiam & regimen , ne quid moverent. Eos ita missos *Colones* appellaverunt , & ab agrorum novæ dedicatione culturæ , ipsas *Colonias*.

Ratio (d) & modus erat , ut agri dividerentur viritim , idque a Trium-
P. viris ,

[a] *Classicarum*. [b] *Omnium*.

[c] *Coloniæ* auctor Romulus.

(d) *Ratio Colonias deducendi*.

viris, quos graves & prudentes viros huic rei legere solebant; qui & sedes, agrosque, & ipsum oppidum (si condendum esset) disponebant, & iura ac formam novæ quasi Reip. dabant. Sic tamen, ut omnia Romam & Urbem matrem referrent: ipsis quoque locis, Fora, Capitolia, Tempia, Curiz, pro illa imagine essent; & in gubernatione Duumviri plerisque Colonis, quasi duo Consules, & Decuriones pro Senatu.

Utilitates & Causæ Coloniarum.

Varia in hoc instituto utilitas. (a) *Prima*, quod allevabatur urbs ipsa princeps, & superfluam nimiamque multitudinem, ut sanguinem emittebat. Ita victus facilius, ita turba minor; & turbæ quoque, faciles oriri inter tam confertos. Sed & soboli magis vacabant libentiusque, sic vacui: non aliter quam arbores aut plantaria magis se diffundunt & propagant, ubi in arcto non stipantur.

Alteræ (b) utilitas ipsos hostes aut subdites tangit. Ubi enim Coloniz sic collocatæ, loca frequentabantur, colebantur, poliebantur etiam, novorum hospitem adventu, & artium in-

ve-

(a) *Prima utilitas.* (b) *Secunda utilitas.*

vestu. Divina providentia hoc sine Græcos olim in Asiam, Europam hanc nostram, iisque in Hispaniam, per maritima loca misit & disposuit, ut rudes ferocesque humanitate & elegantia percolerent, atque ad mitiora studia & mores transferrent. Quod idem Romani mox fecere; & iis cultum hunc omnem debet pulcherrimus noster Europæ tractus.

Tertia (a) utilitas, quæ præcipue in oculis Romulo & Romanis, præsidium in subiectos. Sparsa hæc tot oppida locis opportunis, & in iis Romanus sanguis, quid nisi tot arces & propugnacula erant imperii Romani? Dicamus quidlibet, nihil tam validum, quam talis aliqua deductio: & ubi ii, qui agros in alieno acceperunt, semper obligantur aut rueri jura imperiumque donantium; aut pelli, si & ii pellantur. Atque hic primus præcipuusque aspectus.

Accessere mox, valde aucta re Romana, *(b)* duo alteri, *Prior*, ut plebem inopem & gravem sic exhaurirent. *Alter*, ut militibus emeritis præmia largirentur. Nam ecce in tanta Urbe, & crescente civium tenujo-

P 2 rum

(a) *Tertia utilitas: & Prima causa.* (b) *Duc aliæ causa.*

rum numero per tot manumissiones, quæ ratio alendi aut subsistendi fuit, nisi ut emitterent? non aliter, quam ubi alvearia plena, nova examina in alia & nova transfunduntur. Sic & occulto Politico consilio, sentina & fax urbis educebatur; purior meliorque pars asservabatur. Jam vero in militibus pulchrum: & quis non libens in eam militiam se impenderet, ubi & post eam tam magna & certa præmia essent? Agri & sedes dabantur, regimen illic & honores, pecunia etiam (nam sic Augustus instituit) ad instrumenta, jumenta, & si quid opus, coemendum.

Frequentia Coloniarum.

Ista fuit deductio Coloniarum, & causæ, [a] in quibus tamen tyranni aut violenti aliquot cives fraudem & injuriam miscuerunt; ut Cornelius Sylla, qui non, ut olim, agros ex hoste captos distribuit, sed in ipsa Italia, quod sciebat milites appetere, sedes iis dedit. Quod fieri non potuit, nisi pacatis fidisque populis per summam injuriam & scelus expulsis.

Appianus [b] auctor est, 23. libro 10.

[a] *Colonia per vim deducta.*

[b] *Coloni Sylla.*

giones a Sylla sic deductas, quæ facerent 120000. cum iis qui adjuncti.

[a] Simile & Cæsar Julius in pace & Consulatu fecit, qui agrum Campanum & Stellatam 20000. civium, colonia Capuam deducta, divisit. Idem jam Dictator in transmarinas colonias 80000. civium distribuit, in Carthaginem maxime & Corinthum.

(b) Augustus sub quintum Consulatum, bellis civilibus jam finitis, 120000. deduxit: & postea multa milia adjunxit. Immo in sola Italia 28. colonias collocavit; quid apud tot exterarum gentes, & Imperio tam diuturno? Itaque hujus Principis plurimæ, & in toto Orbe fuerunt: quod ipsa agnomina earum ostendunt. Denique paulatim tanta frequentia, ut negem regionem, immo vix regiunculam fuisse, in qua coloniarum aut colonia non esset. Tot illis vinclis miramur Orbem compeditum, & astrictum in Romana ditione & imperio mansisse?

(c) Harum alia atque alia genera tamen erant, & quædam *Romani*, aliæ *Latini*, quædam & *Italici* juris. Fuerunt & *Patritiæ*, & *Equestres* agno-

P 3 mina-

(a) *Cæsaris*. (b) *Augusti*. (c) *Genera coloniarum*.

minatæ: haud dubie, inquam digniores civium militumve deducti.

Fuerunt in sola Italia coloniz (a) 150. In Africa circiter 60. In Hispaniis ad 30. paulo minus in Galliis; & idem de reliquo orbe judicandum.

Ratio adsciscendi gentes.

Romani primum (b) pauculi fuerunt, & cum Romulus militiam & Rempublicam ordinavit, vix ad millia terna peditum censa, & equitum trecentos. At idem ille, cum e vivis abiit, peditum reliquit 46000. & equitum 1000. Tantum viri opesque creverunt in annis circiter, quibus Romulus regnavit, 37. Hoc autem affectus est apertione (c) Asyli, quæ haud dubie aliquid adjuvit, & e vicinis, etsi non optimos, elicit. Legge de liberis lata, qua jussit quidquid natum esset tolli, modo ne mutilum aut monstruosum. (d) Receptione in civitatem, quam non exteris solum confluentibus, sed victis & hostibus dedit. Atque id sane diu retentum Romæ, ut e provincialibus, honestissimos hoc beneficio civitatis obli-

(a) Numerus coloniarum. [b] Romani pauci, quomodo aucti. (c) Per Asylum. (d) Per receptionem exterarum.

obligarent, & ita simul se augerent, simul discrimen, & tacitum pene diffidium ob æmulationem, inter illos conciliarent.

Sed tertia etiam ratio augendi cives, ex instituto non quidem Romuli, sed Servii Tullii. [a] Ille cum videret plerosque tunc servorum, aut bello captos, aut e præda emptos esse, atque eos fore e liberis & ingenuis, & ante etiam liberos; humanum bonumque putavit in civitatem recipere, si qui a dominis manumissi essent. Nam & Romanis moribus ingeniisque assuefacti jam erant; & sic fore providebat, ut semper, tamquam ex fonte domestico, proles scaturiret ad belli aliosque usus.

Difficile id persuasum primo civibus, & inquinari eo consortio videbantur: sed nempe ostendit, & origine bonos eos esse, & jam diu ipsos etiam hostes in hoc jus admissos: ita cur non idem domesticis & fidis servis indulgerent, causam nullam esse. Maxime, cum in eorum manu totum hoc beneficium; & videre posse, ut nec temere manumittendo darent; & illos adnifuros, ut omni sedulitate ac fide emererentur. Amplius, futuros

P 4

eos

[a] *Per receptionem servorum.*

eos nihilominus velut in cura & clientela Patronorum: & sic nobiliores cives, in comitiis aut suffragiis semper manum aliquam faventem & obnoxiam habituros. Ita illis persuasum: sed Regi in oculis præcipue frequentia & multitudo civium, fundamentum omnis potentiae & diuturni status. [a] Nec tamen ii æquiparati statim dignioribus & veteribus civibus: rejecti in quatuor urbanas tribus fuere, & inventa ratio, ut minimum in suffragiis, aut alia publica re, pollerent. Quin & a militia legionaria & honestiore exclusi sunt; donec paulatim nepotes ac pronepotes eorum, vere jam Romanus sanguis, pervenirent. Liberti ipsi & Libertiini, veteri quidem republica, arcebantur. Hoc institutum, incredibile est, quantum civitatem auxerit, in qua aliquot servorum millia pauculis annis manumissa. Neque negandum est, utile initio & præclarum fuisse, (b) sed lapsu temporis (ut fit in humanis rebus) hic quoque lapsus: cum jam Syri, Cappadoces, Asiatici, Græci, Barbari in servos recepti, & multi ex iis facinorosi & perdit, qui

-
- (a) *Servi manumissi ut habiti.*
 (b) *Lapsus hujus instituti.*

qui pretio, blanditiis, aut & foedis obsequiis libertatem meriti, quam colluviem in civitatem non invexerunt? Immo per eos effectum, ut egregia illa animi ac morum, Romana olim plebs, vilissima facta hominum sit, & uno verbo, cloaca & sentina vitiorum. Sed ista sæculis aliquot post Tullium.

Interea profuit largiter institutum, & effecit, ut cum primo censu ac lustro Servi Tullii 74000. censa essent, illo qui sub primis Consulibus fuit, (a) 130000. censerentur, idque eorum, qui puberes & in virili toga essent. Post aliquot ætates, id est, A. V. 414. censa sunt 260000. & paulo ante bellum Marsicum, A. V. 639. circiter 400000. paulo minus. At post id bellum, sociis jam in civitatem paulatim receptis, crevit valde numerus, & ad 900000. censa. Quid jam sub Augusto? In Consulatu suo sexto lustrum condidit, quo censita sunt civium Romanorum capita quadragies centum millia & sexaginta tria. At etiam crevit assidue, & sub Claudio Imperatore Tacitus ac fidi auctores accensent, sexagies novies centena sexaginta quatuor millia. Ultra quærere supervacuum sit, cum

P 5 jam

(a) *Civium Romanorum numerus.*

jam passim in civitatem totæ urbes
regionesque receptæ.

Ratio transferendi populum.

Non è solis civibus Romani copias
scripserunt. Olim quidem & a Latino
nomine: (a) at postquam ii civitate
donati, Principum temporibus maxi-
me, cœperunt & e provinciis auxilia
scribi. Augusti id inventum: & præ-
ter conspicuam utilitatem in militia,
causam occultam etiam hanc habuit,
subditos sic exarmandi, & quasi ob-
sidibus traditis in fide continendi.
Nam quotannis dilectus istos habe-
bant, & optimum ac robustissimum
quemque abducebant. Ita enerves pro-
vinciæ; & illi qui dilecti, in longin-
quas & distitas oras consulto trahe-
bantur. Non enim facile res novas
audere aut movere inter ignotos &
alienos. Atque ejusmodi auxiliorum e
variis gentibus magna copia.

Sed (b) iudicio & consilio in hac
re opus, ne plures suscipiantur aut
traducantur, quam coercere possis:
peccatumque a securis Imperatoribus,
qui barbaris receptis, Imperium &
Urbem prodiderunt. Alioqui multum
commodi aut tutelæ translatio hæc
ha-

(a) Unde Romanis auxilia scripta.
[b] Instituti hujus utilitas.

habere possit, qua Philippum Macedonem usum Justinus prodidit. (a) Parabat & Alexander simile, firmando Imperio, nisi mors intervenisset. (b) Antipater, qui in partem potentiae successit, in idem hoc consilium: & Atheniensem urbis potens, ipsam ejusque regimen ditioribus honestioribusque concessit; tenues, & quidquid inopia turbidum, eduxit, & ad 20000. eorum in Thracia, agris datis, collocavit. (c) Lego & Tigranem Regem, cui bellum Pompejus fecit, 300000. e Cilicia & Cappadocia in Armeniam & Mesopotamiam traduxisse, ad ea loca frequentanda, & meliori genere implenda. Et ut vicina magis temporibus locisque tangam, (d) Carolum Magnum satis scitum est, Saxones saepe rebelles translatione domuisse, & in Belgicae oris posuisse. (e) Ludovicus etiam XI. Galliae Rex, Atrebatium fidei infensus, & quia a vita divelli, quam a Burgundia Imperio malebat, sparsit eos per Galliae Urbes aliquot, & suos in locum introduxit. (f) Reges Perua-

-
- (a) *Exempla.* (b) *Antipatri.*
(c) *Tigranis.* (d) *Caroli Magni.*
(e) *Ludovici XI.* (f) *Regum Peruv.*

ni tractus novi orbis, quos *Ingas* ipsi appellant, pro firmamento status habebant, populos victos statim cum tota sobole transferre ad interiora loca, & in illa limitanea alios suos fidosque supponere. Hoc genus *Mitimaes* patria lingua vocabant.

LIBER II.

DE OPIBUS ROMANIS.

IN Romanorum potentia tertium OPES. Eas considerabo PUBLICAS & PRIVATAS. In *Publicis*. 1. *Vectigalia* sive *Tributa*. 2. *Triumphales manubias*. 3. denique *Liberaltates* aut *Erogationes*.

I. DE VECTIGALIBUS.

Vectigalia (a) olim fere triplicia, e *Decumis*, e *Pastione*, e *Portoriis*.

Decumæ, (b) cum decimam partem fructuum in agris sativis sibi retinerent. Quid in ea re fuerit, Cicero in *Verrinis* satis dixit; nec obscurum est vel ex moribus hodiernis.

E Pa-

(a) *Vectigalia triplicia*. (b) *Decumæ*.

E Pastionibus genus alterum est, quod proprie & vulgo (a) *Scripturam* appellabant. Hinc *Scripturarius ager*, est publicus, in quo ut pecora pascantur, certum æs est: quia Publicanus scribendo conficit rationem cum pastore.

Tertium est (b) *Portorium*, quod scilicet in evehendo aut invehendo pendebant. Fuit (c) & *Portarium* antiquis, & faciunt discrimen Glossæ: *Portorium*, τέλος ἐν λιμένι, *Vectigal in portu*. *Portarium*, τέλος πύλης, *Vectigal in porta*. Et vero hoc quoque fuisse videtur, ævo præsertim inferiore, & sub Principatu, ut & in pontibus, & in viis, & portis adeo oppidorum dederint, pro transgressu aut ingressu. Italia hodie, sed & Belgica, hæc non ignorat. Hæc sunt illa vetera, & Vectigalia proprie dicta, quibus dies & sagacitas, addo & necessitas, aliquid semper addiderunt.

De Tributis.

Vectigal plura sub se continebat, sed primo solum ipsum Portorium, quia id scilicet e vectura, unde Vectigal. Græcis etiam hic discrimen ali-

(a) *Scriptura*. (b) *Portorium*.
(c) *Portarium*.

aliquod, quibus *Vestigal* (a) proprie est *τελος*, *Tributum* *φορος*. Sed & in re ipsa differunt, quod illud res, & fundos magis spectat & ligat: hoc capita ac mobiles opes. Atque ita pessima conditio eorum, qui Stipendiarii, ipsi atque agri essent. (b) Tales Poeni, Hispani, & plures, qui per vim ultimam & bello pertinace victi essent: Nam & corpora sive capita (ut Latini magis loquuntur) onusta erant, & terra ipsa. Hoc autem non nisi in vere victos, & vi subditos usurpatum: olim quidem, sed Imperatores, & ipse Augustus produxerunt, & valde hæc tributa dilatarunt.

Magnitudo Vestigalium.

Sola Asia (c) pro vestigalibus pendit annua 20000. talentum, id est, 12. milliones, (juvat his compendiis, vulgariter magis quam eleganter uti) Pompeji & Syllæ tempore. Decumas unius (d) Siciliae, atque eas tenuiter æstimatas, Cicero fuisse dicit nonagies HS. quod nobis est 225000. Philippicum. Decumas dico frumenti: & hordei non computat, & le-

[a] Differunt *Vestigal* & *Tributum*. [b] Qui *Tributarii*. (c) *Vestigal Asia*. (d) *Sicilia*.

& leguminum: quid jam vini, olei? quid Portoria, & Pastiones? Valde tenui ore atque animo est, qui non ausit concipere hæc universa ex proportionem, supra quadringenties, sive unum millionem. Atqui Sicilia quanta pars fuit Romani illius orbis? profecto nec centesima quidem. Hinc liquere potest magnitudo reliquorum vectigalium per Orbem.

Sed ex Portoriis etiam constare in parte potest magnitudo vectigalium. (a) Unus portus Syracusanus ex unius hominis Verris exporationibus pauculis mensibus, idque ex Vicesima tantum, perdidit sexaginta HS. quæ sunt more nostro circiter 1500. Philippæi. Quid ergo reliqui portus, in omni evectione, invectione, & in totum annum? præsertim ubi Octava, ubi Quadragesima (ut factum constat) capiebatur. (b) Hæc enim pro locis, aut mercibus, sed & temporibus variasse opinandum est; maxime tamen pro mercibus, & ut gravius vectigal solverent peregrinæ, ad delicias magis aut pompas, quam usum invectæ. C. Cæsar ejus rei auctor. Quæ haud dubie ipsa Italia etiam pen-

-
- (a) *Portorium Syracusanum.*
(b) *Vectigal ex mercibus peregrinis.*

pendit, etſi reliqua portoria, lege Metelli, in ea ſublata eſſent. Hæc ſane magna fuiſſe, quis poteſt ambigere, ex pretio & copia rerum? Nam gemmæ, lapides, veſtes, ebur, mancipia, aromata, unguenta, & plura ejuſmodi exotica inferebantur: quibus ſi Octavam imponis, quanti ea ſint?

De Capitatione.

Capitatio, ſeu vectigal capitarium vel maximum certiffimumque fuiſſe arbitror; ſed in modo, tenebras & nubes ſuas habet. (a) Videtur autem centeſima impoſita pro ipſo capite, æſtimatione omnium facta: ut ſi 10000. aureorum in cenſu habeam, ſolvam ex iis annua centena. Hoc placeat ob æqualitatem, & quia pauperes & tennes non ſic preſſi, quam ſi uniforme in omnia capita indiſcretim fuiſſet Tributum. Sed alia ſunt quæ refellunt, aut certe morantur. Quid enim tum ſervis fiet? quid filiis familias grandioribus? qui peculium ſuum nullum habent. Sed de ſervis reſponderi poteſt, dominum dependiſſe in ſuo capite, dum eorum æſtimatio cenſibus ejus accedit: & ſervi alioqui in jure caput non habere ſcribuntur. Quod

ad

(a) *Ratio Capitationis inveſtigata.*

ad filios, certum est, parentes pro
iis exsolvisse. Probabile ergo videtur,
Capitationem fuisse ex censu, non
uniformem.

Multum rediisse ex ea, (a) multi-
tudo capitum dicet, quæ in Romano
Orbe. Sola Ægyptus 750. myriadas
(id est, 7. milliones cum dimidio)
hominum habuit, Alexandria exce-
pta, quæ & ipsa aliquot centena mil-
lia habuit. Si igitur talis ille Ægy-
ptiorum numerus, facile intellectu
est, in quantum creverit capitarium
hoc vestigial ex 300. non minus mil-
lionibus hominum, quos in Romano
orbe fuisse, ratione colligitur.

Tributa, (b) quæ Ægyptus solvit,
Ptolomæi ævo, fuerunt annua 12500.
talenta, id est, 7. milliones & semis-
sis. At eadem Augusti & Tiberii ævo
ad 10. aut 12. milliones producta fuis-
se credendum est. (c) Gallia quoque
videtur primo reddidisse quater mil-
lies, id est, 10. milliones; postea
hæc tributa aucta largiter, & vel in
duplum ab Augusto, ad 15. vel 20.
milliones. (d) Jam si solæ Ægyptus
& Galliæ ad 30. aut circiter millio-
nes

(a) *Capitum multitudo.* (b) *Tri-
buta Ægypti.* (c) *Galliæ.* (d) *Summas
ributorum.*

es pependerunt, quid totus Orbis reliquus? An non Syria & Asia tantum? Africa & Hispania? Græcia & Illyricum? Insulæ omnes simul? Ita ut supra 150. milliones summam tributorum fuisse asserere possimus. Quod vel hinc colligi potest, quod Vespasianus initio statim Principatus professus est, quadringenties millies opus esse, ut Respublica stare possit. Sunt ipsi 1000. milliones nostro ritu. Unde sic subito parandi, si non tales tantique reditus? Sed & nostro ævo, (ut desinant obloqui, qui nostra aut nova tantum cogitant) Rex Sinarum accipere in tributo annuo asseritur 120. milliones. Et Sinas aliquis ad totum Romanum orbem comparabit?

De Ærario militari.

Augustus ille, qui valde rem Romanam auxit, etiam onera, & hic quoque pro nomine suo fuit. Nam is Ærarium militare seorsim instituit, & ad id explendum reditus novos & certos. (a) Ii triplices: *Vicesima*, *Vicesimaquinta*, *Centesima*.

Vicesima (b) fuit hæreditatum & legatorum, quæ cuique obvenissent testamento. Deus bone, quanta & quam

(a) *Reditus Ærarii.* (b) *Vicesima hæreditatum.*

quam crebra ea, vel in Roma tantum? Quot illic divitiæ, & quoties, per captaturas & aucupia ad externos translatae? Solvebant igitur sæpe Vicesimam. Excipiebantur tamen proximi sanguine juncti, & pauperes, quos hoc onere liberarunt. Atque ut verum fatear, hoc tributi genus imitabile videtur, nec grave etiam pendentibus; cum lætitia magni & inopinati sæpe proventus obruat vel minuat sensum inferendi.

Vicesimaquinta (a) erat mancipiorum, anno post Vicesimam instituta. Quanti hoc vestigal fuerit, is agnoscat, qui crebra mancipia in Romano orbe, crebram mutationem, & maxima deinde eorum precia cogitabit. Quis nescit, Daphnidem venisse 3700. sestertiis? id est, 7517. Philippæis cum dimidio: grande pretium in uno fluxu & mortali homine, & quem solus Grammatici titulus commendabat. Ab eadem classe & arte Lælius Præconinus, emptus 200000. nummum, quæ sunt 5000. Philippæorum. Jam Calvisius ille Sabinus plures agnoscitas habuit, & singulos 100000. emptos. Quot aurei igitur prodeunt e talibus singulis? quot ex millenis ali-

(a) *Vicesimaquinta mancipiorum.*

aliquot, qui, quotidie pene dixerim, vāniebant? Et Jurisconsulti quidem pretia servorum definiunt in communi aliquo 20. aureos; in artifice, Medico, Notario, Eunuchō 30. 50. 60.

Centesima (a) rerum venalium fuit. Si omnium autem venalium, quæ, & quam infinita summa fuit? Si in auctione tantum, minor, sed & sic grandis. Hæc de Ærario militari, quæ proprie quidem ad ipsum faciebant. Alias non nescio, & pœnas si-ve mulctas legum; item damnatorum confiscationes sæpe in hoc ærarium relatas.

De Metallis.

In ista re pecuniaria, non omittenda ipsa ejus materies, *Metalla*: magni ex iis redditus, & in variis locis; & redditus quidem innoxii, (b) iusti, & sine onere subditorum. Terra, benigna illa mater, hæc quoque nobis donat. Aurum per bella quærere, nefas est; per maria, periculum; per falsitates, opprobrium; in sua natura, iustitia. Sed nescio tamen, an non sævitia aliqua admixta. Nam multa millia hominum huc adigebant, quosdam mercede conductos,

(a) *Centesima rerum venalium.*

(b) *Reditus ex metallis iusti.*

stos, plerosque damnatos ad metallum, quos in subterraneo illo carcere fames, labor, vapor, & ruina sæpe etiam necabat. Ægyptiorum hoc inventum fuit. Atque hi tali interdum numero apud Romanos, ut Polybius ad Carthaginem novam, fodinis in Hispania, non minum 40000. hominum scribat assidue in opere versari. Plinius etiam notat, Censoriam legem fuisse, qua cavebatur, ne plus 5000. hominum in opere Publicani haberent. Nec id credito miseratione aut cura pereuntium factum, sed cautione, & dispensatione operis, ut ne in una conductione Publicani totum aurum exhaurirent. Itaque lex in elocatione dicta fuit de numero operarum.

Ex hac quoque metallaria parte igitur magnum uberemque factum questum, & nostra ætas doceat: maxime cum pulcherrimas fecundissimasque (a) fodinas varie haberent, ut in Hispaniis, Galliis, Norico, Salassis, Illyrico, Pannonia, Thracia, Macedonia, Proconneso. Habuit & Italia, putatque Plinius, aliam nullam fecundiorum metallorum quoque tellurem esse; sed interdicto Patrum

cau-

[a] *Multitudo fodinarum.*

cautum, uti ei, velut parenti, parceretur. Præter hæc fuerunt & Cre-tariæ, & Picariæ, Salinariæ, Ærariæ, Ferrariæ; & nullum genus quæstus e terra omissum.

De Vectigalibus pudendis.

Ab Augusto & priscis ad noviores, atque adeo avidiores, veniamus. Vespasianus (ut communiter de illo Suetonius) auxit tributa provinciis, nonnullis etiam duplicavit. In paucis verbis quanta accessio rerum, attritio subditorum? Et quidni ille solita augeter, vel duplicaret, qui instituit & excogitavit etiam pudenda? (a) Nam urinæ vectigal commentus est: & notus, cum filio pecuniam ad nares admovisset, in ea re ejus jocus. Origo huic vectigali & causa, quod in publico amphoræ aut dolia stabant ad urinam reddendam, quam fullones vertebant deinde in suum usum. Principes etiam secuti tenuerunt, sive auxerunt: & videtur hoc fuisse triste illud (b) *Chrysargyrum*, Historiis decantatum; ut scilicet quisque mendicus aut pauper, meretrix, sive jam emerita, omnis servus, itemque libertus, inferrent in ærarium pro urina & ster-

[a] *Vespasiani Vectigal urinarium.*
 (b) *Chrysargyrum.*

& stercore, jumentorum etiam & canum; sive in agris, sive in oppidis habitarent. Et homines quidem utriusque sexus, numisma argenteum; equus, mulus, bos tantundem; asinus & canis, folles sex. Quanta hæc pecunia fuisse debuit, ex omni genere pene viventium? Viri Proceres & Reipublicæ primi hoc munus colligendi ambibant, non aliter quam militarem aliquam Præfecturam, aut civilem magistratum. O indignitas: sed Princeps dignitatem addebat, qui & in sacrum ærarium hanc pecuniam recipiebat. Atque isti pudendarum sordium lucrique exercitores aut conductores sunt, quos *Foricarios* Jurisconsulti appellant.

Caligula ex capturis prostitutarum (a) vectigal instituit, quantum quæquæ uno concubitu mereret: sed cum illo periit, etsi postea quoque sub Helio Gabalo Lenonum vectigal, & meretricum, & exoletorum fuit. Ista scæda, & Romano nomine indigna, nec sustulit tamen optimus Imperator Alexander Severus; sed dumtaxat in sacrum ærarium vetuit inferri, & ad instaurationem Theatri, Amphitheatri, Circi deputari. Ex quo ve-

re

(a) *Vectigal meretricium.*

re dixeris, magnum & hoc vestigal fuisse, cum ad tantorum operum restitutionem conferret.

De opibus Imperii Byzantini.

Divitiæ Imperii Græcanici quoque mirandæ: neque hic lubet in rationes aut vias omnes pecuniæ inquirere, ipsam dabimus.

Basilus (a) Imperator, qui vixit sub annum Christianum octingentesimum, implevit totum ærarium, & ipsos aditus viasque, pecuniis confertis stipatis. Habuit in thesauris 200000 talentum auri, [id est, 1200. milliones] Nam alterius pecuniæ nec numerus iniri poterat, adeo ut terræ eam infoderet, ærariis aut repositoriis ubique repletis. Quin & arculas habuit lapillis gemmisque preciosis plenas, quæ æquarunt omnino summam illam auri. O mira, o rejicienda, nisi e dictis & dicendis fidem caperent, & mutuo sibi attestarentur. Nam hæc Judæus scriptor, nomine Benjamin, in suo Itinerario, ab Aria Montano edito, affirmat. Is ante annos 400. Europam, atque alia peragravit, & scribit se Constantinopolim quoque venisse, & in ea opes inenarrabiles vidisse. Deferuntur enim in

(a) *Opes Basilii Imperatoris.*

in Principis palatium quotannis tri-
buta, quibus turres implentur, coc-
cinea purpureaque veste, & auro;
ita ut nullibi terrarum par congestæ
pecuniæ exemplum reperiri possit.
(a) Affirmatur etiam ipsius solius Ur-
bis vestigal, ex foris venalium, &
portu ac mercatorum pensionibus col-
lectum ad 20000. aureorum in singu-
los dies accedere. Sint ergo menstrua
600000. aureorum nostrorum, sint an-
nui 7. milliones, & pene quadrans:
sed nempe Byzantium, id est, Nova
Roma hoc dedit, & tunc quidem in
suo flore, quid autem censes illam ve-
terem olim dedisse?

I. DE MANUBIIS TRIUMPHA- LIBUS.

Alia nunc via se ostendit & ape-
rit, lata, trita, & per quam cu-
muli & acervi pecuniarum investiti.
(b) Pecuniarum? immo vasorum,
coronarum, vestium, gemmarum, &
quidquid dici appetendum, aut æsti-
mandum potest; Opes nimirum, quæ
e præda & manubiis per Triumphos
inferebantur. Quot autem isti fue-
runt?

[a] *Vestigal Byzantinum.* (b) *Opes
magnæ triumphorum.*

runt? quam multi, supra modum & fidem, uberes divitesque? Nobis satis sit tangere, & specimem eorum aliquot per ætates dare.

Fuere igitur Triumphus a Romulo, usque ad extrema Augusti, circiter 312. & ex his primi non nimis uberes, tamen modici, & magis magisque creverunt. Sub Regibus L. Tarquinii Superbi (a) triumphus reperitur, qui victa Sueffa Pometia & capta, tantum prædæ retulit, ut sacratæ Diis decimæ explerent 400. talentorum numerum. Ergo fuit incumulo 4000. talentum: id est, viciesquater centena millia Philippæorum.

Post ejectos deinde Reges, insignis (b) L. Papyrii Cursoris de Samnitibus triumphus, quo æris gravis magna vis transvecta, vicies centum millia, & quingenta triginta tria millia. Id æs redactum ex captivis dicebatur, quos ingenti numero sub corona venundabant. Argenti, quod captum ex Urbibus erat, pondo 1330. Summa autem illa æris efficit 25330. Philippæos: argenti, 13300. Ac tales fere, aut minores, omnes illi usque ad Tarentinum triumphus, qui incidit

(a) *Triumphus Tarquinii Superbi.*

(b) *Papyrii Cursoris.*

cidit in A. V. 478. Purpura etiam ,
signa , tabulæ , atque adeo quidquid
notabile aut optabile Orbis , aut in
eo urbs aliqua haberet , per hanc viam
portamque triumphalem id Romam fe-
re invecum : etsi quædam etiam ex-
tra bellum , vi aut persuasione magi-
stratum.

Jam vero postquam copiæ & arma
extra Italiam missa , in grandes il-
las , & priscis opibus , aut victoriis
quoque inclytas regiones , quid auri ,
argenti , spoliis non relatum ? (a)
P. Scipio ex Hispania argenti præ se
in ærarium tulit 14342. pondo , & si-
gnati argenti magnum numerum. Ea
pondo faciunt 143420. Philippæos .
Idem iterum , victa Carthagine , in-
tulit in ærarium argenti pondo 133000.
quæ sunt nobis ter & decies centena
triginta millia Philippum. [b] At al-
ter Scipio , victa & diruta eadem Car-
thagine , retulit 4470. pondo. Ea ef-
ficiunt 404700. Philip. Neque mire-
mur , minus , quam antea relatum ,
quia pleraque urbs , dum capitur , in-
censa & diruta fuit : ita opes perdi-
tæ , aut ruinis oppressæ.

L. Æmilius [c] triumphans de Ma-
cedo-

Q 2

[a] P. Scipionis. (b) Scipionis al-
terius. (c) L. Æmilii.

cedonibus, tantum priores excessit, vel magnitudine Regis Persei, vel specie simulacrorum, vel modo pecuniæ, ut bis millies HS. ærario contulerit, id est, quinquagies centena millia Philippum. Nam reperta in thesauris Regis Persei in auro argentoque 6000. talentum, id est, 3600000. Philippum. Quod si in solis thesauris & ærario peculiari Regis, quid in reliqua præda publica oppidorum, aut privata hominum fuit?

Cornelius Sylla, (a) etsi splendido triumpho minus intulit, tamen transtulit auri pondo 15000. (1500000. aureorum) argenti pondo 115000. (1150000. Philipp.)

Excessit omnes deinde (b) Cn. Pompejus, in illo, quem de Rege Mithridate & Oriente duxit; intulit enim in ærarium 20000. talentum: ea sunt centies vices centena millia Philippum, præter ea, quæ in milites expendit: iis enim solis donativi triumphalis nomine largitus est 16000. talentum, id est, 9600000. Philipp. adeo ut is, qui minimum accepit, habuerit drachmas 1500. Magna hæc omnia sunt, & vere illo Magno digna: sed
hunc

(a) *Cornelii Sylla.* (b) *Cn. Pompeji.*

hunc hic quoque (a) C. Cæsar, uti
acie, vicit & superavit. Is enim in-
tulit 65000. talentorum; efficiunt no-
bis 39. milliones. Ex paucis his vide-
re est, immensas opes in ærario cu-
mulatas e triumphis, quos non omnes,
immo nec decimam partem dedimus:

De Auro coronario.

Aurum (b) coronarium dicitur,
quod specie triumphorum vel obla-
tum fuit, vel exactum. Origo ejus,
ut socii & amici Imperatori victori
coronas aureas offerrent, quasi gra-
tulantur, & meritum ei caput cin-
gentes. Itaque primo quidem coro-
næ ipsæ datæ, aut missæ: postea in-
valuit, ut pro iis pecunia offerretur.
Hæc accepta a sociis, aut subditis;
& sicut manubias ab hostibus lege-
bant, sic spolia ista occulta ab ami-
cis. Mos plane vetus, & a Græcis ad
Romanos imitatione translatus. (c) Cn.
Manlius cum Gallogræcos vicisset,
eoque terrore Asiam liberasset, in
triumpho tulit 212. coronas au-
reas, pondo: id est, ut singulæ
fuerint libræles. Ita enim obtinue-
rat, ut eæ coronæ ante ipsum victo-
rem latæ in triumpho populo osten-
deren-

(a) C. Cæsaris. (b) Aurum co-
ronarium quid. [c] Coronæ Manlii.

derentur. Jam ante etiam in [a] Quinctii Flamini triumpho, coronæ aureæ, dona civitatum, translatae 114. In (b) Scipionis Asiatici triumpho Livius numerat aureas coronas 234. Appianus in [c] Cæsaris 2822. easque pondo 20414. ita ut 10. pondo, aut circiter, plerasque necessum sit fuisse. (d) Claudius cum de Britannia triumpharet, inter coronas aureas unam habuit ut minimum 700. pondo, quam contulit Hispania citerior; item alteram 900. vel potius 1000. pondo, quam Gallia comata. Etsi non ad usus tales, sed pompam modo fuisse sciamus. Sicut & in torque aureo, quem 100. pondo D. Augusto Galli dederunt. Hæc in speciem tantum; immo perumque nudo nomine, pecunia ipsa data. Neque coronæ solum ipsæ, sed aurum aut pecunia ad coronas: atque id proprie *Aurum coronarium*.

Non ab ipsis victis (quod putavit Servius) ob vitam hoc aurum datum, sed a sociis amicisque: (e) datum tamen in pecunia, titulo coronario. Et hoc prætextu rapinæ extorsionesque usurpatæ. Immo vero &

ab.

[a] Flamini. (b) Scipionis. (c) Cæsaris. (d) Claudii. (e) Auri coronarii exactio.

ab ipsis Italis, qui tamen immunes talium videbantur esse: decretis enim coronis statuisque, pecuniam ipsam dari sibi curabant. Eo paulatim ventum erat, ut hoc Coronarium non minus tributis fere attereret; nec in triumphis modo, sed in lætitiis quacumque, & primordiis Imperii daretur; atque velut honorarium tributigenus exigeretur. Quid, quod legamus civitates in alia occasione, atque etiam tristi, coronas has misisse? Appianus in Syllæ funere supra 2000. coronas aureas, magna celeritate confectas, prælatas scribit.

Post prælationem (a) hæ coronæ in templis, & Capitolio maxime, videntur dicatæ. Immo & triumphale ipsum aurum interdum, aut pars ejus, ibi condita: fortasse ut religio magis servaret. Solebant tamen & alia templa auro coronario exornare. At Cæsar coronas suas in triumpho ductas vendidit, & ex earum pretio militibus promissa persolvit.

3. DE EROGATIONIBUS.

Peragravimus & emensi sumus
Triumphalem viam, tempus de-

Q 4

sine-

[a] Corona templis dicata.

finere, nec addere ultra, sed erogare. Ne ergo omnis Roma illationibus tot auri impleatur, nunc exhauriemus, & expendemus non loculis, sed rotis faccis: ut ipsum iterum admirandum sit, unde ad tot expensas ullæ opes. Oceanus si ærarium fuisset, dices deficcandum.

Impendia igitur sub Principibus (a) *duplicia* fuere, *Necessaria*, & *Arbitraria*: ex quibus sane colligas immensas & vere admirandas quasdam opes.

De Impendiis Necessariis.

Necessaria illa impendia fere trium generum: In *Militem*, in *Magistratus*, in *Populum*.

De (b) *Militibus* res clara est; stipendiis alendos, emeritis prosequendos; & id perpetuo, in legionibus & præfidiis perpetuis jam factis. De his in *Militia Romana* dictum, supra pagina 217. & seqq.

Magistratus (c) duplices fuerunt, in quos largiter & statim expendendum: *Urbani* & *Provinciales*. Urbanis quidem Augustus instituit, ad onera sublevanda, ad ludos præbendos, & talia, aliquid dare: præsertim Prætoribus, quasi ex lege. Provinciales au-

(a) *Impendia duplicia*. [b] *Impendia in Milites*. [c] *In Magistratus*.

tem vel plurimum auferebant, ut ipsi-
plures, & per provincias dispersi. Ea-
expensio immensa, vel hoc argumen-
to, quod Cicero L. Pisoni objecit, eun-
ti in Macedoniam, ut Proconsuli, se-
stertium centies octogies quasi Vasa-
rii nomine datum. Ad sola vasa, in
quam, id est, ornatum & instructum.
Et objicit, non quia contra morem
fuerit, sed quia supra modum. Quid
igitur? esto vel centies tantum sum-
ma ordinaria (250000. Philip.) esto
vel quinquagies (25000. Philipp.) in
tot illis rebus nonne immensum ac-
crescet? Et plura accedunt huic gene-
ri, ut Curatores variorum munerum
alendi, vel ornandi; ut Legati exte-
rarum gentium admittendi, & mune-
randi; & quæ scimus in omni Repu-
blica esse.

Jam de (a) *Populo*, perpetui etiam
& certi in eum sumptus, & præfer-
tim ad alimenta. Nam jam ante in-
stitutum, Principes tenuerunt, ut ple-
bem egenam aut tenuem perpetua fru-
mentatione pascere; atque ea labo-
re & sumptu magno paranda, adve-
henda, & tum gratis distribuenda.

Q 5

De

(2) *In Populum.*

Frumentatio (a) vetus Romæ, & ab ipso etiam Senatu. Ille in rebus & annona arcta, quasi benignus pater, miseritus plebis, frumentum aliquando divisit, non tamen nullo, sed modico ære. Accessere Tribuni statim, & hoc tam popolare sibi vindicarunt, variis frumentariis legibus latis. Ultimæ in hac re Clodius Annonariam legem tulit, ut frumentum, quod antea populo semisse æris ac trientibus in singulos modios dabatur, gratis daretur. Atque hæc origo, deinde & continuatio (a) gratuiti frumenti fuit. Et statim a conjuratione Catilinæ, in Prætura C. Cæsaris, frumentationis sumptus fuit 1250. talentorum. Id sit trecenties HS. more Romano; nostro, 750000. Philippicorum. Quin & sub Imperatoribus largiter crevit, cum plures adscripti, & classes etiam institutæ ad tranfvehendum.

Numerus (b) accipientium aliquando ad 320000. fuit. Sed Julius Cæsar minuit. Augustus deinde auxit, & 200000. fecit. Hi pauperes, aut saltem qui sublevari gauderent, inter

(a) Frumentatio vetus. (b) Gratuita. (c) Qui, & quot acceperint.

inter quos liberti, & id genus, maxime fuere. Et fraudes etiam hic factæ: multi enim ideo manumissi, ut frumentum in singulos menses accipientes, & si qua alia liberalitas Principum in pauperes fieret, id totum dominis ferrent, a quibus facti sunt liberi: sic quos pueret ipsos è publico pasci, id fecerunt succidane a libertorum persona.

Distributio frumenti erat (a) menstrua: nam in cuiusque mensis initio accipiebant per tesseras; quique eas habebat, ad Curatores frumenti dividendi ibat, munus institutum ab Augusto. Quatuorviri enim erant, iique ex honestioribus, & qui ante quinquennium. Prætura functi essent. Et si Præfectus etiam annonæ proprius, illustri honore; sed qui de advehendo & adservando in horreis satageret, non proprie de dividendo.

Ad hanc (b) frumentationem Augusti tempore ex Ægypto Urbi annua ducentis centena millia frumenti inferebantur: intellige, modios. Atqui Africa jam addenda est, quæ duplum ad Ægyptum dedit. Ex hac igitur ratione frumentum Urbi illatum

Q 6 annuum

(a) *Distributio menstrua.* (b) *Frumentum ad frumentationem quantum.*

annuum fuerit sexcenties centena milia modiorum. Sint in dies circiter 164083. Ingens copia, & quæ sufficiat vel vicies centenis hominum millibus alendis. Nam modius paulo plus minusve Romanis pendit 25. libras; sed Romanas tamen libras, id est, 12. unciarum. Igitur censendum est, plerosque istorum qui caperent, Patresfamilias fuisse, uxorem, liberos, servulos habuisse. Itaque largius valde quam in unum caput capiebant: & videtur tessera sive donatio ordinaria fuisse in singulos, 10. modiorum. Jam & hoc cogitandum, plures etiam in consortium hujus frumenti venisse. An non probabiliter urbanos illos omnes milites? Quid ipsam deinde aulam & Palatinos? nonne item probabile annonas suas hinc accepisse? An non & Classarios ipsos in Italia milites?

Circa Flaviorum imperium, non ipsum frumentum, sed [a] panis distribui cœpit: credo, quia lucrum aliquod ex eo fiscus captaret, & quo minore modo in plures largitio spargeretur. Is *Panis gradilis* dictus, quia in gradibus divideretur. Idem.

Fisca-

[a] *Panes distributi.*

Fiscalis, quia è publico & fisco. Ii panes fuerunt bilibres. Aurelianus obsonium addidit, & populo (a) porcinam carnem distribuit, quæ distributio usque ad tempora Constantini fuit. (b) Oleum quoque perpetuum populo dedit & instituit Imperator Severus. Vinum etiam, ut nequid deesset, Aurelianus statuerat, sed morte præreptus non fecit.

De Impendiis Arbitrariis.

Arbitraria impendia trium maxime generum fuerunt: In *Ludos*, *Opera*, *Dona*.

Impensæ in Ludos.

Ludos (c) singulatim si persequar, aut exempla accumulem, seorsim theatrum mihi struendum sit, & novi aliquot sermones. Capita impendiorum tangam, de quibus univèrse sic Lactantius: *Quid dicendum est de iis, qui populari levitate ducti, vel magnis urbibus suffecturas opes exhibendis muneribus impendunt?* Item Ambrosius: *Magistratus in theatris, mimis, athletis, gladiatoribus, aliisque hujusmodi generibus hominum totum patrimonium suum largitur. & prodigit, ut unius horæ favorem vulgi acquirat*

(a) *Caro porcina.* (b) *Oleum.*

(c) *Impensæ ludorum.*

acquirat. Merito damnant nostri Patres damnosam hanc insaniam, & quæ privatos homines bonis per ludum exuit. Principes ipsos attenuat & delibat. Atque id discere cum ex frequentia eorum potes, tum ex apparatu.

Unus Augustus [*a*] fecit ludos suo nomine quater & vices; pro aliis magistratibus, qui aut abessent, aut non sufficerent, ter & vices. Vix arbitror: ullos ex istis principalibus ludis minoris quingentes, aut & millies sestertio stetisse, (id est, milione cum quadrante, aut & duobus millionibus cum dimidio) quod apparatus & pompa facile persuadebunt. Nam in ipso Theatro, Amphitheatro, aut Circo adornando qui sæpe sumptus? cum semper gratia aliqua & illicitum novitatis in ipsa forma quæreretur.

Nero (*b*) Theatrum totum, non scenam ejus tantum, auro illevit & obtexit. Sed & quidquid illatum fuit, & omne instrumentum ac chorum aureum; itemque vela, quæ superne contra Solem obumbrabant, purpurea tota, & aureis stellis interstincta.

(*a*) *Ludi Augusti*.

(*b*) *Neronis*.

stineta. Ex quo & dies ille *Aureus* appellatus.

Quid [*a*] Julius Cæsar ante Ne-ronem, & nondum Princeps? Is primus in ædilitate omni apparatu are-næ argenteo usus est; ferasque ar-genteis hastis laceßere, tum primum visum. Cæsar igitur hoc primus, sed non ultimus: nam passim & in colo-niis & municipiis argenteæ jam scenæ L. Muræna, & (*b*) Cæjus Princeps, in Circo pegma duxit, in quo fuere argenti pondo 124000. quæ faciunt 1240000. Philipp. Nec id pro Cajo aliquo sit magnum. immo nec pro privato nimium, quia argentum re-cipiebant, nec totum peribat, si ta-men vellent.

Vis nunc unum & extremum furo-rem? (*c*) Heliogabalus Imperator in Euripis vino plenis navales Circen-ses exhibuit. Tu cogita, quantum profusum vini, fossis illis & Euripis in Circo ita eo plenis, ut naves inter le concurrere ac certare de velocita-te possent. Quid jam dicam tot gla-diatorum millia? tot ferarum ex to-to Orbe quæsitæ? tot equorum nobi-

(*a*) *Cæsaris*. (*b*) *Caji*.
(*c*) *Heliogabali*.

nobilium? quæ in vita actisque Principum assidua leguntur.

Addo huc *Missilia* (a) & *sparsiones* in populum, id est, *Tesseras* ligneas cum notis rerum, aut interdum res ipsas, magno certamine diripiendas. Quæ item velut legitima jam erant in omnibus ludis, ad populum illiciendum. Horum pretia & sumptus ex Neronianis istis colligantur apud Svetonium: (b) *Sparsa & populo missilia omnium rerum per omnes dies, singula quotidie millia avium, cujusque generis multiplex penus; tessera frumentaria, vestis, aurum, argentum, gemma, margarita, tabula picta, mancipia, jumenta, atque etiam mansueta fera; novissime naves, insulae, agri.* Notetur hæc jactatio, quanti ea, & quantarum rerum. Præter aurum, gemmas, margaritas, insulas & totos agros dedit; insulas nempe urbanas, & habitabiles domos.

Neque Nero hæc solus, de more fiebat, etsi alius largius parciusque, pro opibus, præberet. (c) Titus sane Vespasiani filius item profusissime in ludis, quos per 100. dies dedicatione Amphitheatri sui fecit.

Nam

(a) *Missilia & Tessera.*

(b) *Missilia Neronis.* (c) *Titus.*

Nam globulos ligneos quosdam de loco superiore in theatrum jaciēbat, qui symbolum haberent inscriptum, hic alicujus esculenti, ille vestis, alius argentei vasis, alius aurei, eorum, jumentorum, mancipiorum; quæ oportebat eos, qui rapuissent, ferre ad Curatores ludorum, & ab iis accipere quamque rem inscriptam. Credis tu hæc per tot illos centenos dies fieri potuisse sine impensa bis terque millies HS? ego non opinor: & ubi sumptus ludorum reliqui? Neque miror jam profecto [a] Hadrianum, cum in adoptione Cejonii Commodi multa in populum profudisset per similes ludos, & in militem; atque is Cejonius ægro corpore, vitalis non videretur, sæpe dixisse: *Perdidimus quater millies HS. quod populo & militibus dedimus.* qui sunt nostri 10. milliones.

Sed dices, Principum virorum modo hæc fuisse. Erras: [b] de Milone hoc jam olim Cicero, tria patrimonium in has res effudisse. [c] Probus, filius Alympii, cum ipse Præturam gereret, 1200. pondo auri absumpsit, id est, 120000. aureorum. (d) Symmachus

(a) *Hadriani.* (b) *Milonis.*
[c] *Probi.* d) *Symmachi.*

machus Senator, unus e mediocribus, in filii Symmachi Præturam 2000. effudit, id est, 200000. aureorum. At [a] Maximus, scilicet e divitibus, item in filii Præturam 4000. id est, 400000. aureorum. Edebant autem ludos Prætores non nisi 7. diebus. Vide dies, vide sumptus: quanto immaniter plus olim alii? quanto scilicet tunc Resp. florentior, & majores privatim opes. Si igitur sola sparsio, id est, missilia in populum, tanti, quid reliqui omnes ludi, & eorum apparatus?

De Donis Principum.

Dona sequuntur [nam de impendiis *Operum* toto libro 3. agitur.] magnitudine sua non jam inter admiranda, sed stupenda. Si quis Midas fuisse fingatur, qui omnia tactu faciat aurea defecerit inaurare, quantum isti sunt largiti. Per Principes aliquot lubet ire, & hoc ostendere.

Ordiam a capite ipso, [b] *Cæsare Julio*, qui nullum largitionis aut officiorum genus in quemquam publice privatimque omisit. Militibus singula interdum mancipia vel prædia viri-
tim

(a) *Maximi*. (b) *Dona Julii Cæsaris*.

tim dedit . Quid in Senatum & digniores? vel invitatos, vel sponte ad se commeantes uberrimo congiario profecutus est. Nec hic finis, extra Urbem quoque & Italiam ea largitas se diffudit: & non minore studio Reges atque provincias per Orbem terrarum illiciebat; aliis captivorum millia dono offerens; aliis quo vellet, & quoties vellet, auxilia submittens; urbes præcipuis operibus exornans. Atque hæc privatus Cæsar fecit, & nondum in fastigio illo principali. Magis mireris, si accogites, jam ab adolescentia profusum hunc fuisse, & (a) grandi ære alieno oppressum: debuit enim, priusquam ullum magistratum caperet, 1300. talenta. Ea sunt nobis 780000. Philippicum. Quid vero jam in ipsis magistratibus? materies & causa ampliør largiendi. Itaque Appianus scribit, euntem ex Prætura in Hispaniam, creditoribus retinentibus, dixisse joco: *Mille sibi opus esse, ut nihil haberet*: id est, ut solum æs alienum solveret, in suo nihil haberet. Ea reddunt viciesquingies centena millia. Auxit etiam in Consulatu, & deinceps ad Principatum,

[a] Cæsaris æs alienum.

patum, ut hominis hujus ingenium erat, tantum ut daret quærentis. Sed unde habuit & reposuit? Non longe te duxero. Gallias vide: iste fons, e quo hausit; ibi enim fana, templaque Deum donis referta expilavit, urbes diripuit, sæpius ob prædam, quam ob delictum. Denique e tot præliis accessit ingens captivorum multitudo, e qua divendita pecuniam redegit.

Sed habet singulatim inspicere viri (a) dona. Instante civili motu, in Gallia cum esset, L. Paulum Consulem designatum 1500. talentis flexit, ne contra se staret. Tot talenta reddunt 900000. Philippicum, id est, pene millionem; in virum unum. Quid jam in Curionem, ut pro se staret? amplius longe dedit, æs alienum ejus totum exsolvit; illud fuit sexcenties HS. Ea faciunt 1500000. Philippicum, quid nisi plurimum Senatorum census?

Sequuntur (b) Milites, quibus unice se dedit, atque idipsum privatus. Certe adhuc in Gallia, cum Pompejus duas legiones colore belli Parthici revocaret; ipse, ut animos sibi

-
- (a) *Dona Cæsaris in Senatores.*
 (b) *In Milites.*

sibi pigneraret, singulis abeuntibus 250. drachmas divisit; id est, 25. Philippicos nostros. Cogita jam duplum in Centuriones, triplum quadruplumque in Præfectos & Tribunos; valde ea largitio crescet. Sed quid in ipso jam bello civili? privatim haud dubie multa; communiter hæc largitio fuit. Veteranis legionibus decem, prædæ nomine, in singulos pedites super binna sestertia (nobis sunt 50. Philippæi) quæ initio civilis tumultus numeraverat, 20000. nummum dedit. Ea sunt ipsi Philippici 500. atque ita viritim, & in gregarios milites divisit, cum duplum Centurionibus, Tribunis Præfectisque alarum quadruplum: præter hos ergo, & equites, soli gregarii milites acceperunt 15. milliones; sunt autem 30000. militum in decem legionibus.

Atqui an finis est? immo sub ipsum idem tempus largitionem (a) ad populum extendit. Præter frumenti denos modios, ac totidem olei libras, trecenos quoque nummos, quos pollicitus olim erat, viritim divisit, ac centenos pro mora. Populi vero illius, qui frumentum acciperet, grandis

[a] *In-Populum.*

dis numerus, & sub id tempus 320000. erant: accepit ergo totus populus viritim 400. nummos. Sunt Philippici 10. Ergo in summam tres milliones ducenta millia. Ubi olei deinde modus? ubi frumenti? nam viritim quoque denas libras olei, & denos modios frumenti elargitus est.

Augustus non diuturnitate solum Imperii, (a) sed etiam liberalitate patrem superasse videtur. Dona ejus quædam ante Imperium, alia in ipso sunt: & illa magis miranda. Primum militibus & Evocatis, quos contraxit metu Antonii, adita hæreditate Juliana, dedit singulis 500. drachmas. Is numerus Evocatorum ad 10000. fuit, ergo hic 500000. Philippicorum. Amplius, eodem pene tempore, cum legiones Quarta & Martia ad se transissent ab Antonio, dedit singulis totidem illas drachmas: iterumque cum in armis decurrissent & speciem prælii perite assimilassent, alteras totidem; quæ certe fuerunt ad dictam summam, & longe supra, si Equites & Centuriones suo more computentur, quod & in Evocatis fieri debuit. Jam vero in ipso primo Consulatu, cum signis a
Mutina

(a) *Dona Augusti, adhuc privati.*

Mutina motis Urbem intravit, dedit qui se deduxerant singulis 2500. drachmas, sive 250. Philippæos; atque ex 8. legiones fuerunt; minima legionum frequentia surgent 6. milliones, & Equites ac Ductores omittentur. Ubi autem prædæ, quas egit, aut spolia, quæ cœpit? adhuc nulla: quo magis in admirandis hæc donationes tres, a privato Octaviano, & sola spe futuræ magnitudinis, susceptæ & perfectæ. Sed quarta etiam donatio in privato immensa, aut certe immodica. In Philippensi prælio, ubi de Principatu actum vel libertate, hic ipse Octavianus cum Antonio promiserunt viritim 5000. drachmas 19. legionibus, quæ in pugna erant, & aliis 40. quæ in præsidiis aut Italia sparsæ! præter Auxilia, quæ haud longe infra legiones. Itaque hæc summa est supra 150. milliones. Atque hæc ille fecit ante Principatum; in ipso tenuit & cucurrit eundem liberalitatis cursum.

Donationes (a). Augusti in Principatu proponimus ex lapide Ancyrano. In prima, ex testamento patris dedit viritim populo centenos vice-

nos.

(a) *Dona Augusti jam Principis.*

nos fextertios. Ii sunt 13. Philippici in singulos. In secunda, in quinto suo Consulatu, statim post Actiacam & Alexandrinam victoriam, sub triumphum, 400. nummi viritim dati, qui sunt Philippici 10. nec viris tantum puberibusque, sed etiam pueri, in gratiam Marcelli, sororis filii, adjecti: ita ut ad minimum fuerint ad 600000. capientium. Fiunt in pecunia impensa 6. milliones. In tertia, Consulatu decimo, populo dedit congiarium bis 400. id est, bis 10. Philipp. viritim. In quarta, Consulatu undecimo, datæ 12. frumentationes, privatim frumento coempto. In quinta, in Tribunitia potestate duodecima, quæ incidit in A. V. 741. cum peregre & e Gallia rediit, plebi refovendæ & conciliandæ distribuit ter uno anno 400. id est, Philippicos ter denos, sive in universum 30. In sexta, in 320000. capita plebis urbanæ dedit sexagenos denarios viritim, quæ summa ad duos milliones, paulo minus (1800000. Philipp.) se attollit. In septima, donatione militari iis dedit, qui in colonias missi aut mittendi, 1000. nummum; acceperunt autem viritim hominum circiter 120000. In octava, in Consulatu decimotertio,

tio, sexagenos denarios dedit in 200000. capita frumentantium. Liberalitates ejus plures ex facili dederim, ut ipse dare facilis, etiam per ludum & jocum. Cujusmodi ista: Omnibus qui secum pila lussent, sestertia 100. dari Cæsar Augustus jusserat, soli Coelio 50. Magna donatio in ludrica ista causa, singulis 2500. Philippici. Iterum totidem Græculo cuidam pro carmine, & audaculo dictorio factoque.

Aliorum quoque Principum carptim aut saltuatim quædam tangam. In *Tiberio* pauca sunt, parca ille manu & restricta fuit; atque ita moriens in thesauris reliquit [a] vicies septies millies HS. (id est, 66. milliones, & 50000. Philipp.) velut alii verius, ter & tricies millies HS. Sunt 81. milliones. Quod Caligula non toto verrente anno absumpsit; ille vero statim exhaustus & egens, atque ad rapinas se vertit.

In *Claudio* [b] notatur prima liberalitas in auspiciis Imperii, cum militibus omnibus ubique viritim promisit 5000. drachmarum, qui sunt 500. Philippæi. Quæ donatio super-

R rat

(a) *Tiberii thesaurus.* [b] *Claudii liberalitas.*

rat omnes jam dictas, & fortasse dicendas.

Nero (a) sequitur, qui divitiarum & pecuniæ non alium fructum putabat, quam profusionem. Itaque nepotinos ejus sumptus frustra colligam, in Suetonio atque aliis patent: quædam addam, quæ magni & laudabilis animi sunt visa. Militi Prætoriano ob causam aliquam jusserat centies HS. numerari: id est, 250000. Philippicum. Et cum Agrippina mater, mirata improvidam fortasse liberalitatem, jussisset totam eam pecuniam ipso coram, in mensa exponi & expandi, ut sic vel aspectu pœnitentiam eliceret: ille magno animo jussit alterum tantum addi, & *Nesciebam*, inquit, *tam exiguum me dedisse*. Hoc Nero in militem: sed quid in regii sanguinis Teridatem? is per 9. menses continuos Romæ, aut in finibus Romanis fuit, & toto eo tempore immunis habitus ab omni sumptu. Decreta igitur ei in diem 800000. quæ sunt 20000. Philippæorum. Numera in mensem, quid ea nisi 600000.? In 9. menses, 5. milliones 400000. Jam ambeunti datum millies HS. quasi in viaticum, quod

(a) *Neronis profusiones.*

quod iterum efficit 2. milliones & dimidium. Atque ista conspicua & signata liberalitas Neronis est; quid minores aliæ & sparsæ, sed coalescentes in grandem summam? nam donationibus bis & vicies millies HS. effuderat. Ea sunt 55. milliones.

Severus (a) Imperator Decennalia Imperii celebrans, una donatione in populum, qui frumentum solebat accipere, & in Prætorianos, effudit bis millies HS. id est, 5. milliones. *Commodus* (b) vero Imperator penè triplum ejus, quod Severus postea dedit, populo congiarium donavit. Hæc de *Opibus publicis*.

DE OPIBUS PRIVATIS.

Opes privatæ & ipsæ magnæ fuerunt, & per multos sparsæ. Quis nescit, Senatores aut Senatorios plurimos fuisse, & plures longe Equites Romanos? Atqui primis illis census sub Augusto fuit decies HS. sive 25000. Philippæorum. (c) Istis, id est, Equitibus census 400. quæ faciunt 10000. Philippæorum. Hic census, quem ne-

R 2 cessa-

(a) *Donatio Severi*. (b) *Commodi*. [c] *Census Senatorum, & Equitum*.

cessario haberent; quam multi autem, & plerique omnes excessere? Ac lubet pauli sper recensere hos divites.

Crassus, cognomento *Dives*, dicebat, neminem divitem esse, nisi qui exercitum, 6. legionibus, & magnis equitum ac peditum auxiliis constantem, suis fructibus alere possit. (a) In agris ille possedit bis millies HS. solos architectos & fabros in servis habuit ad 500. quorum operam elocabat in Urbe ruinis vel incendiis obnoxia. Quid deinde servorum ad reliquos usus, domi vel in agris? Universæ ejus opes fuerunt bis millies, sive 5. millionum, ditissimus post Syllam Quiritium. Post eum plures etiam opulentiores, qui ad ter millies, aut circa pervererunt.

L. Domitius, (a) successor in Galliam Cæsari destinatus, agris sane abundare debuit, qui Corfinii obsessus, ad animandos milites, in concione agros ex suis possessionibus pollicetur; quaterna in singulos jugera, & pro rata Centurionibus Evocatisque. At enim 30. cohortes ibi militum, id est, circiter 12000. Ea sint igitur 48000. jugerum; quid jam in Centurio-

[a] *Crassi divitiæ* (b) *Domitii latifundia*.

turionibus & Evocatis, quibus duplum debebatur?

Poppæus (a) quidam sub Caligula possedit aliquot flumina in suo orientia, in suo cadentia, ut loquitur Seneca. Oportuit igitur totas regiones possedisse. Uti C. Antonius ille, collega Ciceronis in Consulatu, totam Cephalleniam Insulam, velut proprium patrimonium habuit, atque ibi oppidum etiam novum struxit.

Inter divites (b) L. Cornelius Balbus etiam merito locandus, qui moriens populo Romano viritim legavit denarios 25. five aureum Romanum unum. Quid putemus nunc hæredes, & legatarios habuisse? (c) Senecam ter millies HS. id est, 7500000. Philipp. possedisse, amicus illi Tacitus scripsit, & inimici cum multa invidia objecerunt. (d) C. Lentulus Augur, divitiarum maximum exemplum, antequam illum liberti pauperem facerent, quater millies HS. suum vidit. Hic stupor ergo possedit ipsos 10. milliones, Regum aut certe Regulorum opes. (e) Pallas libertus quater millies in bonis habuit, id est, 10.

R 3 mil-

(a) *Poppæus locuples.* (b) *Cornelius Balbus.* (c) *Seneca.* (d) *C. Lentulus.* (e) *Pallas.*

milliones . Et hoc ipsum de colliberto ejus Ælio Narcisso Dio narrat .

Sed aula hos beavit , inquires . Vis igitur & homines , non e Senatu vel aula? ecce e media plebe unum . Sub Augusto (a) C. Cæcilius Claudius Isidorus testamento suo edixit : Quamvis multa civili bello perdidisset , tamen relinquere servorum 4116. jugaboum 3600. reliqui pecoris 250000. in numerato HS. sexcenties , id est , 1500000. Philipp. Funerari se jussit HS. 11000. (b) Belisarius ille sub Justiniano magnus , 12000. puerorum propria habuit . Athenæus affirmate scribit , quosdam Romanorum ad 10000. aut 20000. servorum habuisse ; nec ut quæstum ex iis facerent , sed ut assecclas aut subsequas eos modo haberent . De aliis armentis simile quid legimus in Vopisco de villa Valeriani privata , in qua 500. servi , 2000. vaccarum , equæ 1000. ovium 10000. caprarum 15000. fuere . Et communia hæc , certe non nova , in opibus illo ævo .

Quid autem , (c) quod etiam inferiore ævo , rebus & imperio labentibus , magnæ istæ opes? Multæ Romano-

no-

(a) *Cæciliæ Claudii opes* . (b) *Belisarii servi* . (c) *Opes ævi inferioris* .

norum domus in annuo reditu accipiebant e possessionibus suis ad 400000. aureorum, idque absque frumento, vino, & aliis speciebus, quæ si venderentur, facile trientem æquarent illati auri. Secundariæ autem domus quindecim centenarios aut decem auri recipiebant. Addam distincte & unum exemplum. (a) Gordianus adhuc privatus ditissimus & potentissimus fuit; in provinciis tantum terrarum habens, quantum nemo privatus. Quæsturam magnificentissime gessit. Ædilitatis suæ tempore populo Romano 12. munera, id est, per singulos menses singula de suo exhibuit, ita ut gladiatorum nonnumquam 500. paria exhiberet, numquam minus 150. Feras Libycas una die 100. exhibuit, urfos una die 1000. & plura deinde animalium nominatim, quæ omnia populo rapienda concessit. Amplius de eo; in omnibus civitatibus Campaniæ, Hetruriæ, Umbriæ, Flaminiae, Picenni, de proprio illum per quatrimum ludos scenicos & Juvenalia edidisse. Qui bene hæc tollit singula & pensitat, quique scit quid sit ludos olim edere; nescio quam trutinam reperiet ad tot illa ponderanda aut æstimanda.

(a) Gordiani divitiæ.


~~~~~

## LIBER III.

### DE OPERIBUS ROMANIS.

**A**D *Opera* ducimur, quæ ordine sequuntur. Duplicitia autem ista Romana opera: (a) *Temporaria*, & *Diuturna*. Illa, quæ subito & in breve tempus aliquod excitabantur, e terra aut ligno plerumque. Ista, quæ in longum, & mansura, e latere, lapide, & materie firmiore.

### DE OPERIBUS TEMPORARIIS.

**T***emporaria* [b] iterum duplicitia: *In militia*, & *Extra eam*; atque utraque merentur justam admirationem. Nam sive militiam videas, quis Fossas, Vallos, Aggeres, & talia terrea; iterumque materialia, Turres, Testudines, Musculos, Vineas legit, tam multa, tam crebra, & aut industriam, aut vires hæc parantium non æstimet & admiretur? Sive

---

(a) *Opera duplicitia*. (b) *Opera temporaria duplicitia*.

Sive extra eam quædam in voluptatem aut splendorem structa, quomodo idem affectus non insinuet animo vel irrumpat? De Militaribus jam dictum in libris *De Militia Romana*, & *De Machinis*. Igitur pauca ex civilibus tangam.

Inter (a) Opera civilia ludicra præcipuæ fuere; ut Theatra, Amphitheatra, Circi, & magnæ ejusmodi moles, structæ sæpe in paucos dies, & pene ut dejicerentur. Duo exempla in Plinio, etiam cum ejus, qui tam multa admiranda viderat aut legerat, nimia admiratione. (b) *M. Scaurus in Ædilitate sua fecit opus omnium maximum, quæ umquam fuere humana manu facta. Theatrum hoc fuit. Scena ei triplex, in altitudinem 360. columnarum. Imæ pars scenæ e marmore fuit, media e vitro, inaudito etiam postea genere luxuriæ. Summæ tabulis inauratis columnæ; imæ 38. pedum. Signa ærea inter columnas fuerunt 3000. numero. Cavea ipsa cepit hominum 80000. Sed & reliquus apparatus tantus, Attalica veste, tabulis pictis, cæteroque choragio fuit, ut in Tusculanam villam reportatis quæ*

R 5

fu-

[a] Opera civilia (b) Theatrum Scauri.

supersuerant quotidianis usus deliciis , incensa villa ab iratis servis , concremaretur ad HS. bis millies , id est, 5000000. Philipp.

Alterum exemplum ex eodem Plinio , qui jam dictis subnectit : *Aufert animum , & a destinato itinere digredi cogit contemplatio tam prodigæ mentis , aliamque connecti insaniam e ligno .* [ a ] C. Curio , qui bello civili in Casarianis partibus obiit , funebri patris munere , Theatra duo juxta fecit amplissima e ligno , cardinum singulorum versatili suspensa libramento ; in quibus utrisque ante meridiano ludorum spectaculo edito , inter sese aversis , ne invicem obstreperent scenæ : & repente circumactis , ut contra starent : postremo jam die , discedentibus tabulis , & cornibus inter se coeuntibus , faciebat Amphitheatrum , & gladiatorum spectacula edebat , ipsum magis auctorem Populum Romanum ci cumferens . Quid enim miretur quisque in hoc primum ? inventorem , an inventum ? artificem , an auctorem ? ausum aliquem hoc excogitare , an suscipere ? parere , an jubere ? super omnia erit populi furor , sedere ausi tam infida instabilique sede . Ecce Populus Romanus

uni-

---

[ a ] Scena Curionis .

*universus, velut duobus navigiis impositus, binis cardinibus sustinetur, & se ipsum depugnantem spectat, periturus momento aliquo, luxatis machinis.* Diserte ista Plinius, & culpans simul ac laudans.

Plura hujus generis passim, sed in circumfusa rerum copia, excerpimus pauca & eligimus. (a) C. Caligula pontem struxit in ipso mari navibus impositum, magnitudine trium miliarium & quadrantis: id est, toto illo spatio, quantum est a Puteolis ad Baulos. Per hunc triumphantis ritu cum Senatu militibusque incescit, spectante toto populo; in eodem epulatus, noctem etiam pervigilem egit, inter lascivias & ludos. In paucis etiam diebus pontem hunc totum structum narrant; immensum opus perpendenti, sed cui laudem vanitas detrahit? nam quo fine structum, nisi ut destrueretur?

Caracalla, (b) quem alterum Caligulam licet dicere, non suis solum, sed alienis opibus proterve abusus, cum adigeret homines Senatorii ordinis, quoties Roma egrederetur, domos & prætoria varia struere,

R 6 item

(a) *Pons Caligulae.* [b] *Caracallæ insania.*

item diversoria splendida, et si in plerisque non solum non acturus haesurusque erat, sed nec ea visurus. Amplius, ubicumque hyematurus erat, aut etiam putabatur hyematurus, cogebantur Amphitheatra & Circos struere, nec in sumptum quidquam ab eo capientes: & ea ipsa mox diruenda.

### DE OPERIBUS DIUTURNIS.

**A** Damnoſis iſtis & Temporariis ad ſtabilia & utilia veniamus, & quæ ſunt perpetua. In hoc genere multa ſunt. [a] Romanæ magnificentiæ, nec in Urbe ſolum aut ipſa Italia, ſed per terrarum orbem ſparſa. Licet dicere, divino munere Romanos datos, ad quidquid rude, expoliendum; ad quidquid infectum, faciendum; & ad loca hominesque elegantia & artibus paſſim exornandos. Quot oppida nova ſtructa? vetera ampliata, aut reparata? in iis *Templa*, *Baſilicæ*, *Fora*, *Porticus*, *Aqueductus*, *Via*, *Theatra*, *Circi*, & plura, quæ aut uſum haberent, aut amœnitatem. Quid jam privatiæ ſtructuræ? ut *Domus* & *Villæ*? omnia ſplendida, ab ingenio ſimul & pretio commendanda. Non per ſingulas provincias, urbes, agros

ibo:

---

(a) *Romana magnificentia.*

ibo: solam Romam ostendam, omnium operum opus, & in qua sola fuit, quidquid ubique fuit. Nam & coloniae sua Capitolia, Fora, Basilicas, Theatra, & talia habebant ad urbis dominæ & parentis suæ ritum.

*De Situ & forma Urbis.*

Non sine causa Dii hominesque hunc (a) Urbi condendæ locum elegerunt: saluberrimos colles, (hodie tamen vix ita sunt, sed causa, solitudo & desertio; tum & auræ e vicinis paludibus vel æstuariis) flumen opportunum, quo ex mediterraneis locis fruges devehantur, quo maritimi conventus accipiantur, (Tiberis ille pater, qui Urbem secat, latus circa eam, ut Dionysius monuit, 4. jugera, sive pedes 400. profundus sic, ut maximas naves suscipiat & porter) mare vicinum ad commoditates; nec expositum nimia propinquitate ad pericula classium externarum; (nam distat 16. millibus passuum, sive 120. stadiis) regionum Italiæ medium: In longitudine quidem, nam latitudinem si spectas, finem tenet. Est & munitissimo loco sita Roma, nec Alpibus  
solum

---

(a) *Situs Roma.*

solum ab omni vi subita, sed Apennino defensa.

Forma veteris Romæ, (a) qualis sub Romulo fuit, quadrata. Sed in suo flore propemodum rotunda (et si haud juste tamen) & septem suos colles amplexa, grandem ambitum fecit. Scribunt veteres, Servium Tullium Regem, ad quinque colles jam inclusos urbi, duos addidisse, Viminalem & Esquilinum, & talem tantamque deinceps fuisse Romam.

Liquet autem, [b] Romam quasi duplicem fuisse: unam clausam muris; & alteram non clausam, quæ tamen in orbe circumjecta esset, & continentibus ædificiis instructa. Illa habebat in ambitu 23. milliaria: hæc 42. Itaque totus ambitus interioris & exterioris Romæ erat 42. miliarium. Aurelianus vero muros Urbis sic ampliavit, ut 50. prope milia murorum ejus ambitus tenerent. Quid miraris? an adeo tale nihil alibi? Ecce in ipsa Italia urbs Locrorum (nec ea inter has maximas) 12. millia in ambitu habuit. Quid Carthaginem illam, Romæ æmulam? 24. millia passuum circumdedit. Ipsa  
Con-

---

(a) *Forma Urbis*. (b) *Ambitus Romæ*.

Constantinopolis olim 22. ut hac quoque parte compar matri suæ esset. Denique ad Tartaros & Sinenses si abeas, hodie reperies exempla.

Iste Urbis fuit ambitus, [a] sed defuit. Nam ecce cum Constantinus sedem Imperii transtulit, & una secum tot nobiles familias abduxit; frumenti etiam trientem abstraxit, denique se ipsum & aulam; nonne probabile est, Romam iterum valde minuisse? idque in extremis & longinquis maxime, ut solet: atque ita redditum, collapsis aut disiectis Aureliani muris, ad veterem ambitum & modum. Nec mihi aliquis rursus dixerit, muros hodiernos contra nos esse. Tunc veteres eos potes credere? & ita nescis, toties dirutam, incensam, vastatam, iterumque instauratam & restructam esse? Noli arbitrari, quod in iisdem vestigiis; nam qua spe ejusdem frequentiæ aut felicitatis? Immo Honorius contraxit, post Belisarius, Narses, denique & Pontifices Romani; e quibus Hadrianus Primus muros eos, qui nunc exstant, 100000 aureorum e Tuscia contractis extruxit.

*Ma-*

---

[a] Valde minutus ævo posteriore.



*Magnitudo Suburbiorum Romæ.*

Romam duplicem hætenus habuimus, veteri ambitu, & novo: est & tertia quædam sine ambitu, & quæ in suburbiis procurrit. (a) Ea quoque ingens, & Plinii imagine ostendenda, qui ait: exspatiantia tecta multas addidisse urbes. Plures, inquam, sunt urbes, & tot quot suburbia. Quæ Tybur, Oriculum, Ariciam, atque alio excurrerant, sed maxime Ostiam, & mare versus. Illuc vel ad 15. aut circiter milliaria procedebant: & fidem huic assertioni Neronis consilium ac destinatio faciat, cui ab hac causa visum, Ostiam tenus mœnia promovere; atque inde fossa mare veteri Urbi inducere: etsi non effecit.

De hac magnitudine jam suo ævo Dionysius: (b) Omnia loca circa urbem habitata sine mœnibus esse; in quæ si quis intuens, magnitudinem Romæ exquirere velit, frustra eum fore, & hæsurum ubi desinat urbs, ubi incipiat. Adeo suburbana, inquit, ipsi urbi adherent & innexa sunt, & speciem immensæ longitudinis exhibent spectanti. Et Aristides Rhetor, qui vixit sub Hadriano, cum Urbs in summo flo-

re,

---

(a) Suburbia magna Romæ. [b] Magnitudinis testimonia.

re, haud vanæ μεγαληγορία dixit :  
*Tantam Romam esse, ut in quacumque  
 parte quis constiterit, nihil impediatur  
 & in media eum esse.* Quem locum  
 hæc talia habeant, nisi in magnitu-  
 dine ista adstructa?

*De Hominum in Urbe multitudine.*

Opportune additur multitudo ha-  
 bitantium, argumentum pro magna  
 nostra Roma. Hanc colligere & affir-  
 mare possumus ex vestigiis Scripto-  
 rum, quæ sagaciter ibo indagatum.

Ex lapide Augusti, itemque e Sve-  
 tonio constat, (a) 320000. aliquan-  
 do fuisse plebis urbanæ: plebis, di-  
 co, tenuioris, & quæ e publico vi-  
 titaret; immo supra. Considera, &  
 iustitue ratiocinium; si tanta multi-  
 tudo inopum istorum, quanta jam  
 etiam (b) divitum? Quot illi Sena-  
 tores aut Senatorii? Quot Equites,  
 & ex ipsa plebe honesti? Visne il-  
 los quoque 300000. fuisse? age sunt  
 vel 200000. tantum; quid conficitur?  
 (c) pueros scæminasque addendas; &  
 quo numero? profecto duplo triplo-  
 que (si non ultra) superarunt: & ita  
 ubique gentium aut urbium observa-  
 mus

---

(a) *Numerus plebis.* (b) *Divitum.*  
 (c) *Puorum & scæminarum.*

mus. Habebimus jamnunc in nostra Roma 2. hominum millones.

Rursus probabile est, totidem (a) Servos Romæ, quot liberos fuisse, immo plures. Nam tenuium quotusquisque fuit, cui non unus alterve servulus? At divites illi agmina eorum post se trahebant: nemo certe divitum istorum aut lautorum fuit, cui minus centenis aut ducenis, qui in varia sua officia aut munia divisi. Jam igitur 3. aut 4. millones servorum, quantum nec in provinciis quibusdam & regnis. (a) Quot jam peregrini ex toto Orbe Romam venerunt? alii negotii sui causa, alii publici, multi & mansionis. Ita semper ea urbs referta iis, cum hi inirent, alii exirent; atque ipsa, ut mare, admitteret, emitteret, nec cresceret minueretve. Itaque Aristides Romam dicit esse velut commune totius terræ oppidum. Athæneo Roma est Orbis compendium & Epitome. Eadem Urbs urbium dicta, quia videre in ea est omnes urbes collocatas: Nam & totæ Nationes illic simul & consercim habitant. Ut jam igitur hoc claudam & definiam, putasne & servos & peregrinos minus duobus million-

---

[a] *Peregrinorum.*

lionibus fecisse? Ita in universum sint 4. Romæ, & circa eam, nec mitius aut contractius possum. Quid autem hoc magnum sit? cum & alias (a) urbes reperire est affatim populates. Cæsarea Cappadociæ (nec ea inter urbes principes) 400000. incolarum habuit. Et nunc ipsum numerum aut circa, Lutetia Parisiorum in censum deferbat ante ultimas istas turbas. Agrigentum Siciliæ olim 800000. hominum inhabitavit. Sed hodie nonne Cairum in Ægypto scribitur ad 7. milliones hominum habere? Et Quinzai illud famosum, ad 1600000. familiarum? præ quibus nostra illa frequens Roma decrescat.

At ecce hodierna Roma quam relinquitur, & a veteri illa abest? nam præcipuos illos colles; & vales etiam, vacua habet & deserta. In veteri (b) illa, etsi ubique obvia Tempia, Porticus, Basilicæ, Theatra, Circi, Fora, Balneæ, Thermæ, cætera publica, quæ vel magnam partem, si non maximam urbis occuparunt; non tamen vacua, sed plenissima fuerunt. In balneis & thermis  
an

---

(a) *Urbes populatae aliae.* (b) *Loca omnia in veteri Roma.*

an non multitudo curantium, ministrantium, ad observandum, purgandum, aquam aggerendam, lavandum etiam, fricandum, ungendum, si quis servum non habuisset? Templâ autem, basilicæ, fora, suos custodes & ædituos habebant, satis grandi sane numero, ob sacrificia, ob ornatum, & tutelam. Et passim curatores, & servi item publici in publicis istis locis.

Sed duo non omittendi ad frequentiam urbis, (a) Milites, & Palatini. Milites tot illi in præsidio Principis aut Urbis erant: iis sui calones, & honestioribus servi plures; certo ad 100000. excreverunt. (b) At Palatinos dico totam Principis aulam, in qua tot officia aut ministeria fuerunt. Est & tertium genus. (c) Meretrices & scorta utriusque sexus ingentem numerum reddiderunt, ut in Urbe, quam multi cœlibes, multi exteri sine uxoribus inhabitarent aut frequentarent. Quid jam gladiatores, venatores, scenici, quadrigarii, xystici? multa millia fuerunt.

Duo adhuc argumenta multitudinis addam: Primum quidem jocosum ex Lam.

---

(a) *Milites in Urbe.* (b) *Palatini*  
(c) *Meretrices.*

Lampridio .Heliogabalus servis imperavit, ut omnes (a) araneas colligerent in urbe; atque ii collegerunt ad 10000. pondo: ut vel hinc intelligendum, quam magna Roma esset; quot enim domorum angulos excuti oportuit ad hoc pondus? Alterum argumentum triste, & a peste. In Eusebii Chronico traditur, sub Vespasiano ingentem Romæ (b) luem factam, ita ut per multos dies in ephemeridem 10000. mortuorum referrentur. Nec nimium pro nostra Roma, quando in Cairo etiam legimus ad 20000. hominum in dies absumpta. Sub Nerone pestilentia unius autumnii 300000. funerum in rationem Libitinæ venerunt. Per hanc ergo frequentiam Romæ factum, ut paulatim Italia pene deserta esset, cum plerique eo confluerent, ob frumentationes, ludos, & alios usus aut voluptates: multi quoque maluerunt manus in theatro movere, quam in aratro, Quod maxime fuit, post frumentationes sic largiter & firmiter institutas.

*De Aedificiis Urbis communiter, & de eorum Altitudine.*

Ini-

---

(a) *Multitudo aranearum.* (b) *Peste mortuorum.*

Inimus nunc ipsam Romam, & perambulamus ac lastramus. *Tria* in Urbe (a) miranda canit Claudianus, *Altitudinem, Spatium, & Decorem*. De *Spatio* haftenus dictum, duo alia exsequamur.

*Altitudo* (b) consideranda, sive in collibus ipsis ædificatio, pulchra specie; sive singillatim in operibus ipsis. Quod ad colles, quomodo non bellum, videre eos publicis privatisque ædibus infessos, gradatim declinantes & velut superas quasdam urbes urbi inferæ imminentes? Itaque Plinius, cum de magnitudine dixisset: *Quo*, inquit, *si quis altitudinem tectorum addat, dignam profecto æstimationem concipiat, fateaturque, nullius urbis magnitudinem in toto Orbe potuisse ei comparari*. Quæ altitudo tamen in templis, aut publicis maxime. Cæteræ ædes non communiter sic altæ, nec humiles tamen fuerunt. (b) Nam Augustus Princeps, cum ambitionem in ædificando videret, atque alte attollendo, eamque cum discrimine & periculo ruinæ; sive etiam quia aerem interciperent, & nimis inum-

---

(a) *Quæ in ipsa Urbe miranda.*  
 (b) *Altitudo.* (c) *Ab Augusto de finita.*

innumbrarent, coercuit, & 70. pedes definivit in modo ædificiorum. Nero hoc ipsum postea secutus, cum ab incendio Romam instauraret. Sed non sic communiter; nam multa ædes, & in primis omnes publicæ extra legem hanc fuerunt. Quid si & divites illi nobilesque neglexerint? ego arbitror, sive gratia impetrata, sive & ea neglecta. Et titulus sane fuit: quia lex in futuras novas ædes cavebat, structas non diruebat, & easdem sic reparare. Quidquid tamen sit, si vulgo ædes omnes septuagenum pedum, satis conspicua ea altitudo, præsertim ubi tecta compluviata, aut testudinata, quod sæpe. Nostra hæc pectinata, & in angustum surgentia, aliquid de dignitate minuunt, sed & capacitatem tollunt. In tali autem illa altitudine quid minus quam quaterna aut quina (a) cœnacula? quorum frequentia studebant.

*De Decore ædificiorum.*

Ad (b) *Decorem* transeo, qui varius, in mole, in materia, in artificio, in symmetria, & si quid aliud elegantia aut peritia amat. In hac quoque

---

(a) *Cœnacula.* (b) *Ornatus Urbis quantus.*



quoque parte quin Urbs omnes Orbis urbes superaverit, nemo dubitet. Quidquid artificum insigniorum Græcia aut Asia habuit, Romam evocabantur, aut ultro veniebant: quippe hic præmia. Et quidam ex iis, quibus ingenium & audacia erat, etiam quæ natura denegavisset, per artem tentarunt. Sed primus aut præcipuus decoris hujus auctor Augustus, qui urbem neque pro majestate imperii ornatam, & inundationibus incendiisque obnoxiam excoluit adeo, ut jure sit gloriatus, *Marmoream se relinquere, quam lateritiâ accepisset*. Alter ab eo Nero Imperator, qui ambitione impulsus urbem incendit, ut novam melioremque repararet. Sub Trajano autem videtur culmen fuisse pulchritudini urbanæ: adeo ut & Plinius & Cassiodorus [a] Romam totam, ac per partes, Miraculum esse, & inter prima Mundi spectacula censuerint. Sed paulo distinctius membra hujus pulcherrimi corporis videamus.

*De Capitolio.*

Divina, a quibus rerum hominumque ortus, præeant, & totum hoc

---

(a) *Roma Mundi miraculum.*

hoc pulchritudinis agmen ipsa ducant. Fuerunt Romæ (a) 424. templa; pleraque ex his magnifica, & aliter atque aliter structa, vel instructa. A templo Tarpejo sive Capitolino exordiemur, non quod pulcherrimum, sed quia primarium, & Dei Principis; itemque quia multa substructionum mole, & opibus ac tempore pleraque præibat.

Mons *Saturnius* primo dictus fuit, in quo hæc ædes, tum *Tarpejus*, & mox (b) *Capitolinus*, a capite hominis (cui vivo *Toli* nomen fuisse *Arnobius* tradidit) invento, dum fundamenta moliuntur. Sed hæc nota, non vulgo nimis illud, duplex (c) *Capitolium* fuisse, *Vetus*, & *Novum*. (d) Illud in regione sexta *Circi Flaminii*, a *Numa* constructum. Istud in regione octava fori *Romani*, a *Tarquinio Prisco*. Is complanato monte *Tarpejo* struere cœpit, ex voto, quod voverat bello *Sabino*; idque oppido *Apulis* capto, e manubiis & præda: sed fato præventus absolvendum nepoti *L. Tarquinio Superbo* reliquit, Regum ultimo; etsi *Servium* quoque

S                      Tul-

---

[a] *Templa Romæ.* (b) *Mons Capitolinus.* [c] *Capitolium duplex.*  
 (d) *Auctores Capitolii novi.*

Tullium aliquid addidisse, sociorum studio adjutum, Tacitus (sed solus) dixit. Præcipuustamen auctor operis Superbus, qui Sueffa Pometia e Volscis capta, divendita præda, cum 400. talenta argenti aurique recepisset, [ea sunt 240000. Philippæorum] concepit animo eam amplitudinem Jovis templi, quæ digna Deum hominumque Rege, quæ Romano Imperio, quæ ipsius etiam loci majestate esset. Nec tamen vel Tarquinius supremam manum imposuit, & gloria operis libertati reservata. Pulsis Regibus, Horatius Pulvillus Consul dedicavit ea magnificentia, quam immensæ postea populi Romani opes ornarent potius, quam augerent.

Capitolium ipsum Tarquinii describit his fere verbis Dionysius : ( a ) *Situm est in alta crepidine, habetque in ambitu 8. jugera, sic ut latera singula 200 fere pedum sint, exigua latitudinis & longitudinis differentia, nisi quod ista illam vincit vix pedibus quindenis. Qua parte frons ejus meridiem spectat, triplici columnarum ordine circumcingitur, ab aliis lateribus duplici. In ipso sunt tres cellæ ex ordine, a lateribus communione parietum*

---

( a ) *Descriptio Capitolii.*

*tum clausæ . Media est Jovis , utrimque altera Junonis , altera Minervæ , sub eodem laqueari eodemque tecto .* Verba si examinemus , & jugerum ambitu fuisse dicit , id est , pedum 800. sed sic ; ut quadrum esset , immo pene quadratum , nisi quod longitudo 15. pedibus superaret . Egregia capacitas , & apta proportione . Ait , frontem ad meridiem spectasse , id est , Forum Romanum & Palatium versus , frequentissimam Urbis partem . Ergo ab ea quoque parte 100. gradus , quibus superbe adibatur : quos tamen continuos fuisse non arbitrør , & retractiones suas habuisse , id est , areolas , ubi fessi pedem figerent & respirarent , quas post singulos 7. aut 9. graduum ordines solere interponi , Architecti notarunt . Gradus autem isti haud dubie ad majestatem , eoque & in aliis templis , etsi pauciores , soliti usurpari . Sed ibi ratio , hic necessitas & locus editior voluerunt . Addit columnarum triplicem ordinem , quas L. Sylla Athenis , e templo Jovis Olympii advexit . Quam multæ eæ fuerint , haud dixerim , quia varia proportio in collocandis . Tres in ipso cellas locat Dionysius pro tribus Diis : nec alii quidem Dii in Capitolio , excipio Juventutem , & Terminum ,

num, qui cedere scilicet noluerunt exaugurantibus. Mons tamen passim & pene totus Deorum aris, statuis, templis infessus.

Sed notandum, quatuor in hoc ipso loco, ex ordine, fuisse Capitolia. Nam (a) *primum* illud Tarquiniorum, bello civili Syllano, incendio periit, negligentia custodum. *Alterum* ipse Sylla instruxit, sed non dedicavit, quod unum felicitati suæ deduisse, ipse apud Plinium fatetur; Lutatius Catulus dedicavit & nomen inscripsit. *Tertium* fuit a Vespasiano nam illud Catuli arsit civili iterum; bello Vitelliano: atque iste reparavit iisdem vestigiis, sed & dedicavit. *Quartum* Domitianus instauravit. Sunt hæc igitur 4. Capitolia, sed in eodem loco reposita semper, atque innovata. (b) Capacitas Capitoli pro mensura jam assignata largiter data, erit hominum 8000. (c) Altitudo, quæ minima esse potuit, fuit 200. pedum, sicut in Pantheo Agrippæ; par item latitudo & altitudo. Juvit & decuit altitudo, ubi tanta multitudo, ut aer laxior ac liberior ad respirandum, ad refrigerandum: alioquin ubi arctatio

---

(a) *Capitolia quatuor.* [b] *Capacitas.* (c) *Altitudo.*

tio & compressio, scimus quam subitō animo male fiat.

Ab ædificiis ad ornatum pergo, qui tamen varius in vario isto opere. In illa Tarquinii (a) Capitolio ænea limina, & trium mensarum argentea vasa in cella Jovis, Jovemque in culmine cum quadrigis aureis Ædiles posuerant: item clypea inaurata. Post Carthaginem everfam laquearia inaurata fuerunt, id est, totum illud internum cœlum & cameratio. Illud (b) Catuli fastigiatis supra tectis auro puro fulgens præluxit Capitolium, Catulus enim primus regulas æreas Capitolii inauravit. Sane hoc magnificentum & vere splendidum fuit; & quis ille fulgor, Sole irradiante? Fuit & ad firmitatem aptum æs, & contra æruginem sicut rubiginem valuit indutum aurum. Cætera donorum & ornamentorum varia, Coronæ aureæ, Victoriæ aureæ, candelabra, vasa, & quæ tu tibi subicias. Illud omnino observandum, omnibus his detractis, ex Ægyptiaca præda alia victorem Augustum reposuisse; detractis ex SC. ut tam multis his novis & melioribus locus fieret. Id vero ipsum tempus fuit,

S 3 quo

- 
- (a) *Ornatus Capitolii Tarquinii.*  
(b) *Catuli.*

quo una (a) donatione in cellam Jovis Capitolini contulit 16000. pondo auri [id est, Philippicorum 1600000.] & quingenties HS. in gemmis, id est, 1250000. Philipp. Quid censes in duas alias collatum? nam & eas sua dona accepisse Dio disertim dicit. Pleraque tamen horum periere incendiis. Sub (b) Domitiano quæ & quanta fuerint, ex Plutarchi verbis suspicemur, qui ait, in solam inaurationem privatum omnem modum excedentes opes impensas, nempe supra 12000. talentorum. Ea sunt nobis 7200000. Philippæorum, sive 7. milliones, & quod excedit. Tanti igitur inauratio, quæ fuit non in lacunaribus solum, sed in tegulis æreis, ut illo Catuli. Nec tecta modo inaurata, sed ipsæ fores auratæ, & crassis laminis obductæ: quæ mansere ad Honorii Imperatoris ævum. Tunc in pecuniæ inopia Stilico mandasse perhibetur, ut fores in Capitolio Romano, quæ auro magni ponderis erant obductæ, laminis iis spoliarentur. Cum autem qui hoc facere jussit erant, id agerent, in parte forium scriptum reppererunt: *Infelici Regi ser-*

---

[a] *Donatio Augusti*. (b) *Domitiani*.

gi servantur. Quod eventus docuit ;  
nam Stilico paulo post infelicitè pe-  
riit.

*De Templo Panthei.*

*Pantheon* (a) ab Agrippa genero  
Augusti structum fuit, & opus notum  
est, hodieque ( etsi ornamentis omni-  
bus spoliatum ) ipsum corpus exstat.  
Struxit in tertio Consulatu suo, quod  
inscriptio frontis indicat ; sed perfec-  
cit biennio post & dedicavit, A. U.  
729. Quæ causa nominis, ipse Dio du-  
bitat. In Glossis illis priscis legitur,  
πανθεῖον, (b) *Omnium Deorum*. Sed  
& Athenis, atque alibi, τὸ κοινὸν τῶν  
θεῶν ἱερὸν fuisse, *commune Deorum tem-  
plum*, ex Pausania disco: cui & ori-  
go esse apud Romanos potuit, ex com-  
muni Deorum sacro, de quo Festus.  
Sed Dio tamen aliter ; & movit ip-  
sum, credo, quod paucæ & certæ in  
eo statuæ essent, neque Diis commu-  
niter positæ. Fuit enim Martis, Ve-  
neris, ( in cujus auribus sectus famo-  
sus ille unio Cleopatrz ) & Cæsaris  
Julii ; ipsius Augusti cum sua in ve-  
stibulo posuit Agrippa. Jupiter autem  
præcipuus, & præses ibi Deus fuisse  
videtur: sed & plures alii, eoque no-  
mine haud male *Pantheon*, etsi Dio

S 4 a cœ-

[ a ] *Panthei auctor*. (b) *Nemen*.



a cœli forma magis petit, quoniam id scilicet receptaculum & sedes Deorum.

Hoc inter pulcherrima operum Plinius recensuit: quid mirum vel ab ipso isto corpore, sed spoliato & nudo? [a] Nam artificium & symmetria per omnes partes maximas, minimas, in eo mirabilis; decor, ordo, devinctio singularis, ut Sebastianus Serlius, vir peritissimus talium, habendum censeat hoc velut unicum exemplar consummatæ Architecturæ. Latitudo atque altitudo par est, pedum 144. Amisit de specie, quod rudera locum fustulerunt, & gradibus in templum nunc descenditur; atqui antea ascende-  
batur. Tectum & ipsum æreis tegulis, quæ prægrandes aliquot in fornice repertæ, nec dubitandum & has auratas fuisse. Abstulit eas tegulas Constantinus Heraclii filius, ut pleraque alia ornamenta Romæ reliqua; avexit in Siciliam, & Saraceni invadentes omnia abstulerunt in Ægyptum avehentes.

Exustum (b) fuit magno illo incendio sub Tito, cum & Capitolium tertio arsit: & refecit Domitianus.

Sed

---

(a) *Architectura*. (b) *Exustum & reparatum*.

Sed nec diu post, Trajani anno 13. fulmine ictum conflagravit: & ab Hadriano restitutum. Itaque non soli ii restituerunt, qui in fronte operis hodieque insculpti leguntur, L. Septimius Severus, & M. Aurelius Antoninus; sed jam dicti. Mutavit & transiit in melioris templi usum, & a Veneri ad nostram Virginem, faciente Bonifacio IV. Pontifice, sub Annum Christi 607.

*De Templo Urbis.*

Habuit & Domina Urbs, illa æterna & cœlestis, suum templum. O infaniam! ædificiis & inanimato corpori non vitam solum attribuere, ( a ) sed numen! Atqui fecerunt, & Urbs hæc, in qua sedes tanti Imperii tamquam in ea potentia & divinitas, sic culta. Inventio & adulatio a Græcis Asiaticis est, apud quos Smyrnæi primi templum Urbis Romæ statuerunt, circa A. U. 558. Nec defuerunt alii sequi exemplum, statimque Alabandenses in sua Urbe struxere. Non alio fine, nisi ut propitiam sibi non Urbem, sed Urbis incolas & rectores haberent. Ita igitur initium, sed in provinciis; immo nec sub Principibus statim Romæ, in ipsa Roma, templum.

S 5

Ha-

---

[ a ] *Roma ut numen culta.*

Hadrianus fecit, & ob eam causam Colossum transtulit: qui idem Veneris templum struxit; non inepte, ut Venus, Æneadum mater, cum sua prole jungeretur. Credendum est, fuisse templum (a) Urbis ad radices montis Palatini, circa aut in comitio: in divisione tamen Urbis accensitum Regioni Pacis.

*De Templo Genii.*

Fuit & *Genii publici* (b) templum Romæ, distinctum ab isto Urbis; & hoc verecundius paulo, & minus insolenter excogitatum. Nam Genium locis, regionibus, civitatibus tribui, satis est frequens & notum. Itaque in Dione templum *Genii populi* aliquoties numinatur: sed diu ante Urbis, & quidem ab anno 741. ante Principatum Augusti. Sed & Antiochiæ, Alexandriæ, atque alibi Templum Genii leges.

*De Templo Pacis.*

Templum *Pacis* (c) Vespasianus Romæ consecravit, magna spe & animo mansuram, post civilia tunc quoque bella. Fuit foro proximum, ac nunc vestigia exstant, & ex iis operis ipsius forma. Grande fuit, & lon-

---

(a) *Ubi templum Urbis.* (b) *Templum Genii.* (c) *Templum Pacis ubi.*

longitudo 300. pedes attigit, latitudo 200. Igitur supra Capitolium ipsum. Hac causa merito Herodianus id appellat, *Maximum & pulcherrimum omnium in Urbe operum*: additque, ditissimum item fuisse, ornamentis auri & argenti excultum.

Fecisse id sub initia Imperii, & post triumphum, (a) Vespasianum ex Josepho discas. Magnis enim opibus in hanc rem usus, & priscorum etiam præclara omnia adhibens, picturis & statuis pulcherrimis adornavit. Omnia enim in hoc templum collata & disposita sunt, ob quæ homines videnti cupiditate antea per totum Orbem vagabantur. Consonat & Plinius, qui passim pulcherrima aut rarissima operum in templo Pacis fuisse adnotat. Quod magis impressiusque referatur, ut tristius (b) damnum cognoscatur, quod factum est templi hujus incendio sub Commodo. Tunc enim levi terræmotu prævio, sive ictu fulminis, sive igne e terra exsprante, subito & improvise totum conflagravit, itemque porticus, & totus ejus ambitus: malo sane augurio, ut tunc Romani haud vane interpretabantur, periisse sibi Pacem.

S 6 In-

---

[a.] *Auctor Vespasianus.* (b) *Ruinae ejus*

Inter adjecta autem vel circumjecta periit & Bibliotheca, quæ in ambitu ejus templi erat; ejus in A. Gellio memoria exstat.

*De Foris Romanis.*

Fora Romana, sed & Græca, alia quam pro nostris moribus hodie. (a) Græci in quadrato amplissimis & duplicibus porticibus fora constituunt, crebrisque columnis, & lapideis aut marmoreis epistyliis adornant, & supra ambulationes in contignationibus faciunt. Atque hæc ipsa Romam, nisi quod non quadrata æqualiter, sed oblonga magis faciebant, nec nisi tertia latitudinis parte. Sed nec columnas tam crebras interponunt, & Romæ etiam magnis circumpositis ædificiis, ut Templis, Basilicis, Chalcediis, magis ornabant. Ambitus ipse fori porticibus claudebatur, viis relictis & spatiis ad intrandum: exterius deinde templa, & quæ dixi, circumponebantur, & late super porticus illas eminebant. Sed membra singula videamus.

Porticus (b) erant duplices, in altitudinem & latitudinem; magis tamen in latitudinem, ut latius inambula-

---

[a] *Fora Græcorum*. (b) *Fora Romana*. [c] *Porticus in foro*.

bularetur ; quamvis nec de illa negem. Duplex ergo columnatio in altum solita usurpari, sed in latum sapissime, atque adeo triplex, quadruplex, quintuplexque : pulchra sane tot columnarum series, & superba facies. Jam super istas porticus, ambulationes erant.

Fora [a] duorum generum Romæ, & in universum 17. numerant descriptores Urbis. Erant *Civilia*, erant *Venalia*. Illa, in quibus res & lites agebantur : hæc, in quibus merces aut species certæ venales ; (b) ut Forum *Suavium*, *Piscatorium*, *Pistorium*, *Boarium*. *Olitorium* & talia. In utrisque & cætus, ac circuli, ac sermones hominum erant, ut solet in vacuis ; sed magis in Civilibus illis. Hæc olim fuerunt tria, (a) *Romanum*, *Julium*, *Augustum* : Quartum Domitianus inchoavit, quod *Transitorium* vocabant, & postea Nerva absolvit, ab eo etiam *Nervæ* dictum. Quintum denique addidit Trajanus, ab ipso sic appellatum. Labet breviter illustrare singula, & quædam in iis levi oculorum injectu præcipua observare.

De

---

(a) *Venalia*. (b) *Civilia*.

Forum (a) *Romanum* est, quod *Vetus* appellant, aspectu ad hæc posteriora; itemque *Magnum*, quia spatium superavit; & *Latium* dictum. Id a Romulo institutum, inter Capitolinum & Palatinum montes, ad hujus finem: sic ut templa Capitolina ei imminerent, Palatii variæ structuræ, & varia in ambitu templa. Sed hæc postea fuere; Romuli ævo, simplex planities. L. Tarquinius Priscus postea exornavit, (b) & tabernis ac porticibus cinxit. Alii deinde tam multa & varia (quia quisque opus suum in conspicua maxime & celebri parte existare cupiebat) addiderunt, ut multæ & curiosæ curæ sit singillatim recensere. Statius quædam recensuit in Equo Domitiani. Ille enim ex ære colossæum illum, & se infessorem constituit in hoc foro.

*De foro Julio.*

*Julium* [c] Forum C. Cæsar, etiam privatus, & Proconsul adhuc Galliæ concepit, atque adeo cœpit. Nam locum & aream emit, ac purgavit; magno sane, siquidem area super HS. mil-

---

(a) *Fori Romani nomina.*

[b] *Ornatus ejus.* [c] *Forum Julium a Cæsare.*

millies constitit. Ea summa est nobis 2500000. Philippicum. Svetonius palam hoc inter Gallicanæ liberalitatis exempla refert. Tunc igitur emit, sed bellis impeditus aut tardatus, non nisi post bellum Africum perfecit. Pulchrius Romano fuisse narrat Dio; quod equidem credo, vel quia a Cæsare, vel quia posteriora opera prioribus fere antecellunt. Fuit autem hoc Julium haud longe nimis a Romano, post templa Pacis & Faustinae.

*De Foro Augusto.*

Transco ad Forum (a) *Augusti*, quod nominatim Plinius inter maxima operum collocavit. Profecto gradatim scandimus, & meliora ac majora in his damus. Mars *Ultor* hic in medio, ut in superiore Julius, aut Venus. Ovidius *Bisultorem* cognominat, quia & ob vindicatam patris necem hoc cognomen Augustus imposuit, & ob Crassianam cladem, signis a Partho receptis. Porticus in eo, de more, ad latera: sed hoc in iis singulare, & ab *Augusti* invento, quod in altera ordine omnes Latini Reges a capite & principe *Ænea* essent; in altera Romani Reges, aut Duces clari a Romulo ipso. Inter eos & ipse Augustus locum

---

(a) *Forum Augustum.*



cum habuit, atque ejus tituli & acta. Ergo illic sub quoque viro aut statua suæ res gestæ breviter & index. Atque istæ novæ statux: quot deinde veteres, & priscæ raræque artis? Sicutum autem hoc forum supra ipsum Romanum, ad latus Capitolii, post ædem hodie Divæ Martinæ.

*De Foro Nervæ.*

Quarium Forum est (a) *Nervæ*, quod Domitianus inchoavit, iste perfecit & agnominavit. In hoc Alexander Imperator statuas colossas, vel pedestres nudas, vel equestres, Divis Imperatoribus locavit; omnibus cum titulis & columnis æreis, quæ gestorum ordinem continerent, exemplo Augusti, qui summorum virorum statuas in foro suo e marmore colloca- vit, additis gestis. Istud fuit situm inter Capitolinum & (uirinalem colles, dictumque ideo *Transitorium*, quod per id in alia opportune velut transitus esset. An & quia Jani in eo templum? quod quatuor portarum ibi fuisse Servius tradidit. Forum hoc etiam *Palladium* dixere, quia Minerva etiam ibi, familiare Principi Augusto numen.

*De*

---

(a) *Forum Nervæ.*

## De Foro Trajani.

Quintum Forum (a) Ulpium sive Trajani, quia Trajanus fecit. Quale hoc fuerit, Ammianus paucis verbis dixerit, clamitans *singularem sub omni cælo structuram, etiam Numinum assensione mirabilem*. Consentit Cassiodorus, & Trajani forum, inquit, *vel sub assiduitate videre, miraculum est*. Apollodorus Architectus fuit, summus in arte vir, & quem Hadrianus postea, livore quodam ductus, occidit. Porticus & columnas fuisse, satis scitum est, & puto in altum plures. Et sane altitudo columnæ, quæ in medio sita fuit, hodieque apparet, est pedum 128. Credibile ergo est, aut tam altas, aut non longe infra porticus ipsas fuisse. In quarum fastigiis simulacra equorum, & signorum militarium, subscriptumque erat, *Ex manubiis*. Et hæc omnia inaurata fuerunt, & probabiliter etiam statuæ, quæ subter porticus collocatæ. Has M. Antoninus numero auxit. Ibidem & Templum, & Equum æneum fuisse, Victor ostendit, & circum Bibliothecam, alii.

## De Thermis, &amp; Balneis.

Thermas & Balnea Romæ fuisse  
ma.

---

(a) Fori Ulpii laus.

magna, ruinæ docent, ornata valde & magnifica. Quo respiciens Ammianus scribit, (a) *Lavacra in modum provinciarum exstructa*, quasi quæ non urbes, sed regiones totas æmularentur. Videntur hodie illæ parietinæ Thermarum Antonini, aut magis Diocletiani, in quibus mira latitas. Nam Thermæ Antoninianæ in usum lavantium habebant 1600. sellas e marmore factas; Diocletiani autem circiter 3200. quid nisi igitur tot personæ inibi simul lavari potuere? Ubi jam reliquum Thermarum corpus? Cellæ, Solia, Piscinæ? Ubi capaces & longæ illæ Porticus, Xysti, Nemora, Sphæristeria, & reliquæ partes? De splendore porro & paratura earum audi hæc Senecæ: [b] *Pauper sibi videtur ac sordidus, nisi parietes magnis ac pretiosis orbibus resulserint; nisi Alexandrina marmora Numidicis crustis distincta sint; nisi illis undique, & in picturæ modum variata circumlitio prætexatur; nisi vitro condatur camera; nisi Parius & Thasius lapis, quondam rarum in aliquo templo spectaculum, piscinas nostras circumdederit; nisi aquam*  
argen-

---

[a] *Thermarum magnitudo.* (b) *Ornatus Thermarum.*

*argentea epitonia fuderint.* (significat fistulas & canales argenteos fuisse, ipsa etiam labra) *Et adhuc plebejas fistulas loquor, quid cum ad aenea libertinorum pervenero? quantum statuarum, quantum columnarum est nihil sustinentium, sed in ornamentum positarum, & impensæ causa? quantum aquarum per gradus cum fragore labentium? Eo deliciarum venimus, ut nisi gemmas calcare nolimus.* Quod si igitur privata hæc ita culta, credo equidem & Principes in suis, quæ publicabant, parcos aut sordidos non fuisse. Ejusmodi publica & gratuita balnea (a) 12. P. Victor agnoscit Romæ fuisse; cmitto alia publica, quæ meritoria licet agnominare. Nam parvo ære, & quadrante ad ea lautum ibant.

Sed ideo tam multa balnea Romæ, quia assidua [b] lavatio, & quotidie de more lavabant ituri jam ad cœnam. Hinc Artemidorus scripsit, balneum nihil aliud suo ævo fuisse, quam transitum ad cœnam. Itaque qui sæpius etiam cibum capiebant, sæpius lavabant. Commodus Imperator notatur septies aut octies in die lavisse. Etiam inter Christianos Sisinnius qui-

---

(a) Numerus. (b) Frequens lavatio Romæ.

quidam Episcopus bis in die, non sine suspitione intemperantiæ & voluptatum: sed ille dictorio culpantes illulit: *Quia ter lavare non posset* significabat bis se comedere, bis igitur lavare, tertio non ferre valetudinem.

*De Odeo, & Rostris.*

Alia quoque erant publica opera, ut Theatrum, Amphitheatrum, Odeum Stadium, Suggestus, quæ singulos tractatus requirerent. De *Amphitheatro* alibi dictum. [a] *Odeum* Plutarchus in Pericle describit, ad Musica certamina spectanda structum fuisse, interiorè forma sedilibus instructa, & multis columnis, tecto declivi, & ad imaginem atque instar tabernaculi Regis Persarum.

Suggestus consularis huc spectat, scilicet *Rostra*, (b) quæ *Julia* dicebant, sive *Nova*. Nam vetera illa non in tanto nunc honore, vel usu. Vocat Ammianus *Suggestum*, a forma, quam ostendit per gradus surrexisse, cum dicit, vertice scansili fuisse. Dicit & imitamenta priorum Principum portasse, id est, vultus & statuas eorum, quas equidem arbitror in gradibus, ad extrema latera, dispositas  
in

---

(a) *Odeum*. [b] *Rostra*.

in ordine fuisse . Eorum basim , sive ima , ornata rostris navium ex Aetia-  
ca victoria , Dio Cassius docuit : &  
inde *Rostrorum* nomen . Ideo autem  
( a ) *Consulum Suggestum* appellat Am-  
mianus , quia initio magistratus eo con-  
scendere solebant Consules , & popu-  
lum salutare ; eodem iterum , cum  
deponerent magistratum . Mos ab an-  
tiquo mansit ; quia & adire , & ora-  
re illic , ac gratias agere populo so-  
lebant pro honore . Sed inferiore &  
Principum ævo nihil factum nisi ut  
conscenderent , salutare , itemque  
jurarent , aut ejurarent . Immo & se-  
disse illic in sella curuli videntur ,  
& sic se ostendisse , quasi auspicii  
causa .

*De Statuis , earumque custodia.*

Unum etiam in his omnibus ope-  
ribus locisque monendum , de *Sta-  
tuis* , quarum incredibilis [ b ] multi-  
tudo , pretium , speciesque . Nullum  
publicum opus , quodcumque nomi-  
nes ; nullus adeo locus publicus aut  
vacuus , ubi non hæc ornamen-  
ta . Et credo equidem nihil magis in  
tota Urbe admirandum elegantioribus  
ingeniis fuisse . Earum originem &  
au-

---

( a ) *Suggestus Consulum* . ( b ) *Sta-  
tuarum multitudo* .

augmentum breviter in Cassiodoro habes . (a) *Statuas primum Tusci in Italia invenisse referuntur , quas amplexa posteritas , pene parem populum Urbi dedit , quam natura procreavit .* Fuerunt (b) & *Tabulae* magnorum illorum artificum , ob quarum unam alteramque vel Romam philocali & elegantes illi venirent .

Iam de (c) pretio statuarum quod tetigi , quis non vel e materie cernat ? Omitto marmoreas illas & areas infinitas ; dico argenteas , aureas , eburneas fuisse . Et argenteæ quidem sub Augusto maxime increbuerunt : sed ille moderatus est , & suas conflavit ; non ita alii Principes , & nominatim Domitianus , qui superbo arbitrio statuas sibi in Capitolio ( locum hunc sacerrimum profanus Princeps statuis suis sedem eligebat ) non nisi aureas , argenteasque poni permittebat , ac ponderis certi . Nota materiem , nota pondus : & ex solido utraque igitur metallo fuisse . Fuerunt etiam graves pondere : atque adeo Commodus Imperator statuam 1000. librarum auream habuit , cum tauro & vacca , quasi Urbis conditor . Claudio

Po-

---

(a) *Origo* . [b] *Tabulae* . (c) *Statuarum pretium* .

Populus Romanus sumptu suo, in Capitolio, ante Iovis Opt. Max. templum statuam auream 1000. pondo collocavit. Eidem Principi in Rostris posita columna est, & palmata statua superfixa, librarum argenti 1500. Disce hinc pondus grande in utroque meliore metallo: quod crebrum omnino fuit, & crebrius etiam misceri, & æs vel argentum inaurari. Et id dicebant, *Sub auro statuam poni.*

Harum statuarum (a) tanta erat frequentia, ut Claudius Imperator coercere sit conatus; quia nimia jam copia Urbem, vias, vicos, non ornabant, sed stipabant & ardebant. Atqui exceptio quam posuit, & permissio item a Senatu, fræna iterum laxabant; & qui in Urbe non potuit, is se in villis aut agris publicabat. Variæ (b) statuarum fuerunt species; quædam Colossææ, Curules, Equestres, Pedestres, & habitu variante & diverso. Quid, quod equorum, leonum, sphyn gum, & variorum animalium? ut Obeliscos, & hæc talia omitam.

Ne autem aliquis (c) e statuis illis aliquid abraderet aut refecaret, custod-

---

(a) *Magna statuarum copia.* (b) *Species variæ.* (c) *Custodia statuarum.*



stodia & cautela antiqua fuit. Miles in Urbe excubabat, Urbanus ille & vigilum ad templa, ad loca item publica. Sed præterea certus etiam Præfectus huic statuarum custodiæ, & qui militem haberet. Vocarunt id officii, *Comitivam Romanam*. Atque hic est, qui *Comes Romanus* appellatur, quia Romam, & ejus opera servabat.

*De Viarum operibus.*

Non Romam solum, sed quædam circa eam ostendam. [a] Tria autem occurrunt vel maxime admiranda, *Via, Aqueductus, Cloaca*. Quæ tria Dionysius vult velut specimen & argumentum esse Romanæ opulentiae & potentiae, sive ab usu consideres, sive ab impendiis & sumptu.

Primæ sunt (b) *Vie*, quas illi non in Urbe solum, sed extra eam, ad longissima spatia, plurimas, & plurimo opere muniverunt. Vel una via Appia considerantem in stuporem dabit, de qua audi Procopium, quem afferimus, & passim explicamus: (c) *Hanc (viam Appiam) Appius Romanorum Censor ante annos 900. struxerat (imo 850. circiter) & a se dederat nomen. Longitudinem ejus 5. dierum*  
spa-

- 
- (a) *Tria circa Romam admiranda.*  
(b) *Vie.* (c) *Vie Appie descriptio.*

*spatio vir expeditus possit emetiri. Ab urbe Roma Capuam pertinet, (nimirum a porta Capena Capuam usque, quæ sunt milliaria 124. Deinde fuit usque Brundisium lapidibus strata, an ab Julio Cæsare, an ab Augusto, incertum: quæ longitudo est milliarium circiter 350. Addit de latitudine) ea latitudine, ut duo currus ex adverso obvii, libere queant pervadere & commovere, (Ergo haud minus 25. pedes patuit.) Et est sane hac via præter cæteras spectabilis, siquidem Appius ex alia & longinqua tunc, ut reor, regione excisos lapides, & hos quidem siliceos, & suopte ingenio durissimos in hanc viam vehendos curavit: (intelligit silicem, durum asperumque lapidem, & e rupibus, non illum minutum & tenuem, quem vulgo vocamus, & qui in glaream potius venit. Sed e qua regione petiti? in vicinia tales non esse, Procopius indicavit. Onufrius Panvinus hoc amplius, duos montes ostendi, ad Sinuessam unum, alterum inter Puteolos & Neapolim, e quibus saxa ea, colore & duritie ferum referentia, videantur excisa. At Leander specus & fodinas in Bruttiiis exstare, ad Seminariam, e quibus lapides ad vias eruti, præsertim ad Appiam. Quidquid sit, opus mirum &*

T labo-

laboriosum fuit. Nos in Procópio pergamus, qui addit ) *Quos planos deinde ac laeves redditos, & quadratos incisione factos, junxit & in ordine locavit.* (conspiciuntur hodie tales, diversa magnitudine, 3. 4. 5. etiam pedum quaquaversus. Cætera de junctura & firmitate, utque unum corpus appareat, sunt miranda magis, quam explicanda ) *metalli nihil vel alterius rei inferendo, sunt tamen ita connexi, & valide inter se hærent, ut speciem visentibus præbeant non conjunctos ita esse, sed congenitos. Et quamvis tot jam sæculis atterantur, assiduis plaustris jumentisque; tamen neque serie sua vel minimum excunt & dimoventur, neque franguntur, aut lævorem suum amittunt.* Nec brevior quoque (a) *Via Flaminia*, quæ Roma Ariminum usque, & inde porro Aquilejam ducebat.

Observanda hoc loco duplex ratio sternendi vias apud veteres, vel *glarea*, vel *silice*. Amplius (b) *Marginare* solebant: quod caput sane erat, & agger ille viæ cum altiusculus, & instar pulvilli esset (ita solet) firmiter arctari & stringi lapidibus grandioribus

---

(a) *Via Flaminia*. [b] *Marginare* quid.

ribus ad oras debebat, ne difflueret & spargeretur. Hoc *Marginari* : & ibidem etiam alii lapides duplices, & ad usum duplicem positi. Priores, (a) Cippi quidam eminentes, in quibus insidere fessis, onera reclinare, aut & ascendere ex iis in equum fas esset : Ii crebriores dispositi per totam viam. Alteri autem rariores, qui ut columellæ exstabant, & notis numerorum incisi, milliaria notabant. Utrumque hoc C. Grachus instituit; & gratum id vulgus fuit. Cur non esset? nihil magis ad tædium & fatigationem, quam ignaros spatiorum oberrare; & contra, refici animum ac vires ea signatione. Hinc ille mos per lapides computandi, quos Græci ab hac notatione milliarium, Σημεῖα vocant, id est, *Signa*, sive *Notas*.

Quod ad (b) munitionem viarum, pleræque similes, nec in Italia solum plurimæ, sed in provinciis ipsis. Nam scripsit Isidorus, Pœnos primos lapidibus vias stravisse, quas postea Romani pene per totum Orbem disposuerunt; excisis sæpe montibus, complanatis vallibus, ut æquabiles & faciliores ita viæ essent. Præcipuum ve-

T 2 ro

(a) *Cippi in viis.* (b) *Munitiones viarum.*

ro in viis, si non in usu, at splendore & voluptate fuit, quod monumenta & Sepulchra passim ad viam affita, & latus utrūque prætexebant. Quam [a] pulcher ille aspectus viantibus? quanta & seriorum & jocorum materies? Illic illustrium ingeniorum, aut clarorum virorum memoria & inscriptio; alibi libertorum, servorum, scortorum, superba monumenta. Mirari, dolere, illudere, etiam detestari occasio erat: & quid in tot titulis & inscriptionibus pasci? Quædam enim à meliore ingenio, & scitæ; quedam aliqua nota aut inventiuncula spectabiles; & istæ quæ hodie exstant, dicent. Sed & utilis [b] aspectus ille; nam monumenta secundum viam prætereuntes admonent, & se fuisse, & illos esse mortales. Quid amplius? omnium illorum, qui disparibus monumentis teguntur, parem in exitu sortem fuisse: Æquat omnes cinis; impares nascimur, pares morimur.

*De Aquæductibus.*

Jam (c) *Aquæductus* videamus, & pulverem sordesque, si quas e Via contraximus, abluamus. Diu Roma sine Aquæductibus; & Tiberis, ac si qui fon-

---

(a) *Ad pulchritudinem.* (b) *Ad utilitatem.* (c) *Aquæductuum origo.*

fontes nativi erant, sufficiebant populo, sed nondum sic aucto. Urbe dein magna, plena, & cum in colibus, procul a flumine degerent, optimum rerum aqua (ut Poeta canebat) quæsitæ, & per tubos ac canales, in fornicibus latericiis Romam advecta. Id factum primum A. U. 441. cum Appius Claudius Censor, idem qui vias sternere instituit, hoc quoque bonum invenit. Ab eo est *Aqua Appia*, per milliaria circiter 11. deducta. Hoc initium: sed Deus bone, quæ mox [[a]] incrementa? Nam egebant sane aquis populus ille, non solum ad potum, sed ad balnea, ad fullonicas, ad Naumachias & Circos. Atque ita ubertim inducta fuit, ut quisque domi, aut in vicino haberet copiam. Ita autem flumina per Urbem & cloacas videbantur fluere, ut unaquæque domus præpemodum haberet fistulas & canales, quibus aquam induceret. De hac re Plinius: *Si quis diligentius æstimaverit aquarum abundantiam in publico, balneis, piscinis, domibus, euripis, hortis, suburbanis villis, spatioque advenientium exstructos arcus, montes perpressos, corvalles æquatas, fatebitur, nihil magis*

T 3 mi-

(a) Incrementa.

*mirandum fuisse in toto Orbe terrarum. Nec Romæ tantum, sed in coloniis plerisque & majoribus oppidis hæc fuere.*

Fuerunt in Urbem perducti (a) 14. Aquæductus ( P. Victor 20. numeravit ) coctili laterculo per priscos illos ædificati, ea latitudine ac simul altitudine, ut vir eques commode per eos posset incedere. Sed hæc altitudo de ipsis modo est; quid arcus & fornices arbitraris? quos in quibusdam locis sublevatos 109. pedes, Julius Frontinus affirmat. Orem stupendam! & magis, quod a tot milliaribus continuo opere ( etsi non ubique sic alto ) perducebant. Reperies quosdam a quadragesimo milliari perductos esse, & nempe per valles, per montes, per tot inæqualia, supra, infra terram. Exstant juxta Sublaqueum Aquæductus (b) Claudiani fornices, & ingentes pilæ sustentantes; de quo Plinius ita scribit: *Vicit antecedentes aquarum ductus novissimum impendium operis, inchoati a Cajo Cæsare ( Caligulam intelligit ) & peracti a Claudio. Quippe a quadragesimo lapide, ad eam excelsitatem, ut in omnes Urbis montes* leva-

---

[a] Multitudo Aquæductuum. (b) Aquæductus Claudii.

levarentur, influxere Curtius & Cæru-  
lius fontes. Erogatum in id opus HS.  
ter millies. Fuerunt 7. nostri millones  
& semis.

Idem Plinius quedam de Lacubus,  
aliisque additamentis Aquæductuum  
scribit, non sine miraculo etiam au-  
dienda. (a) Agrippa in Ædilitate sua,  
adjecta Virgine aqua, cæteris corrivatis  
atque emendatis, lacus 700. fecit; præ-  
terea salientes 105. castella 130. complu-  
ra etiam cultu magnifica. Operibus iis  
signa 300. ærea aut marmorea imposuit,  
columnas ex marmore 400. eaque omnia  
annuo spatio. Hæc unus Agrippa, &  
uno anno. At scripsit Plinius, lacus  
700. ab eo factos; recte ab eo: sed  
plures longe fuere in universum, &  
alibi 1352. legimus. Isti (b) non aliud,  
quam aquarum in publico receptacu-  
la, e quibus petere omnibus fas esset:  
etsi gratior, æstimatorque e salientibus  
ipsis sumpta. Nota autem in Plinio  
tot signa, tot columnas, ad ornatum  
lacuum, salientium, castellorum: at-  
que ea ab uno Agrippa; quid arbitra-  
ris ab aliis prioribus & secutis fuisse?  
Atque alia etiam assidua multa impen-  
dia circa has aquas.

T 4

Ha-

(a) Opera aquaria Agrippæ. (b) La-  
cus quid.



Harum (a) aquarum Curatores ab Augusto fuerunt instituti, cum liſtoribus, ſervis, ſcribis, librariis, accenſis; præconibus. Sed præcipuum, quod familiæ & homines certi ad tuenda hæc opera, ſumptu publico tolerati. Audi hac de re Frontinum, qui ipſe inter Curatores aquarum; is ergo ſcribit, Agrippam primo per ſervos privatos ſuos hæc feciſſe, eamque familiam Auguſto morientem legaviſſe. Auguſtum deinde publicaviſſe, & deinceps manſiſſe; atque habuiſſe homines circiter 240. *Erat autem & altera*, inquit, *familia Cæſaris dicta, & numerus ejus 360. quam Claudius, cum aquas in Urbem perduceret, inſtituit.* Addit, in utraque familia varia miniſteria fuiſſe, Villicos, Caſtellarios, Curatores, Silicarios, Teſtores, alioſque opifices. Habes igitur perpetuos homines 600. ad aquarum tuitionem.

*De Cloacis.*

Ponimus & Cloacas inter magnificas, & ſordes has inter illos ſplendores; immo & ſub terra theſauros oſtendimus, & latentium quorundam operum moles. (b) Cloacæ a Tarquinio Priſco Rege ſtructæ, ad munditiem,

---

(a) Curatores aquarum. (b) Cloacarum crigo.

tiem, sordefque omnes vel ablundas, vel evehendas: sed & ad sanitatem, quæ illam amat. (a) Cloacæ operum omnium maximum, suffossis montibus, atque Urbe pensili subterque navigata. Quid magni, si tam magnæ, ut vehem. scæni onustam large transmitterent? Id enim non Plinius solum scripsit, sed & Strabo. Latitudinem Marlianus reperit 16. pedum; nec forsan minor altitudo. Fecit id Agrippa in Ædilitate, per meatus corrivatis 7. annibus, cursuque præcipiti torrentium modo raperé omnia atque auferre coactis. Fuerunt enim (b) 7. Cloacæ præcipuæ, tot quot sunt montes. Nam ex iis disfluebant ac derivabantur aquæ ac sordes, & in magnam unam confluebant. Quin enim plures minutæ fuerint, non ambigendum est; sed istæ tot fueré quasi flumina, & alveo grandiore, atque eæ per plana Urbis ferebantur.

Cloacarum (c) firmitatem commendat Plinius, & causas concutientes 4. commemorat, quarum vel singulæ firmissima opera evertant; at non labefactant istud. Sunt, pugna aquarum

T 5 rum

(a) *Magnitudo.* (b) *Cloacæ 7. Majores.* (c) *Firmitas.*

rum & copia intus : moles & columnæ valtæ , quæ per vias , & super illas trahuntur : ruinae variae & pondera incidentium ædificiorum : denique validi aliquot terræmotus , Quidni igitur firmum & rara duritie opus , quod omnibus resistit ? & id per tot sæcula ? Etsi tamen ( *a* ) repararunt , aut fulserunt interim , quod omnino necesse fuit . Quam sumptuosa autem illa reparatio , dicit apud Dionysium C. Aquilius , qui scripsit , neglectis aliquando cloacis , & non defluentibus , Censores in earum instaurationem 100. talenta impendisse in redemptores . Ea sunt 600000. Philippæorum . Quid igitur & quanti paratio universa , si tanti in partibus reparatio ?

*De Trajani Ponte in Danubio.*

A Tiberi ad Danubium magno saltu imus , ut ejus aquis sordes Cloacarum abluamus . Libet ( *b* ) Pontem in Danubio memorare , quem Trajanus Imperator struxit ; operum omnium fortasse arte & difficultate maximum , si non sumptu . Describit graphice Dio Cassius , & gratia sectori ejus Xiphilino esto , quod hanc par-

---

( *a* ) *Cloaca reparata* . [ *b* ] *Pons Trajani* .

partem non recidit. O quam pulchras valentesque ille alias ! (a) *Pilæ* igitur, inquit ille, *ejus* sunt 20. *et lapide secto & quadrato, quæ altitudinem habent* 150. *pedum, latitudinem* 60. *Distant inter se* 170. *pedes, fornicibus devinctæ.* ( Grande hoc concamerationis spatium, nec efficiendum, nisi altitudo illa pilarum accessisset, & tarde ac lenta inclinatione fornix surrexisset. Ex hoc autem numero pilarum, & distantia earum colligo & efficio fluvii latitudinem 4770. pedum fuisse, id est, paulo minus unius miliaris. ) *Quomodo autem non aliquis sumptum in istas pilas admiretur ? quomodo non & destituendi firmandique modum ? idque in flumine magno & vorticoso, & fundo ipso infido & limoso : nam nec avertere quidem cursum fluminis licuit ullo modo.* Hæc de Operibus publicis.

*Privatorum quædam Opera.*

In privatis Operibus duo nunc considero, *Domos, & Villas.*

*De Domibus privatis.*

*Domos* (b) fuerunt in tam splendida & nitenti urbe, pro ipsa urbe, & ut pulchri corporis apta ac decora mem-

T 6 bra.

---

(a) *Ejus descriptio.* (b) *Domus urbanae quales.*

bra. Domus, dico, magnificæ, ornatæ, instructæ, columnis, marmore, auro, statuis, & quidquid excogitare ambitio aut luxuria poterat. Sed eadem etiam laxæ, patentes, amplæ, & præsertim magnatium virorum procerumque. Hinc Valerius cum indignatione ait: *Anguste se habitare nunc putat, cujus domus tantum patet, quantum Cincinnati rura patuerunt*. Quid domus? immo earum aliquod membrum, Cellaria Piscinæ, Culina. Et Seneca increpat passim ædificia laxitatem magnarum urbium vincentia: habebant enim aulas æmulas urbium. Quod non nescivit Olympiodorus, qui scribit: *Quæque magnarum domuum omnia in se ipsa habet, quæcumque mediocris urbs possit continere, nempe Circum, Fora, Tempia, Fontes, Balnea diversa*. Per Fora, puto intelligere hypæthra quædam & subdivalia, inter illas porticus, & statuis alioque ornatu, in fori faciem. Quid autem si revera ibi judicia & forenses conventus? Fuere, & clientium, libertorum, servorum suorum causas domi cognoscebant. Clientium autem magnus olim populus. Tales autem domus in tota Urbe fuerunt (a)

178c.

---

(a) *Numerus domorum.*

1780. Insulæ vero [ quæ distinctæ a domibus ] 46602. Illarum longe minor numerus, ut quæ tanto grandiores, instructioresque essent, & propriæ virorum procerum.

Apparatus (a) jam & instructio domorum admiranda. Columnas ingentes, e longinquis petitas, sive ex Ægyptiis arenis, sive ex Africæ solitudinibus, disponebant in porticibus & capacibus cœnationibus. Callistus, Claudiani libertus, in una cœnatione habuit columnas 30. easque e Sudine, lapide Germanico, cui ingens tunc pretium & novitas. Scaurus in atrio collocatas habuit maximas, atque adeo 38. pedum, Lucullæi marmoris. Vide hanc altitudinem in uno atrio, quam multæ domus totæ vix æquant. Deinde parietes marmore inducebant; quod genus (b) *Incrustationes* Latini, Græci μαρμαρυσσι dicunt. Id non aliud fuit, quam marmor in tenues crustas sectum parieti imponere scite, & pro tectorio ei dare. Secundi ratio arena & ferra, in prætenui linea versante arenas, tractuque secante. Primum autem Romæ parietes crusta marmoris

ope-

---

(a) Apparatus. Columnæ. (b) Incrustatio.

operuisse totius domus suæ, in Cælio monte, Mamurram Equitem Romanum, Præfectum fabrum Cæsaris, Plinius tradidit. Istæ marmorum crustæ sæpe picturatae & variegatae fuerunt, velut aliquod Musivum opus. Solebant præterea laquearia tota (a) inaurare, quod passim scriptores & tradunt & damnant. Nec solum levi inductione, sed solido sæpe auro. Trabes nonnumquam auratas faciebant, sed cameras geminatas & eboratas, ad splendorem & varietatem, ut quasi cælum imitarentur, & (ut Arnobius loquitur) *sidereos evomant variata interstitio fulgores*. Longius hoc quoque producebant, ad parietes & columnas.

Sed alia hic etiam & ingeniosa luxuria; nam lacunaria ista (b) versatilia faciebant, & alia atque alia subinde facie convivas delectabant. En privata ingenia & luxuriam; quid existimas Principes tentasse & fecisse? Nero Cæsar [c] in vestibulo ædium suarum Colossum 120. pedum posuit. Hoc principium: deinde porticus triplices milliariæ; item stagnum, maris instar, circumseptum ædificiis ad  
ur-

---

(a) Inauratio. (b) Laquearia versatilia. [c] Neronis ædes.

ium speciem. Rura insuper, arvis  
ue vinetis, & pascuis, silvisque  
ia, cum multitudine omnis gene-  
pecudum ac ferarum. In cæteris  
tibus cuncta auro lita, distincta  
mmis, unionumque conchis erant.  
epationes laqueatæ tabulis eburneis  
rsatilibus, ut flores: & fistulatis,  
unguenta desuper spargerentur.  
æcipua cœnationum rotunda, quæ  
æpetuo, diebus ac noctibus, vice  
lundi circumagerentur. Omnia illa  
apitolina, quæ & quanta fuerunt,  
agæ & quisquilæ visæ, præ uno mem-  
ro aliquo Palatinæ domus.

Inter tecta & domos inclusæ ali-  
uando (a) silvæ, & intermixtæ ve-  
æ aves. Luci enim & arbuta in ma-  
nis istis ædibus erant, immo & super  
edes. Seneca castigans & increpans,  
ut solet, suum ævum: *Pomaria*, in-  
quit, *in summis turribus serunt, quo-  
rum silvæ in tectis ac domorum fasti-  
giis nutant, inde ortis radicibus, quo  
improbe cacumina egissent.*

*De Villis Romanorum.*

De Villis hoc universe Strabo pro-  
nunciat: *In villis velut more Persarum  
regias quasdam struunt.* Quid majus  
ampliusque in hanc rem dicam? Vis

ta-

---

(a) *Silva in ædibus.*



tamen specimen aliquod in una villa? Capitulinum audi: *Exstat Gordianorum (a) villa via Prænestina, 200. columnas uno peristylo habens, quarum 50. Carysteæ Claudia-næ, 50. Sienitides, 50. Numidicæ, parimensura sunt. In qua Basilicæ centenariæ tres: cætera huic operi convenientia; & thermæ, quales, præter Urbem, nusquam in Orbe terrarum. Sed nec Hadriani villam in Tiburtino ingero, cujus superbæ reliquiæ exstant. Quid tot aliarum in solo Latio, & circa Romam?*

~~~~~

LIBER IV.

DE VIRTUTE ROMANA.

Quartus noster limes, de Viris & Virtutibus Romanorum. Plinii enunciatio est: *Gentium in tota Orbe præstantissima una, & in omni virtute, haud dubie Romana exstitit. Quid homo Gothici sanguinis Cassiodorus? Roma Virtutum omnium latissimum templum. Profecto sedes suas*
per

[a] *Villa Gordianorum.*

per aliquot sæcula ibi habuere, nec injuria ipsi Romani templum struxere *Honori* pariter & *Virtuti*. (a) Utramque colebant: sed & *Fortunam* etiã, id est, providentiam & fata ab alto, quæ incredibile est, quam presso nec tardanti pede secuta sint *Virtutem*. His duobus incrementa sua Roma debuit, his duobus statum suum & firmitatem. Nullum imperium mihi dabis, & tam magnum simul, & tam diuturnum. Nam [ut breviter & nervose Florus) *ad constituendum Romanum imperium Virtus & Fortuna contendisse videtur*. Sed amica contentio fuit, in qua tamen ipsa *Virtus* vicit. Habuit igitur *Fortunam*, sive cœlitum illum favorem, sed habuit a causis, quas iidem cœlites per *Virtutum* gradus nexusque præstruxerunt. Ut id liqueat, videamus primum univ[er]se qui *Viri* in imperio illo fuerint & tum quæ *Virtutes*.

DE ORDINIBUS IN POPULO
ROMANO.

Viros considero (b) dupliciter, & eos qui in Magistratu, Imperiis,

[a] *Virtus & Fortuna Romanos extulerunt.* [b] *Romani duplices.*

riis, Consiliis fuerunt, id est, *Capita Reipublicæ*; & parte altera *minora* etiam *membra*, id est, Populum, & eos qui paruerunt. Utrique egregii, nec quibus alia gens facile, aut ex vero comparetur. Primores igitur illi in duplici discrimine sunt, *Senatores*, *Equitesque*.

De Senatoribus Romanis.

Senatores si inspicias, qui proprie sedebant ad clavum, proh Deus, (a) quanta gravitas, sapientia, majestas! Ut merito illum ordinem, *Regum confessum*, Cyneas legatus Pyrrhi Regis, vir nec mentis, nec oris egens, appellaverit. Profecto talis fuit, & nec sub Principum imperio nimis degeneravit: etsi postea quidem discessit ab illa sua præstantia, & ut grande ædificium, paulatim mole sua desedit, & mox ruit.

Erant autem in illo Senatu civium eximii, genere, censu, virtute. Nam hæc spectabant; nec temere viles aut sordidos, (etsi plebejos interdum, quos magna virtus eveheret) inopes numquam, & improbos raro admittebant: aut si tales, non tenebant. Censores (b) enim legebant hunc
Sena-

(a) *Gravitas Senatorum.* (b) *Quomodo lecti Senatores.*

natum, atque iidem per singula lura examinabant, ac relegabant; si quis loco eo indignus, aut si quid inprivata etiam vita turpe ac maculosum, notabant, & emovebant. Fiebat id silentio, & sine accusatione ult, aut causæ apud iudices dictione. Dumtaxat (a) in recitando Senatu, quod publice & solenniter fiebat, nomen ejus præteribant, quem motum Senatu vellent. Ita cum in albo illo non esset, nec in Senatu consuebatur. Causa quidem iis movendi semper erat, & hanc subsignabant, & volentibus edebant: sed certare de ea lite nihil opus erat, iudicium sufficiebat, quod a tam gravibus viris (nam primores fere Senatus erant) bonum meruisse, laus & approbatio habebatur; culpa & damnatio, tristes. Rarenter, & vix evenisse legimus, ut Censores illi per affectum judicarent. Nam voces statim omnium damnassent, & exagitassent. Et fac tamen semel iterumque evenisse; quid magni mali præ magno illo bono erit? Non enim alia poena quam ignominia, facile aut contemnenda, aut eluenda, qui publica iudicia aut testimonia pro se haberet. Denique alii Censores mox reponabant.

(a) *Quomodo senatu moti.*

bant. Nam & hoc sciendum, non in gravibus & grandibus peccatis hanc censuram intervenisse; ea enim legibus & judiciis servabantur: sed minoribus delictis, aut domesticis flagitiis a quibus vacare & castos esse primos illos ordines maxime volebant, & quorum vita erat in exemplum.

Initio a Romulo centum facti, & *Patres*, iidemque *Senatores*, vel a cura, vel ab ætate dicti. Postea ad [a] 300. crevere, & in libera Republica sic mansere usque ad Livium Drusum: is in Tribunatu, cum opes Senatus vellet extollere, eosdem judiciis etiam proponere, numerum auxit, & ad 600. fecit. Mansisse ita ad Cæsarem videtur, qui per bella civilia non opes solum, sed honores multis largiturus, amplificavit, & vel ad 1000. allegit. Displicuit Augusto, & magna cura, atque iterata aliquoties recensio, purgavit, & denique ad modum veterem, id est, 600. redegit. Qui sane satis amplus numerus, etsi in amplo illo Imperio: atque ex his plerique non solum consiliis publicis semper adhibebantur, sed etiam in provincias, ad imperia, aut exercitus mittebantur. Itaque Curia hæc
velut

(a) *Numerus Senatorum.* (a)

: promptuarium erat, e quo ita-
Princeps caperet viros, ad omnia
ia aut militaria munia aptos: &
Eturos. Et hoc aspectu tenuerunt
atum, grande vel unicum fulcrum
s Principatus.

logia [a] de Senatu res & veritas
ltis dictavit. In Cicerone leges,
atum principem salutis, publicaeque
ntis. In Ammiano, *Asylum Mun-*
totius. In Cassiodoro, *Gloriosum*
ratum, morumque lumina. In Pe-
onio, *Recti bonique praeceptorem*.
m in Tacito etiam dicitur, *Caput*
perii, & decora omnium provincia-
m. Quia jam sub Principibus ex om-
regione capiebantur Senatores: &
ditissimi honestissimique provincia-
um civitate donabantur, Equites
ebant, ita & mox Senatores. Utile
ventum, & ad populos sub unum
mperium firmiter colligandos. Sym-
nachus ea causa scripsit: *Pars melior*
humani generis Senatus. Cassiodorus;
Quidquid humani generis floris est, ha-
ere Curiam.

De Equitibus Romanis.

Alter ordo est [b] *Equitum*, qui
& ipsi ab illis notis tribus probati,
aut probandi. Nam de genere, multi
erant

(a) *Elogia Senatus*. (b) *Equites qui*.

erant a Senatoribus & Patribus orti ; & certe liberti aut libertini , nec si censum haberent (nisi beneficio Imperatorum) in hunc ordinem veniebant . Erant tamen ex ingenuis multi , & fere omnes , qui censum equestrem haberent . Is fuit 400. id est , 10000. Philippicorum . Igitur latus hic ordo & amplius , ut tunc opes plerisque amplæ erant ; & ideo quod ad vitam , coercendus aut recidendus . Apud veteres id quoque Censores fecere , sive in Transvectione , (quæ tamen eorum modo erat , qui equum publicum habebant) sive per lustra singula , cum ordines digerebant , & recognoscebant . Nam hic quoque album erat , sive tabulæ , & recitabant ; quique primus ex iis nominatus , *Princeps juventutis* dicebatur , plane ut qui in Senatu primus recitatus , *Princeps* item *Senatus* , augusto titulo dicebatur . Ideo autem dictus *Princeps juventutis* , quod olim & prima Republica , pauci Equites , nec fere nisi filii Senatorum . Crevit paulatim largiter numerus , & magnam civitatis aut civium partem comprehendit , sed nomen tamen *Juvenum* mansit . Sed & *Juvenes* . antiquis dicti ad annum

(a) *Princeps juventutis quis .*

num 45. Hæc causa & origo nominis.

Sed Senatorum filii an non Senatorii, aut Senatores? Cave erres; distinctione hic opus. Aliud *Senatus*, si Principum tempora aspicias, aliud *Senatorius ordo*. (a) Ille certo numero stetit, ut diximus, & intra 600. sub Augusto quidem: at iste latius patuit, & juvenes quoque ac Senatorum filii, sed & alii Equites in eum cooptati. Censebantur enim Senatorii, qui jus lati clavi a Principe impetrassent, id est, insigne ipsum Senatorum: & in Senatum quidem ii veniebant, sed sententiæ jus fuisse non putabis. Institutum enim Augusti fuit, qui liberis Senatorum, quo celerius Reipublicæ assuescerent, protinus a virili toga latum clavum induere, & Curix interesse permisit. Hoc ita Augustus, sed restricte in Senatorum liberis: postea Caligula etiam aliis quibusdam Equitibus permisit. Permisit dico, aliique Principes; sed sic, ut ab ipsis peteretur. Hi ipsi *Senatores* interdum dicuntur. Atque isti sunt, qui *Illustres Equites* a Tacito atque aliis, ad discrimen appellantur; & palam ipse Tacitus cum Senatoribus jungit, aut coæquat.

Ge-

(a) *Senatorii qui.*

Genus (a) Equitum diffusum, & in vario discrimine. Erant qui *Equo publico*, erant qui *Judices*, erant communi nomine *Equites* dicti. Illi qui equo publico, tempore Augusti, ad 5000. erant aut supra. Qui in Judiciis, haud pauciores; immo plures, ex Plinii testimonio. Classis reliqua eorum, qui immunes. Atque isti Equites, quos Perseus Rex apud Livium ita laudat & insignit: *Equites enim illis, Principes juventutis; Equites seminarium Senatus; inde lectos in Patrum numerum, Consules, inde Imperatores creant.*

De Plebe Romana.

Supereſt tertius ordo, [b] *Plebis*. Is triplici discrimine fuit, *Ingenui*, *Libertini*, *Liberti*. Et in militia discrimen erat ab hoc genere: itemque a censu, sicut & in aliis muniis, siqua publice subirent. Vita etiam censuræ permessa: quam tamen neglexisse postea (malo sanè publico) Imperatores constat, contentos duplicem illum priorem ordinem recognovisse.

Isti ordines statim poterant agnoscere in occurſu ab habitu. [c] Nam etsi toga communis omnium civium vestis

[a] *Equites triplicis generis*, [b] *Tria genera Plebis*. [c] *Cognita ex habitu*.

vestis esset, tamen discrimina alia ab aliis notis. Ut solis Senatoribus, aut istis quasi Senatoribus, jus lati clavi gestandi erat: quod non aliud, quam velut bullæ e purpura, & capita clavorum intexta aut inserta. Equitibus autem aurei annuli, qui hunc ordinem a plebe distinguebant. Qui his duabus notis carebant, Plebs erant.

DE VIRTUTE ROMANA MILITARI.

IAM quod propositum de *Virtutibus* addamus: nam Viros illos laudabiles, vel potius admirabiles fuisse dico, idque a duplici virtute, *Militari*, vel *Civili*. (a) Illam in imperio & Republica jure considero, ut tutelam ejus, immo augmentum; sine qua frustra aliquis status aut commune se jactet. Præmitto igitur, & duo hic in Romanis miror: *Justitiam*, & *Fortitudinem*.

Justitia Romanorum.

Quod ad (b) *Justitiam*, nescio an alia gens consideratius, & causis in rationis trutina libratis, bellum susceperit, quam ista. Nam plerique aut

V

Re-

(a) *Virtutes bellicæ Romanorum.*

(b) *Romanis juste bella suscepta.*

Regum suorum arbitrio arma induerunt, aut primorum aliquot in Republica, qui decernebant. Hic aliter: & nec Senatui, nec populo toti plenum hoc jus, nisi cognitio & judicatio Sacerdotum publicorum intervenisset, quos *Fetiales* dicebant. Eorum arbitrio sumpta arma, posita arma: & religio, non solum justitia, ea temperabat. Etenim semper duplici hoc titulo usi Romani, ut aut pro *Salute* arma caperent, aut pro *Fide*. Pro illa, ubi res eorum ageretur: pro ista, ubi Sociorum. Et hoc de Sociis late patuit, & est illa catena, quæ bella & terras conjunxit aut subjunxit. Vis pauca exempla? (a) Ecce Carthaginenses validi sunt, immo æmuli virium Romanarum: obstant crescentibus. Quid fit? removendus ille obex, & causam ipsi præbebunt. Siciliam invadunt, & Mamertinos: illi ad Romanos appellant, ut Socios. Veniunt subveniunt, pellunt eos, & quæsitam ipsi ad se trahunt. Fit pax, & Sardinia etiam Siciliae adjicitur, concessu ipsorum. Vides augmentum? Sed enim jam sistimus, & illi manent ac florent? non: in Hispaniam mala cupidine transcendant, arma etiam Sa-

(a) *Exempla justitiæ.*

Saguntinis inferant, & amicū fo-
ciumque Romanis oppidum evertant.
Bellum ergo iterum iustum: quo fine,
& fructu? Victi illi, & in Africam
compulsi, Hispania aucti Romani. At
enim Græcia & Macedonia jam de-
sunt. Vis iuste dari? Philippus Mace-
do foedus cum Annibale coibit, Ro-
manos & Græcos simul laceffet, atque
isti eos advocabunt, & sibi primum,
mox & Macedonibus imponent. Ta-
lia in Antiocho, Jugurtha, ipso Mi-
thridate; qui sceleratissimus non Re-
gum, sed mortalium, quid de frau-
de vel injustitia Romanorum queri-
tur? ut velit; ipse ab illis & nobis
audiet, *Væ victis*. Non dicam, pe-
reant; sed tamen pareant, qui vin-
cere aut quiescere non potuerunt.
Hæc de antiquis saltem Romanis, &
ante Syllam civili bello nondum in-
fectis, &, ut sic loquar, decolora-
tis. Pleraque omnia tunc pura & ju-
sta. At postea degenerarunt, avari-
tia & ambitio quædam dictarunt,
ad hoc rationis examen non dirigen-
da. (a) Punivit quidem populos quos-
dam, fateor, sed non nisi imperio
suo, & stipendiario illo iugo. Quam
multis autem & pacem indulsit, si

V 2 uti

(a) *Clementia in victos.*

uti ea potuissent, aut voluissent? Ipsis Carthaginensibus bis; Philippo etiam, & Antiocho, & Tigrani: atque hos omnes cum pellere terris in eorum manu esset: contenti fuerunt restringere, & ut imagine hac utar, pennas incidere, ne temere & lascive sic evolarent.

Fortitudo Romanorum.

De *Fortitudine Romanorum militarij*, satis in libris *De Militia Romana* dictum: sed argumenti & contextus etiam causa pauca dicantur. Igitur & *Milites*, & *Duces* præstantissimi huic genti fuerunt, & in omni ævo admirandi.

Vide mihi (a) legiones illas, quæ binæ junctæ, & cum totidem Sociis, equitatum autem 1800. ad quæcumque bella & hostem ibant, sed & victrices fere redibant. Tota autem ea manus quid amplius, quam 18000. erat? Jam si 10. legiones jungeres, quod item factum, quid nisi Hirtii verbis dicam, *Vel Cælum diruere eas potuisse?* Ecce gigantes novos, & veros, nec e fabulis petitos.

An non tales ibi videbuntur, si in *Opere*, *Agmine*, *Acie*, paulisper eos consideras? Quod ad *Opus*, (b) fodiebant,

[a] *Militia Romana qualis.* (b) *Miles Romanus qualis in Opere.*

bant, vallum & fossas ducebant; aggerem, testudines, turres struebant: omnia celeriter & industrie, ut fidem superet, homines paucos tanta in tantulo tempore struxisse. Jam de *Agmine*, quid istud est? (a) arma omnia peditem ferre, cibos semestres aut menstruos, utensilia, & septenos aut plures interdum vallos. Jumentum ita oneres, negabis par futurum. Adde ordinem in toto incessu, a signis non discedere, pari passu omnes ambulare, decurrere etiam, cum opus esset, in plenis armis. Denique in *Acie* quis par Romano miles erit? (b) nam non fuisse quidem, id constat. Cum omnibus gentibus, omni genere armorum aut pugarum concurrerunt, ecquando victi sunt ignavia sua aut culpa?

Quid autem mirandum tales fuisse, apud quos a prima adolescentia (c) vita omnis in armis, honos omnis ab armis erat? Nemo honestiorum ad Rempublicam accedere, aut magistratus capere poterat, nisi decem annos militasset. Et pedestris ipsa militia, 20. annorum decursu denique terminabatur. In ipsa pace, an quietem

V 3 tem

(a) In *Agmine*. [b] In *Acie*.

(c) *Exercitia in armis*.

tem egisse censes? exercitia assidua erant, vel in campo illo Martio, vel in ipsis alibi castris: Quis jam nescit locum in acie, vel in præsidio militi servandum, vel moriendum fuisse? Leviter ab eo discedere, a vita erat abire, ut severitas quidem volebat saluberrimæ illius disciplinæ. Inde contemptus periculorum & hostium: & in medios illos vel exiguam manum si Dux misisset, quis non sine cunctatione parabat? (a) Exemplum illustre & notum, sed admirabile est, in bello Punico primo. Consul parum provide suos ductans, in locum humiliorem, & collibus undique cinctum insinuarat. Hostes aditus infederant, & sine ferro confectum bellum videbatur. Ibi Tribunus consilium suppeditat. Consul, inquit, *vides tu collem illum ab hostibus nondum occupatum? illuc censeo mittendam cohortem aliquam militum, si te & alios vis salvos. Hostes enim in illos irruent, interea tu, si vir es, te explicabis, & pervades.* Placuit Consuli sententia, & vera erat: nec de militis obedientia dubitabat, sed *Ducem*, inquit, *illum, qui in incertam mortem eat, quem habemus? Me ipsum*, ait ille. Dictum, factum, 400. ad moriendum pro-

[a] Exemplum obedientiæ militaris.

proficiscuntur, & cadunt; solus Tribunus inter mortuos, semimortuus ipse, repertus convaluit, & sæpe utilem operam Reipublicæ postea navavit. Viros istos tali robore, tali obedientia alibi mihi dabis? Sed hæc infelix audacia; illa lætior, cum Punico item bello, fugientem eorum classem pedites in mare se conjicientes & natantes, quasi in camporum firmitate aggressi, manibus suis in litus retraxerunt.

In Hirtio (a) legimus, Numidarum copias in coronæ modum Cæsaris copias cinxisse; Cæsariani interim non amplius tres aut quatuor milites veterani si se convertissent; & pila viribus contorta in Numidas infestos conjecissent, amplius 2000. ad unum terga vertebant. Vis nominatim (b) & L. Sicinium aliquem citem, qui centies & vicies in aciem descendit? 36. spolia ex hostibus retulit? 8. ex provocatione occidit? 45. vulnera pectore excepit, tergo nullum? Vis (c) Cassium Scævam? qui in Britannico litore cum 4. commilitonibus in scopulo relictus, cum mari abeunte hostibus adire fas esset, atque ii conferatim irruerent, desertus ab aliis, solus

V 4 im-

(a) *Exempla Fortitudinis*. [b] *L. Sicinius*. (c) *Cassius Scæva*.

Impetum sustinuit, multos dejecit aut occidit, denique armis suis onustus, solo scuto abjecto, in mare se dedit, & ad Cæsarem natavit. Qui stupens ad viri virtutem, laudare parabat: at ille disciplinæ memor: *Da veniam Imperator, inquit, quod scutum reliqui.* O dictum factis illis ipsis laudabilius! & quid a tali animo, non enim jam manibus solum, non speres? Idem Pompejano bello, ad Dyrrachium castello præpositus, solus in porta consistens, contra Romanas legiones & copias id fervavit. Quo tempore ei oculus effossus, humeri trajecti & femur, scutum 130. ictibus perforatum.

Sed in victoria quid milites istos miror? magis pene in clade & morte. (a) Miles in Cannensi prælio, cum vulneribus confectus, manus etiam mutilatus esset, spoliare se conantis Numidæ cervicem brachiis invadens, ad se traxit, & naribus atque auribus corrosis (cum alia tela non essent, aut tractare non posset) deforme cadaver aspicientibus reliquit. De uno loquor: sed quinam illi viri fuerunt, quos ab elephantis obrutos Pyrrhi prælio accepimus? omnium vulnera in pectore, quidam hostibus suis immortui, omnium

(a) *Alia Fortitudinis exempla.*

nium in manibus enses, & relictæ in vultibus minæ, & in ipsa morte ira vivebat. Vide mihi istos, non homines, sed Martes, si fas dicere; & nec victos quidem vincendos.

Transeō ad *Duces*: etsi quomodo non isti omnes *Duces*? (a) Sed tamen *Duces* etiam aliqui eximii: ut parens ille Romulus; ut M. Furius Camillus; ut L. Papyrius Cursor, quem vel Alexandro parem (si venisset) Livius opponit; ut M. Claudius Marcellus, igneo impetu; ut Q. Fabius Maximus, salubri tarditate; ut P. Scipio Africanus prior, divina felicitate; & posterior, divina virtute; ut denique (nam omnes quis numeret?) caput & culmen C. Julius Cæsar, fortuna, peritia, magnitudine & celeritate animi super omnes, qui arma tractarunt, aut tractabunt. Sed concludimus, si post Cæsarem tamen unum addidero, alterius Cæsaris o fidum utilemque ministrum! Is M. Vipsanius Agrippa fuit, vir bello providus & fortis, & vel causa victoriarum Augusti, vel instrumentum.

DE VIRTUTE ROMANA
CIVILI.

AD *Civilem* jam Virtutem venio ,
domi & in toga spectandam .
Eam per omnes ordines diffusam tri-
plicem maxime reperio , (a) *Pietatem* ,
Probitatem , *Constantiam* .

Pietas Romanorum .

Pietas eminet , vana illa quidem ,
dixerit aliquis , sed tamen in assiduo
Numinis cultu (pro ipsorum captu)
reverenter occupata . (b) Incredibile
est , quam omnia publice & privatim
religiose cœpta , administrata , patra-
ta : ut totam civitatem sacris opera-
tam & addictam possis arbitrari . At-
que id secundum vetera instituta , nec
novitati aut mutationi dabant hic lo-
cum . Miratur hoc Dionysius , quod
quamquam 600. nationes pene in ur-
bem confluerant , quibus singulis sa-
cra sua ritusque patrii essent ; tamen
nulla peregrina religio publice susce-
pta , aut si qua oraculorum monitu in-
troduc̃ta , ea ipsa Romano more cul-
ta , abdicatis foedis vanitatibus , aut
fabularum portentis . Quo valde facie-
bat ,

(a) *Virtus Civilis triplex* (b) *Roma-
ni religioſi* .

bat, quod sacris præessent, & ipsi non interpretarentur solum, sed administrarent, viri in Republica primi, honoribus honesti, qui & exemplo plebem eo trahebant, & prudentia ac maturitate, nova aut nocitura spernebant.

Probitas Romanorum.

A Pietate, tamquam capite, alia Virtutum membra, & in primis illa (a) *Probitas*, id est, animi morumque integritas quedam & candor. Sine fuco, sine fallacia diu mores illi fuerunt, & in proverbium abierat, *Homo Romani ingenii: Romana simplicitas, & Romana fides*. Et sane differere alibi de virtute crebrum, hic usurpare. Nec solum in pace, sed etiam in bello candor is fuit, & raro astu aut fraudibus victoria quæsita aut parta. Tangit graviter M. Aquilius Imperatorem Annæus Florus, quod is bello Asiatico veneno fontes misceisset, ad deditionem quarundam urbium. Jam & huic Probitati *Abstinentia*, sive etiam *Continentia*, adherent: non fœde aut injuste appetere alienum, parce & modice suo uti. Et illius quidem (b) (*Abstinentia*, dico) quam pulchrum, nec jactatum nimis

V. 6. exem-

[a] *Probitas in Romanis quanta.*

(b) *Abstinentia Romanorum.* [c].

exemplum fuit ab universo populo editum, Mariana & Cinnana proserptione? Quippe cum ii hostium suorum penates omnibus opibus aut elegantius plenos, vulgi manibus diripiendos ultro objecissent, nemo inventus est, nemo qui justam hanc prædam e civibus peteret, caperetque: sed tamquam e sacris ædibus, omnes manus & cupidinem abstinerunt. Et quid in toga miramur hæc exempla, cum in ipso bello, & inter hostes prædæ abstinencia fuerit? quæ non nisi permissu capta, & sic quoque tota ad Duces relata.

Jam in [a] *Continentia* quam laudabiles, si cibum, vestem, aut externa alia spectes? Plinium & Plautum testes habemus, populum Romanum per aliquot sæcula non nisi farre & pulte vulgo usum. Quod si nuptiæ, festivitas, aut lætius convivium esset, pro magno pauci pisciculi, & porcinae aliquot pondo in obsonium adjecta. Similis in vestibus frugalitas, & omnium, ditium pauperumque, e lana; atque ea nativi & albidicoloris, nisi quod ditiorum splendentes paulo magis & nitidæ a fulonia arte essent. Nam Sericum, Holose-

[a] *Continentia Romanorum.* ()

lofericum, & ipsa Linthea, sero innotuerunt, & timide etiam in usum paucorum venerunt.

Adderem *Modestiae* laudem, & reverentem Senatus & Procerum suorum populum, nisi Tribuniciae interdum procellae turbassent; quam ego pestem unicam & labem reperio in re Romana.

Constantia Romanorum.

Tertia Virtus [(a)]. *Constantia*: o vere admiranda in Romana gente! Nam in aliis pares alios habeant, in hac nec comparandos. Mucius ille olim oraculum protulit: *Et facere, & pati fortia, Romanum est*. Quasi haec in malis magnis patientia (quae ipsa est *Constantia*) peculiaris eorum virtus esset. Et tu dispice: Umquamne unum aliquem hominem plus invicti & obnixi in omnes casus roboris ostendisse, quam populum hunc universum? Exemplis doceatur.

Pyrrhus (b) ille in Italiam venerat, cum novi generis gentisque copiis, & in primis inaudito terrore elephantum: victor grandibus praeliis erat, Italiam percurrerat, & a trigesimo pene lapide Romam prospexerat.

(a) *Romanorum Constantia.*

(b) *Contra Pyrrhum.*

xerat. Quid Romani? trepidant, scilicet, & pacem petunt? Immo oblatam ultro respuunt, & legatos ejus cum animoso hoc responso dimittunt: *Pyrrhus Italia cum copiis excedito; ubi excesserit, de pace, si volet, agito. Ni excesserit, arma & viros, & aciem expectato.* Qui animi isti, aut verba sunt? non contra Pyrrhum sed contra Fortunam, & pene dixerim, cœlum dimicantium. Etsi mos ille eorum semper in bellis (notandus & admirandus) nihil largiri armato hosti, sed ubi ea posita, & obsequiosi aut flexibiles illi visi, tunc denique conditiones ferre & æquas, & sæpe nec expectatas. Generosorum hoc est, ire in adversos, parcere aut abstinere jam abjectis. Fructus autem Constantiæ in Pyrrhum fuit, sponte Italia illum fugere, ipsos ejus dominos & potentes fieri.

Vide & bellum Punicum primum: quot ibi (a) clades, raræ aut novæ? Rara in Africa ipsa, cum Atilius Regulus Consul, cum toto exercitu oppressus, & vivus venisset in hostium potestatem. Novæ aliquot in mari, cujus antea expertes & imperiti, classes plures vel naufragio vel pugna ami-

(a) Clades aliquot Romana.

amiserant. Polybius scribit, & ipse miratur, 700. quinqueremes eo bello amissas fuisse. Satis autem jacturam eam æstimas aut intelligis? in quaque earum 300. remiges ferme erant, milites 120. Hos tu si una computas & colligis, videbis paulo minus 300000. hominum periisse. Et qui Romani tunc erant? nec tota etiam Italia plene adhuc potiti. O constantiam, o robur, o Fortunam! nam hæc se vertit, & puduit tam mercen-
tibus non se dare.

Jam ad mortem plaga, [a] Punicum bellum tertium. Annibal summus Ducum in Italiam ipsam venit, fylvam exscindere parat, in qua stabulabantur Martiales isti lupi; & pene fecit. Tribus præliis magnis victor, & ultimo illo Cannensi, quid nisi totum virilem sanguinem Romanum exhaustit? Heu cladem! 50000. selectorum militum una cum altero Consulum, cum tot Tribunis & Centurionibus, tot Senatoribus & Equitibus Romanis jacent. Et tu Roma adhuc spiras? quibus freta? senibus, puerisque & foeminis, quos solos pene reliquos habes? Spiro, inquit, immo alta & vetera spiro. De pace nul-

(a) *Bellum Punicum tertium.*

nulla mentio: veniāt vel Romani Annibal, arx & Capitolium nos defendet, & e cinere isto suscitabuntur rerum domini Romani. O insanas, dixerit aliquis, cogitationes! Sed res & exitus docuit, constantes & felices. *Magna populi Romani fortuna* (ait Florus) *sed semper in malis major resurrexit*: & pueros, senes, victos, servos armavit, & imbecillo aut scædo exercitu victrices illas copias profligavit. Plura possim; nam in omni Romana historia propria hujus virtutis exempla sunt: sed quid majus istis potest?

Jam quid admirabilius, (a) quam, cum Varro auctor & causa tantæ cladis (nec falso) diceretur, Romam redeunti obviam itum ab omni ordine & populo, & gratias actas, quod de Republica non desperasset? Si qua alia hæc plebs fuisset, itane gratias funesto & furiali capiti? sputa, saxa, tela, nec unam mortem. Illi fecerunt: quia hoc quoque Constantiæ proprium, mederi malis potius, quam irasci.

Est & minutum aliud. (b) Nam cum Urbem ipsam Annibal obsideret, & ter-

(a) *Constantia in adversis.*

(b) *Fiducia Romanorum.*

& terreret, fundus, in quo castra ejus posita, publice sub hasta Romæ vāniit; nec minoris, quam si liber, nec infessus ipse, aut Italia ab hoste essent. Item alterum, eodem illo tempore, cum ad unam portam Annibal pugnaret & invaderet, altera militum & auxilia in Hispaniam emiserrunt. Fiducia hæc humana non fuit; a Deo inspirante venit.

OBIECTIONES.

Contra Probitatem Romanam.

De candore & fide Romanorum multa sunt dicta: sed pro sancta Fides, quæ legimus alibi & videmus contra tuum numen aut nomen admissa? Caucaei, populus Hispaniæ satis potens & notus fuit, qui cum pares Romanorum armis & violentiæ non essent, legatos supplices in castra ad Lucillum (a) Imperatorem miserunt, pacem & foedus quacumque lege facturos. Ille obsides imperat, & argenti statim talenta 100. (id est, 60000. Philippæorum) equites auxiliares certo numero. Omnia fiunt sedulo & obnoxie. Imperat tum amplius, ut 2000. militum in urbem suam accipiant, præ-

(a) *Perfidia Lucilli.*

præsidii causa. Id quoque factum. Sed illis occulto mandatum, ut muros portasque occuparent: atque ita Lucullus reliquum exercitum induxit, & tuba signum datum, ut sine discrimine, senes, pueri, viri, foeminae interficerentur. Ita oppidum direptum, deletum; ipsa 20000. hominum per summum scelus interempta. O candelam, o simplicitatem!

Ecce aliam in eadem Hispania similem. [a] Sulpicius Galba Lusitaniam hostiliter ingressus vastabat, mirantibus illis, nec causæ aut culpæ satis consciis, legatos mittunt, foedera priora renovant: illo recipiente, & ultro miserante, quod sic affligerentur: *Sed, inquit, egestas vos impulit prædas agere, & belli speciem præbere: medebor. Tripartito vos dividam, & in agro ac solo pingui collocabo, ubi reliquum beati ac tuti agatis. Venite cum uxoribus, cum liberis, in talem vallem, talis illa pars, assignabo.* Venerunt miseri, læti ac securi, & in triplici regione distincti; ad quorum primos cum accessisset, arma ponere quasi amicos sociosque iussit; & iis positis, milites immisit, & fidem ac Deos implorantes, ad unum omnes occidit. Idem

alte-

[a] *Fraus Sulpicii Galba.*

alteris, tertiisque celeriter factum, & priusquam fama prioris facinoris ad eos venisset. Vide. si tale aliquid infidum & barbarum in ulla barbarie factum. Vis antiquiora? accipe. Ausonium gens in Italia fuit, uno tempore, nullo satis certo crimine excisa. Livius ipse narrat, suspectos & delatos a paucis, quasi deficere ad Sannites vellent: preventos autem a Romanis, qui occulte submissis militibus, quibusdam & togatis; portas trium oppidorum occuparunt, & eadem hora, cædibus promiscue factis, urbes & gentem deleverunt.

Contra Abſtinentiam Romanorum.

Jam quæ, aut ubi: *Abſtinentia*? Romæ & inter cives fortasse credo, & ex veteri dicto, *Corvus corvo oculum non eruit*. Sed an eadem in provinciis, & ubi occasio aut facultas peccandi? O Dii Deæque (si sic exclamare) quæ illic occulta aut aperta (a) furta, libidines, nundinationes, raptus? Poetæ Harpyias aliquas finxerunt, quæ contactu & unguibus omnia diriperent, aut scæderent: in re isti Romanorum Præsides fuerunt. Optimus & bellissimus quisque ita se gerebat, ut bella omnia do-

[a] *Romanorum rapina.*

domum auferret. Demades olim dictitare solitus, cum ad tribunal aut magistratum iret, ad auream messem se ire: mihi crede, isti ibant, & Colchos quisque Jason sibi spondebat, Legisti Ciceronis illa de uno Verre? Pleraque talia in aliis, & miseri provinciales non nisi præda & spoliis Præsidibus suis erant. Quod si in pace talia, per bellum & arma quid suspicamur fuisse? Dabo exempla.

L. Sylla (a) in Asia, cum communiter 20000. talentum exegisset, privatim edixit, ut hospes militi, apud se divertenti 16. drachmas in diem daret; cænam insuper ipsi, & sodalibus quot vocasset; Centurio autem acciperet in diem 500. drachmas, id est, 50. Philippæos, vestem præterea duplicem, domesticam & forenses. Hæc Sylla, inquit, homo nequam, & natus ad disciplinam militarem dissolvendam. Bene est, accipio excusationem. Quid ergo (b) L. Paulus, qui Macedoniam vicit, inter optimos civium? Destinatum ei Epirum totam diripere, & in prædam militibus dare, quia cum Perseo Rege sensissent. Quid facit? Centuriones submittit,

per

(a) *Sylla dura exactio.* (b) *L. Pauli impietas.*

per speciem liberandi, decem primos evocat, ut consilio & ducibus spoliaret: o candidum factum! Milites deinde immittit, diripit, cædit: o clemens abstinesque factum. Sed pulcherrima clausula, tot millia capitum abducta; nec finis, in miseros muros & testa sævitum, & dirui ea iussa.

In vicina Græcia quid Hortensius (a) Prætor patravit? Legati Abderitæ in ipsa Roma audiantur: Flentes ante Curiam, querentesque, oppidum suum ab Hortensio expugnatum direptumque esse. Causam excidii fuisse, quod cum 100000. denarium (id est, 10000. Philipp.) & tritici 50000. modium imperaret, spatium petierant, ut de ea re ad Hostilium Consulem, & Romam legatos mitterent. Vixdum ad Consulem se pervenisse, & audisse oppidum expugnatum, principes securi percussos, sub corona cæteros vანიisse. In ipsa Italia, Locrorum oppido, Q. Pleminius, legatus Scipionis Africani, cum milite præfuit. Sed quomodo? In corpora, in liberos, in conjuges infandæ contumeliæ editæ.

Et quid ego Consules, Prætores, Legatos nomino aut conquiro? ecce pupillus

(a) *Hortensii crudelitas.*

fillus unus Præfectus Equitum, titulo
 tenuis, (a) Scaptius, cum pecuniam
 deberi sibi a Salaminis diceret, illi
 ad Senatum appellarent, ejusque con-
 sultum: homo probus & justus, 50.
 Equites ab Appio Consule impetrat,
 inclusum in Curia senatum habet in
 multos dies, adeo ut interierint non-
 nulli fame. Quid plura dabo? claudat
 mihi Polybius testium agmen; qui scri-
 bit, Scipionem, capta Carthagine no-
 va, omnes obvios occidi jussisse, nec
 ut ulli parcerent. Tum addit, solem-
 nem hunc morem Romanis fuisse: *Vi-*
dentur enim, inquit, terroris gratia hoc
illi facere. Itaque frequenter videre est,
quando Romani civitates capiunt, non
homines modo occidi, sed etiam canes
dissecari, & aliarum animantium mem-
bra truncari.

Contra Continentiam Romanam.

Continentiam, & frugalitatem ve-
 terum illorum Romanorum, sed plane
 veterum, si laudas, ego succino, &
 Fabricios, Curios, Quinctios tecum mi-
 ror. Sin longius trahis, ut non ego,
 lectio & observatio tacite refellent.
 Quid? leges illæ sumptuariæ ab antiquo
 latæ, & sub bellum Punicum secundum,
 non ostendunt morbos in ea parte fuisse,
 cum

(a) Scaptii fraus.

cum ad publica hæc remedia recur-
rendum? (a) ipsæ cœnæ & lautitiæ
quæ narrantur, non id clamant? Re-
miniscere Pontificiæ illius cœnæ apud
Macrobiū, ubi incognita & nobis
quærenda citiorum genera. Remi-
niscere & Sallustii verborum de Me-
tello, Proconsule in Hispania: con-
sidera cœnaculi apparatus, cœnan-
tis habitum aut honores, cœnæ ip-
sius exotica fercula; quis ganeonum
& lurconum possit vel ausit imitari?
Quis nostrum hodie aves aut feras trans
mare, cœnæ causa, conquirat? Atqui
olim non Metellus solum aliquis, sed
jam vulgus lautiorum. (b) Seneca,
acer ille talium quæsitō & censor:
Non est necesse inquit, ad seculi sui
mores) omne perscrutari, profundum,
ac strage animantium ventrem onerare,
nec conchyliā ultimi maris ex ignoto li-
tore eruere. Dii Deaque istos perdant,
quorum luxuria tam invidiosi imperii
fines transcendit. Ultra Phasim capi
volunt, quod ambitiosam popinam in-
struat; nec piget a Parthis, a quibus
pœnas nondum repetiimus, aves peti-
re. Quid Latinus [c] Pacatus in Pa-
negyrico? Laudat Theodosium Prin-
ci-

(a) *Luxus Romanorum in victu.* (b)
Querela Senecæ de luxu. (c) *Pacati.*

cupiem, quod nihil tunc opus esset ad penum regiam flagitare remotorum litorum pilce, peregrini aeris volucrum, alieni temporis florem. Et tum addit imaginem prioris sæculi: *Nam delicati illi ac fluentes, & quales saepe tulit Respublica, parum se lautos putabant, nisi luxuria vertisset annum, nisi hibernæ poculis rosæ innataissent, nisi æstiva in gemmis capacibus glacie Falerna fregissent. Horum gulæ angustus erat Orbis noster: namque appositæ dapes non sapore, sed sumptu æstimantes, illis demum cibis acquiescebant, quos extremus oriens, aut positus extra Romanum Colebus imperium, aut famosa naufragiis mariâ misissent. Ecce vitia & prodigiosum luxum, omnia fastidientem, nisi remota & sumptuosa.*

Sed inferioris tantum illa ævi? immo vero a bello Punico secundo, (a) aut circa: cum ecce Cato Censorius publice questus, *Non posse salvam esse urbem, in qua piscis pluris, quam bos, veniret.* At ego dico, pluris quam decem boves veniisse unum piscem: piscem? pisciculum, addo. Multi in quo tunc pretio? putantur fuisse, quos *Barbos* hodie, aut *Regulos marinos*

(a) *Incredibilis in pisces sumptus.*

vinos vocamus ; sed quidquid fuit ,
pisciculus , & vix 5. aut 6. librarum .
O non delicias , sed insanias ! unum
ex iis 5. 6. 8. 10. millibus HS. reperio
emptum . Tiberius Cæsar mustum si-
bi missum 4. pondo & selibrarum væ-
nire iussit , quam P. Octavius 5000.
HS. id est , 125. Philippæis emit . A-
finius Celer e Consularibus , hoc pi-
sce prodigus , unum mercatus est
8000. hoc est . 200. Philipp. Tibe-
rius graviter questus est , tres mullos
30000. nummum vænisse . Si numeri
recti , certum est , excessisse , & sin-
gulos 250. Philippicis stetisse .

De Apicio res nota est , hominem
(a) perditæ gulæ fuisse ; de quo , ut
alia sileantur , mors sola iudicabit ,
quam Senecæ , verbis dicam : *Cum*
HS. millies (duo milliones & semis]
in culinam congefisset , ere alieno op-
pressus , rationes suas tunc primum coactus
inspexis . Supersuturum sibi HS. centies
computavit , & velut in ultima fame vi-
cturus , veneno vitam finivit . Quam lu-
xuriam , & quam effusam vitam pri-
vati hominis henc fuisse putamus , cui
centies HS. (id est , 250000. Philip-
pæorum) paupertas & desperatio fuit ?

Sed hunc omitto , & duos eodem

X

no-

(a) *Apicii gula .*

nomine alios, qui in exemplar & nomen transferunt hujus vitii, Claudium (a) Æsopum addamus, Histrionem. De eo Plinius: *Maxime insignis est in hac memoria Clodii Æsopi, tragici Histriionis patina, 600. HS. taxata. (15000. Philippæorum) in qua posuit aves, cantu aliquo aut sermone humano vocales, millibus sex singulas coemptas, nulla alia inductus voluptate, nisi ut in his imitationem hominis mandere, Atque iste etiam fuit (alii ad ejus filium referunt) qui margaritas sorbere solitus aceto solutas.*

Sed quod ad illos gulones, de M. Antonii & Cleopatæ (b) sponsione non meministi, cum hæc se centies HS. una cœna diceret absumpturam? Ille negare, & rem ἀδύνατον censere: ad summum, judex & sculna captus Munatius Plancus. Res non differtur, sequenti die illa cœnam apparat pollicibilem, siquis umquam, & denique ut Cleopatra, ut Ægypti Regina. Nihil mirari Antonius, & calculos ad extremum poscere: cum illa arridens, *Vnum*, inquit, *ferculum rem confecerit*. Et simul ex composito, illata phiala acris aceti plena, unionem, quem aure dextra gestabat,

(a) Æsopi. (b) Cleopatrae luxus.

bat, singulare naturæ opus, detractum in phialam demisit, cumque, ut natura est, statim liquefactum absorbuit: parata & in alterum, quem sinistra gerebat, manum injicere, ni provide & propere Munatius, victum Antonium, clare pronunciasset. Quidni victum? cum sola ea gemma vel centies HS. esset? sive ut nostra æstimatio, 250000. Philippæorum.

Caligula, (a) quem a Natura editum, ut ostenderet, quid summa vitia in summa fortuna possent, Seneca judicavit, centies HS. cœnavit uno die, & in hoc omnium adjutus ingenio, vix reperit, quo mediocrium provinciarum tributum una cœna fieret. Commentus est portentissima genera ciborum, unguentis calidis frigidisque lavabatur, preciosissimas margaritas aceto liquefactas sorbebat, convivis ex auro panes & obsonia apponebat.

Quid jam [b) Vitellius, ille heluonum omnium altissimus gurgis? de quo Plinius: *Vitellius in principatu suo decies HS. (25000. Philipp.) condidit patinam, cui faciendæ fornax in campis exadificata erat*. Scripsit autem Svetonius, *In hac scarorum jocinera,*

X 2 pha-

(a) Caligule. (b) Vitellii.

phasianorum & pavonum cerebella, linguas phœnicopterum, murænarum latæ, a Carpathio usque fretoq; Hispaniæ, per navarchos ac triremes petitarum, cum commiscuisse. Idem non solum ipse prodigus, sed alios impellens, indicebat eadem die jentacula, prandia, cœnas, commessationes, ipse omnibus sufficiens, vomitandi consuetudine. Nec cuiquam minus singuli apparatus 400000. nummum constituerunt. Heu illud vel abusum in alienis opibus! nam ea sunt 10000. Philippicorum, sive ipse census equester.

Iam [a) de Heliogabalo quid dicam? de quo Lampridius: Numquam minus 100. HS. cœnavit, hoc est, argenti libris 250. (2500. Philipp.) Aliquando autem 3000. HS. cœnavit, omnibus supputatis quæ impendit. (id est, 75000. Philipp.] Cœnas vero Vitellii & Apicii vicit. Si ergo centum HS. quotidie, essent 75000. Philippicorum in mensem. Quid jam convivium, quæ ejusdem totius summæ in unum diem interposuit?

Sed jam monstra omittimus; aliquid ad communem morem quærimus, a quo non nimis Philippus, Hortensius, Lucullus, & hi tales, lumi-

(a) *Heliogabali,*

laminæ Reipublicæ, abiverunt. Piscinæ & vivaria istorum nota sunt, & cœnæ, ex una Luculliana 50000. drachmarum, quæ sunt 5000. Philippæorum. Quid plura adferam? unum hoc Senecæ: *Quid est sumptuosa cœna flagitiosius, & equestrem censum absumente? & tricies tamen HS. adjiciales cœnæ frugalissimis viris constiterunt.*

De (a) luxu in vestitu aliquid addendum. Sumam a Censore nostro Seneca: *Quidquid est boni moris, extinguimus levitate & politura corporum. Muliebres munditias antecessimus, colores meretricios, matronis quidem non induendos, [b] viri sumimus. Tenero & molli ingressu suspendimus gradum non ambulamus, sed incedimus. Exornamus annulis digitos, in omni articulo gemma disponitur. Ita de viris: (c) quid de juvenibus? Pater illius Senecæ: Torpent ecce ingenia desidiosa juventutis, nec in ullius rei honesta labore vigilatur. Cantandi saltandique obscœna studia effœminatos tenent, & capillum frangere, & ad muliebres blandicias voce extenuare, mollitiæ corporis certare cum fœminis, & immundissimis*

X. 3. mis

(a) *Luxus vestium.*

(b) *Virorum.*

(c) *Adolescentum.*

mis se excolere mundiciis, nostrarum adolescentium specimen est. Fortasse de fœminis addam, quas scimus cum venia peccare, ubi viri gradum struunt? Iterum Seneca: [a] Video uniones. non singulos singulis auribus comparatos: junguntur inter se, & insuper alii bini superponuntur. Non satis muliebris. infania viros subjecerat, nisi bina ac terna patrimonia auribus singulis pendissent. Ille de auribus queritur, alius de toto corpore. Pedibus etiam aurum, & gemmæ adhibitæ; ac Plinius scribit: Non tantum crepidarum obstragulis, sed & totis socculis addi. Neque enim [inquit] gestare jam margaritas, nisi calcent, ac per uniones etiam ambulent, satis est. Addit pro fastigio insanix, Visam a se Lolliam Paulinam, ne serio quidem ac solempni caeremoniarum aliquo apparatu, sed mediocrium etiam sponsalium cœna, smaragdis margaritisque opertam, alterno textu fulgentibus, toto capite, crinibus, spiris, auribus, collo, manibus, digitisque, quæ summam quadringenties HS. colligebant, [decies centena millia Philippicum] ipsa confestim parata nuncupationum tabulis probare.

Ex-

(a) Fœminarum..

Non est magnum opus hoc, quod hic acervatum: unius alteriusque manus impulsu diruetur, nec machina aut ariete alio adhibito cadent infirmi isti muri. Triplex accusatio structa, in *Probitatem*, in *Abstinentiam*, in *Continentiam*. Et videamus.

Fraudulenti quidam & perfidi fuere, rapaces quidam & crudeles, luxuriosi in cibis aliqui aut veste, sed quidam, sed aliqui: (a) & hæc prima responsio, & scutum pro me firmum. Quid pungis aut invadis gentem totam ob pauculos tot sæculis nominatos? Fuisse non miror, nec id prodigium aut monstrum; immo esset, si non fuissent. An tu in hac sæce nostra hominum puram meramque virtutem aliquam vis? Soles nobis imperiorum lucere sine nube, aut tonitru, aut procella? nec fuere ista, nec erunt: & Deus in superis illis locis, & liquido æthere serenum hoc habet & servat, cætera omnia inferiora miscentur & turbant. Galbam aliquem aut Luculum in Hispania nominas; Hortensium aut Pleminium alibi: quid ista sunt in tot millenis Præsidibus, qui boni & innoxii fuerunt? Ut si gut-

[a] *Excusatio prima in genere.*

tas aliquot aceti in magnum vas aque
 mulsæ jaciā, non ipsam corrumpam,
 sed gratiam fortasse magis ab acore ali-
 quo addam: sic in magnis istis impe-
 riis magis sentitur bonorum bonitas,
 si pauci interveniant aoidi & amari.
 Et tamen [quæ altera responsio]
 adversa sæpe fuere, atque etiam ani-
 madversa. Hoc (a) excuset Senatum
 & imperii præsides, quod legibus pœ-
 nas dederunt, quicumque convicti sunt
 leges alibi violasse. Nonne id in Gal-
 ba, Hortensio, Pleminio, Verre, &
 talibus? Nec Romanis igitur universis
 fraudi aut culpæ sit, peccasse aliquos,
 sed impune & libere peccasse. Paulum
 Aemilium attulisti, magnum virum,
 fateor, & uno illo vel colore culpæ,
 non enim culpa indignum. Cur tamen
 cum invidiose rem totam narras, hoc
 callide files, Senatum jussisse? Ex præ-
 scripto id fecit: & quaecumque est,
 non jam ipse, sed Senatus potius ac-
 cusetur. Cur tamen vel iste? audi &
 disce. Epirotæ illi omnes firmiter
 pro Perse steterant, Romanos op-
 pugnaverant: quæ injuria est, si ho-
 stes hostium pœnas luant? At ni-
 mias, inquires. Nollem factum; sed
 ad coercendas rebelliones aut defe-
 ctiones.

(a) *Excusatio altera*

Etiones talia quædam a modestissimis Regibus aut Rebus publicis facta, possim docere.

Addis solennem [a] sævitiam Romanorum, ut putas, in expugnatione oppidorum; homines occidi, canes dissecari, animantes truncari. Miseranda sunt, non nego: nec tamen, ut censes, referenda inter admiranda. Quid dissimulas? non heri & hodie hæc fiunt in puberes & viros omnes, ubi vis ultima expectata? Et causa aliqua huic rei est, Terror: & non facile alioqui manum & finem bellis imponere, nisi hæc interdum, frangendæ pertinaciæ, usurpentur. At canes etiam dissecti. Oridiculum, si in canes non licet, quod in homines! Hæc dici & excusari possunt, & vere possunt: non infiteor tamen, sub Sylla aliquo, Mario, aut Cæsare, & præsertim per civilia bella, jus omne & fas neglectum aut calcatum; sed mox attolendum ab Augusto, aut siquem bonum Principem Deus dedit. Illo me dico opus fuisse fateor. Republica jam tam laxa & opulenta; & inter pares severitas aut terror esse non poterat, ad satis reprimendum.

X 5 Ve-

(a) *Excusatio sævitiae.*

Venio ad Continentiam afferendam. Argumenta in eam præcipua duo erant, (a) Leges sumptuariæ ab antiquo latæ, & Exempla aliquot luxus.

Quod ad leges, ajo & affirmo, non firmius pro frugalitate argumentum esse. Nam quod eæ coercent aut emendant, quale est? ex emendatione apparet, quam videamus. (b) Fannia ecce lex, sub bellum Punicum tertium lata fuit in hanc sententiam: *Permitti diebus festis centenos aris; cæteris, denos.* Centeni illi æris 10. drachmas nobis reddunt, deni unam. O nuptias, repotia, natales, apparatus celebri, quibus Philippæus unus sufficeret in potum, in cibum! Quis de via aut ponte mendicus pene non plus hodie absumpserit? Atqui Respublica tunc satis opulenta & florens erat, & maxime sub Sylla: tunc & Græcanicæ, & Asiaticæ deliciæ cognitæ. Videamus igitur, & laxè lauteque jam epulemur. Nam ecce tulit (c) Sylla, ut feriis solemnibus 30. festerios liceret insumere; cæteris diebus ternos. 30. festerii sunt nostro calculo, 7. drachmæ & semis, id est, nondum Philippicus: terni autem.

[a] *Excusatio luxus.* (b) *Lex Fannia.* (c) *Lex Syllæ.*

autem nec drachma. Lex (a) Licinia prævit, in qua non nisi 30. asses (tres denarii) permitti diebus festis. Laxavit igitur & auxit Sylla. Sed quid hic sistimus? (b) Augustus ille, qui Romam opibus & gaza Ægyptia replevit, & sub quo illa in ipso flore, Cibiariam legem hanc tulit: *qua profectis diebus 200. sestertii; Kalendis, Idibus, & aliis quibusdam festivis, 300. nuptiis autem & repotiis, 1000. finiuntur.* Sunt 5. Philippæi, profectis; festis, 7. cum dimidio; nuptiis 25.

Atqui (c) Apicios, Lucullos, Cæligulas, Vitellios adduxisti. Quid ad me? cum Rempublicam laudavi, plurimos in ea laudavi, nec aspicere debui, si quæ in tanto ac tam uberi agro malæ alibi & nocentes herbæ. Non obstant, quo minus hæc seges bona & laudabilis sit: nec tales certe mihi dabis ante labentem Rempublicam, id est, Syllanum ævum.

Notandum quoque est, apud Romanos interdum tantam rerum (d) vilitatem fuisse, ut bos aliquis nonnisi quaternis aut quinis drachmis constituerit. Plinius ita scribit: *M. Varro*

X. 6. auctor

(a) *Licinia.* (b) *Augusti.*

(c) *Excusatio de gulosis.*

(d) *Annonæ vilitas Romæ.*

quætor est, cum L. Metellus in triumpho plurimos duxit elephantes; assibus singulis farris modios fuisse, item vini congios, ficique siccae pondo 30. olei pondo 10. carnis pondo 12. Si igitur carnis pondo 12. singulis assibus venit, fac bovem pependisse 400. aut 500. libras, quid erunt nisi quaternæ aut circiter drachmæ? Sed illa nimis vetera sunt, inquires. Nec id quidem, sed bello Punico primo, A. V. 502. evenerunt, haud longe a Catonis ævo. Bello Mithridatico, cum Lucullus præda e Ponto egit, sic abundantes, ut mancipium 4. drachmis venale esset, bos una; capræ, oves, vestes, alia, pari vilitate. Ecce bovem reduxi ad drachmam. Catonis ævo in Gallia Cisalpina me dimnus Sículus [sex modios continet] non nisi duabus drachmæ partibus venit, nempe 4. obolis: metreta vini (12. congii sunt, si Atticam intelligit, & sunt libræ mensurales 120.) tertia parte drachmæ. Viator in iis locis nihil cum diversitore aut hospite paciscebatur, sed bene & laute habitus abiens solvebat dimidiatum assem. O si nobis peregrinari ita fas! tota juven-tus dilabatur, & abeat in beatas illas oras. Non tamen, ut serio loquamur, tam grandis vilitas hæc semper fuit.

Vesti-

Vestibus [a] & viros, foeminasque lasciviisse non nimis nego, neque excuso: concessu omnium peccet in nuptiis ille sexus, ad seria non aptus. Sed viri, parum aut nihil in veteri Republica; sub Principibus capere, nec Principibus istis invitis. Frangi aut mitigari altos & generosos animos, vestium, conviviorum, ludorum deliciis aut remissionibus, haud abs re eorum est, nec Augustus & sagaciores illi ignorarunt. Itaque Tacitus scripsit: *Luxus mensa a fine Aetiaci belli usque ad arma, quibus Servius Galba rem Romanam adeptus est, per annos centum, profusis sumptibus exercitos fuisse.* Sed antea negamus.

De Doctrina Romanorum.

Absolvimus de *Virtute*, nisi placet ornamentum vel adjumentum ejus adtexere, *Doctrinam*. [b] Nam & ea Rome viguit, atque adeo ab ipsa condita Urbe, vel potius ante eam. Atque adeo erat transfusa ipsa Græcia in magnam Italiæ partem, cui & nomen reliquit. Exolevisse tamen hæc paulatim fateri debemus, & usque ad bellum Punicum secundum raras Romæ vel elegantias, vel literas fuisse;
Mars

[a] *De luxu vestium, quid dicendum.*

[b] *Origo & progressus doctrina Romæ.*

Mars & horrida virtus omnia obtinebant. Postea capta ipsa Græcia, victores iterum cepit, & feliciter artes suas intulit & diffudit. Magno gradu tunc itum ad variam doctrinam, sed primo ad eloquentiam maxime, ut quæ conjuncta cum rebus gerendis, & aptissima gubernantibus esset. Mox & Historia successit, & Philosophia, & quidquid ad animos, moresque colendos, aut honeste oblectandos facere videretur. O hanc quoque curam laudabilem! & maxime quia cum modo & temperie fuit, quod nec omnes passim se darent, nec nimis etiam se darent liberis. Non omnes, sed primores fere, & ii qui vel erant in Republica, vel ad eam se præparabant. E. triplici illo ordine, Plebs ad militiam adspirabat, neque erat harum rerum; [a] Senatus & Equites, præter illam, animi cultum assumebant, & mente, non manu solum conspici volebant. Modum quoque plerique servabant, nec ut mancipia quædam literarum essent; sed ut quatenus opus, haurirent, & ad rem atque usum transferrent. Talis Scipio ille posterior, talis Cornelius Sylla, Pompejus, Lucullus, Cæsar, alii, uno

(a) *Romani quomodo literas colerent.*

uno verbo, quicumque in Republica eminentes postea fuerunt.

Itaque studium hoc doctrinae publice viguit, & doctores paulatim, in privatis primo Principum aedibus, mox & in publico, ac stipendiis publicis, auditi, conducti & præmiis varie affecti. (a) Quis nescit C. Cæsarem omnes liberalium artium doctores, qui Romæ essent, civitate donasse? qui summus extero honos, & nulla pecunia æstimandus; etsi nec hæc defuit, primo quasi e privatis loculis data, mox e fisco annuatim appensa. Primus id Vespasianus firmiter instituit, qui Latinis Græcisque Rhetoribus annua centena constituit. Ea reddunt 2500. Philippæos: ubi hodie vel eximiis doctoribus largiendos? Atqui & Medicis quingena HS. mercedem annuam fuisse, Plinius docuit: quæ sunt 12500. Philippæi. Cur ergo non admittam vel 600. excellenti alicui honorarium fuisse? Immo fuerunt Eumeno Rhetori, & doctori in scholis Augustoduni, quem Constantius Princeps sub Augustis Diocletiano ac Maximiano, salarium in 600000. nummum accipere jussit. Scilicet alienum nimis a magnitudine Romana est, 15000. Phi-

(a). *Præmia literarum.*

Philippæorum singulari doctore, & qui Magister Palatii fuisset, dari? nihil est: & credent mecum, qui veteres opes & animos satis sciunt.

De Diuturnitate Imperii Romani.

Vidimus, quam magnum Imperium Romanum a *Finibus, Copiis, Opibus, Operibus, Virtutibus, Virisque* fuerit: & potuissimus addere [a] a *Tempore*, ac diuturno statu. Nam quod alibi imperium, modice magnum, tam diu perseveravit? Atque istud maximum tot sæcula stetit, & reliquæ ejus cum nomine, etiam nunc in Germania & Austriaca domo feliciter ecce vivunt. Itaque Plutarchi verba liceat usurpare: *Cum Fortuna alata sit ac vaga, & modo Assyrios, Medos, Persas, Macedonas, Carthaginenses lustraverit, eosdemque reliquerit; videtur ad Tiberim alas posuisse, volubilem globum reliquisse, & Urbem quasi perpetim inhabitatura intrasse.* Quid Homeri jam olim vaticinium, quam mirabile est?

[b] *Nunc autem Trojana Æneas sceptrum tenebit,*

Et nati natorum, & qui nascentur ab illis.

Ille vero tenuit, & nati ejus; inter quos

(a) *Roma magna etiam a tempore.*

(b) *Homeri vaticinium, Iliad. v.*

quos Romulus primus Regum, ex
eo sanguine; & o occultam decreti-
vim! primus Imperatorum Cæsar.
Ersi autem mutatio aliqua status in-
tervenit, tamen imperium mansit;
primo sub Regibus, tum Consulibus,
tum Principibus: & sub istis scissum
divulsumque, & caput alterum in
Thraciam aut Græciam translatum.

D E C R U C E

LIBER PRIMUS.

Materies & Ordo Operis hujus iste. QUID CRUX, & CUJUSMODI fuerit: UBI, QUARE, QUOMODO, & QUATENUS usurpata. De his omnibus accurate & distincte dicetur.

De Nomine Crucis.

CRux significatione duplici, (a) *laxa & adstricta*. Illa est, cum pro omni angore, tormento, atque etiam interitu sumitur: ut a Comicis passim, qui jubent *Abire in malam Crucem*. Ut Gracchus, qui dixit, *Mala Cruce perire*. Sed & Terentius a cruciando, Meretrices dixit *Crucis*. Adstricta significatio est, & vulgo receptissima, cum peculiariter cruciatum & interitum notamus in ligno. Dixerunt & alio nomine (b) *Gabalum*, voce Hebræa: nam illis *Gab*, excel-

(a) *Duplex Crucis significatio.*

(b) *Nomina Crucis.*

excelsum; *Gabal*, terminus, aut re-
ctus stipes in agris. Quid nisi tale crux,
que erecta, & in excelsis? Et Germa-
ni patibulum, *Galgen* vocant. Dixe-
runt aliter, *Infelicem arborem, lignum,*
stipitem. Dixit & *Infamem stipitem*.
Poeta incertus. Natæ appellationes a
iudicio & sensu vulgari, quibus hoc sup-
plicium in horrore pariter & vilitate.
Et quamvis Crux proprie in li-
gno, tamen similitudine etiam ita di-
cta suspensio aut fixio in alia paratu-
ra, puta in monte aut petra.

Nomina vero supplicii, quod per
eam, sunt ista. (a) *Cruci suffigere*,
In Cruce suffigere, *Cruci affigere*, *Cruci*
figere, crebra sunt; Illud minus,
Figere, ἀπλῶς, & sine additione; quod
alii *Configere*. Suo etiam & proprio
verbo appellarunt, *Cruciare*, *Crucifi-*
gere. A *Crucio*, sive *Cruce* ipsa *Cruci-*
arius dictus, is qui in Cruce, vel
qui ea dignus. Quo modo & *Verbero-*
nem, *Flagrionem*, *Mastigiam* dicimus,
verberare, flagro, mastige dignum. Qua-
mente & *Vinum crucium*, insuave, a-
cerbum, Festus observat.

Græcis duo fere Crucis nomina, (b)
σταυρός & Σκόλοψ. Illud frequentius:
quod.

[a] *Supplicii hujus nomina.*

(b) *Græca Crucis nomina.*

quod tamen proprie non nisi stipitem signat singularem & erectum. Latine dixeris *Palum*, sive *Vallum*. Vox facta παρὰ τὴν εἰς αἶρα στασιν, ἢ παρὰ τοῖς εὐρεῖς ἰστῶς hoc est, quod ad acrem stent, vel quod in latum. Lucianus derivat a *Tau* litera, quæ figura crucem refert. Jam Σολιψ proprie vallum, sudemque significat acutam. Appellant etiam κρον, crucem. Duo autem sunt verba, quibus ipsam crucifixionem signabant, (a) Ἀνασταυρῆν, & ἀνακρολοπίζειν. Ita enim plerumque composite, ad elationem scilicet fixationemque in alto notandam; etsi alias etiam simpliciter Σταυρῆν & Σκολοπίζειν. Sunt & alia duo verba, quibus vulgo valdensi, Προσνῆν & κρεμᾶν, sive ἀνακρεμᾶν. quorum illud clavationem ipsam in ligno proprie notat, hoc suspensionem. Tale apud Latinos ipsum *Suspendere*, quod ad crucem referendum.

Devisio Crucium.

Rem ipsa ordiamur; cui illustrandæ duplex genus statuo, [b] *Simplex*, & *Compactum*. Illud voco, cum in uno simplici que ligno fit affixio, aut infixio. Quæ crux, meo iudicio, prima

(a) *Crucifigendi nomina*. [b] *Crux duplex*. (c) *Simplex qua*.

ma fuit . & in aliam speciem a rudi
hac ventum . Sed ea quoque . [a] du-
plex : altera ad *Affixionem* , altera ad
Infixionem . (b) Nam alias ad arbo-
rem sive stipitem alligabant figeban-
tque hominem . Nec ambigimus , ar-
bores plerumque huic rei servisse ,
præsertim in grandi numero crucian-
dorum , sive recisas leviter , & ad cru-
cem aptatas , sive etiam comantes .
Sed & in stipite simplici idem fuit .
Atque hæc fuit in simplici Cruce affixio .

Est & in eadem (c) *Infixio* , cum
nudum hominem erecto acutoque sti-
piti infigebant , ea forma & facie ,
quam docent Scriptores . Seneca : Co-
gita carcerem & cruces , & adactum
per medium hominem , qui per os emer-
gat stipitem . Vident clare ; medium
hominem scissum & transossium . Vul-
go dicitur *Impalatio* . Et hoc proprie
est Σκόλ ψ ς , & σκολοπιζειν . Ubi le-
gitur , plerumque referendum ad hanc
formam . In hac cruce , quam *acutam*
vocat Seneca , habitus erat hominis
ab infero in superum sic transfixi ,
quasi sederet . Hoc ipsum genus δ νασκειν-
 δ υλευδζ dictum Græcis , quasi diffin-
dere & disseccare . Item δ νασκολεπιδυν-
ναι .

At

(a) Ea duplex . (b) *Affixio* . (c) *Infixio* .

At (a) *Compacta* crux est, quæ manufacta, idque e duplici ligno. Hæc est plena & vera crux, in qua brachia etiam explicantur, atque ideo *Patibulum* non semel dicta. Hujus species triplex: Est [a] *Decussata*, est *Commisssa*, est *Immissa*.

Decussata (c) est, in qua duo ligna directæ & æquabilia inter se obliquantur. *Decussare* hoc enim Romani dixerunt. Hieronymus: *Decussare, est per medium secare; veluti si duæ regulæ concurrant ad speciem literæ X. quæ figura est crucis*. Hæc illa est, quam *Andreanam* hodie dicimus, valida & satis veteri fama, divum istum in ea cruciatum.

Jam *Commisssam* (d) crucem appello, cum ligno erecto brevius alterum superne, & in ipso capite committitur, sic ut nihil exstet. Ea forma examissim est in T. litera, quam uno ore omnes cum cruce componunt. Astruunt etiam picturæ, & nostra lingua. In illis quidem, passim hodie videas D. Antonii (e) vetustissimi monachi penulæ & manui assui aut imponi hanc crucem. An quia Ægyptius ille vir, qui-

(a) *Compacta Crux*. [b] *Ea triplex*. (c) *Decussata*. (d) *Commisssa*. (e) *Crux S. Antonii*.

quibus jam olim notum, & inter sacra hoc signum? Certe in obeliscis, qui inde Romam vecti, sculptum sic videntur, cum annulo tamen vel ansula superne. Certe in penula aut veste monachorum crux, immo cruces. Quod autem manu tulerint, hodieque in Æthiopibus sive Abyssinis ille mos, uti vulgus reliquum cruces e collo pendulas gesser, monachi hoc amplius etiam manu, auctor est Damianus a Coes. Ægyptiis autem litera T. olim inter notas hieroglyphicas, & significabat *Vitam venturam*. Atqui & a lingua nostra argumentum petii: nos enim Germani hodie bacillos in hanc formam, quos ægrorum brachiis sustentaculum subjicimus, vocamus ipsa Latina voce *Crucken*.

Denique [a] *Immissa* crux est, cum ligno erecto transversum alterum iungitur atque immittitur, sed sic, ut ipsum fecet. Ita eminentia hic semper aliqua & capitellum, aliter quam in *Commisa*. Etiam anguli hic sive fines quaterni, illic terni. Ingerunt eam oculis picturæ pariter & scripturæ priscæ.

Habes omnium crucium species. In qua earum ille mortuus, qui morte
sua

(a) *Immissa*.

sua nobis vita? (a) In illa postrema, quæ quatuor finibus universum Orbem complexa est, non sine mysterio, quod toti Orbi mortuus Salvator noster pendit. Nec ambigi profecto potest, in tam veteri Christianorum sensu.

pari Crux Ubi usitata.

Cruces satis vidimus: Ubi gentium ex in usu [b] fuerint, addemus; etsi uno verbo pene dixerim, ubique gentium receptas. Oriens quidem plerumque usurpavit, idque jam olim. De Syris, in Esthere scriptum. De Judeis. in sacris libris sæpius. Ægyptios etiam usos reperio: & Persas crebro: sed Afros vel omnium creberime, qui non in viles modo, sed illustrissimas personas adhibebant. Atque a Senatu Carthagenensium etiam in Duces, bella pravo consilio gerentes. Video & Græcos usitasse. Jam Romanis vetus veterrimumque supplicium patibulorum. Si Livio fides, statim sub primis Regibus usurparunt; & exemplum in Horatio, cui id sub Tullo parabatur. Etsi Cicero dissentire videtur, & horridum illud carmen ad Tarquinium Superbum auctorem reterre. Utrum horum est, video

(a) *Crux Christi quæ.* (b) *Crux quibus in usu.*

deo etiam libera Republica statim in
alu cruces. An Germani usi, dubium.

Causæ variæ hujus supplicii.

Plurifariam igitur receptæ cruces,
sed vix tamen, nisi in homines vilio-
res, Romano quidem ritu. Atque apud
eos servorum fere hoc supplicium, aut
plebejorum, qui juxta servos. (a) Et
adeo peculiare hoc servis, ut nomine
Servilis supplicii, crux veniat ca-
pienda

Servile igitur hoc supplicium, sed
non ob levem aut quotidianam no-
xam; (b) sed graves erant, & in
extremo supplicio extrema causa: ut
(c) Delatura domini, & in genere
omnis machina contra dominicam sa-
lutem. Item Fuga, (d) sed diuturna,
aut repetita. Hæc & plura in servis,
quos mitiores durioresve domini gra-
vius, mitius, pro arbitrio sunt puniti.

Quid autem (e) in liberis? Rara
crux, ut prædixi. Quin remove prorsus
ab hoc genere Lactantius videtur.
Sed frænanda ea assertio est, & cive
quidem indigna crux, nec credo usur-
patam in eos, nisi præter leges, & per sæ-
vitiam: viliores liberi, & provinciales,

Y

non

[a] *Crux supplicium servile.*

(b) *Causæ crucis.* (c) *Delatio.*

(d) *Fuga.* (e) *Qui liberi cruciati.*

non ab ea profecto immunes. Atque hæc crimina in iis cruciaria. Primum, [a] Latrocinium. Deinde, (b) Sicariatus. Tertio, crimen (c) Falsi. Anne & [d] Furtum? ita, sed non Romæ. Et mirum, ni e Gallis Germanisque isti Reges, quorum moribus etiam nunc fures ad furcam. Alia etiam crimina in hanc pœnam ne ambigas.

Cum hæc vidimus, pie non curiose quæro, in Servatore nostro quis (e) prætextus (nam causa numquam fuit) ad crucem? Blasphemiam aliquis dixerit, ex vocibus aut judiciis Judæorum. Atque ipsi sane ita apud Pontificem accusant, & huic noxæ testes quærentur, & ipse denique Pontifex ejus damnat. Attamen si legem spectes, hi tales lapidibus, non cruce puniti. An non verius ac simplicius, totum illud iudicium, etsi iudicii dissimile, Romanis moribus legibusque directum? Mihi videatur; & respondeam, damnatum innoxium nostrum Agnum quasi Seditionis nomine & Regni affectati. Certe Romana lege, Auctores seditionis aut tumultus.

[a] *Latrones*. (b) *Sicarii*. (c) *Falsarii*. (d) *Fures alibi*. [e] *Prætextus, sur Christus crucifixus*.

tus, pro qualitatis dignitate, aut in crucem tolluntur, aut bestiis obiciuntur. Quod autem sic etiam apud Pilatum accusatus, Lucas clare. Credidit, nec credidit Pilatus; & titulum tamen causamque mortis inscripsit, *Rex Judæorum*.

In hos ergo tales ex ordine & more crux usurpata. (a) Interdum regnum ei largius, & præsertim apud Reges: nam hi ex libidine sæpe ita sævierunt in hostes aut rebelles, & uno tempore multos. Alexander Magnus 2000. Tyrionum, capta eorum urbe, crucifixit. Alius minutus Alexander in Judæa, convivans in publico & conspicuo loco, una cum pellicibus, iussit in crucem dari Judæorum ad 800. Quinctilius Varus, ex eadem gente, ob nescio quem motum, crucifixit circiter 2000. At Titus in obsidione illa exitiali 500. & plures, in singulos dies crucibus affixit: & ob multitudinem terra crucibus, & cruces corporibus deerant. Jam & Augustus confecto bello Siculo, 600. servorum, quorum domini non exstabant, in crucem egit. Et in Christianos Tyranni crebro adhibuerunt, atque eos numeros: sic uno tempore, uno loco

Y 2 ad

[a] Sæpe multi simul cruci affixi.

ad 10000. interfecta. Atqui nec a fœmineo sexu abstinuerunt hoc supplicium: & Tiberius, ob adulteratam in templo Iſidis Paulinam, Sacerdotes crucifixit, & Idam (ancillæ nomen) quæ corruptelæ causa fuerat. E Christianis etiam Beata Eulalia cruci affixa, Sancta Julia, & aliæ.

L I B E R I I.

DE MODO CRUCIFIGENDI.

Dixi satis *Quid* Crux, & *Cujusmodi* fuerit, *Ubi* & *Quare* usurpata; pergo longius, & universum hoc pœnale ædificium exstruo, per singula etiam membra. Dicam enim *Quomodo* usurpata; (a) & non solum animis, sed pene oculis subjiciam sævitiam & sceditatem ejus supplicii, quæ sane magna; nec temere Cicero crudelissimum teterrimumque appellavit: & Poeta Nonnus, ἐλέγχιτόν τνα πόντον, *damnatissimum quoddam fatum*. Quin etiam Jurisconsulti nomine *Summi supplicii*, velut ob eminentiam, designant istud. Ab eadem mente *Supremum*

(a) *Magnitudo hujus supplicii.*

mum Vlpianus dixit. Dicta hæc ipsa *Extrema pœna*. Nam ex Jurisconsultorum mente, Crux etiam supra ignem, si infamiam, magnitudinem, & præsertim diuturnitatem pœnarum in ea attendis.

Sed sævi fœdique quid in hoc supplicio fuerit, *Modus* ipse dixerit, quem graphice imus repræsentatum. Duplex autem ille modus, (a) *Vulgaris*, & *Rarus*. Ille receptissimus, & quo vulgo utebantur. Alter magis sepositus, nec in tam assiduo usu. De illo prius, & quidem ordine hæc tria: *Quæ ante fixationem, Quæ in ipsa, Quæ post ipsam.*

Quæ ante fixationem.

Ante fixationem duo adhibita: (b) *Flagellatio & Deductio*. Flagellatio quidem solennis antecessor, & raro in crucem dati, nisi sic purpurati. Solennis ergo mos, immo lex; & horrendum carmen diserte canebat: *Verba intra aut extra pomerium, & tum denique succinebat: Arbori infelici suspendito.*

Verberati igitur, sed utrum virgis an flagellis? Illas interdum reperio.

Y 3 sed

(a) *Duplex crucifixio.* (b) *Flagellati ante crucem.*

sed magis crebro ista. Discrimen enim esse scimus, (a) & quia virgæ honestiores, inhonestissimo huic supplicio attributa flagra, servorum propria, ab ingenuis, tum a foeminis remota maxime. Flagella autem hæc aspera, adeo ut Ulpianus scripserit, ministrorum immanitate multos sub ejusmodi flagellis interiisse. Fuerunt (b) enim taxillata; siquidem insitis talis, aut officulis exasperabant. Factum Romæ, & alibi. Apulejus agnoscit, & *Flagrum pecuinis ossibus catenatum*, scite appellat. Ille eidem Gallis Matrisdeum adscribit. An tale aliquod flagri genus, quo Christus etiam noster cæsus? imaginantur aut pingunt per pietatem nonnulli. Haud ego assero; sed illud Evangelistæ, cæsum esse, & quidem flagro. Hoc *ἰμαθλεῖν* Nonnus appellat, *flagellum loreum*.

Flagellatio (c) hæc non uno semper loco, aut tempore. Aut enim ante Deductionem utebantur, idque domi, aut in prætorio: quod in Salvatore factum. Aut in ipsa Deductione, per viam: quod moris fuit magis prisce. Si domi, ligabant interdum ad columnam.

(a) *Discrimen inter Virgas & Flagella*: (b) *Flagella taxillata*. [c] *Flagellatio quando adhibita*.

innant. Id. de Servatore nostro non ambiguum, piis quidem & in religione antiquis: etsi enim Evangelia non exprimunt, secuti tamen Patres. Quid per viam? sub furcam id factum, de qua suo loco dicetur.

Ad *Deductionem* venio, in qua duo observo: *Ludibrium & Tormentum*. *Ludibrium*, (a) quod ipsi coacti crucem suam ferre, aut certe ejus partem; ut vere esset illud, quod dicitur; *Suo sibi jumento malum*. Atque ita Johannes de Christo: *Bajulans suam crucem, exivit in locum Calvarie dictum*. Quam sola causa vetera quædam vaticinia, aut imagines, doctores nostri ad Christum trahunt. Et Christus sane totam plenamque crucem tulit: ni fecisse, quid opus erat auxiliatore. & subsequa, qui allevasset? Alii non semper totam: atque ideo caute prædixi, *ejus partem*. Nam qui ritu veteri sub furca cæsi ducebantur, ferebant non nisi istam. Immo interdum nec istam: nam fac in arbore aliqua crucifixum, & subito, profecto præter se nihil tulit.

Tormentum (b) etiam in *Deductione*: quia trahere, divexare, & stimulis

(a) *Crucem ipsi ferebant.*

(b) *Tracti per viam.*

agere per viam solebant. Nec dubium est, quin impulerint, dejecerint, erexerint, per sævitiam aut per lulum. De stimulis etiam non temere addo; & aperte auctor affirmandi Plautus.

Qua in ipsa fixatione.

In ipsa fixatione tria consideranda: *Suspensio, Adstrictio, Inscriptio.*

Suspensio præit, (a) & ante illam etiam nudatio, quia simul ad crucem ventum, spoliabant hominem, & sic in eam dabant. Receptum hoc in plerisque suppliciis, velut Naturæ suasu, quæ nudos induxit in vitam, & educit; etiam in isto. In Christo factum hoc observes, quem Evangelistæ narrant recepisse vestes post flagellationem jam deducendum, & posuisse iterum deductum. Ergo nudi dati in crucem: sed jacentem, an erectam? (b) Pro jacente Acta vetera de Pionio martyre satis clare stant. Et ratio etiam aliqua suadet. Nonne enim facilius hominem sic affigere supinum & inclinatum, quam tollere in erectam pendulum, labentem, fortasse & reluctan-tem? videtur. Tamen quod in erectam, plusculi affirmant testes. Nec video quid obduci possit, nisi istud infirmum,

(a) *Nudatio ante suspensionem.*

(b) *Quomodo in crucem dati.*

mun, statutas quidem, sed sub adven-
tum noxii iterum demissas. Qui cre-
dat? aut irriti laboris quæ ratio? Ab-
nuunt etiam phrasæ veteres, quas sci-
mus plerumque assimiles rebus ipsis.
Dicunt enim *Tollere, Agere, Ferre,*
Dare in crucem. Quæ omnia elationis
sunt aut molitionis. Item in ipsis fon-
tibus, *Excurrere, Ascendere, Salire in*
crucem, quæ mihi videntur convenire
non nisi in erectam. In hoc dissensu
quid definimus? consensum qua licet.
Dicimus utrumque usurpatum, sæpius
tamen hoc postremum. Immo interim
necessario hoc postremum. Pone enim
in arbore suspensos, (sæpe factum)
quomodo demitti ea potuit, & tunc
attolli? Quid si de transversario tan-
tum ligno capias, in eo figi solitos,
& deinde subduci atque appendi?
Pugna omnis cesset.

ADSTRICTIO facta clavis, aut
funibus, sed plurimum illis. (a) At-
que ab hac re Græcis passim ipsa cru-
cifixio, *προσπλάσις* dicta, quasi dicas
Clavi fixio. Et *προσπλάσθαι*, *cruci affi-*
gi clavis. Funes etiam adhibiti: &
quorundam judicio videntur neces-
sarii fuisse in omni fixatione: Nam
volunt manus ligatas, ne se subdu-

Y 5. ce-

(a) *Adstrictio fiebat clavis, & funibus.*

cèrent ad ictum, aut commoverent, tum etiam ut firmitus & cum adminiculo penderent. Deinde & alterum funem ad pectus corpus ambiisse sub ipsas alas, eoque sublevatum hominem & attractum in summam crucem. Id porro factum ad motus utrimque scalis. Et sane de scalis, apponere eas pene necessarium videtur, utique ad erectam crucem. Quomodo alias subduxeris, aut fixeris? Funibus autem alligari, magis seſum habitum. An sic quoque appensi latrones bini, qui com Christo? Vulgo sentiunt, nec aliter pingunt. Tamen falso: quia illi pariter ac Christus fixi. Nonnus. affirmat, & magis Historia prisca; quæ est de Helena Constantini matre. Ea cum venisset sacra & Deo-homini trita loca, cupidine visendi & venerandi, de Cruce etiam quæſivit nostra illa servatrice. Fodit, tres reperit, ac diu animi anceps hæsit, quæ esset illa vera: nam titulus, quo dignosci potuisset, jacebat seorsim dissectus. Deniquè miraculo & divina indicatione opus fuit ad discernendum. Quid autem opus, si vestigia clavorum modo in una? Argumentum certum est, & res ipsa per Ecclesiæ Anniales..

Clavos autem istos, sive & funes,
in

in manibus pedibusque fuisse satis notum [a]. At quam multi isti clavi? enimvero dissident. Alii de ternis asserunt. At contra tendunt alii, & suggerunt quaternos. Vtrique de Christo id volunt. Quid, quod Plautus ex more astringere videtur quatuor? Quam magis considero, tam magis hoc dictum censeo: cum id quoque reperiam, per scævitiā multiplicatos alibi clavos. interdum & in alia corporis parte. Itaque si morem veterem vides, arbitrarium fuit de clavis, & frustra litigemus. Si de Christo tamen quæritur, nescio; & in dissensu Patrum non est nostrum arbitrari: pronior tamen sum in quaternos. In templis Græcie hodie passim Christus cruci affixus, disparatis pedibus sic pingitur. Modus figendi fuit, (b) ut manus primum figerent, inde pedes. Atque initium a manu dextra; tunc itum ad pedes. Sed ambigas, manusne fuerint toti moli ferendæ? Apparet enim corpus omne (pre-ferim si quis pedes inflecteret) pendisse a manibus solis. Ita arbitror. Quidni? Duræ & nervosæ illæ partes, & lentæ frangi. Fortasse nec in media semper manus vola clavi fixi, sed superius

- (a) *Quot clavis affixi.*
(b) *Manus primum fixæ.*

circumduceretur: id quod etiam *Tra-*
duci dicebant, cum ostentui dumtaxat
per ora populi ducebantur, & sæpe
alibi puniendi. Sed & appendi, aut
apponi damnatis solebat titulus: &
sic Gladiatores quoque productos cum
titulo, Quintilianus ostendit. Sæpe
etiam neglecto aut spreto titulo con-
tenti Superdictione fuerunt, id est,
ut Præconis præcuntis voce populo
id nunciaretur.

Quæ post fixationem.

Bene jam & fideliter fiximus: quid
post fixationem? Hæc tria, *Mors*,
Corruptio, *Custodia*.

MORS, (a) lenta, molesta, &
vel a stillante paulatim sanguine,
vel a fame. Quid etiam ab avium
ferarumque laniatu? videbimus, &
singillatim deducemus. De sanguine,
quem demittebant fixi, clarum est,
nec testimoniis eget: & tum ea de cau-
sa, tum ex acri verberatione, quæ præi-
verat, credo invalidiores multos obiisse.
Itaque legas quosdam diu in cruci-
bus vixisse, ut iugentum scilicet ro-
bur erat aut vires. Beatus Andreas in
cruce suspensus, in ea populum docens
biduo supervixit. Tictorinus sub Nerva,
ju-

(a.) *Mors in cruce qualis.*

jussus suspendi capite deorsum, ita per triduum vixit. Timotheus & Mauraz in cruce novem diebus vivi pendentes, ac se ipsos in fide corroborantes, martyrium consumpserunt. Unde hæc vis aut vitalitas, nisi a vitæ ipso fonte? Quamquam & alii quidam animose egisse in extremis istis rebus legantur: velut Bomilcar apud Justinum, qui patibulo suffixus in foro medio, magno animo crudelitatem civium tulit; adeo ut de summa cruce, veluti de tribunali in Pœnorum scelera concionaretur. Quidam etiam petulanter: ut protervuli apud Senecam, qui ex patibulo spectatores suos conspuerunt. Quidam etiam miseratione Principis, aut Magistratum e cruce ablati, post vixisse leguntur.

At de laniatur (a) etiam addidi, & causam illam quoque feci mortis. Haud temere: quia sic ligati, & cum sese non commoverent, dati revera canibus laniæ, atque avibus cunctis; atque id vivi etiam. Quin reperio in sententia judiciali quoque id aliquando expressum. Itaque Apulejus proprium hunc refert patibuli cruciatum, cum canes & vultures in-

tima

[a] *A feris & avibus laniati.*

tima protrahunt viscera. Hinc discas licet, cruces non semper fuisse peraltas: quomodo enim, si canes attingerent, atque etiam lupi? Nam & hos Cattullus addit. Istæ mortes; [a] nisi quod interdum lanceis etiam transverberati legantur, an ad accelerandum fatum, an explorandum? Illud fuit in Marcelliano & Marco: Istud in nostro Domino, cui miles jam mortuæ lancea latus aperuit, scilicet periculum, an bona fide obiisset.

Non autem & crura iis fracta, (b) inquires, atque ita interempti? Vulgo invaluit hæc opinio, sed vulgo. Qui penetrant & examinant, vident disparata hæc supplicia & seorsim fuisse. Induxit vulgum, quod in sacra historia latronibus duobus crura fracta leguntur. Atqui sciant promoribus Judæorum id fuisse; atque illic fortasse tantum. Et cur hoc Judæi? ne fraus legi fieret, quæ jusserat ad Solem occasum suspendiosos deponi. At deponi nisi mortui non debebant, diutius autem plerique vivebant; ergo hæc, aut alia via mors festinanda. Alia etiam dico via, nec crediderim fuisse hanc solam.

Er-

(a) *Lanceis etiam transverberati.*

(b) *Crura an iis fracta.*

Ergo (a) Crurifragium proprie nihil ad crucem; tamen quia sese ingerit, & vile, atque item sævum est juxta crucem, breviter de eo dicam. Vox ipsa proba & vetus. Glossæ priscæ: *Crurifragium*, *αυλον πια*. atque alibi *Crurifrangium* recte etiam scribunt. Ipsa res antiqua, & jam Plauti, & antæ ævo, passim Crurifragium minati servis. Et credam, ut crucem ipsam, peculiare fuisse servis; sed ita, ut liberi non immunes, sive in crimine, sive potius per sævitiam vindicantis. Et in Martyres nostros plurifariam sic sævitum. Modus hujus supplicii, ut incus cum malleo, vel veste ferreo inferretur, ac tibiae incudi imponent, validis ictibus sic frangendas. Sublatum hoc supplicium a Constantino, Victor asseverat. Aliud autem est a fragio crurum, (b). *Exsecare crura*. Hoc enim proinde est, ac nervos aut suffragines succidere. Vetus sævitia, & Annibali usurpata in Romanos. Usurpatum etiam fuit Tyrannis in Christianos. CORRUPTIO jam post Mortem: (ic) quam sic intelligo, quod nec mortuos deponerent, sed tabo illic passi-

(a) De Crurifragio. (b) Exsecare crura quid. [c] Corrupti in crucibus.

passi sunt diffuere, & a Sole ac pluvia corrumpi. Hanc in cruce putrefactionem intellexit Theodorus Cyrenæus, cum Tyranno minanti eam respondit: Sua nihil interesse, humi, an sublime putrescat.

Itaque hoc sine asservati in cruce, & deponi rarum omnino fuit. (a) Ne, quis autem deponeret, Miles & CUSTODIA assedit. Possis ad hanc custodiam illud Evangelistæ referre: *ἔχετε κησodίαν, ἀνάγετε. Habetis custodiam, abite.* Quæ Pilati vox fuit ad Judæos petentes asservari monumentum. Videtur autem intelligere custodiam, quæ paulo ante ad crucem: nisi quis malit, *Habete custodiam*; quasi ab imperante, & indignanter dante. Vox enim Græca in utrumvis valet.



L I B E R I I I.

DE MODO FIGENDI
R A R O.

A Bunde, quæ ad *Vulgarem* circifigendi modum, diximus: *Rarus* superest, quem ipsum pari curamus expunctum. Eum supra descripsimus, (& vox præfertur) sepositum, & minus in assiduo usu. *Sepositum* *ÆVO*, *Inusitatum* vel *SCHEMATE*, vel *FINE*. De his tribus ordine & partite dicam.

Modus Rarus Sepositus
ÆVO.

Ævo seposita *Furca* est; olim quidem in creberrimo usu, sed quæ paulatim desiit atque abolevit. Mentio crebra non in historiis solum, sed Comædiis priscis; mentio tamen magis, quam explicatio. *Furca* duplex: (a) *Vetus* & *Nova*.

De Furca veteri.

Furca Vetus, (b) quæ priscis Romanis (non enim apud alias gentes legi) usita-

(a) *Furca duplex*.

(b) *Furca Vetus duplex*.

usitata : atque hæc rursus duplex : (a) *Ignominiosa* & *Pœnalis*. Illa est, qua collo imposita servi circumduci solebant ob culpam aliquam, ostentui & ad irrisum. Hinc (b) *Furcifer* dicebatur olim, qui ob leve delictum cogebatur a dominis, ignominia magis quam supplicii causa, furcam circa urbem ferre, prædicans peccatum suum, & monens ceteros ne quid simile peccarent. Atque hæc illa prima est, ab ipsa re & sine *Ignominiosa* dicta; quæ origo aut exemplar tamen *Pœnalis*.

Pœnalis (c) ea est, qua item collo imposita circumducti, sed cum verberibus, & pœnæ causa. Atque adeo mors plerumque huic consequa, sive sub ipsa furca ad necem cæsis, sive cum ea in crucem latis. Nec servi solum, sed & interdum liberi sub furca cæsi. Sed cum in crucem cum furca lati, ligati ad furcam, & sub ea cæsi, per viam ducebantur; fixi deinde ad eam, tollebantur in crucem. Ergo sub furca ad supplicium acti : sed numquid in ea appensi? Ita; quia hæc Furca (d) non aliud quam Patibulum fuit.

(a) *Ignominiosa*. (b) *Furcifer*.

(c) *Pœnalis*. (d) *Patibulum* & *Furca idem*.

fuit. Alligari autem brachia manusque ad hanc furcam solent, atque ita circumduci, mox in ea attolli. Hinc in Plauto legis: *Dispeffis manibus patibulum habere*. Item, *Ire patibulum per vias*. Atque hinc illa phrasis, *Patibulo crucis affigi*. quia Patibulum scilicet hoc sensu pars crucis. Distinguit & Tacitus, *Patibula, ignes, cruces*. Et quod patens hæc transversa que pars sic dicta, Seneca indicat. Sicut inferior defixusque stipes *Cruce* proprie dictus.

Quæ forma Furcæ fuerit, (a) obscure traditum a veterum scriptis. Ex hi tamen tres elicio opiniones de Furca. *Prima*, Furcam potuisse esse facie, qua nostrum hodie Patibulum; atque idipsum reliquias & exemplar esse a pæna prisca. **III** *Secunda*, lignum fuisse **III** geminum, quod a tergo per humeros, & ante per pectus hominem medium includeret, atque ita rectum ad expansas utrasque manus iret. *Tertia*, Furcam, veram esse furcam, quam hodieque dicimus, & quam Varro indicat, quod singula ibi extrema bacilla furcillata figuram habeant literæ V. Pro hac sententia mul-

(a) *Furcæ forma.*

multa sunt. Primum, quod furca
διρρανος. item *διρρανοσος*. *Furcifer*.
 Quid, quod in curribus hodie, quā
 temo cum axe coit, furca est susten-
 tando illi aut fulciendo? Præterea cum
 descriptione Dionysii convenire vide-
 tur examussum. Da furcam istam pau-
 latim divaricantem, ab humeris per
 pectus, & inde manus veniat, est il-
 lud ipsum lignum, quod descripsit.
 Jam Plauti Carbonarium, quo nisi huc
 referas? Ecce qui lignarios fascēs, aut
 carbonum saccellos hodieque ferunt,
 furcam jungunt, cujus caput cum ex-
 stantia aliqua bacillorum, a tergo est,
 longiores duo fines diversi per pectus
 descendunt, & manu utraque (quasi
 ad contranixum) sustentantur. Atqui,
 inquires, manus hic non in alto ex-
 pansæ. Fateor, non in alto, expan-
 sa tamen; & cum funibus traheren-
 tur, ligatis ad extremas manus, etiam
 protendebantur tollebanturque.

Suspensionis modus pro formis est
 distinguendus. (a) Si prima placet,
 res facilis: in trunco abscisso, in pa-
 xillo infixo, immo in fissura superne
 fastæ, potuit firmiter appendi. Si al-
 tera, tum sic censeo; ductos quidem
 cum duplici ligno ad crucem, sed non
 cum

[a] *Suspensio in his tribus furcis.*

cum utroque in eam actos. Quod ante pectus, dispositum putem, manus fixas in altero; atque idipsum in trunco, paxillo, fissura firmatum, ut prius. Nec absurda aut vero nimis extranea sententia est, cum & *Patibulum* reperiam singularem ejusmodi rectumque stipitem dictum. Atque ego amplius arbitror: etiamsi olim Furca alia facie fuerit; tamen commodi causa, & quia prior faciliorque hæc appensio, successisse singulare hoc rectumque lignum, & id tulisse in humeris, manibus inibi revinctis, in eoque mox figendis. At si tertia sententia sederit, duplex potuit fuisse suspensio. Prior ista; quod hominem sic revinctum clavis in loco fixerint, tum furca sublatum appenderint funibus is ipsis, onibus traxissent, vel etiam aliis. Posterior, quod furcam ipsam, sed inversam, in trunco, aut paxillo appenderint.

De Furca Nova.

Sequitur Furca nova, quia ævi inferioris inventum, (a) Ea est instrumentum e ligno triplici, forma jugi veteris, cui appensos homines laqueo strangulamus; Hodie quoque usum & spe-

(a) *Furca nova qualis.*

speciem hanc habet in pleraque Europa : priscis incognita . Poena quidem laquei Homero expressa , qui facit impudicas ancillas ab Ulyssæ sic puniri ; atque idem in famem & impuram mortem vocat : Plinius præposteram , quia spiritus intercluditur , cui exitus quærebatur . Panegyrista appellat fæmineam , Victor postremam ; est enim ignava & vilissima mors . Illud mortis genus in Græcis usurpatum vix invenias ; nec a Romanis quidem in publico ; etsi ii in carcere damnatis gulam laqueo frangebant , sed non ut appenderent . Credo cœpisse , cum crux desit , & vicariam illi factam . Isidori quidem ævo nomen hoc & usum habuit . In libris legum , quas Tribonianus atque ejus adjuvæ collegerunt , satis frequens hoc nomen : & ut opinor , (a) significatione novitia , quia sublato crucis supplicio , quidni etiam Furca vetus ? Itaque ipsos jurisconsultos usurpasse , non habet fidem apud juris & moris antiqui peritos , qui vere notant , substitutum id pro cruce : causa aperta & liquida , quia Constantinus lege lata sustulerat crucem , Ergo ipsi quoque , qui leges

col-

(a) Furca nova pro cruce veteri .

collectum ibant in ævi illius & sequentis usum. Quo ipso sensu inferiores Græci dixerunt *φελχιζεν*, in *furcam* agere, asperiore illa litera mutata. Credo autem hanc furcam primo non nisi dimidiatum Patibulum fuisse, id est, facie adhuc aliqua furcæ; paulatim, & quo plures appendi possent, immutasse.

Modus Rarus & inusitatus a Schemate.

Alter modus, (a) qui *Schemate* a Vulgari diversus, est, cum alio atque alio habitu hominem affigebant. Id quoque factitatum, ut ingeniosa est crudelitas in pœnas. Hæc schemata varia fuere. Est illud, (b) quod *Inversum* dixeris, cum hominem in caput suspendunt, pedibus sublatis. Martyribus in Aegypto id factum, Eusebius ostendit. Quod ipsum in D. Petro, sed eo rogante, ne assimilaretur magistro. Et Petrum quidem etiam clavis inibi fixum, Chrysostomus testatur. Sicut & Calliopius Martyr. Tamen & funibus adstricti, ut Philippus Apostolus.

Reperio & obliquos super crucem cruceve positos. Legitur id in Plutarchi

(a) *Varii figendi modi.*

(b) *Inverso capite.*

archi Artaxerxe. Et hæc (b) *Obliqua infixio*. Video & inter duos pallos dispeffis manibus pedibusque alligatos : ut in Martyrologio de Anastasia. Hæc (b) *Decussata*. Video & inter arbores appensos, & reductis iis, scissos. De Corona Martyre. Quod ipsum Schema ad cruces refert Propertius.

*Modus inusitatus a
Fine.*

Tertius figendi modus Rarior, qui *Fine* divertit a vulgato, est, cum cruces alio spectant, & hominem capiunt moriturum in ipsis, non per ipsas. Tale, (c) cum appensi flamma aut fumo necati. Olim factum ex Cicerone discas. Alexander etiam Imperator quempiam, qui fumum venderat, quasi compari pena affecit. Atque in nostris Martyribus hoc genus crebrum : ut in Pionio, & Polycarpo, antistite Smyrnæorum. Quin uno etiam tempore plures appensi pedibus in sublime, capite verso deorsum, suffocati fumo, & lento igne consumpti sunt. Et Tertullianus significat, adeo crebrum in majores illos nostros & in religione Proceres supplicium hoc

Z suis-

(a) *Obliqua infixio*. (b) *Decussata*. [c] *Fumo necati in cruce*.

fuisse, ut in illudium convitiumque venerit; & Christiani vulgo *Semaxii*, a stipite, cui adstringebantur; & *Sarmenticii*, a sarmentis, quibus utebantur, sint dicti. Lapidibus etiam in cruce obrutum Philippum Apostolum, videtur vulgata opinio esse.

Cruce & ista *Fine*, alio, (a) cum homines in ea fixos bestiis obiciebant. In publicis spectaculis id sæpe factum. Sic Blandina Martyr in ligno suspensa, prostituta est esca & laniena incurrentium ferarum. Sed factum & non Christianis. Atque ad hunc ipsum morem infamis & infanda illa turpitudine Neronis, qua viros feminasque ad stipitem ligatos, ipse feræ pelle contextus, emissus e cavea, medios invadebat.

Postremo (b) Crux finalio, cum non vivi, sed mortui in ea appensi. Notabis, & quod nobis solemne in rota exponere supplicio jam affectos, ad notam sceleris & infamiam, id olim in cruce, & Orientalibus præsertim. Plerumque id factum post mutilationem, membrorumque fractionem; aut etiam excoriationem. Nam deglubere olim crebrum Orientalibus;

(a) *Bestiis objecti in cruce.*

[b] *Mortui in crucem dati.*

bus; & antiquum hunc morem excoriandi in suppliciis, Ægyptiis Persisque fuisse legimus; quem & hodie Ægyptii tenent. Nam grassatores sicariosque ita puniunt, diu vivos, donec ad umbilicum carnifex perveniat.

Nec cadaver solum, (a), sed imagines sublatae in crucem. Exemplo in Celso, cujus corpus a canibus consumptum est, & novo injuriæ genere imago in crucem sublata.

De Materia & Loco Crucis.

Peregrinamus de Forma & Modo; duo velut successiva & extra divisionem relitta, nunc adjungo, *Materiam & Locum*. E qua materie crux? [b] Ex obvio & prompto aliquo ligno. E qua nostri Salvatoris? Censem e quercu: Primum, quia; viri fide digni asserunt, frustra sacratissimi hujus ligni, quæ hodie exstant, speciem hanc referre. Tum, quia crebra & frequens in Judea olim & nunc quoque illa arbor. Tertio, quia robustum lignum, & fixatione lataræque aptum. Quod superioris aliquot ævi scriptores tria aut quatuor genera ligni in Cruce dominica agnos-

Z 2 scunt

[a] Imagines cruci affixæ. [b] Crux ex quo ligno.

scunt (Cedrum , Palmam , Cupressum , Olivam) curiose magis dictum , quam vere .

At quis (a) *Locus cruci* ? Incertus , & pro arbitrio ; tamen plerumque conspectus aliquis , & juxta vias . Exemplum enim exemplum esse desinunt , nisi aliorum animum oculosque in se vertant . Quin etiam oppida certa loca habuisse videntur , huic rei adtributa . Hac ipsa de causa posita eæ sæpe in monte : ut Servatoris nostri in Calvaria . [b] Quin ipsa sæpe alta , præsertim in noxio aliquo insigni . Irrisio Galbæ huc pertinuit , qui cuidam imploranti leges , & civem Romanum se testificanti , quasi solatio aliquo pœnam levaturus , mutari , multoque præter cæteras altiore , & dealbatam statui crucem jussit : altiore , ut digniori : albatam , ut civi , qui in veste alba ; sive etiam , ut magis notabilis conspicuaque esset . Jam illa Amannis præalta , qui Mardocheo crucem 50. cubitorum posuit , sed ipsi ascendendam . Sane pleræque omnes altiusculæ .

Cruce

(a) *Locus crucis* .

[b] *Cruces alta* .

CruX Quatenus usurpata.

Nunc pedem in ultimo velut spacio pono, quod est, (a) *Quatenus* crux usurpata. Postquam enim vitam ipsam interfecit, non diu illi vita; & sustulit ex humanis, aut certe Romanis rebus Constantinus. Serio jam ille Christianus, noluit salutare signum subservire ad perniciem; & colendum illud atque eximium, pænis vilescere damnatorum. Ergo sustulit; atque efficaciter etiam sustulit, nec postea reperies reductam. Sed sero sustulit, nec nisi sub Imperii extrema, & vitæ finem,

Hic exitus Pœnalis crucis fuit, & jam cæpta a Constantini primordiis Salutaris nostra honorari. [b] Causa & origo a victoria contra Tyrannum. Nam cum Maxentium aggressurus esset, ambigenti & animo anxio ob ista, figura ei crucis media die, stellis efficta, apparuit in cœlo; & scriptura circa eam Romanis literis, *In hoc vince*. Igitur ex auro statim subitatio opere efformans crucem juxta speciem quæ apparuisset, & hanc jubens prægredi exercitum, cum Maxentianis prælium commisit,

Z. 3

fit,

(a) *CruX e suppliciis sublata.*

(b) *Honos primus Cruci.*

fit, & superavit. Itaque statim victrix illud signum militaribus signis inseruit, & maxime labaro, quod inter ea primum.

Nec vero in signis solum crux expressa, [a] sed etiam ipsorum militum armis, clypeis & galeis: sed ita ut Christi quidem nomen ipsum (litteris & notis, quibus in labaro) clypeis inscriberetur, galeis autem imponeretur superne crux ipsa. Et merito Christus in clypeis, eorūque solent nomina Imperatorum. Atque etiam hodie Constantinopoli sunt columnæ, a Constantino, ut putatur, in quarum basibus clypei cum his notis.



Sed & crucem in suum caput, (b) & ad diadema effigiemque Imperator transtulit. Et videtur ab ipso esse Constantino. Exemplum secuti Imperatores alii, in quorum nummis hodieque cruces varie videmus; etiam quorundam, qui nec Christiani. Alias victoriæ sunt, quæ manu eas levent, alias ipsi, idque dupliciter: aut enim solam eam gestant; aut globulum, cui eam infixa. Quin Principes Byzantini in progressibus publicis crucem hanc suapte manu prætulisse

(a) *Cruce in armis militum.*

[b] *Cruce ab Imperatoribus assumpta.*

tulisse legimus. Ab hoc ritu etiam nunc crucifer ille globus inter sacri illius Imperii insignia.

Hoc (a) Signum adorandum & venerabile, Imperator appellat Nov. 5. Eaque causa vetitum in lapidibus sculpti, qui in solo. Quamquam autem e pavimentis templorum remota, non etiam e tectis. Fulsit jam olim ibi, clarum certamque Symbolum Christiani cultus.

DE VESTA

E T

VESTALIBUS

SYNTAGMA.

INter antiquas religiones, ea quæ
VESTAM spectat, fuit præci-
pua; Romanis quidem.

Quid Vesta..

Vesta [*a*] plurium sensu, Saturni
& Rheæ filia, sorores habuit Cere-
rem & Junonem, ipsa natu prima;
fratres Plutonem, Neptunum, Jo-
vem. Alii tamen dissident, & Ura-
ni sive Cœli uxorem Vestam faciunt.
Mystica hæc sunt, ut verbo absol-
vam, varie tradita, sed in re & in-
terpretatione concordant. Nam Cœli
uxor Terra fuit; ex iis omnia nata:
& Vestam ipsam passim (*b*) Terram
interpretantur. Et a similitudine,
quia mensa nos alit, itemque rotun-
da est sicut Terra, notat Plutar-
chus, Mensam ipsam quibusdam *Vesta*
no-

(*a*), *Vesta quæ* . (*b*) *Terra* .

nomine dictam. Causam deinde & hanc dat prisca moris sive religionis, ne mensa vacua relinquatur: nam nec Terram sic esse volumus aut optamus. Hinc Vestam & (a) cum Cere re quidam confundunt, quæ ipsa est Terra: sed distinguenda, quod hæc terra dumtaxat fertilis & frugifera; illa (Vestam dico) ea universa. Inde & nomen petunt, quasi quod vi sua stet & immota libretur. Alii (ut Servius) quod variis vestimenta sit rebus..

Est etiam crebra, immo passiva opinio, [b] Vestam ignem esse. Vox Græca adsonat, qui ἑστίαν appellant *Focum*, sive ἑστίασαν. Est igitur ista quasi Publicus focus, sicut privatim in ædibus alii consecrantur; eoque haud absurde Macrobius, Vestam inter Deos Penates, aut certe comitem eorum recenset. Sunt qui *Stamatem matrem* hanc eandem opinentur; sed opinentur. Augustini traditio, ut fidem habeat, vix exempla, Vestam etiam (c) Venerem dici. Nostra Vesta Græcis Latinisque culta, inter præcipua numina fuit, atque adeo inter duodecim illa prima.

Z. 5. De

(a) Ceres. (b) Vesta Ignis..

(c) Venus..

Sed (a) ad Romanam proprie Vestam ut veniamus, [id institutum] unde ei exemplum? & quando origo? Exemplum a Trojanis, atque unum cum Ænea in Italiam venit. Nam primitus culta in Illo, extulitque Æneas, claram Lavinii constituit, condita a se urbe, & sede regni. Inde in Albam Longam transtulit Ascanius: & denique ab urbe ea matrice coloni Romam. Origo igitur a Trojanis, & Alba; a immo mansit sacrum Albæ, etiamsi Roma jam accepisset. Sed quando traducta? tempore Romuli, ut quidam volunt; sed tamen communior fama ad Numam refert.

De Templo Vestæ.

Numa (b) templum Vestæ instituit, & quidquid ad certum & solemnem ejus cultum. Id fuit situm inter Capitolium & Palatium, medio fere spatio, & extra Romulæam urbem, quæ radicibus Palatii fere terminabatur. Condidit Numa anno Urbis quadragesimo, id est, regni sui secundo. Olim id vile, sed postea ære & marmore nituit.

Ro-

(a) *De origine Vestæ apud Romanos.*(b) *Templum Vestæ a Numa.*

Rotundum (a) fuit id templum, quia Vesta Terram notat; Terra autem rotunda. Illud de die omnibus patuit, at pernoctare nemini masculo fas fuit: intrabant quidem viri, non penetrabant, aut pernoctabant. In hac autem æde negant simulacrum ullum fuisse. Quæ ut ita sint, [(b)] tamen Vestæ imago passim in nummis aut statuis expressa, hodieque exstat. Plinius sedentem effingi solitam ostendit, a stabilitate; sed nummi hoc amplius, & sedentem exprimunt, & altera manu facem, altera discum sive pateram libatoriam præferentem. De face, ad ignem pertinet: de disco, ad sacrificia solemniter & perpetim oblata. Interim etiam stantem in nummis videas.

Estne aliud Vestæ templum? aliud, falsum & verum. (c). Falsum, quod Antiquarii hodie attribunt, ad Tiberim, juxta forum Piscarium, sub Aventino. Ædícula exstat; forma rotunda, & extra murum interiorem columellæ 18. velut porticum formant. Quia rotunda, quia extra pomerium Romuli, faciunt veterem il-

Z 6 lam

(a) Forma illius.

(b) Imago Vestæ.

[c] Falsa opinio de templo Vestæ.

lam Numæ esse. Falli arbitror; nec assertor huic opinioni, in isto quidem loco, erit: & quis nescit, aliorum quoque Deorum templa, sæpe ea forma fuisse? Quod autem extra Romuli pomœrium, valde quidem: etiam extra Numæ. Sed ante diximus, hanc veram jam descriptam, item extra finitionem illam fuisse. Ergo hæc valeat: altera est vera, & a nobis eruenda, in Palatio collocanda.

Augustus, (a) cum omnino in Palatio habitare vellet, & mos tamen, ac caremonia haberet, Pontificem Max. in domo publica juxta Vestæ, habitare; ipse Vestam potius ad se transtulit; & SC. partem domus suæ publicavit, atque alteram illi consecravim. Ovidius notat, Patres ita censuisse, qui scilicet prout tunc valde in Principum desideria sive affectus. Immo non partem tantum, sed mox totam publicavit. Hæc autem Regia domus erat in Sacra via, non procul a Vestæ. Etsi Regis Sacrificuli domus fuisse etiam videtur propior, quam ipsam Vêdalibus Augustus dono dedit. Ibidem. & (b) Atrium

Vê-

(a) Vestæ templum ab Augusto..

(b) Atrium Vestæ..

Vestæ, quod Regiæ huic adjunctum. Hoc Atrium virginum habitationi serviebat, ut Regia propriæ dicta Pontificum. Illic igitur egerunt, sed vi morbi exierunt, quia locus scilicet parum laxus, nec ægrorum curæ. Et si major tamen jam ab Augusto, Regia etiam iis concessa; sed neque sic amplius.

De Vestalibus.

Satis de ipsa Dea, & templo; de ministerio alioque ejus cultu videamus. Ministræ (a) Vestales fuere, atque ex virgines: causa duplex, prior, quod Juno & Ceres, sorores Vestæ, ambæ peperisse feruntur, restitit una de tribus impatiens viri, nempe hæc Vesta. Altera causa, quod Vesta ignis, qui nihil gignit. Cicero & duas alias dedit: *Vestæ colendæ*, inquit, *virgines præsumt, ut ad vigiletur facilius ad custodiam ignis; & sentiant mulieres, in natura feminarum omnem castitatem peti.* Advigilent facilius, quia liberæ a viro, prole, aliis curis. Castitatem peti, cum virgines placere Diis vident, ipsæ, pro parte sua quæque, sint castæ. Potest & ab exemplo esse, nam Plutarchus scribit, in Græcia quoque, ut Athenis & Delphis, &

sicu-

(a) *Vestales: cur: virgines...*

ficubi servatur æternus ignis, præesse si non virgines, tamen viduas & a viro castas. Ejus ergo obtinuit Romæ, ut parvæ & tenera ætate caperentur certæ pudicitia, & vitii expertes. Minorem enim quam annos sex, majorem quam annos decem natam, capi fas non erat.

Multæ (a) non erant, nec crebræ istæ lectiones; nam ægre parentes in hanc velut custodiam, & adactam virginitatem suas dederunt filias. Numma in universum quatuor eas instituit, cepitque, Geganiam, Veraniam, Canulejam, Tarpejam. Duas deinde alias Servius Tullius addidit, sive ante eum potius Tarquinius Priscus; & sic sex semper fuerunt.

Modus capiendi Vestales.

Quot (b) captae fuerint, vidimus: nunc & Modum capiendi collustremus. Hoc enim verbo solemniter utebantur, causamque dat Agellius: *Capi virgo propterea dici videtur, quia Pontificis Maximi manu prehensa, ab eo parente, in cujus potestate est, veluti bello capta abducitur.*

Cepit primas ipse Numa, & jus deinceps capiendi voluit (c) apud Reges.

(a) Numerus Vestalium.

(b) Cur capi dictæ. (c) Ceperunt Reges.

ges esse. At pulsus Regibus, Pontifex Maximus in locum venit; sed non libera prorsus electione, legibusque suis adstricta. E quibus Papia fuit, qua cavetur, uti [a] Pontificis maximi abitratu virgines e populo viginti legantur, sortitioque in concione ex eo numero fiat, & cujus virginis ducta erit, ut eam Pontifex Max. capiat, eaque Vesta fiat. Ergo arbitratur Pontificis lectæ, nempe ut jus probandi rejiciendique ipse habeat, & sitne idonea dijudicandi. Nam non ætatem solum, sed Genus, Corpus, Quæque adherent, inspicere solent, & ut omnia apta honestaque ministerio essent. (b) In Genere quidem, ne cujus parentes, alter ambove servitutem serviissent; aut in negotiis sordidis diversantur. Item excusari, cujus pater Flamen, Augur, Quindecimvir, aut Septemvir, aut Salus est: & talia minuta, quæ in Agellio legas. In Corpore, ne lingua debili, sensu ve aurium diminuta, aliave qua corporis labe insignita sit. Quæ adherent, ut patrima sit & matrима, ut ne emancipata sit, & talia.

Sequebatur in lege, (c) Virgines vi-

(a) Pontifex. (b) Requisita in Vestali. (c) Quomodo lecta & capta.

ginti. Magno satis numero ad unam dumtaxat capiendam; sed causa est, ut fors levior accidat, sparsa sic per plures. Addit, *Ei populo*: toto, inquam, populo, non enim e Patriciis tantum, sed & plebejis. Immo vero Augusti ævo, præter legem moremque veterem, etiam ex libertinis captæ. Sequitur, *sortitionem in concione fieri*: In concione, Comitibus, puto, Curiatis, ut coram testibus res fieret, & dignitas sacerdotio adcrederet dignitate actionis. Sortitio autem adhibita, ut quasi divinitus legi excerpique e pluribus talis videretur. Nec tamen semper ad sortem ventum, oblatio locum habebat, & talis, si apta, præferrebat. Habet deinde lex, *Eam Pontifex Max. capiat*. Atque ipsa verba solemnia capiendi sunt hæc: SACERDOTEM. VESTALEM. QUÆ. SACRA. FACIAT. JOUS. SIET. SACERDOTEM. VESTALEM. FACERE. PRO. POPLO. ROMANO. QUIRITIBUS. UTL. Q. QUÆ. OPTUMA. LEGE. FOVIT. ITA. TE. AMATA. CAPIO. *Amata* autem inter capiendum a Pontifice ideo vocatur, quoniam quæ prima capta est, hoc fuisse nomine traditum est.

De disciplina Vestalium.

Sed jam igitur captæ, & sic puel-
læ

læ & teneræ; quid deinde? Discipli-
na sequitur, & quomodo ad ministe-
leria sua factæ. Deducebantur in A-
trium Vestæ, atque ibi a senioribus
ad ritus & cæremonias omnes: (plu-
sculæ erant) instructæ, Nam in tres
velut classes, etsi parvus hic numerus,
dividebantur: [a] *Discentium*, *Exer-*
centium, *Docentium*. Tempus tricen-
nale eas manere oportebat; quo tem-
pore decem annos discere, decem sa-
cris operari, decem docere debebant.
Itaque non nisi 30. annos obligaban-
tur, & ante nefas excedere; post id
tempus licitum habere, haud pessima
adhuc ætate. Nam pone ab anno 7.
(id licebat) ingressam: ergo anno 37.
fas virum quærere, & ætate etiam
frui. Ergo & interdum nubebant; etsi
antiquitus observatum, infauilas fere
& parum lætabiles eas nuptias fuisse.
An eadem autem annorum ter-
minatio Albæ, unde oriundum hoc sa-
cerdotium? non videtur; lex Albana
paulo durior Romana, & 50. annis
manendum fuit. Et observamus, ple-
rasque ad ultimam ætatem in sacer-
dotio perseverasse.

Omnes *Præsidere sacris*, [b] itemque:
An-

[a] *Tempus sacerdotii.*

[b] *Ordo inter Vestales.*

Antistites vel Antistitæ dicebantur. Etsi ordo tamen inter eas fuit, sed ministerii & ætatis. Una enim, quæ vetustissima, *Maxima* dicebatur: quod ad ætatem referendum.

De Muneribus Vestalium.

Numerum, Capturam, Disciplinam, Ordinem habemus: ad *Munia* earum transeamus. Neque enim vacuæ umquam aut feriatae habitæ, sed plures frequentesque operæ, & mireris tam paucas suffecisse. Tria præcipua, in quibus deditæ: (a) *Vigilare, Adservare, Sacrificare.*

Vigilia Vestalium.

Vigilia ad ignem spectavit, quem sine intermissione ali opus & reparari. Itaque æternum, sive sempiternum dicebant. Voluit enim Numa, sicut sidera æternum lucent, sic debere, virginum assidua cura atque opera, hunc ignem. Atque ita erat, nam ignis (b) extinctionem super omnia gravia & timenda Romani timebant, interitus aut imminutionis Reipublicæ id signum interpretantes, a quacumque tandem causa evenerit. Et miseras Virgines, si evenisset (c) Nam ignis Vestæ siquando exstin-

(a) *Munia Vestalium.* (b) *Ignis extinctio ominosa.* (c) *Punita.*

stinctus esset, verberibus afficiebantur a Pontifice, Sed pudore virgineo tamen salvo, in loco obscuro, & velo medio interposito. Vigilia per vices ivisse videtur, & singulae suis noctibus, dumtaxat excubasse.

Quod si autem (a) extinctus ignis, sua & certa ratio accendendi iterum erat. Mos erat, tabulam felicitis materię tamdiu terebrare, quousque exceptum ignem cribro æneo virgo in ædem ferret. Quam rationem eliciendi ignis Simplicius in Aristotelem etiam agnoscit: *Ignem e lignis excutunt, alterum lignorum, tamquam terebram, in altero circumvertentes*. Hoc genus Igniarii Theophrastus agnoscit, & terebram e lauro sæpe factam ostendit, & addit alia quædam item ligna, ut rhamnum. Tangit & Isidorus Pelusiota, & hodie assidue usurpant occidui Orbis Indi. Similis cæremonia Græcis fuit, sed paulo diversa: nam siquando sacer ibi ignis devixit, negant eum fas esse ex alio igne accendi, sed novum parandum eliciendumque ex ipso Sole. Addo, Romæ etiam, sine interstinctione ulla ignis,

(a) *Ignis extinctus quomodo accensus.*

ignis, solitum novum accendi, novo anno, qui tunc primo Martii: cum enim Vestales a Numa institutæ, nondum sic auctus & correctus annus. Eodem illo primo die reliquæ scilicet innovabant, & laurus veteres tollabant, novas subrogabant.

Adservatio Vestalium.

Alterum Vestalium munus fuit, (a) *Adservare*. Quid autem? arcanum imperii pignus, ut appellabant. Quid autem pignus istud; & cujusmodi fuerit, in arcanis habebant, & ideo variant auctores. Alii servari sacrorum partem e Samothracia, quæ Dardanus Trojam, Æneas in Italiam advexerit, & cum Penatibus aliqui confundunt. Alii cælo delapsum Palladium, quod verum idem Æneas asportavit; nam falsum & adsimilatum Achiyos furto sustulisse. Et hæc de Palladio opinio in vulgus maxime recepta est, & nobile illud fecit ac decantatum.

Quid appellamus Palladium? (b) Palladis minutam effigiem, Græcanica sermonis forma. Multa super isto multi. Apollodorus intelligendo sufficit: *A cælo hoc delapsum est, & illo*

(a) *Pignus Imperii adseratum.*

(b) *Palladium quid.*

*Ilo Regi traditum. Erat autem magnitudine tricubitale; habitu quasi ingredientis, dextra hastam sublatam præferebat, sinistra fufam & colum. Viris videre nefas, folis ergo virginibus fas. Sed nec Pontifici Maximo fas, etfi esse sciebat & colit. Itaque nec impune Metello fuit vidiffe, cum trepidantibus virginibus, irrupit in ardens penetrale, ut sacra e flammis eriperet & fervaret; qui proinde orbam luminibus exegit senectutem. Tertia opinio est eorum, qui dicunt duo dolia recondi haud magna, atque unum ex iis plenum esse obfignatumque, alterum vacuum; utrumque tamen folis virginum oculis usurpandum. Igitur incerta hæc, & bono religiosoque animo Dionysius: *Quæ ista sint, neque me, neque alium, qui religiofe Deos & divina colit, inquirere curiofe oportere arbitror. Atque ipsi sane Romani velabant, si non vetabant. Itaque in operto habebant, in adyto & penetrali, quod Penum vocabant. (a) Penus enim vocatur locus intimus in æde Vestæ tegetibus septrus, qui certis diebus circa Vestalia aperitur. Ii dies religiosi habentur, Penum solæ**

(a) *Adservatum in Penu.*

solæ virgines, & Pontifices adeunt : Pontifices quidem non ut videant, sed iis satis adire. Nam Palladium nudum non visum, sed velamento suo sive seria obductum.

Sacrificia Vestalium.

Tertium munus *Sacrificare* : atque id assiduum pene erat, diu noctuque. [a] Armata virgo dicebatur sacrificans, cui lacinia togæ in humerum reiecta. De quo cultu aliquid Festus : *Suffibulum, vestimentum album, prætextum, quadrangulum, oblongum, quod in capite Vestales, cum sacrificant, semper habent; idque fibula comprehenditur.* De sacrificiis autem ipsis, aut eorum ritibus, longum & tenue sit hic dicere.

Aquæ [b] etiam curam habebant Vestales, sed non aliam, opinor, quam quod fonti Camœnarum præessent, exque eo solo aquam ad sacra peterent : idque ex mandato Numæ. Possit sane aliquis ad Physiologiam referre, quasi duo rerum principia coli Numa voluerit. Ille fons Vestalibus dedicatus, sacer habitus, & in Deos etiam relatus, delubrum postea accepit : Hinc *Fontinalia*, fontium

sa-

(a) *Habitus sacrificantium.*

(b) *Aqua quæ in cura Vestalium.*

facra. Fuit & alia aqua Vestæ haud longinqua, Jurnurnæ fons & lacus. Sed nihil ad nostram rem.

Premia & honores Vestalium.

Munia & labores vidimus: nunc iuste *Premia & honores*, quibus ad illa excitatæ. [a] *Primo*, jus testandi habebant, vivo patre; scilicet quia statim exhibant ex patria aliaque omni potestate; & ætatis deliquium leges benigne supplebant. Adeo ut vel sexennes, id est, primo anno quo captæ, testari possent.

2. *Premia* habuerunt, (b) quæ trium liberorum matres: quod non quidem Numa, sed Augustus instituit.

3. Alius honor; (c) præcedere & deducere eas lictorem. Id quoque non a Numa, sed Triumviris referunt acceptum. Causam sive *προφασιν* habet Dio Cassius, quod una aliqua earum vesperi a cœna rediens, & incognita, male habita ac violata esset. Tutela igitur & decus, lictor additus. Istis Consules Prætoresque via cedebant.

4. Morte [d] liberabant, si reo, ad supplicium qui ducitur, fortuitu factæ sint.

(a) *Jus testandi.*

(b) *Premia matrum.* (c) *Lictorem.*

[d] *Liberare a morte.*

sint obviæ. Oportebat autem jurare, a casu, non a consilio fuisse hunc occursum. Non quod illæ ad juramentum cogerentur: sed venisse in forum, & testes adhibitas constat, at religionis honore voluerunt vel injuratis credi.

5. Si quis lecticam earum aut sellam subiisset, (a) per proterviam aut lasciviam, & quasi svelandis illis revelandis: vel si quis in idem vehiculum ascendisset, morte luebat. Facilitatum enim tale aliquid ab improbulis in matronarum transvectione: sed hic honori virginum morte vindicatum. Vestales enim lectica aut sella laticæ, sed plurimum pilento sive carpento, tecto superne & cameræ in modum arcuato vectas legimus. Hoc pilentum non nimis diversum a Thensa (id quoque enim vehiculum sacrorum) quod ad formam, sed prius illud Diis adtributum, alia eorum etiam ministris.

Ornamenta aut insignia Vestalium.

Isti honores sive prærogativæ Vestalium ex Plutarcho, aliæ alibi reperiuntur opportune adtexendæ. Sicut in ipso cultu aliquid eximium. [b] In primis Vittæ in capite, ut in Deo

De-

[a] *Pana in protervos.*

[b] *Vita Vestalium.*

Deæ consecratis. (a) Vestes etiam iis purpuratæ fuerunt, nempe prætextæ usæ, id est, limbo in oris purpureo, ita enim Magistratus & Sacerdotes solebant: ergo & Vestales, ut supra in Suffibulo observes. Non unguentos iis, non floribus, non veste uti concesserunt, nisi alba. Quæ vera sunt, & inducta contra lasciviam; sed purpuratas eas, non purpureas dicimus fuisse. Et obiter noto, & jocos, & cultum scitiorum vestita: omnisque cultus luxuriosior, conversatio cum viris licentior iis interdicta. Veste alba usæ, sed limbo punicante; non tamen florida aut variegata, ut aliæ solebant. In carbaso aut tenui lino fuerunt,

Nec de cultu aliud, (b) nisi capillum in spiras quasdam plexum & divisum, tum vittis illigatum, a tergo & in cervices annulatim dependisse. Aliquis etiam ambigat, an non tonderi solitæ, ritu nostrarum Virginum, quæ Deo sacrantur? semel igitur tonse, atque in ingressus fortasse: & capillum hunc Deæ Vestæ suspendebant. An & alias crinem eo, caducum, vulsum, scissum, deferrebant? in obscuro hæc, atque etiam in parvo.

A a

De

(a) Vestes. (b) De capillitio Vestalium.

Præter hæc ornamenta aut insignia, accessit etiam res & fructus, id est, stipendia & opes. [a] Numa enim his de publico stipendium statuit, ut vacuæ scilicet ab aliis curis, Deæ & sacris operarentur. (b) Et credo agros a Numa adtributos, quorum vectigalibus alerentur. Sed & Augustus adjecit. Immo & alios agros habuerunt, a privatis pietatis ergo (ut hodieque solet) legatos: quos omnes fiscus eripuit, sub Valente & Theodosio Principibus, invidiosa & diserta Symmachi querela; & Ambrosius contra obducit.

Sed præter agros, (c) video & pecuniam interdum cepisse. Tacitus de Tiberio: *Cornelia Virgini, quæ in locum Scantia capiebatur, HS. vices dedit: quæ sunt nobis 50000. Philippiæorum.* Vnde non immerito objicit iis Ambrosius Privilegia maxima, lucra ingentia.

Atque inter privilegia addamus, etiam ludos certo & honestissimo loco spectasse. (d) Auctoritas earum maxima, & in precibus, aut aliarevix repudianda. Cicero, cum pro

Fon-

(a) *Stipendia Vestalium.* (b) *Agri*

(c) *Pecunia.* (d) *Auctoritas earum.*

Fontejo causam diceret, sororis ejus Vestalis intercessione usus: *Superbum sit, inquit, ejus obsecrationem repudiare, cujus preces si Dii aspernarentur, hæc salva esse non possint.* Atque inter exempla est Claudia Vestalis, quæ fratrem injussu populi triumphantem, ascenso simul curru, usque in Capitolium prosecuta est, ne vetare aut intercedere cuiquam Tribunorum fas esset. Adeo & leges, & magistratus reveriti sunt hanc impotentem, ut sic dicam, potestatem.

De Pœnis Vestalium.

Hæc Præmia igitur, sed virginum; nam pollutarum Pœnæ etiam grandes & graves. (a) Vetus lex fuit Festo tradita: *Probrum virginis Vestalis ut capite puniretur: vir qui eam incestavisset, verberibus necaretur.* Sed cujus hæc lex? credam Numæ Regis, qui simpliciter statuit, incestam lapidibus obrui, sine alia supplicii pompa. Alia autem Albæ, ante Romam conditam, (b) quæ juberet pollutam virgis ad necem cædi. Sed Tarquinius Priscus, qui numerum earum auxit, idem & pœnam, & conspiciam magis horrendamque fecit. (c)

A a 2

Cla-

(a) *Capite punita* [b] *Virgis necata*
[c] *Vivæ sepulta.*

Clare narrat Dionysius, & Pinariam quandam primam supplicio isto affectam; verba ejus digna apponi, & illustrari: *Pœnæ*, inquit, *delinquentibus graves constitutæ, quarum arbitri & exactores sunt, ex lege, Pontifices*: quod in omni earum culpa sive delicto obtinuit, causamque apud hoc tribunal dixere. (a) Et Pontifices omnes, id est, Cullegium judicavit, Pontifice tamen maximo convocante, & præsidente. Moneo etiam, inferiore ævo aliquid huic Pontificio detractum, & cognovisse quidem de culpa, pœnam tamen non exegisse, quæ Præfecto Urbis reservata fuit. Pergit Dionysius: *Qui virgis quidem cadunt compertas levioris delicti: probrosas vero & incestas sædissimo & maxime miserabili mactant supplicio. Vivæ enim, funebri ritu & pompa efferuntur, amicis & cognatis cum luctu & lacrymis comitantibus.* [b] Plutarchus hoc expressius, qui scribit, lecticæ inditam per forum efferri, clausæ undique & loris revinctæ, ut ne vox quidem ejus possit exaudiri. Idem non amicos tantum, sed

to-

(a) *Pœnæ arbitri Pontifices.*

(b) *Supplicium quomodo sumptum a Vestali corrupta.*

totam civitatem in luctu ponit & gemitu, neque ullam in ea diem tristiores. Obvios autem via decedere, vasto ubique silentio, attonitosque omnes stare, aut comitari. Iis vero, antequam deducerentur, ablata vitæ & ornamenta, quia scilicet poluissent. Amplius Dionysius: *Delata autem ad portam Collinam* (ad locum nempe, qui *Sceleratus campus* ideo dictus,) *intra muros* (Plutarchus *Aggerem* dicit; non tamen existimo totum aggerem, sed proximum tantum portæ partem ejus huic usui applicatam) *subterranea in cella, cum funeralibus ornamentis deponuntur*: quod accipio, ipsas ut cadavera velatas & cultas. Zonaras dixit, lectulum appositum, & lucernam, & mensam cum cibis; & causam adjungit Plutarchus, ne sacratissimum illud corpus videretur fame consumptum. Priusquam vero deponerentur, Pontifex maximus arcanas quasdam preces, manibus in cœlum sublatis, fundebat: tum ipse sua manueductam e lectica in scalis constituebat, & sic carnifici ac ministris supplicii tradebat. Itaque his gestis; scalæ attrahebantur, & ædícula multa humo injecta contegebatur, donec reliquo aggeri solum adæquaretur.

tur. Sed vincitam illam ibi, aut stantem sedentemque obrutam, nemo declarat: putem in lecto depositam. Clauduit deinde Dionysius: *Nec monumento porro dignata, nec parentalibus, aliisque solemnibus defunctorum.*

Hoc supplicium; causam assignat Ovidius: *quia quam violavit, in illa conditur.* Et si duplex etiam alia in Plutarcho; Vel, *quia Romani igne mortuos cremant; igne autem funerare eam, quæ ignem parum caste coluit, iniquum erat.* Vel, *quia corpus maximis consecratum caeremoniis occidere, aut manus mulieri adferre, nefas putaverunt.* Sub terram igitur condi, cum victu appposito, ut quasi sponte exanimata videretur. Atque hæc solemnities. Principes interdum immutaverunt, aut mitigarunt.

Quando desierint Vestales.

Finivi de Vestalibus, [a] quæ & ipsæ finem suum sub Christianis mox Principibus invenerunt, extremo Theodosii senioris ævo. Nam etsi concussæ antea, & periclitatæ sub Valentiniano, Theodosio, Arcadio; tamen animam traxere ad ultimum Theodosii, id est, 17. Imperii ejus

an-

(a) Sub Theodosio sublata Vestales

annum, cum ille templa claudi, & sacrificia tolli lege iussit.

Ignis cultus alibi.

Lubet pro Corollario addere, ubi locorum præcipue cultus etiam ignis, sive imago aliqua Vestalium fuit.

Apud (a) Iudæos primum, & Dei iussio: *Ignis in altari semper ardebit, quem nutrit sacerdos, subjiciens ligna mane per singulos dies.* Et mox: *Ignis existe perpetuus, qui numquam deficiet in altari.* Habuere & (b) Ægyptii, & Diodorus vult, servandi ignem perpetuum, cœlesti similem, morem ab illis natum, & ad alias gentes probagatum. Item (c) Afri: & Plutarchus auctor est, in Iovis Ammonis *λῦχρον ἄσβεστον*, sive *lucernam inextinctam* arsisse. Apud [d] Indos. In (e) Persis simile, ubi ignem perpetuum custodiunt Magi. Idem apud (f) Cappadoces, apud quos Pyra-thea, facella quædam modica, & in iis mediis ara, in qua cinis multus, & inextinctum ignem Magi servabant. Iam (g) in Græcia Prytaneis ipsa hæc Vesta, & æternus focus: iterumque distincte, Mantineæ in

A a 4 tem-

-
- (a) *Apud Iudæos.* (b) *Ægyptios.*
 [c] *Afros.* (d) *Indos.* (e) *Persas.*
 (f) *Cappadoces.* (g) *Græcos.*

templo Cereris , Athenis in Miner-
væ , Delphis in Apollinis .

Immo & (a) virgines ipsas aliquot
locis habuere . Video & Persas Soli
virgines sacrasse . Simillimum nuper ,
priusquam Hispani Regi & Religioni
subegissent , in toto Pervano tractu ,
ubi crebra & magna templa dicata
Soli , & in iis virgines sæpe 200. fu-
isse tradunt qui viderunt ; e quibus si-
qua corpus polluisset , morte luebat ,
nisi tamen e Sole se concepisse [ride
credulitatem superstitiosam] sancte
adjurasset . Sed *de Vesta & Vestali-
bus* satis .

De

(a) *Virgines Vestales & alibi.*

BIBLIOTHECIS

SYNTAGMA.

Bibliotheca tria significat, (a) LOCUM, ARMARIUM, LIBROS. Græca vox, Latinis in usum etiam venit; & quamquam *Librariam* dicunt, tamen magis est ea voce tabernam capi, in qua venales libri exstant.

Bibliothecarum Origo.

Bibliothecarum res vetus, [b] & nisi fallor, cum ipsis libris adinventata. Nam simul ac scire & sapere natum est, mox etiam scribere. & istud esse cum fructu non potuit, nisi ut libri adservarentur & disponerentur ad præsentium & posterorum usum. Privata primum ea cura, & quisque sibi suisque struebat. Postmodum Reges & Dynastæ usurparunt, nec ad usum solum, sed ambitionem aut splendorem. Sane multos congerere, vix fuit privati hominis aut census, cum tarda & impendiosa descriptio esset;

A a 5 do-

(a) *Nomen.*

[b] *Origo.*

donec utilissima hæc Typographiæ rem in compendium misit :

Bibliotheca in Aegypto.

Qui primus [a] Regum illustrem habuit, is fuit Osymanduas Ægypti, qui inter alia opera præclara, Sacram Bibliothecam struxit, & in ejus fronte præscripsit, *Ψυχῆς ἰατρικὴν, Animi medica officina.* Et quamquam ille inter veteres Regum fuerit, non tamen dubium, exemplum, si non ipsam rem mansisse, & in Ægypto Bibliothecas semper aliquas exinde existisse : idque in templis præcipue, & sacerdotum cura. Sed reliquæ ibi in obscuro, Ptolomæi Philadelphi Regis in magna luce & laude fuit. Is Ptolomæi Lagi filius, secundus eo nomine & stirpe Ægypti Regum, artium & ingeniorum cultor, & quod adhæret, librorum.

Itaque Alexandriæ ingentem (b) Bibliothecam composuit, instructione & exemplo Aristotelis adjutus, immo & ipsis ejus libris, Sed & sacris, & e Judæa petitis libris instruxit. Nam cum aures ejus fama tetigisset Hebrææ sapientiæ, misit qui libros deposcerent, & idoneos simul homines con-

con-

(a) *Qui primus struxit.*

(b) *Biblioteca Philadelphi.*

conduxit, qui in Græcam linguam verterent, communi omnium usui. Ea interpretatio est, quam *Septuaginta*, a numero scilicet, qui operam dederunt, dicunt. Præerat Bibliothecæ vir scriptis & factis illustris, Demetrius Phalereus, exsul a suis Athenis, & quem Rex benigne habitum. ad hæc & majora ministeria admovit. Idemque a Chaldæis, Ægyptiis, Romanis etiam libros petivit, & pariter in linguam Græcam transfundere curavit. Numerus librorum ad 700000 pervenit, Agellio teste. O thesaurum, sed in re æterna non æternum. Nam totum hoc, quidquid fuit librorum, bello civili Pompejano periit, cum Cæsar in ipsa urbe Alexandria bellum cum incolis gereret, & tuitio- nis suæ causa ignem in naves misisset, qui & vicina navalibus, ipsamque Bibliothecam comprehendit & absumpsit. Triste fatum, & Cæsari (etsi absque destinata culpa) pudendum! Hic igitur finis nobilis Bibliothecæ fuit, Olympiade 183. cum vix 224. annos stetisset.

Revixit tamen, non eadem (qui id potuit?) sed consimilis, & eodem loci, id est, in Serapeo collocanda. Autor reparandi Cleopatra, illa amoribus Antonii famo-

sa : (a) quæ ab eo in auspiciis & velut fundamentum operis impetravit Bibliothecam Attalicam sive Pergamenam. Itaque totam cum dono accepisset : & transferri curasset, iterum adornata auctaque est, & Christianorum etiam temporibus in vita & fama fuit, in porticibus Serapei, loco portui vicino : videturque stetitisse, quamdiu ipsum Serapeum, immensæ molis & artificii stupendi templum : quod Christiani denique Theodosii majoris imperio, ut arcem superstitionis, demoliti a fundo sunt.

Bibliotheca apud Græcos.

Apud (a) Græcos nobiliores Bibliothecas strictim tangit Athenæus, & Polycratem in hoc studio parandorum librorum dilaudat. Agellius Pisistrato tyranno laudem primi auctoris in hoc studio adscripsit. Magnus vir [odiosum hoc modo cognomen tolle] & cui Homerum etiam digestum & correctum nunquam soluturi debemus. Adeo Critica hæc curæ olim Principum, immo Regum fuit. Ea Bibliotheca ab ipsis deinde Atheniensibus varie aucta, donec spoliavit & avexit Xerxes, Athenarum poti-

(a) *Græcorum Bibliotheca.*

potitas. Sed multis post annis Seleucus Nicanor, Syriæ Rex, liberaliter remittendam Athenas curavit, donavitque. Et mansisse deinde ad Syllæ tempora, qui & ipse Athenas cepit, diripuit, afflixit: postea tamen instauratam, juxta opinor; quomodo enim mater artium sine instrumento hoc librorum? Immo plures ibi Bibliothecæ postea. De Aristotele magnifice Strabo, cum copia & dilectu insignem Bibliothecam adornasse: quam tandem ad Ptolomæos Reges venisse, scribit Athenæus. Neque memoratu digna alia de Græciæ Bibliothecis leguntur: Romani haud dubie pleraque talia ad se traduxerunt, Græcia jam potiti; nisi placet Byzantinam his accensere, quæ Principum ævo fuit; in qua 120000. librorum conflagrarunt; inter ea draconis intestinum 120. pedes longum, cui aureis literis Homeri Ilias atque Odyssea fuerint inscripta. Et si hæc Thraciæ proprie, non Græciæ attribuenda.

Bibliotheca in Asia.

Attalica sive Pergamena proxima claritate ab illa Alexandrina fuit. [a] Nam Attalici Reges e parvis progressi, cum societate opibusque Romanis

cre-

[a] *Bibliotheca Asia.*

crevissent, sedem regni Pergamum varie, tum & Bibliothecis exornarunt. Eumenes, Attali Regis filius, hujus rei auctor. In hac Pergamena fuerunt librorum singularium 200000.

Bibliotheca in Urbe.

Veniamus (a) ad Romanas Bibliothecas, situ & ævo magis propinquas. Satis enim tarda ibi hæc cura aut studium, apud Martis, non Musarum prolem: etsi, cum bono Deo, parvis primo initiis, ut solet. Isidorus duos nominat, qui libros advexere, sed publici usus aut juris non prorsus fecere: Æmilium Paulum, & Lucullum: quorum iste, quamquam jus mancipiumque sibi retineret, usum tamen eruditis concessit. Cornelius Sylla, postea Dictator, e Græcia Athenisque magnam librorum vim traduxit, & Romæ deposuit & disposuit. Tamen vere publica Bibliotheca nondum structa: quam cogitationem primus magnanimus ille & magnificus Julius Cæsar concepit, ac nisi facta interPELLASSENT, EFFECISSET, data M. Varroni cura comparandorum & dirigendorum librorum. Sed destinavit Cæsar, non perfecit. Augustus, adoptione filius, inter alia ornamenta urbis

(a) *Bibliotheca Romana.*

urbis & imperii, hoc quoque plurifariam adjunxit. Nam eo invitante atque incitante, [a] Asinius Pollio, Orator & Senator nobilis, de manubiis Dalmatarum, atrium Libertatis in monte Aventino exstruxit, atque in eo Bibliothecam publicavit.

Post hanc duæ mox aliæ ab ipso Augusto institutæ. Prior (b) *Octavia*, quam sororis suæ memoriæ & nomini dedicavit, in superiore Porticus parte, tuto & decore, cum inferior ambulationi modo esset: in qua Junonis ades, & nobiles statuæ quoque fuerunt. Altera (c) *Palatina*, a loco dicta, quia in ipso Palatio. Præter aliæ, præpositus sive Custos huic loco fuit C. Julius Hyginus, in Grammaticis celebris. Immo seorsim Græca custodem suum habuit, & Latina. Ab Augusto igitur artium, ingeniorumque amantissimo Principe duæ istæ fuerunt.

Ab aliis deinde aliæ, & videtur certamen in hac re Principum fuisse, & velut contendisse de palma. (d) Ecce Tiberius statim ab Augusto in ipso Palatio etiam struxit, ea parte, qua viam Sacram spectat: nam illic
Ti-

[a] *Asinia*. (b) *Octavia*. (c) *Palatina*. (d) *Palatina a Tiberio*.

Tiberii domum fuisse curiosi talium hodie autumant, & in domo ejus hæc locatur. Videtur & Vespasianus deinde struxisse, & adjunxisse templo Pacis. Fuit item a Trajano alia, quæ a gentili ejus nomine, (*a*) Ulpia passim nominatur. Hæc in foro Trajani initio fuit, ubi Principis ejus alia opera, sed ævo mutavit, & translata est in collem Viminalem, ad ornandas Diocletiani Thermas. Fuit & [*b*] Capitolina in Urbe, instituta (ut divinare licet) a Domitiano. Nam ille servatus olim in Capitolio, templum ibi Princeps struxit, quid si & hanc Bibliothecam? Conflagravit sub Commodio, fulmine tacta. Sub ævum Constantini Bibliothecas publicas in Urbe 29. fuisse, Principum ab interitu vindicatas, testatur P. Victor; ex iis præcipuæ duæ, Palatina & Ulpia. Heu quam memoria perierunt! nam ex illis 29. vix 7. industria nostra indagare potuit, & nomina saltem ab oblivione vindicare.

Bibliotheca extra Urbem.

Juxta Urbem etiam (*c*) Tiburti publica fuit Bibliotheca, in Herculis templo satis commode structa (fere jux-

(*a*) *Ulpia*. (*b*) *Capitolina*.

(*c*) *Tiburtina Bibliotheca*.

juxta templa , aut in illis Bibliothecæ : quidni , sacra illa ingeniorum opera in locis sacratis ?] Fortassis eam Hadrianus Imperator Tibure instruxit , quem eo loco & secessu impense delectatum constat , variaque & ampla inædificasse . Etsi in aliis municipiis coloniisque Bibliothecas sparsas fuisse , æque atque artium istum cultum , mihi certum est .

Bibliotheca Privatorum .

Sed & (a) privatim viri divites , usus & famæ causa , sibi pararunt , & nobiles ex iis quosdam . Sicut Tyranio Grammaticus , Syllæ temporibus , qui 3000. librorum possedit . Sicut Epaphroditus Chæroneus ; item Grammaticus , professione , qui usque ad 30000. optimorum quidem & selectorum librorum collegit . Superavit eum Sammonicus Serenus in hoc studio , qui Bibliothecam habuit , in qua 62000. librorum censebantur . Is moriens eam reliquit Gordiano minori , qui gustavit Imperium .

Atque hi , aut pauci alii proditi sunt insigniores Bibliothecas habuisse : plures tamen fuere , & Seneca commune hoc studium jam tunc suo ævo ostendit & damnat . Damnat : *Non enim*

(a) *Privatorum Bibliotheca .*

enim in studium, inquit, sed in spectaculum comparabant: sicut plerisque ignavis etiam servilium litterarum, libri non studiorum instrumenta, sed cœnationum ornamenta sunt.

Observandum, Bibliothecas etiam in Balneis [a] & Thermis habuisse: quia corpori curando otiose tunc vacabant; & igitur occasio erat legendi aliquid, hominibus alias occupatis, vel audiendi. Enimvero etiam in Villis & Prætoriis passim habebant, ab eadem hac, otii & vacationis ibi, causa. Utinam nostri divites sic lasciviant! semper cum alieno aliquo, si non suo, usu & bono.

De Armariis Bibliothecarum.

Parietes (b) in Bibliothecis ebore & vitro comptos fuisse, suggerit Boetius. Non ergo Armaria & Plutei ad parietes laterales (neque enim conspicuus sic ille ornatus fuisset) sed in medio disposita, ut hodie quoque publicæ fere Bibliothecæ usurpant. Sane vitra olim in quadras, orbes, ova, aut rhombos distincta parietes ornabant, non aliter quam marmoreæ crustæ; sæpius tamen cameras & lacunar.

De

- [a] *Bibliotheca cur in Thermis.*
 (b) *Ornatus Bibliothecarum.*

De (a) Armariis Vetus Scholasticus Juvenalis, in illud : *Hic libros dabit & forulos.*] *Armaria*, inquit, *Bibliothecam*. Etsi proprie, opinor, (b) *Foruli*, ipsi *nidi*, ut cum Martiale dicam, librorum, sive cum Seneca, distincta *loculamenta*. Sidonius & hæc & alia in Bibliothecis collocat : *Hic libri affatim in promptu : videre te crederes aut Grammaticales* (c) *Pluteos*, aut *Athenæi* (d) *Cuneos*, aut *Armaria exstructa Bibliopolarum*. *Pluteos*, id est tabulas inclinatas transversim, quibus libri legendi imponerentur. *Cuneos*, scamporum seriem, ut in Athenæo, digestam. *Armaria* autem plena & alta, ea (e) *Pegmata* videtur appellasse Cicero ad Atticum.

Imagines in Bibliothecis.

Præcipuus ornatus fuerunt (f) Bibliothecarum Imagines & Statuæ doctorum, quas una cum libris disponebant. Nonne pulchrum, & suave oculis ac cogitationi ? Natura trahimur ad simulacra & effigies magnorum virorum noscendas, & illa corpora sive hospitia, quibus se cælestis animus inclusit : ecce hic erat. Romanum hoc in-

[a] *Armaria*. (b) *Foruli*. (c) *Plutei*. (d) *Cunei*. (e) *Pegmata*.
(f) *Statuæ Bibliothecis*.

inventum videtur, ne omnia bella ad Græciam referantur. Plinius (a) Asinium Pollionem facit auctorem, quem etiam M. Varronis, unius viventis imaginem in Bibliotheca posuisse, item refert. Quod tamen & aliis postea, indulgentia an iudicio, datum video. Alioquin plerumque mortuorum, & quos famæ consensus jam sacrasset, imagines ibi posuerunt. E metallo ut plurimum; sed etiam e gypto in privatis Bibliothecis, pro cuiusque scilicet copia. (b) Immo & in tabulis imagines fuere: & fortasse in librorum fronte pictura etiam expressæ. Itaque utrumque & Statuæ, & Imagines fuere. Cæterum minores illæ imagines sive statuæ pluteis plerumque impositæ videntur, ante suos quæque libros. Inde & *Sigilla plutealia* apud Ciceronem. Nam jam tunc Bibliothecas exornabant Deorum, si non Auctorum sigillis.

De Museo Alexandrino.

Sed si Bibliothecæ solæ, aut rarus adventor; si homines, inquam, non sunt qui frequentent & evolvant, quo ista congeries? & quid nisi studiosa quædam luxuria sint? (c) Providerunt hoc

(a) Auctor Asinius Pollio. (b) Imagines. (c) Musei utilitas.

hoc quoque Alexandrini Reges, & una cum illis Museum (ita dixerunt, quasi Musarum ædem) extruxerunt, in quo fas esset Musis operari, ac cæteris rebus feriatos. Immo & a vitæ victusque curis vacuos, cum alimenta iis hic e publico darentur.

Fuit id (a) Regiæ sive Aulæ pars; scilicet adnecti & jungi sibi voluerunt Reges, ut in propinquo & promptu essent eruditi isti, cum quibus differerent, cum libitum, animo docendo & pascendo. Habuit Porticus & Exedras: illas exercitio corporis magis; hanc animi, & ubi confidentes altercarentur & conferrent. Fuit & (b) domus, ubi omnibus ex omni terra litteratis receptis communis victus & mensa. Habuit hoc Collegium & pecuniam sive vectigalia in commune; & sacerdotem item, qui præesset Museo, Regum aut Cæsarum dilectu constituendum. Magna igitur dignitas, & quæ ab ipso Cæsare conferenda.

Addere (c) licet, non vacuum omnino aut otiosam ibi vitam vixisse (qui possent viri bono publico

na-

(a) *Vicinium Regiæ.*

(b) *Domus communis.*

(c) *Occupationes litteratorum.*

NOI RIFORMATORI

Dello Studio di Padova.

N. 219.

A Vendo veduto, per la Fede di Revisione ed Approvazione del P. *Fra Paolo Tommaso Manuele Inquisitore di Venezia* nel Libro Intitolato : *Facis Historica Compendium ex Justi Lipsii Operibus Concinnatum*, non v'esser cos' alcuna contro la Santa Fede Cattolica; e parimente, per Attestato del Segretario Nostro, niente contro Principi e buoni costumi, concediamo Licenza a *Simone Occhi Stampatore in Venezia*, che possa essere stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat. li 26. Settemb. 1739.

(*Gio: Pietro Pasqualigo Rif.*

(*Lorenzo Tiepolo Cav. Proc. Rif.*

(

Registr. in Lib. a C. 40.

Agostino Gadaldini Seg.

272 - 1000

005655428

